

中國方志叢書·東北地方·第五號

據

民國·黃世芳修·陳德懿纂  
民國二十年鉛印本

影印

遼寧省

# 鐵嶺縣志

(三)

成文出版社有限公司印行



\*10094020\*

中國方志叢書·東北地方·第五號

據

民國·黃世芳修·陳德鈺纂  
民國二十年鉛印本

影印

遼寧省

# 鐵嶺縣志

(四)

成文出版社有限公司印行



\*10094021\*

中華民國六十三年 月壹一版

# 鐵嶺縣志

全四冊

發行人：黃成助

出版者：成文出版社有限公司

台北市郵政信箱二二六〇五號  
台北市羅斯福路三段240巷5號  
電話：三四〇一三二號

印刷者：成文出版社有限公司

內政部登記證內版台業字第一一四七號

鐵嶺縣志卷八

實業

今日之實業農工商三事而已鐵嶺具此三者不知幾經歲年自然消長自然生存以至於今日而今日阡陌之縱橫市廛之櫛比百物之充斥金玉之豐盈利便舟車富通山海洋洋乎誠大國之風矣試問百年前之鐵嶺爲何如乎六十年前之鐵嶺爲何如乎三十年前之鐵嶺又何如乎苟無農工商三者鐵嶺胡爲而至斯乎太史公作貨殖傳盛稱陶朱白圭諸人之言曰農以生之工以成之商以通之是農工商三者實爲立國之大道彼墨守一隅固執已見者其於農工商三者方且斥爲愚氓斥爲勞力斥爲賤丈夫不但不知實業之所在並不知立國大

道之所歸言實業者當知所反矣志實業

鐵嶺縣志卷八

農務

鐵嶺舊志云康熙三年改衛爲縣縣令胡藥嬰廣事招徠燕齊豫晉之民源源歸之攷是時鐵嶺全境分爲四旗因定有旗民不交產功令凡皇莊王府之佃戶多係遷民迹同客作佃口而已其後民戶來者漸衆又經數次升科始定田賦之制按社計甲計戶徵丁而農業大著然仍格於旗民不交產之成例也有清末葉力求變法經奉督趙爾巽奏請旗民准予交產而國體已更今民國成立已十有八稔懸厪周原地無遺利民乏遊手而農業益興矣

農時

春六節

立春

立春之前一日縣官具鹵簿率僚佐迎春於東郊農家用紅土畫犁具於墻重農時也

雨水

長工就備

驚蟄

地脈通鳥始啼冰雪漸融農家送糞

春分

栽蒜

清明

開始種麥及豌豆瓜蒘民間買賣典贖田地均以是日爲限

穀雨

天氣溫和五穀播種

夏六節

立夏

種棉及補種雜糧

小滿 割頭徧地雉雛麥秀

芒種 分茄秧摘豌豆諺云過了芒種不可強種言時已晚也

夏至 割二徧地摘王瓜芸豆初伏日農人午間休息曰歇晌

小暑 割三徧地

大暑 二麥登場玉蜀黍洋土豆成熟大雨時行種菽麥綠豆白菜  
菜菔

秋六節

立秋 食瓜刈麻及靛漫墻

處暑 斬樹條割山柴桑柞重生飼秋蠶

白露 天氣漸涼種葱負郭田禾登場開始割地



秋分

割一切禾稼諺曰秋分無剩田

寒露

打頭場掘葱諺曰八月葱九月空

霜降

糊窗漬菜挖窖滌場

冬六節

立冬

選擇五穀種子以備來年

小雪

封地長工滿備赴集賣糧治土糞犒勞工人俗曰關場園門

子亦關風十月滌場朋酒斯饗之遺意焉

大雪

封河際此農暇三五農夫結合捕獵狐狸雉兔而講武焉

冬至

堅冰在鬚北風栗烈

小寒

歲晚務閑得商議買賣租典田地

大寒 一年度用至此結束而作改歲之預備

農戶

農戶略分爲三曰自種曰租種曰招佃

即分租

田主有田僱人耕穫或長

工或短工長工計月短工計日終歲勤動子婦同勞此自種也田主有田不能自種則出租而租又分錢租糧租二項錢租或以春秋兩季各納其半或於春季一次納之糧租則統於秋後一次交納大抵春租納錢秋租納糧而糧租必昂於錢租蓋暗加以子利也差徭雜費租戶認攤正供國課田主封納此租種也招佃俗謂鋤青大農出田小農出力所獲藁秸子粒主客平分差徭雜費主客分認此招佃也

農工

鐵嶺向稱十畝之田爲一天亦曰一日所謂一天一日者以其地足供一夫一犂一日之工作也工人有長工短工零工之分以年計者曰長工全年工資一次支使以月計者曰短工工資或二次支使或按月支使零工以日計工資一日一支今日用明日可不用也種地在數十口以上者必需十餘工人就中擇一勤慎可靠者略予厚資代地東經理田間一切事宜兼支配其他工人曰作則作曰息則息名曰打頭其次曰二打頭近年惡習每當農忙零工昂貴之時作長工者往往託故誤工在他處私賣零工希圖取巧所誤之工於農閑之時抵補傭主無可如何稍加限制即行罷工以致坐誤時機棄利於地自雇傭契約施行此風始息

農產

各鄉土質不齊肥瘠亦異而產量懸殊茲就境內農產量數時期約略記之如左

(品類) (種子數) (播種期) (成熟期) (收穫數)

糜子 六 升 立夏 小暑 六七石

粳子 二斗三升 春分 秋分 十石

小麥 三斗五升 清明 中伏六月廿 四石

大豆 二 斗 穀雨 白露 六石

高粱 一斗五升 穀雨 白露 八石

小豆 七 升 立夏 白露 五石

綠豆 七升 大暑前 白露 三石

棉花 四斗 芒種前 寒露 二百五十觔

包米 一升五合 穀雨 大暑 七石

穀子 三升五合 穀雨 白露 七石

芝麻 三升 穀雨後 白露 三石

大麥 三斗 清明 初伏大暑前 六石

稻子 三斗 立夏 白露 八石

稗子 八升 穀雨 白露 十石

紅薯 栽牙三萬株 立夏 秋分 二千觔

紅粘穀 四升 穀雨 白露 六石

一千觔

燕麥	一斗	大暑	白露	七石
稔子	七升	立夏	白露	七石
西蓬穀	二升	穀雨	白露	五石
穄子	三升	穀雨	白露	六石
薔子	六升	穀雨	白露	六石
豌豆	三升	清明	夏至	五石
黏高粱	五升	穀雨	白露	六石
馬鈴薯	二千觔	穀雨	白露	一萬五千觔

農田

全境初分十一鄉後併爲八八鄉計田數多寡各設鄉農會以提倡之

一鄉強半多山土質磽瘠須加肥料豐收可望二鄉爲柴河流域山嶺重疊平處多淤土尙稱膏沃就全部言肥瘠參半三鄉地勢平衍厥田惟上上五穀皆宜堪稱全境之冠四鄉地屬平原土質肥沃產量與三鄉埒五鄉土質深厚秔糯尤稱特產六鄉地勢較低土質疎洩然尙宜於大豆高粱七鄉地勢窪下爲遼河流域每多水患俗云一次勝上一次糞一次豐收或抵二次之收穫也八鄉地勢平衍五穀皆宜此外若縣城皆負郭之田土質肥沃東北一帶園圃鱗次所產菜蔬除供給闔城食用外可由火車販往他處然逼近柴河而阻遼河水每值水澇則盡成澤國雨水相併一片汪洋實無法以禦之也

農力

闔境農業人力外純用牲畜而所用牲畜多半購自異地大農戶畜羸馬力大而功倍小農戶畜牛驢值廉而便於飼養諸畜中牛最獲利春夏秋牧於郊原冬則飼以豆萁孳生又速俗云乳牛生乳牛三年五箇頭其糞又能釀田詩云牛羊衆多遂及豐年言牛羊大益於農也大約境內計牛三千頭馬四千匹驢一千四百頭羸五千五百匹

### 農器

工欲善其事必先利其器農事亦然耕地用犁木爲之嵌鐮於下端專爲起土造壠之用布種用壺以葫蘆爲之形如申字曰點葫蘆剗地用鋤木把鐵頸頭曲如半規芟草撥苗之用割地用鐮形如鈎鋒甚銳大豆高粱穀稗等皆需此納稼用車壓場用碌揚場用鍬掃場用帚貯糧



用困賢倉殷實農戶困倉林立一望而知爲大農戶也

農諺

諺者一鄉之俚詞亦歌謠之流也爲采風所必錄妄言妄聽屢驗不爽農家每用以興農事故錄之鄙俚不計也

立春陽氣轉

雨水路不乾

驚蟄烏鴉叫

春分撒河邊

清明忙種麥

穀雨種大田

立夏鵝毛穩

小滿烏來全

芒種二麥秀

夏至不種田

小暑忙鋤地

大暑在伏天

立秋便打靛

處暑動刀鎌

白露天氣爽

秋分無剩田

寒露天漸冷

霜降必變天

立冬忙田獵

小雪地凍堅

大雪河水結

冬至極短天

小寒點售地

大寒備新年

二十四節歌

春雨驚春明穀天

夏滿芒夏暑相連

秋暑露秋寒霜降

冬雪雪冬寒又寒

甲子日忌雨

春雨甲子

赤地千里

夏雨甲子

乘船入市

秋雨甲子

禾頭生耳

冬雨甲子

牛羊凍死

田值

全境計地十六萬餘天等則不一價值不齊最良之田稱上則者每畝價值現洋一百圓典值十之六租值百之六七若窪下減則等差甚遠惟負郭之田百穀皆宜較普通之上則尤昂蓋可爲園圃俗云一畝園

欄二畝田言一畝之園其穫可抵二畝之大田也

### 土質

境內土質略分爲五曰黃金土曰河淤土曰黑土皆沃壤也黃土次之  
鹹土則又次之矣山地高平而澤者爲黃金土宜五穀及一切之根者  
蔓者穗者莢者所收無不倍於他土濱河之地爲河淤土受河水挾一  
切他土之壅積不糞而肥宜豆麥及高粱平原之地爲黑土宜高粱黍  
豆山地之瘠者爲黃土窪地之斥鹵者爲鹹土類薄而磽

### 肥料

肥料糞之別名也農夫就傭之始先將門外糞堆山下翻上謂之倒糞  
附城各村糞不足用嘗山城鎮買店糞飼養牛羊亦造糞之一法又肥

料公司設場於邑東果子園迤南專事糞除城市公共便所及商民各戶茅廁擔至場內製成糞餅春夏出售不僅該公司獲利而益農尤多

### 農夫

農夫每出自寒家童年即爲人畜牧年稍長粗解操作僅得半資日半拉子及壯農事嫻熟方得完全工資幼既失學終日投身畎畝短衣粗食草笠牛履俗名烏拉其工作也夏日則鋤禾當午而犯炎威冬則手足重繭而冒風雪勞矣苦矣莫農夫若矣僻處窮鄉不入城市蚩蚩之態一生可知偶爾交易恒被市人欺侮一遇催科又爲吏胥漁肉殊不知茹苦含辛者農夫也興家立業者亦農夫也試問今之大田主連阡累陌千倉萬箱曷莫非由辛苦中來耶

水田

第一區靠山屯村東水田若干日經外人耕種由趙家溝引柴河水灌溉之

第二區大甸子村東水田若干日經外人耕種引汎河水灌溉之

第四區沙坨子村西水田若干日經外人耕種由大汎河村西引汎河水灌溉之

李千斤屯村東南水田若干日經外人耕種引汎河水灌溉之

青石嶺村南水田若干日經外人耕種引當地河水灌溉之

第六區遼東毗連法庫縣界之蛇山溝有鐵法稻田公司引遼河水灌溉之惟河流緊急不適於用途在三合屯修築水閘而水線又度經

遷移仍不適用耗金錢數十萬現正招股廣續進行惟事體重大無人過問倘從此停辦則前功盡棄惜哉

按鐵嶺向無水田民國初元始有人就汎柴兩河流域闢水田若干備韓人耕種之收穫甚豐然此乃試驗爲之也本地人民只知旱田不解水利今始知其利倍於旱田驅者遂衆省政府又以文告督促之復設水利局提倡而管理之於是水田之說大熾然民田零星段落不齊集數十人之田始成爲一大段落彼正期變水田以闢利源而此反守旱田不改舊制宜水宜旱幾成爭點其難一也調停方將就緒而溝洫又經人田界假道不許舉畝未能其難二也溝洫成矣而地形不齊此得水利彼成澤國利己害人爭

執尤甚其難三也談水利者未必多田而多田者未必醉心水利  
輿情所在豈能強迫其難四也今本地水田僅有以上所志者六  
處幾費經營幾經變通得其利者若而人失其利者若而人得利  
者德之失利者怨之矣所最不解者興水利已十餘年舍韓人外  
本地無一人能爲之耳濡目染竟不見不聞何人人盡抱藏拙之  
觀念耶周原靡盬願吾國人濬其溝瀆大興水利勿令韓人笑我  
拙也

農會 成立及沿革

清光緒三十三年農商部飭各省設立農務總會府廳州縣設立農務分會鐵嶺縣令徐麟瑞遵令創辦農務分會邑人音德恒額當選爲總理苗潤生陳瀛洲福珠隆阿等十五人爲董事成立之始籌款維艱遂附設於商會內又遵章令八鄉設農務分所每所舉董事一人皆存其名耳民國三年縣知事陳藝遵政府新章改農務分會爲縣農會邑人齊鵬兆當選爲會長進行之際適各級自治停辦而農會遂亦無形取消十餘年來若存若續僅農會牌銜榜於商會門首而已十二年夏縣知事張勘准地方人民請求遵民國元年政府公佈暫行農會規程呈請實業廳另行改組邑人蔣桂芬石吉昌當選爲正副會長卽於是年



六月一日成立爲試辦期十三年秋始奉實業廳批准正式成立十四年九月第一屆期滿遵章改選會員四百二十五人投票仍選蔣桂芬石吉昌爲正副會長其他評議及各職員亦於同日依法選出當經報縣轉廳備案此第二屆時期也十六年九月二屆期滿訂期改選會員到場不足法定人數延至十七年四月始行改選于泮王連甲得票最多遂當選爲正副會長其他評議及各職員亦於同日一次選出隨報縣轉廳備案此第三屆時期也

鐵嶺縣縣農會第一屆職員姓名履歷一覽表

(職別) (姓名) (次章) (籍貫) (履歷) (任職年月)

會長 蔣桂芬

鐵嶺 曾充省議會議員 民國十五年

副會長 石吉昌

第三

全

曾充本縣街長 民國十二年

評議員 王者貴

化南

全

曾充公欸處主任 全

曾慶臣

善亭

全

曾充省議會議員 全

彭熙臣

敬亭

全

曾充道尹 全

梁盛振

鳳山

全

曾充村長 全

張景春

斗東

全

曾充村長 全

曾憲興

逸文

全

曾充警察區官 全

王忠誠

則明

全

曾充鄉自治會議長 全

趙 鑲

繪亭

全

曾充鄉自治會議員 全

倪漢臣

宗海

全

曾充本縣北關街長 全

劉紹唐

景苑

全

曾充小學校長

全

毛振池

鶴軒

全

曾充區長

全

石吉奎

雙軒

全

曾充區長

全

鐵嶺縣農會第二屆職員姓名履歷一覽表

(職別)(姓名)(次章)(籍貫)(履歷)(任職年月)

會長 蔣桂芬 壽之 鐵嶺 曾充省議會議員 民國十四年八月

副會長 石吉昌 銘三 全 曾充城廂自治會 員 全

評議員 梁盛振 風三 全 曾充村董 全

張景春 斗東 全 曾充村董 全

毛振池 顯軒 全 曾充區長 全

曾慶臣 壽亭 全 曾充省議會議員 全

王者貴 化南 全 曾充公款處主任 全

曾憲輿 述文 全 曾充警察區官 全

石吉奎

耀軒

全

曾充區長

全

彭熙臣

敬亭

全

曾充道尹

全

倪漢臣

宗海

全

曾充街長

全

王忠誠

馬明

全

曾充鄉自治會議長

全

趙鑲

繪亭

全

曾充苗圃主任

全

劉紹唐

景斐

全

曾充小學校長

全

鐵嶺縣農會第三屆職員姓名履歷一覽表

(職別)	(姓名)	(次章)	(籍貫)	(履歷)	(任職年月)
會	長于	泮	文川	鐵嶺農林學校畢業	民國十七年七月
副會長	王連甲	冠三		中學畢業	全
勸導員	王常祿	海區	全	曾充西二鄉自治會	全
調查員	張之銘	之銘	全	曾充南三鄉自治會	全
庶務	李玉香	齊林	全	高等小學校畢業	全
會計	邢樹聲	冲寶	全	中學畢業	全
書記	張玉琨	遠峯	全	師範畢業	全
評議員	毛振池	鶴軒	全	曾充區長	全

石吉奎

耀軒

全

曾充區長

全

王者貴

化甫

全

曾充公欺處主任

全

彭熙臣

敬亭

全

曾充道尹

全

曾慶臣

善亭

全

曾充省議會議員

全

倪漢臣

宗海

全

曾充北關街長

全

張景春

斗東

全

曾充村長

全

梁盛振

鳳三

全

曾充村長

全

李培基

全

全

劉紹唐

景堯

全

曾充小學校長

全

蔣桂芬

壽之

全

曾充省議會議員

全

石吉昌 第三

全

曾充城內街長

全

曾憲周

全

全

鐵嶺縣鄉農會職員姓名履歷一覽表

十八年

第一區 鄉農會正會長石吉魁

副會長尹彬

第二區 鄉農會正會長聶鴻甲

副會長許寶恩

第三區 鄉農會正會長石家福

副會長周雪岩

第四區 鄉農會正會長毛振池

副會長陳峻嶽

第五區 鄉農會正會長丁贊文

副會長施福榮

第六區 鄉農會正會長何崇山

副會長邱雲閣

第七區 鄉農會正會長桂承榮

副會長王化宣



第八區 鄉農會正會長耿葆馥

副會長

鐵嶺縣農會簡章及辦事細則

第一章 總則

第一條 本會遵農會規程第一條定名為鐵嶺縣農會

第二條 本會補助農業行政以圖農業改良發達為宗旨

第三條 本會設事務所於縣城內西街

第四條 本會會員資格如左

(一)有農事學識者(二)有農事經驗者(三)有田地山林牧場原野等

土地者(四)經營農業者

具有以上資格之一而品行端正年踰二十歲以上者均得為本會會員凡熱心資助本會經費贖本會事業者得為名譽會員

入會後均得有議決權選舉權被選權

## 第二章 職員

第五條 本會職員之名稱及額數

正會長一人副會長一人評議員會計員庶務員書記員調查員各若干人但除正副會長外至多不過十六人

第六條 以上各職員均由會員用記名投票選舉之

第七條 會長總理全會事務副會長協同會長辦理會務會長有故不能到會時得代行其職權評議員答覆會長之諮詢監察會務執行之狀況會計庶務經理會費收支及一切雜務書記司往來文牘表冊調查員調查各鄉農業之狀況

第八條 會長及各職員之任期均以二年爲限期滿改選再當選得連任

### 第三章 會議

第九條 本會分大會特別會職員會三種

大會每年一次或二次

特別會正會長認爲必要事項或評議員三分之一之陳請得開特別會

職員會每日一次或二次三次

第十條 本會大會特別會須在開會二十日以前通告各會員

### 第四章 會費

第十二條 本會收入之種類如左

一 會金各會員每年出會金一元由本會自行經收

二 常年捐

三 特別捐

以上二種均由本會酌量情形公議辦理

四 公款補助會金有不足時得呈請主管官署以公款補助之

第十三條 如有補助本會經費者即時呈報縣公署備案

第十四條 本會將來有財產時所有處分須由大會議決方准施行並呈報縣公署備案

第十四條 本會支出分三種

一 事務所費

二 會議費

三 事業費

第十五條 本會經費之收支由會計員報告會長稽核公佈並呈報縣

公署

第五章 戒約

第十六條 本會不得向農民苛派費用致滋擾累

第十七條 本會會員如有違背本會章程及敗壞本會名譽山大會議

決宣告解職除名

第六條 本會會章如有改革時須主管官批准方爲有效

第六章 解散

第十九條 本會自行解散時議決後須將原由呈報縣公署核准轉告  
備案

第二十條 本會雖已解散在清算時期仍視爲存續

第二十一條 本會解散時由會內公推二人及正副議長爲清算人

第二十二條 清算人有代表本會一切緊要事宜之權

第二十三條 清算完結時須將賬簿及一切重要文牘呈報主管官署  
並保存

第二十四條 以上各條如有未盡事宜得隨時公決修改並呈報縣公

署轉呈備案

辦事細則

- 一 閉會時通知地方長官派員或親到監視一切
- 一 閉會前十日用公函通知各會員及評議員
- 一 議案無論縣公署交議會員提議公民請議未經審查不得開議
- 一 凡議案可決否決均以到場會員過半數爲斷
- 一 調查員出發春季在開全體會後秋季在中秋節後
- 一 調查員調查事件如有意見隨時報告本會
- 一 調查員川資須實報實銷
- 一 遇有不服調查之村屯得會同鄉農會勸解再不服須報知警察



或保甲幫同辦理

一 調查員調查事竣時須逐件上報告書陳明各村現在狀況有無進步以資比較

一 調查員在調查區域內有不正當行爲時或舉發或查知輕則去職重則送懲

一 調查員以各鄉農會及村會爲駐在所膳費自備

一 調查員竣事須常川駐會幫同會內員司辦理一切事務

一 調查員赴鄉得隨時講演農事以及改良大意並捕蝗驅蟲之技術

接收信義蠶桑公司之經過及手續

信義蠶桑公司者邑人音德恒額集股而成之也有清末葉音德恒額充本縣農務分會總理曾招股創辦信義蠶桑公司在城南亂石山子村東報領山荒一段築草屋三間植樹數百株集股雖微所志甚大民國元年音德恒額病故其子尙渭濱接續辦理歷十餘年房屋被焚樹木枯死無人過問民國十二年春尙渭濱招集股東籌議善後經股東等甘願脫離關係完全由尙渭濱箇人自由處分隨即寫脫離關係證書爲據尙渭濱收受各股東脫離關係證書後正縣農會改組成立之時遂具請願書甘願將該公司完全交由縣農會經理尙可庶續進行惟虧農務分會二千餘元尙渭濱箇人尙賠墊八百九十元該公司即交由縣農會經理請即由縣農會照數償還所虧之數至箇人賠墊之

金谷甲 二八  
一  
八百九十元亦請求補給旋經縣農會查核該公司報領亂石山子村東山荒二百餘畝及浮多百餘畝按實估價約值三千元上下以此山荒抵補所虧尙屬適合即以其地充作苗圃性質亦無甚異將來苗圃開辦即將農務分會之墊款照數償還遂允其請當將其箇人賠墊之八百九十元如數付清並取具尙渭滾讓子甘結及該公司各股東脫離關係證書一併呈報縣公署而備案焉

### 報領山荒

接收信義蠶桑公司山荒除已納糧二百畝外尙有至內山場二段五百餘畝一段東至蔣家甸子西至本地南至山分水北至民地一段東至李姓地西至本地南至道北至山分水一併遵章報領下等剪子一

把五百畝以備將來種梓育蠶

### 柴草場之緣起

民國十二年警察所長陳蘭斌爲駐防軍隊代購柴草備價過鉅不堪苦累會同縣農會設法籌款救濟同時又有第二區鄉農會一再函告軍人下鄉購柴草給價不足虧累難堪等情事出一轍於是山縣農會招集城鄉各機關首領公同討論僉謂軍隊自有餵精所需柴草迫人賠償實爲情理所無然時勢使然情理亦有時而窮只得設法應付以免意外招擾日後軍隊所需柴草悉由全境農戶負擔以地數爲標準以現在駐軍之數計算每一日地出秣糶五捆出穀草三捆全境計地十六萬餘日可得秣糶八十萬捆可得穀草四十八萬捆由縣農會在

郭外擇一相當地點設場堆積運送時期爲十冬臘正四箇月之間各農戶將應攤之柴草照數送場堆積預備供給軍隊領價多寡除該場經費外悉數俟秋成購新以備來年加以本年盈餘之數來年或可少攤或竟不攤然事關全境柴草既出自農民而城內商戶並無供給亦不平允該柴草場開辦費及築屋挖壕本年常年各地皮租請均由商會負擔當經通過承認如議尅期成立遂擬定柴草場簡章二十四條備案施行租得西關郭外謝姓園地三日購全部水龍一架以防危險柴草場於斯遂成立焉

### 柴草場簡章二十四條

### 第一章 總則

第一條 本場係鐵嶺全場公共組合以縣農會爲總機關故定名曰鐵嶺縣農會附設柴草場

第二條 本場一切事務均由縣農會主持

## 第二章 柴草收入

第三條 無論遠近村屯均以十冬臘正四箇月爲收入時期

第四條 收入手續按四箇月支配八區次第交納每半月收入一

區

第五條 收入時須眼同主任人及看守過數註賬給收據

第六條 送柴草車夫無論遠近早晚不得給飯費

第七條 柴草市行無論貴賤須交實物不得作價以錢替代

第八條 所收柴草須在上中等若腐朽低劣或散碎不成捆均拒絕收受

第九條 每區所送柴草各堆一處以免混雜而別優劣

第十條 堆垛時分行垛老垛行垛隨時取用老垛封苫以便過夏

第十一條 堆垛距離不要太密易於看守

### 第三章 看守

第十二條 用主任一人受縣農會指揮經理收入輸出及支配看守人役

第十三條 看守暫定四人內擇一妥實者補助主任經理一切事宜

第十四條 看守人須年在四十歲以內素稱建壯者且有妥實舖保

第十五條 看守人及外來人在場內不得吸煙

第十六條 看守人須晝夜輪流晝則一人瞭望夜則二人梭巡

第十七條 看守人不得隨便請假如有要事須覓妥實替工並須主任人許可

第十八條 看守人除看守外不得遺作他事以專責成

第十九條 當收入輸出及堆垛封苫人不敷用時得雇短工

#### 第四章 罰則

第二十條 如各區柔抗屆時不送票請行政官廳處罰

第二十一條 主任人及看守等如有不名譽行爲送官究治

第二十二條 所存柴草年度結束時出入數目有不符者爲主任人是



第五章 附則

第二十三條 事屬創辦如有未盡事宜及不適用之處得增減變更


第二十四條 此簡章由行政長官批准日施行

## 車脚會之成立

鐵嶺地當南北孔道無論平時戰時往來軍隊不絕於途而往來軍隊無一不用民車又無一不強制執行附城各村首受其害正在設法救濟間適各區鄉農會因軍隊拿車妨農害時紛紛入告遂由縣農會招集城鄉各機關首領妥籌應付方法仿前清兵車章程按地攤錢立車脚會由縣農會負責專人承辦全境計地十六萬日以往年拿車備價比較每一日地出小洋一角或可敷用由各區經收繳歸縣農會凡軍隊用車時由警察知會承辦人按定價代雇軍隊發價向不足用即以此款補助之以三十輛爲限軍隊用車在三十輛以內無論農忙路澗由承辦人負責如用車太多承辦人力所不逮由警察所派差協助城

內如此若城南之懿路城北之山頭堡城西之夏家樓均爲兩縣之交  
滙點陸軍來往換車時該處即以警甲首領爲承辦人且證明車數套  
數及服務日期給價若干發價如不足亦由此欸補助之惟所攤之欸  
須於十月前如數繳齊年終結束一次用欸多寡榜示週知似此以錢  
代雇方爲平允組織方將就緒適奉天總司令部發來軍隊用車佈告  
內開省城軍人用車由總商會另組車脚會代僱其在外縣鎮鄉概由  
各處商會代雇等因奉文後縣農會據情請縣撤銷前議仍由商會辦  
理以符定章而專責成旋奉令開此項用車前既公決仍由該會主持  
辦理將來攤欸如有不足准令商會彌補以資接濟所請撤銷前議之  
處原無庸議云云當由縣農會用韓秀峰爲承辦人前擬訂通知證及

交卸時日證一切手續兩知警申轉爲發給懿旨山頭保范家直夏家樓遼海屯各村自車脚會成立後拿車之事始息



苗圃

鐵嶺無林業所需材木悉取之吉江兩省前遂藩道尹公署創立苗圃今日必行之政也由縣農會擇邑南亂石山子村東南五里許俗名桃李溝子租縣農會所有熟地五十畝爲苗圃農會評議王澤民爲主任奉天農業學校畢業生牛某爲技師擇該處適中地點築屋鑿井置苗牀四百餘畦種松梓柞橡數千株惟物值騰貴所需之款較原預算不敷遠甚發達無望若不設法救濟不但成績難期前功亦將盡棄遂將縣農會接收信義蠶桑公司地址除撥作苗圃外尙有熟地五百餘畝留二百畝租於農戶耕種得租其餘盡行樹木名曰第一林場然所需人工若全賴苗圃傭雇非爲歛不敷用即工作時間亦多妨碍且有不利

便之處甚多茲將出租之地收回購置車馬農具由自己耕種農忙事  
農林忙事林一舉兩便且使林地按年遞增農地按年遞減五七年後  
該處成爲一大林場以農業所得之利經營林業耗款少而收益多惟  
暫需小洋一千五百元請由公款處借墊分期償還四年後還清所賴  
者地不出租人工與苗圃互相補助遂委縣農會會員趙鏗經理一切  
溝墜山頂遍植橡柞及蘋果桃梨數百株並函知附近各村嚴禁樵牧  
以重公益

附苗圃計畫書

地點 擇定邑南亂石山子村東南五里許桃里溝子

而積 計佔地二百餘畝係前農務分會總理音德恒額以箇人名義

招股創辦蠶桑公司所報領該公司虧累不堪各股東甘願將此地讓出抵補所虧經縣農會接收由該地內撥出五十畝租作苗圃如將來擴充有不足用時再行續租

**地形** 該地爲傾斜長方形東南距大山三四里西北靠平頂土山冬可避寒春夏可防暴風雨

**土質** 該處三百餘畝迤東黃土兼沙石約十分之六迤西沙質厚土約十分之四用此充作苗圃似屬相宜

**交通** 該地坐落藩鐵大道之東南距懿路五里北距縣城五十里西距南滿鐵路亂石山子車站六里東距大會試屯十二里皆是平川大道易於運輸



設備

築草房三間及大門牆院以資辦公兼宿舍鑿井一眼以備灌溉四圍埋立標石以清界限園內應用一切材料器具亦應有盡有

員司

管理二人以縣農會正副會長充之不支薪水主任一人司園內簿記及出入款項技士一人司栽種培養選擇各種樹木種籽備雇長工二人忙時酌添短工

育苗

木圃之設以造林爲主旨對於櫻李梨桃爲附帶對於松柏榆柞楊柳爲正宗

方育  
方法

購秧播種伏插各法按土質氣候分別用之

數育  
目苗

所種松柏榆柞楊柳每年擇育十萬株按全縣三百六十餘村

就其面積大小土質良否斟酌種數分酌額數每年大村給若干小村遞減無論由縣署分發或人民自領均酌量收費

時期 本年七月至九月爲籌辦期十月爲成定期

經費 (甲)開辦費築房掘井設畦爲大宗購置種子秧苗肥料及一切應用器具機械極儉計算共需奉小洋二千元(乙)經常費

分薪工辦公材料雜項地租五項極儉計算需奉小洋一千元  
三年後以苗圃收入爲經常費

籌欸 開辦費經常費共需小洋五千元擬由地方公款處現存百分之十項下撥墊俟該圃收入發達後如數陸續償還

指定農會基金

自縣知事張勸請准設立縣農會先指定圍城地皮押租息金九千元爲農會的款然仍悉基金薄弱不能持久適結束柴草場尙有餘款又經縣公署准由此款項下撥出一萬一千元永作農會基金

### 勘定第一林場及苗圃界址

接收信義蠶桑公司諸事就緒後隨即勘定界址以免被人侵佔及誤佔他人然清理之法漫無證據似難入手遂用四圍地隣契昏爲憑除四隣契昏所載長寬尺丈外下餘之地即係該公司原佔無疑當即招集四圍地鄰如法勘驗界址遂定

### 農事講習會

十三年七月縣知事張勸令開案查我國本爲四千年農業古國只以

徒守舊法不知講求是以各種農產每落歐美之後曾爲吾人莫大遺憾近日京都設農事試驗場各省會亦皆仿行實地講習以求農業增進但土質氣候南北懸殊非就本地土產所合之點悉心研究不能收得實効本知事有見於此欲乘此農暇之際將農事分普通農作物（五穀等類）特產農作物（水田等類）以及園藝之蔬菜果實並牧殖等副業（柞蠶牲畜鷄蜂等類）招集四鄉農民開夏季農事講習會先行分類由淺近切實研究日後當如何種植如何進行俾地利得盡人工無缺臻於完善美滿而後已倘得有成效可於秋成後再將以上所列各類農產開展覽會藉資提倡仰農會妥擬規程詳細籌辦等因奉文後當由縣農會擬定農事講習會規程二十條於八月十日開會講

習假教育會會場爲會場聘留學美國歐利根農科大學畢業學士韓  
卸安先生爲講員（先生蓋平縣籍同治初年奉天將軍恩合公之嫡  
孫）逐日講演十五日講習完竣閉會逐日所講演者（一）農事之意  
義（二）農業與國家之關係（三）世界農業狀況與吾國之比較（四）  
東三省農業之現狀與將來改良之要點（五）東三省特產農業與世  
界之關係（六）東三省果樹柞蠶將來之希望及應行之手續並養蜂  
畜鷄各法（七）進行農業應有之精神

按此次講習各村長副及農會會員蒞會聽講者計四百十二人  
張知事按人贈與親筆墨跡留作紀念外並由農會編印講義按  
人發給以便傳撥實有益於農事甚多

農事講習會規則

- 一 本會以改良農事增進農民知識爲宗旨
- 一 本會一切事宜以縣農會承辦
- 一 聽講會員以各村村長副及農會會員爲限
- 一 聽講時期暫訂兩星期分各村村長副爲兩班輪流聽講每班以一星期爲限
- 一 各村長副及會員來城講習所需川資均須自備
- 一 講習畢各村長副回村告知大眾以期普遍
- 一 村長副來城食宿自便惟講習時務須到場
- 一 講習地點假教育會會場

一 每日講習二句鐘如多加鐘點臨時酌定

一 講員韓君美國農業大學畢業特煩講演兩星期藉開民智純盡義務

一 所有講義先出講員出稿印刷成帙按人發給

一 本會所需昏墨人工等費均由縣農會承辦

一 村長副來城須先在農會報到以便稽核人數

一 村長副聽講時不得閑談及吸烟亦不准議論他事

一 村長副前後班接替時須於前班講習之末日後班即行來城以免延曠

一 各村長副如有要事不能聽講時須於事前聲明以免偷安

一 村長副分前後兩班聽講其孰前孰後自行酌定

一 來城川資由公會開銷者是指村長副而言若農會會員仍須自備

一 聽講時講堂座位如不能容不得爭執覓承辦人另設

一 本會係屬創辦規程有未備處臨時增訂

### 第二林場

邑人石之璋有熟地八十畝坐落頭台子村東與農會協商合夥造林日後收利按三七分劈爲提倡實業計不論獲利之多寡也

### 第二林場計畫書

地數 計熟地八十畝



樹之種類

地之高下參半最宜楊柳以地之窪者五十畝栽柳五萬七千株二三年後按空斫伐每距五尺留樹一株五十畝可留一萬三千二百株餘三十畝地勢較高擬栽洋楊仍距離五尺一株約六千株八十畝熟地總計栽楊柳一萬九千二百株

培養方法

第一年春夏間鋤草培土各一次第二年春間亦鋤培各一次此後則根深葉密但逐年伐其遠揚之枝以期幹高而直自然成蔽日參天之勢矣

看護

柴草場距該地較近當其萌芽時期由該場派人不時往視再向頭台子村會商酌春夏責成看青人冬季責成會役梭巡看護惟按年須酌給津貼

用款

第一年秋除山第一林場斫取樹秧外再買柳樹秧子需銀洋十八元栽樹人工銀洋一百六十二元又買洋楊秧子三千斤以一元五角合洋四十五元栽培人工洋六十元春夏間鋤草培土二次每十畝需工二人以一元合洋須三十二元村會公費洋八元看青人及會役津貼洋五十元

第二年春間鋤草一次每十畝地需工二人以一元合洋須十六元村會公費洋八元津貼看青會役洋四十元

第三年村會公費洋八元津貼看青會役洋三十元

第四年村會公費洋八元津貼看青會役洋三十元

第五年村會公費洋八元津貼看青會役洋二十元

第六年村會公費洋八元津貼看青會役洋十元

第七年村會公費洋八元津貼看青會役洋十元

第八年村會公費洋八元津貼看青會役洋十元

第九年村會公費洋八元津貼看青會役洋十元

第十年村會公費洋八元津貼看青會役洋十元

說明

所栽楊柳前五年穉嫩易受損害看護責任較重後五年樹已漸大看護責任較輕故津貼之數不同

收利

熟地八十畝十年後養成楊柳一萬九千二百株每株價格

假定小洋六角合洋一萬一千五百二十元農會方面自開辦至

終了十年共用欸六百三十三元按三成計算應分洋三千四百

五十六元地主方面出地八十畝每十畝最低價格每年租洋二十元加賦稅畝捐每十畝每年需二元八角七分每年共一百八十二元九角六分十年共一千八百二十九元六角按七成計算應分洋八千零六十四元

欽定四庫全書

PDG

## 軍草請減經過

民國十二年奉軍備戰方殷徵民間穀草二千七百萬觔指定瀋陽一縣購買經濟瀋陽知事以歉收告並請就隣縣如鐵嶺遼陽新民本溪撫順酌量情形由總部飭各縣按總數十分之一攤買以均負擔草價亦請酌定適中價格旋經總部核定每千觔定小洋十圓又令遼鐵新三縣各按五百萬觔分擔以維軍用鐵嶺縣奉令後兩知農會遵照辦理據農會查核鐵嶺全境計地十萬餘日較遼陽地面約小三分之二同數負擔未爲平允况鐵嶺產糧以高糧大豆爲大宗穀子不過百分之三四每日地祇穫穀草千觔上下今歲又水患雹災減收過半今購草五百萬觔驚駭無措即將全境產額盡數提出亦未必能足此數而事

關省令又係軍用只得盡力辦理並知會各鄉農會研究應付方法決定先調查各村存草農戶及產額除各農戶自己留用外不准居奇亦不准他售竭二十日之力如此搜羅僅有五六十萬觔之譜回溯去年奉令購軍草五十萬觔彼時赴鄉購買多日僅有二十萬觔下虧三十萬遺人在瀋陽境內轉購始湊足五十萬觔之數去歲豐收尙且如此今乃歉歲當更何如且現下市價每千觔值小洋二十元再加輸送脚力每車只載一千五六百觔每日車資六元往返三日須十八元交草過秤每千觔損失約四百觔又須八元再加送草人夫川資飯費最終計算每千觔必達小洋五十元以上除發官價十元外每千觔虧小洋四十元有奇按五百萬觔計算共虧小洋二十五萬元有奇此項虧損

爲數過鉅官廳若不格外補救但向民間索取除攤派外別無他法然既擬攤派與其指定二三縣獨受其累何如責成數縣分任其難可否由開法各縣酌核均攤論路程鐵開相距六十里鐵法相距七十里遠近僅差一日之程且該兩縣素稱產草之區雖駐有軍隊究屬無多此非移累於人乃是衆擎易舉茲尤有進者鐵嶺負此二十五萬元之虧賠力實不逮固也想遼陽新民撫順各縣均患水災其困難當亦相同何妨統二千七百萬之總數按全省五十餘縣地數均攤近則草遠則輸錢以本省人民供本省軍隊今日之事不患重而患不均今日方長不得不預爲計也當即據情呈明總部及省公署旋經省公署批開代購軍草萬分困難尙屬實情仰該縣量力酌辦可也並轉知該農會



知照據此遂派人在瀋陽縣境購草四十萬觔交總部指定地點又山  
八鄉購草二十萬觔由鐵運省一併交總部以備轉發前後共交六十  
萬觔此請減軍草之經過也

## 備雇契約

近年各鄉農戶所備長工當農忙時每藉口資薄罷工實乃偷賣零工以要田主此種惡風若不設法制止其流弊將有不可勝言者縣農會爲維持起見遂發行備雇契約於是雇人及受雇者均稱便焉

### 縣農會備雇契約規則

- 一 本規則爲維持農事限制工人取巧誤工爲宗旨
- 一 本規則由本會印行發交各鄉農會用者直接向鄉農會領取
- 一 此規則由工人上工之日起經兩保人書押即發生効力
- 一 工人須寬妥實保人如有違反規則時保人負完全責任
- 一 農忙之際工價增高工人強自快工轉賣零工應按誤工時工價

計算以三倍賠償向保人索取

一 工人如爲他事私逃其預支工價即由保人抵補

一 雇主待遇工人其飲食及工作時間須按當地習慣不得任意增加及刻苦

一 工人與雇主及雇主之家屬如有賭博行爲查出送縣懲辦其贏輸無論多寡均屬無效

一 傭雇契約由本會印發每份收小洋二角全由雇者負擔以一角爲本會工本及印花費以一角爲鄉農會辦公經費

一 此規則由縣公署批准公佈日施行

## 工務

鐵嶺自維新以來有商會而無工會凡工藝皆名曰商遂無不蒞於商會焉清宣統三年二月奉部文飭設工會令選舉總理董事以資提倡遂於同年二月召集全城各工業選舉總理副理各一人董事七人會員十七人呈奉天勸業道轉農工商部批准備案是爲鐵嶺工會成立之始其實際乃由商會內一部分劃分而爲工會並無會所即附設於商會

工會成立後工藝各行之彙誌

燒鍋行

工藝各誌

豆油行

以火力燒煉油

生鐵行

鑄造洋式煤爐鑄子車鋼小穿

熟鐵行

製造刀剪之屬

錫

行

製造酒杯供器之屬

銅

行

製造鑄盆盤匣之屬

洋鐵行

木

行

製造宮室種種桌椅

木

車行

製造載重大車

柳

行

編製筐籠及農具

機

房

織造各種布匹

染

行

造紙行

紅皮行

即黑牛皮以紅紙膠合大宗

白皮行

以石灰及硝製之爲皮條皮帶之用

繩麻行

柳木行

製造繩索

印刷行

攝影行

製造

首飾行

製造金銀首飾及各種金銀器皿

爆竹行

俗名炮炮

甄瓦窯

貴貨系志

卷八 實業 工藝

貴貨系志 卷八 實業 工藝

以上皆民國三年前之調查

工會之取銷

民國三年九月十三日大總統頒布參政院議決之商會法取銷工會奉文後當即遵章於同年十一月十八日詳請取銷設立僅及三年其成績今不可攷矣

## 商務

### 鐵嶺商會之成立

清光緒三十二年二月初八日由奉天商務總局札發部加立會章程飭即遵章設會當由縣城內工商二百戶選舉趙允祥張成策劉扶翟大廷孫元慶五人爲會董又由五會董選彭錫庚爲總理即於同年四月初一日成立是爲鐵嶺商會成立之始

光緒三十三年五月鐵嶺知縣廖彭請准以倉房舊址迤西空閑官地爲商會建設會場之所奉文批准後即在該地建築會場並四週羣房共十九間修繕費計一萬餘圓由在會之商號公攤

民國三年九月十三日奉大總統申令公佈民國商會法並取銷工會



鐵嶺遂於十一月依法將工商兩會合組爲商會選彭錫庚爲會長韓文麟爲副會長范可宗劉德祐爲特別會董雲常立王富臣等二十人爲會董王慶德李永等四人爲南路懿路分所會董袁維田夏成勳二人爲東路大甸子分所會董常永合劉安民等四人爲西路阿吉牛菜堡子分所會董民國五年奉大總統申令頒佈商會法施行細則民國六年八月適屆改選之期遂遵照細則實行改選韓文麟當選爲正會長彭錫庚當選爲副會長宋大田等十九人當選爲會董陳耀先謝紫宸董春元爲特別會董

民國十八年九月奉遼寧農礦廳令頒發國民政府頒佈之商會法節即依法改組遂依法將會長制改爲委員制於十月二十八日投票選

舉常郁棟當選爲主席姜樹正魏相臣彭廣齡張炳震當選爲常務委員蔣貴霖等十人當選爲執行委員方世賢等七人當選爲監察委員復依法訂立章程呈縣轉報立案

民國十八年以前歷任會長姓名

彭錫庚

韓文麟

李殿祥

常郁棟

由光緒三十二年起至民國十八年止共二十四年以上四會長或連任或間任或此爲正會長而彼爲副會長二十四年中無出

此四人右者

民國十八年九月改組後鐵嶺商會職員一覽表

(職別) (姓名) (次章) (籍貫) (行業)

主席 常郁棟 順如 鐵嶺 豫記油房

常務委員 姜樹正 心齋 山東縣黃 洪順泰絲房

魏相臣 東關 鐵嶺 自成永靴鞴舖

彭廣齡 錫九 瀋陽縣 義隆永燒鍋

張炳震 旭東 開原縣 義和堂藥店

執行委員 蔣貴霖 兩亭 新民縣 公濟糧棧

夏青選 翠亭 黑山縣 瑞豐祥絲房

王貴恩 錫田鐵嶺 東興茂

姜宗慶 國瑞鐵嶺 姜皮舖

衛治馨 化周河間縣 義興源織布商

吳桂芬 崑三鐵嶺 廣源公糧棧

周景陞 連三鐵嶺 天德亨絲房

嚴鎮方 佐臣鐵嶺 鎮興玉首飾舖

李鈞 秉權鐵嶺 公積當

王昭璿 玉衡 山東蓬萊 德盛號綢緞舖

監察委員 方世賢 佐鄉 北河昌 聚興棧

鄭永貴 閣鐵嶺 永慶店

鐵嶺縣商會章程

民國十八年

第一章 名稱

第一條 本會以鐵嶺縣城爲區域定名爲鐵嶺縣商會

第二章 宗旨

第二條 本會以改善商人之組織固結商民之團體增進商人之

蘇德瑞 祥符 綏中縣 成聚增棧棧

王永春 九 綏中縣 會元彩染舖

張維城 宗五 鐵嶺 中華棧轉運商

李樹棠 秀山 鐵嶺 英發成

郭樹田 雨村 山東 慶隆永絲房

縣黃

知識圖謀商業之發展爲宗旨

### 第三章 會址

第三條 本會以舊有鐵嶺商會之會址爲會址并繼續管有其公物及帳項

第四條 本會設南路分事務所於懿路東路分事務所於大甸子西路分事務所於阿吉牛兼堡子

### 第四章 組織

第五條 本會依據商會法第五條第六條之規定由各商店會員暨工商同業公會會員組織而成

### 第五章 職務

第六條 本會遵照商會法第五條之規定執行職務並得遵照本省關於縣商會之各項現行法令以爲職務

第六章 會員 義務 權利

第七條 本會會員爲左列二種

(一) 公會會員

(二) 商店會員

前項會員均得舉派代表出席商會稱爲會員代表

第八條 前兩項會員代表舉派之人數依照商會法第十一條第十二條之規定

第九條 凡在本縣內經營商業之成年中華民國人民不分性別

均得爲本會會員但有左列情形之一者不在此限

(一) 褫奪公權者

(二) 曾有反革命行爲者

(三) 受破產宣告確定後尙未復權者

(四) 有精神病者

(五) 吸食鴉片者

(六) 其營業資本不滿五百元者（遵照遼寧省農礦廳訓令

第一零八七號）

(七) 爲不正當營業者

第十條 會員有遵守本會章程與服從本會議決案及負擔會費



之義務

第十一條 會員有提議權表決權選舉權及被選舉權

第十二條 會員之出會或除名均遵照商會法第十五條至第十七條之規定

第七章 職員

第十三條 本會選舉執行委員十五人監察委員七人復由執行委員互選常務委員四人主席一人

第十四條 執行委員及監察委員之任期及改選均依照商會法第十九條之規定

第十五條 執行委員及監察委員均爲名譽職

第十六條 各委員有商會法第二十二條一三三四各款情事之一者應即解任

第十七條 本會因事務之繁簡得酌設辦事員其名目人數薪資由執行委員會監察委員會聯席會議議定後提交代表大會通過之

## 第八章 會議

第十八條 本會會議分爲代表大會執行委員會監察委員會三種

第十九條 代表大會分定期會議及臨時會議兩種

第二十條 定期會議每年至少開會一次臨時會議於執行委員會認爲必要或經會員代表十分之一以上之請求或監察

委員會函請召集時召集之

第二十條 代表大會之職務如左

(一) 議決商會法第二十八條所列一三三四各款事項議決方法依照該條之規定

(二) 選舉執監各委員及出席聯合會之代表

(三) 討論及決定重要會務(決議以出席代表過半數行之)

(四) 接受執行委員會監察委員會及其他各會員之報告

第三十二條 代表大會閉會後以執行委員會爲最高機關其職務如左

(一) 處理日常會務

(二) 執行代表大會之議決案

(三) 召集代表大會之定期會及臨時會

(四) 對於代表大會報告會務

(五) 執行商會法上所規定之一切職務

(六) 遇有重大問題不能解決時須提交代表大會

第三十三條 監察委員會之職務如左

(一) 考察商會職員是否稱職及違反本章程之行為

(二) 審察商會預算決算表及各項帳簿

(三) 得召集代表大會臨時會議

(四) 得向代表大會提出彈劾案

第九章 經費

第二十四條 本會經費分爲事務費及事業費二種均由各公會會員及商店會員分別擔任

第二十五條 事務費及事業費之負擔依照商會法第三十條之規定

第二十六條 本會收支經費立有各項帳簿公舉執行委員監察委員各二人負責秉公監察及糾正

第二十七條 本會每年製定預算決算交監察委員會審察後即行呈報縣政府公佈之

第十章 解散及清算

第二十八條 本會之解散及清算依照商會法第七章之規定

## 第十一章 附則

第二十九條 本章程自省政府核准轉行到會之日施行  
工商同業會之成立

民國十八年九月奉縣政府公函轉奉國民政府頒發工商同業公會法飭即依法設立當由商會傳知各工商舖戶開會討論進行方法僉謂宜先選舉各職員遂於十月下旬由商會召集各該會員依法選出主席及常務委員計成同業公會共四十三所於十一月二十六日呈報到縣並由縣政府頒發各同業公會圖記四十三顆當即宣告成立

### 工商同業公會法

第一條 凡在同一區域內經營各種正當之工業或商業者均得

依本法設立同業公會

第二條 工商同業公會以維持增進同業之公共利益及矯正營業之弊害爲宗旨

第三條 工商同業公會之設立須有同業公司行號七家以上之發起前項發起人於依第四條所規定訂立章程後應造具該同業公司行號及其營業主或經理人姓名表冊連同章程分別呈請特別市政府或由地方主管官署轉呈省政府核准設立

第四條 工商同業公會章程須有該地同業公司行號代表三分之二以上出席方得議決

前項章程應載明左列各款事項

- (一) 名稱及所在地
- (二) 辦理之事務
- (三) 組織及職員之選任
- (四) 關於會議之規定
- (五) 關於同業出會入會及會員除名之規定
- (六) 關於費用之籌措及其收支方法
- (七) 關於違背會章者除除名外其他之處分方法
- (八) 公會之成立期間

第五條 同一區域內之同業設立公會以一會爲限



第六條 工商同業公會應於本區域內設置事務所

第七條 同業之公司行號均得爲同業公會之會員推派代表出席於公會任受除名之處分者不在此限

第八條 有左列各款之一者不得爲同業公會會員之代表

(一) 褫奪公權者

(二) 有反革命行爲者

(三) 受破產之宣告尙未復權者

(四) 無行爲能力者

第九條 同業公會置委員七人至十五人由委員互選常務委員三人或五人就常務委員中選任一人爲主常均爲名譽

職但因辦理會務得核實支給公費

第十條 商會法關於職員及會議之規定於工商同業公會准用之

第十一條 工商同業公會之職員有違背會章或其他重大情節者得由公會議決令其退職

第十二條 工商同業公會有違背法令踰越權限或妨害公益情事者其在特別市者得由特別市政府命令解散其在縣或市者得由縣政府或市政府呈准省政府命令解散但均須呈明工商部備案

第十三條 工商同業公會之預算決算及主要會務之辦理情形應

於每會計年度終三箇月以內呈報所在地之主管官署  
備案

第十四條 本法施行前原有之工商各業同業團體不問其用公所  
行會會館或其他名稱其宗旨合於本法第二條所規定  
者均視爲依本法而設立之同業公會並應於本法施行  
後一年內依照本法改組

第十五條 本法自公佈日施行

期糧

錢糧行期糧捐局保證所沿革及興廢

清咸豐三年開鐵嶺馬蓬溝河運於時糧商在城內關帝廟內設立錢行講售現銀期銀名曰錢市又在城內樓南路東商姓茶寮內講售現糧期糧名曰茶館錢市開於清晨茶館開於將午其亦日中爲市之意歟光緒十四年春凡屬錢行糧行之商戶出資重修城內關帝廟規模宏大即在東西廊房內講售銀糧廢樓南之茶館錢糧同歸一處講售名曰錢糧公所光緒二十八年奉天總督增祺委員來鐵設立期糧捐局每講期糧百石捐東錢五千買賣各半經此提倡四外客商咸集於此逐日所講期糧或數萬石或數十萬石鐵嶺商業在是時稱極盛焉民國四年一月省令廢除期糧捐局於商會內設立保證所名曰銀糧

保證公所即於一月二十五日成立抽收之錢曰手數料足保證所之用惟保證所與期糧捐局性質不同若遇銀糧緊迫買賣泛濫之時保證所於臨時得停止其交易以維系之故其中似含有維持及取締之意焉是時鐵嶺迤北之孫家台公主嶺信託公司次第成立南北最著之錢糧各商盡驅之鐵嶺商業驟形衰落民國八年九月一日省令由縣公署酌委保證所監理四人名曰監視九年又設經理一人董事五人又以商會之正副會長爲監理將前委之四監理取銷十年又由省財政廳特派監視員一人十四年因保證所與地方錢法有重大關係經省長佈告禁設保證所鐵嶺遂於十五年十月十六日將保證所一

律清結

現糧

糧市之運移與現糧市場之發展與建築

鐵嶺現糧市

平日糧

舊設東門外大街迤北市分兩種其南爲棉花市北

即現糧市也鄉農載糧京城售賣率多宿店店內設有經紀一人俗名掌盤五夜各店之經紀各持住宿鄉農之樣糧赴市在地設灘代鄉農售賣鄉農亦隨往有問價者經紀代講而經紀亦視鄉農首肯爲斷不能強爲交易也店經紀而外又有散經紀凡不宿店者皆赴散經紀之糧灘將糧售妥後其樣糧以一半爲經紀所有以一半歸買者爲據經紀高聲傳達賣者某人買者某號共糧若干售錢若干雙方首肯天明時賣者以車載糧送至買者以樣糧與車中所載者核對是否相符然後斗夫方爲開斗約糧蓋經紀與糧商相熟易於交易雖有所取而鄉

農稱便焉後不知何故遷糧市於北門外藥王廟前其地於菜市毗連南爲肉市魚市梨市西爲瓜市每值清晨擁擠踐踏不堪其攪並有其他原因經商會發起建築現糧市場以維交易緣商會於早年曾報領北關財神廟前地基一段南北長十九丈東西寬三十二丈五尺於民國十五年四月在該地建築房屋東西南北四面各築瓦房七間共二十八間費小洋六萬元鄉間每區各補助小洋三千元八區共補助小洋二萬四千元下虧小洋三萬六千元均由在會之商戶攤出

### 度量衡之沿革與比較

度量衡爲一代之法制自宜大同今乃隨地而異因其異也貿易者遂得上下之而漁利焉鐵嶺布商用蘇尺木工用營造尺尺不相同也鐵

嶺斗量係二十二斛五在省北諸縣爲獨小較省城稍強斗不相同也  
有清之際鐵嶺設有官秤紀官斗紀官秤分鹽鹵秤棉花秤山貨秤果  
秤黑秤即官斗之外又有軍需斗即凡承頂官秤官斗皆爲牙紀獨軍  
需斗係專約運糧由糧商自行承領非牙紀也民國初造稅捐統一將  
官秤官斗一律撤銷由各行承領惟軍需斗因係糧商專領不在撤銷  
之列今河運已無自然銷滅時勢然也取銷官斗則設公斗公斗者由  
本地人民組合而成於民國三年立公斗事務所設董事數人而經理  
之所用斗夫牙紀之斗夫也民國六年五月經彭桂臣杜春田等二十  
一人請議取銷公斗改設店斗店斗者乃鄉農入市賣糧必投店住宿  
店內爲設經紀代賣賣妥後由店出斗代約店商於糧商於鄉農均有



交易關係自能雙方持平偶有爭執亦易調停也店斗代約則有斗用每約糧一斗須小洋六角除店斗約糧出用外尚有抗夫及倒口袋三項倒口袋者乃代鄉農將糧注入斗中抗者乃代鄉農將糧抗入囤內抗用倒口袋用共出小洋三角斗用一項買者賣者各出一半抗用及倒口袋用二項買者出三分之二賣者出三分之一

鐵嶺約糧之斗俗名攀斗其式六面平直用兩手攀取約兩次爲一斗每約一次用木板在斗面平刮以平爲斷示公也然斗口斗底其式如一斗口甚大且兩器爲一斗雖用木板平刮其斗面之糧或有一粒之高低即不無偏重之嫌况兩次用手攀取屢經顛簸糧粒體重下沈約糧者易於上下其手數十年來竟爲交易之爭點此中種種種之方法

取締之監視之此弊未去彼弊又生民國十四年九月縣知事張勘改爲斛斗約一次爲一斗底大口小以其口小即偶有一粒之高低其弊亦輕而其量與舊式者無毫厘增損不過約糧之斗夫費力較多耳  
秤平斗三者各量之差別

鐵秤名爲八六秤以舊東錢八百六十文爲一觔實係制錢一百三十  
八枚須輪廓完好者稱之始符鐵秤十六兩之數

鐵市銀抵山海關升一兩三錢

北鎮平與鐵嶺同

京公法平升三錢

京足平升六錢五分

京南市平短二兩五錢五分

京北市平短二兩六錢五分

瀋陽短五錢五分

營口短四錢五分

田莊台短四錢五分

新民短五錢

海城短一錢

岫巖短一錢

開原短二錢

復縣短一錢

梨樹短二錢五分

法庫短六錢

長春短七錢五分

吉林短八錢五分

阿城短七錢八分

伊通短八錢

艾琿短八錢三分

依蘭短八錢

昌圖短二錢五分

鐵斗

吉林至鐵嶺每斗漲三升

海龍每斗漲四升五合

山城子漲四升四合

朝陽鎮漲四升五合

法庫漲三合

長春漲二升四合

梨樹漲三升六合

棉花街漲二升五合

鴛鴦樹漲二升六合

葉赫站漲三升

赫爾蘇門漲三升

大小孤山漲三升

伊通漲三升

雙陽河漲三升

金家屯漲三升

八面城漲三升六合

英城子漲六升八合

小孤家子漲一升八合

營口短一升

瀋陽漲一升零五勺



民國十八年冬季鐵嶺工商物產調查表

種類名稱	產額	價格	當地銷	出口	備註
大豆	二五〇〇〇	四〇〇	一五〇〇〇	一〇〇〇〇	格價以奉小
高糧	五〇〇〇	二七五	一〇〇〇	四〇〇〇	洋一元爲單
穀子	五五〇〇	三〇〇	四五〇〇	一五〇〇	位係每斗之
包米	二七五〇	三〇二	一五〇〇	一六五〇	穀糧類以石
小麥	一五〇〇	四二〇	一〇〇〇	五〇〇	爲單位
大麥	六〇〇	三〇五	二〇〇	四〇〇	

油		類		布		類											
豆油	三〇〇〇〇	坎布	二〇〇	花布	三〇〇	大布	四〇〇	花布	五〇〇	稻子	五〇〇	小米	五〇〇	稗子	二〇〇	綠豆	二五〇
四	五	二	四	一	九	五	六	一	九	四	〇	五	三	五	六	六	四
八	〇	五	〇	二	〇	二	〇	一	〇	一	〇	二	五	三	〇	五	〇
二	五	二	五	二	〇	二	〇	二	〇	四	二	三	七	二	六	一	〇
油餅	以斤爲	奉小洋計算		單位價格以		布類以疋爲											

餅  
豆餅 三〇〇〇  
四〇〇  
二五〇〇〇  
二〇〇〇  
單位價格以  
奉小洋計算

現大洋每元	六〇	大米每斗	二四
現小洋每元	四〇	粳米每斗	三三〇
金票每元	九	小米每斗	一三〇
足金每兩	三七〇	粟米每斗	一〇五
頁金每兩	三〇〇	紅糧每斗	八〇
鏢金每兩		大豆每斗	一〇〇
足銀每兩	二二	白麪每觔	六五

卷八 實業 商務

鐵嶺縣立第一工科印



青市布

尺八

貢緞

四

庫緞

六

霞緞

五

串綢

五

線春

五

羽毛紗

六

霞紗

六

白市布

六

綠豆每斗

三五

穀子每斗

八

豬肉

斤  
二〇

牛肉

四

白菜

三〇

大葱

五

羊肉

火柴

秫楷  
每百捆

一五

錢糧商二十四戶

民國六年入商會之各工商行業戶數

當商九戶

灰坎布	尺九	葦子	全
青坎布	八	土煤	百斤 六〇
紅洋布	六	塊煤	百斤 一五
大布	五	塊炸	百斤 九〇
棉花	斤 四	木炭	百斤 二五
		爐煤	二〇〇
		穀草	一〇〇

燒鍋商三戶

雜貨商五十七戶

菸麻商十四戶

估衣商六戶

車店商五戶

銅器商五戶

木車商十戶

紅皮商十三戶

皮靴商三戶

熟鐵商七戶

豆油商十六戶

糧米商二十七戶

藥商十二戶

首飾商十二戶

銀錢商四戶

染商十三戶

木商四戶

白皮商十戶

洋鐵商四戶

生鐵商二戶

靴鞋商五戶

繩麻商五戶

錫商三戶

紙商二戶

書莊三戶

印刷商三戶

炸炮商二戶

棉花商三戶

糕點商九戶

醬油商五戶

梨商六戶

以上共三百零六戶

民國十八年入商會之各工商行業戶數

綢緞商四十五戶

糧商十八戶

豆油商十一戶

糕點商十五戶

洋廣貨商四十三戶

錢商二十戶

首飾商七戶

醬油商十五戶

菸麻商十五戶

五金商九戶

鐘錶商八戶

紙烟商十戶

大布商二十六戶

書籍儀器文具商十三戶

山貨商十九戶

煤炭商二十一戶

木商二十一戶

西藥商十戶

旅館五十七戶

飯莊四十八戶

沐浴所十一戶

鮮貨商二十三戶

清真飯莊五十戶

醫士十五戶

中藥商十五戶

縫紉商二十三戶

木器商二十八戶

鐵器商二十三戶

鑲牙醫士商十戶

木車商十六戶

染商十五戶

理髮處二十五戶

屠宰業二十三戶

靴鞋商十七戶

棚舖六戶

窯業二十一戶

筐柳商十五戶

碾磨房四十九戶

錫鐵商十九戶

建築商二十三戶

紅皮商十一戶

白皮商十九戶

織紗商十五戶

以上共九百零三戶

鐵嶺工商各戶入會納費近年之比較

鐵嶺商會會費由鐵嶺在會工商各戶擔任此會體之公倒也近年來  
事體繁重錢法毛荒具此兩大原因而鐵嶺商會會費較前驟增數倍  
至臨時攤派與因公追認不與焉

民國十六年商會會費股份計三十份上下每份約攤小洋二百五十  
元全年會費約小洋七千五百元

民國十七年商會會費股份計三十份上下每份約攤小洋六千六百  
元全年會費約小洋十九萬八千元

民國十八年商會會費股份計三十份上下每份約攤小洋三萬元全

年會費約小洋九十萬元

按民國十八年秋省財政廳調查鐵嶺商會事項其第二項計開會費如何收法每年收入若干支出若干曾否公佈云云商會答案計開本會會費係就支出概數按二十八份七厘均攤在會各商號除負擔一份者外<sup>公議</sup>其他至多者負擔五厘至少者負擔三毫按民國十七年年終決算全年共收入小洋五十七萬一千二百三十七元二角五分共支出小洋五十六萬一千八百五十二元一角一分除榜示週知外並與納費商戶各送清單一紙云云據此則十七年除各商戶納常時會費十九萬八千元外其臨時攤派已有三十六萬三千八百五十二元一角一分之數矣



鐵嶺商業近年盛衰之比較

民國十七年全年商戶共荒閉二十一戶

民國十八年全年商戶共荒閉四十四戶

民國十九年由一月一日起至三月三十一日止此三月中商戶共荒閉六十戶

出口糧食數目與價格之比較

民國十五年全年計出口大豆十一萬石平均每石值現大洋八元八角出口紅糧九千八百石平均每石值現大洋三元五角

民國十六年全年計出口大豆十五萬石平均每石值現大洋十六元出口紅糧二萬石平均每石值現大洋十一元

民國十七年全年計出口大豆十一萬石平均每石值現大洋三十元  
出口紅糧一萬二千四百石平均每石值現大洋十九元  
民國十八年全年計出口大豆十萬石平均每石值現大洋二十元出  
口紅糧四千一百石平均每石值現大洋十五元

### 消防隊之設

清光緒十五年縣城內樓東大街大火巨商二十戶同罹浩劫有心者  
惕然憂之時馬蓬溝河運方盛鐵嶺實爲全省聚糧要區常年各糧商  
每當冬季囤積大豆恒至六七十萬或八九十萬石其他雜糧囤積之  
數雖無大豆之多約亦不下四五十萬石每當春初風高物燥則火警  
時聞囤糧者每自備水槍水具以防意外然各自爲政不相系也自光

緒二十年始由商務公議會購置水槍水箱多具雇專人經理之名曰天一水會遇有火警鐘樓鳴鐘四街則鳴鑼傳報商戶各持牌擔水前往救護按擔收牌毫無遺漏其牌大書各商字號凡漏擔水之商號必無其牌則罰之行之數年後因水槍銹澀水箱重笨不甚適用置爲廢器光緒三十二年商會成立始由東洋購水龍二具雇夫三十人煩日人教練名曰商務消防隊於時頗著成效今又二十餘年矣因革損益自當後勝於前也

### 醫學研究會之設

學有心得懸壺而問世者醫士也不談醫理但解藥性販運炮製設肆而售藥者藥坊也醫士與藥坊原屬二事而鐵嶺醫士率多售藥各藥

坊每延知名醫士一二人以應症醫士與藥坊又二而一之矣藥坊商也醫士因有售藥關係亦以商視之於是醫士與藥坊遂皆屬於商會焉

醫學研究會於民國二年經縣知事陳公湫六創立即附於商會內設會長研究長各一人會長專理會務研究長專事研究醫學成立後即傳集城鄉各醫士分班研究每班三十人畢業期二年按月考試二次以驗其所學畢業時由縣知事監視由研究長命題考試合格者發給畢業証書准予營業其不堪造就者勒令改業所用書如黃帝內經張仲景傷寒論瘟疫病條辨傳青主婦人科醫宗金鑑徐氏八種黃氏八種陳修園四十八種等書由民國二年起至十八年止共研究醫士七班

計二百十人

營業醫士每年每人出營業捐小洋二元作會中經費研究一事賴此維持後因錢法毛荒至十八年陸續每人增至小洋七十元即於是年又創設接生傳習所<sub>產科</sub>由此項捐款內提出四十元作爲接生傳習所經費下餘三十元醫學研究會與八鄉分會分會得十之四本會得十之六而本會又辦理施種牛痘所一處十九年城內營業醫士由財政局自行收捐每月每人捐現大洋一元鄉間營業醫士仍由本會自行辦理每年每人捐現大洋五元以十之六補助接生傳習所以十之四仍按四六與八鄉分會分用本會所得之數除本會正當開銷外盡數補助施種牛痘所經費惟各藥坊所聘之醫士係延聘性質與

營業者有別概不收捐

歷任會長姓名

林瑞峯

張萃珍

李澤普

陳葆初

明星垣

歷任研究長姓名

杜秀廷

丁乙青

姜弼臣

附接生傳習所

接生傳習所於民國十八年秋經縣長黃公菊三創設聘醫學研究會會長明星垣爲所長在尊經閣前建築校舍先按村查明產婆數目

俟生

分期來所肄業六十人爲一級三箇月爲畢業期再由各村庶續查送以傳習普遍爲止俟傳習終了再續辦一年爲期者以資深造其所授學科爲解剖學生理學胎生學藥物學婦人科小兒科產科

按鐵嶺商務當有清同光之際其繁盛實甲於全省當時最著之商各有部分各有集合城內關帝廟錢商之所集也西關關帝廟當商之所集也北關財神廟雜貨商之所集也天后孃孃宮船店商之所集也其他如燒商之集於酒他廟百工之集於祖越寺其大者則又有錢糧行而操總機關者曰公議會部分之大集合之衆其盛可知故鐵嶺商會其來有自其設有山有商務而設商會非設商會而後講求商務也進口之貨其西北承消內蒙之牛部其東北包消東荒之各城出口之糧直接操津滬之金融間接貫洋商之血脈大連牛莊扼其前長春哈埠控其背鐵嶺以彈丸之地能於大連牛莊長春哈埠馳驅角逐此其中蓋有物焉今相去



十餘年錢商糧商當商雜貨商相繼倒閉全市爲空支持疲弊所存者僅矣昔日如此而日興今日如此而日削豈昔日恤之而不足今日病之而有餘乎而或者曰此錢法之過也然錢法跌落不過虧折虧折不已尙可待時或又曰此金融之過也然金融滯塞尙可自守自守之餘即可圖存鐵嶺商務壞於錢法者有之矣壞於金融者有之矣而盡歸咎於錢法盡歸咎於金融恐錢法與金融不盡任過也在未開放之時交通不便偶爾販運則易地爲良偶市期糧或不無滙注今門戶大開商埠遍設才力互較消息通靈乃猶避實乘虛蹈空履險迷離摸索行其故智既無實業之力又乏經濟之才聚多數外籍之庸公營不負責任之事業贏則自


得細則屬之主人矣而主人翁對其所營其贏者何在其細者何在又懵無知也求商學而不識其書講商戰而不諳其術不能自守焉能圖存乃鐘鳴漏盡夜行不休可乎不可昔日之商不恤而自恤今日之商不病而自病今昔之不同當別有故矣陳迹可按來日方長孰可孰否孰去孰從留心商務者當能辨之



鐵嶺縣志卷九

交通志

輪軌輻輳物質文明水上空中機力電力凡可以傳達消息運轉行人者無不各臻其妙夏禹之乘四載周官之設倭人秦皇之治馳道以及後世所謂驛站所謂郵遞皆成歷史上之名詞可以不用矣科學發明日新月異將來進化不知伊於胡底萬不敢臆爲逆料本邑當濬北之要衝爲東邊之門戶水陸交通向稱便利工商麇集百貨雲屯可謂盛矣自南滿築路權屬外人百業彫殘江河日下憂世者心焉傷之見兔顧犬亡羊補牢我亦次第有所設施杜塞漏卮挽回利益是在當事者好自爲之志交通



蘇  
氏  
學  
堂  
PDG

鐵嶺縣志卷九

交通

舊驛站

舊志云監州驛在城西關地基無考康熙九年設站於汎河東里許爲汎河站南至奉天府北至開原站云云今考清初奉省設二十九驛東三驛西十二驛南八驛北三驛西北三驛鐵嶺界內係北驛也復考康熙五十九年準於盛京五部選能經理者爲省驛關防官曰監督雍正元年定例三年一換每站設驛丞一員例歸盛京兵部管轄後乃設驛於邑城北十二里之高麗站驛丞即駐其地並有驛馬六十四匹以汎河站爲小站邑南舊有閻千戶屯驛係省西北驛光緒三十一年劃歸法

庫界旋因郵政成立而驛站皆廢

郵務局 在城內縣政府路南

清光緒二十三年秋始設局於北門內爲牛莊之分局時民智未開往來私函仍由民局遞送而付郵者絕少二十六年俄人入境百政蹉跎郵局亦遂停止至三十二年日俄和議成總局遷於瀋陽因鐵嶺爲衝繁之地山總局派英人整頓改設局於東門內復移於譙樓西並設各街代辦所分布信箱經營備至至宣統二年局務歸內國人辦理設局長一局員二改稱鐵嶺郵務局迨民國改元乃改中華郵政局三年改稱鐵嶺二等郵務局並添設懿路新台子大汎河遼海屯平頂堡等支局而收入歲增每月可收七萬餘元今則西門外設有支局各鄉亦

設有代辦所

按以上均係照舊志錄郵局之緣起

鐵嶺郵局成立於民國紀元前八年即清光緒二十九年也在城內設立大清郵政官局收寄官民郵件民國改元改稱中華郵局並於民國十六年間購置局房一所以備永遠居住開辦之初其經辦郵件計有信函類明信片類印刷物類新聞紙類貨樣類包裹類及國內匯兌事務簡便近年以來次第開辦郵政儲金代收貨價保險信函保險包裹國際聯郵日本國際匯兌並先後開辦鐵法郵路即通法庫之路鐵三郵路即通三面船之路鐵清郵路即通清源之路鐵白郵路即通自旗寨之路鐵孫郵路即通孫家台之路鐵瀋郵路即通瀋陽之路經過之



重要村鎮均設立信櫃及郵寄代辦所

計所屬西門外支局一處

郵寄代辦所十一處如左

夏家樓

鎮西堡

三面船

阿吉牛象堡子

大甸子

黃旗寨

開原界

夏家堡子

開原界

柴河堡

開原界

新台子

新城堡

懿路街

村鎮信櫃二十五處如左

大汎河

遼海屯

八里莊

腰堡

范家屯

蒲河 瀋陽界

大蔡台子 瀋陽界

拉馬河子 法庫界

依素牛叢堡子 法庫界

青堆子

中固

大高力屯 開原界

平頂堡

山頭堡

馬家寨 開原界

邱家窩棚

曾家寨

開原界

金家窩棚

清源界

西龍灣

清源界

催陣堡

李千斤屯

山岔子

雞冠山

白旗寨

下阮家窪子

其他內部之組織詳見政治卷

道里

驛站之設所以傳遞官文也郵政之設所以傳達官民之文報也鐵路之設所以利運輸而便行人也交通雖便皆長途也城市鄉村四通八達車馬之載重行旅之跋涉既不便於郵傳又不需乎鐵路惟有資坦坦之途以濟此芸芸之衆耳

城南達瀋陽之道里

城南三里之五里碑子之中支路西南行十二里至八里莊又南行八里至遼海屯又南行五里至阮家窪子又南行七里至汎河站渡口過河三里至新屯又五里至范家屯距城四十里又南行七里至亂石山子又南行十三里至懿路於村中過懿路河至瀋陽界

按自邑城至懿路六十里出界前清原爲驛路道旁植有榆柳木皆數拱早已枯朽近奉省令道之兩旁另植楊柳皆成陰矣其道亦令附近村民隨時修理以便陸路交通

城西南達瀋陽新民之道里

出邑城西過鐵道西南行七里至英城子又三里至大蓮花泡西南行五里至五角湖又五里至二十里堡又五里至得勝台又西南三里至小汎河距城三十里過汎河又西南行三里至揚威樓距城三十五里分爲二支右支路西行十里至陳家窩棚渡遼河距城四十二里又西十八里至阿吉牛象堡子距城六十里又西十里至烏巴海距城七十里再西入法庫界而揚威樓之右支路西南十五里至

小康家屯距城四十五里南行十五里至鮑家岡子距城六十里有諸民屯道自東來合爲一諸民屯道即城南十二里八里莊三路中之右支路也其路由八里莊南八里至遼海屯距城二十里又西南至下阮家窪子距城二十五里又西南至大汎河渡口距城三十里南行五里至古城子又南七里至沙坨子距城四十二里又五里至徐家湖距城四十七里又三里至大八里莊距城五十里又東南行過鐵道新台子六十里過河入瀋陽界又西行五里過鐵道至安心台又五里至諸民屯又四十里至大鮑家岡子距城六十里又西五里至丁字泡又五里至張家窩棚五里至魯家窩棚六里至黨家窩棚八里至遼遼湖距城九十里又西四里至石佛寺距城九十五里



北渡河達法庫界南行五里至瀋陽界西行五里至馬門子又二里至新民界

城西達法庫之道里

出城西過鐵路三里至馬蓬溝渡口距城五里過遼河西五里至河夾心距城十里又西五里至木廠距城十五里又西五里至賈家瓦房距城二十五里又西七里至戴三家子距城二十七里又西北八里至大青堆子距城三十五里又西北十里至夏家樓距城四十五里有三台子道自東來會三台子道者由木廠以北二里之三台子距城十五里西行五里至鎮西堡距城二十里再西五里至永安堡距城二十五里又西八里至小孤家子距城三十三里再西四里至

腰堡距城三十七里再八里至夏家樓二路既合西行十里至小明  
安碑距城五十五里西行十里至娘娘廟距城六十五里再五里出  
境之西北抵法庫界之調兵山

城東達開原柴河溝之道里

出治城東行三里至龍首山之東渡柴河行九里至熊官人屯距城  
十二里復東行八里至黑油房距城二十里循柴河北岸東行五里  
至興隆店距城二十五里又東南行五里至宿老屯距城三十里復  
東行五里至黃石灘子道分二支右支東南行可抵興京左支東北  
行五里至徐家溝又二里至土台子距城三十五里再北五里至大  
盤嶺再北二里至小盤嶺東北行至平石門距城五十五里復東南

行至牧養正東北行至開原界之柴河堡

城東南達清源撫順之道里

治城達清源亦可山城南轉東以通前路出治城南行十二里至八里莊路分爲中左右三支中支達瀋陽右支達與新民交界之石佛寺已詳於前左支路東南行八里至溫家莊子又東南行二十里至茨榆台距城二十八里復左右二支左支路東行七里至觀音閣嶺距城三十里過汎河三里至催陣堡又東行渡汎河北至大屯再東行復渡汎河至小屯又東行十餘里至大甸子距城六十里與城達興京之道路會而官房身之右支路正南行十里至張家樓子距城三十五里過汎河至李千戶屯距城四十里又東南行至馬侍郎橋

又東南行至山岔子距城七十里又五里至四冲又五里至五冲又三里至撫順界之葉爾星由此再東即入興京界

城東南達清源之道里

遵前叙道路東行三十五里至黃石龜子道分二支其左支即前叙之達柴河溝者而其右支路東南行十里至馬耳山距城四十五里又東南行五里至撫安堡距城五十里東行渡汎河十里至大甸子距城六十里又東行五里至老邊台又東行五里至高麗營子距城七十里又東行三里至當鋪屯距城七十三里東行三里至房身陽東行六里至榛子嶺距城八十二里東行三里至長寨子東行五里至雞冠山距城九十里東行十二里至昂邦河距城一百零五里東

行八里至白旗寨距城一百一十五里東行二十里至夾河廠東行  
十里至滾馬嶺再東入清源界矣

城北達開原之道里 道旁植有楊柳與達瀋陽之道同

出治城北行三里至柴河渡口過河北行九里至高麗站距城十二  
里又北八里至山頭堡距城二十里再北則入開原界之中固

按本境之道里自城達開原與自南達瀋陽及迤西達法庫新民  
之道皆多平坦惟迤東達興京及東南達撫順之道崇山峻嶺路  
多崎嶇車馬通行頗有險阻

又按以上山邑城赴各縣之道里皆係照舊志抄錄知其誤者已  
更正矣今之所謂鄉道殆與上述之道里無甚歧異鄉道未盡遵

令修理有與縣道同者有與縣道稍有出入者殊難備錄茲志縣道如左

縣道

民國十三年遵省令通往各縣之道路附近居民隨時修理今分志如左

鐵藩縣道

見前城南達瀋陽之道里

鐵法縣道

出城西行五里至馬蓬溝過遼河二里至東河家心

又西八里至三台子又西五里至鎮西堡距城二十里又西五里至永安堡又西八里至小孤家子距城三十二里又西四里至腰堡又西八里至夏家樓距城四十五里又西十里至小明安碑又西十里

至娘娘廟距城六十五里再西則入法庫界

鐵新縣道

出城西五里至馬蓬溝過遼河西南行五里至中河

夾心又西五里至馬廠又西南五里至紅崖嘴又西南八里至增盛堡又西南十二里至英二台子又西南十二里至西古城子又西南八里至阿吉牛叢堡子距城六十里又西行八里至烏巴海再西則入法庫界由法庫界入新民界

鐵撫縣道

出城南行二十里至遼海屯又東八里至茨榆台又

南三里至樹芽屯又東南五里至望寶山又南行五里至撫民屯又南行五里至李千戶屯距城四十五里又南行八里至瓢酪屯又南五里至柴家堡子又東南行五里至上台上又南行八里至王疙疸

嶺又東南行十二里至山岔子距城七十五里出村渡河入撫順界  
鐵清縣道 由城南三十里之樹芽屯東行五里至張家樓子又  
東行五里至營盤又東行八里至催陣堡又東行八里至小屯又東  
行八里至撫安堡又東行十里至大甸子距城六十里又東行五里  
至老邊台又東行八里至當鋪屯又東行五里至房身陽又東南行  
十里至榛子嶺又東行五里至長寨子又東行十里至雞冠山距城  
九十里又東行八里至岱海寨又東行十里至昂邦河又東行十二  
里至白旗寨距城一百二十里又南行八里過大嶺入清源界此路  
山道崎嶇車馬通行不易

附錄山邑東十二里熊官屯至三道林子赴清源縣道 山白旗



寨起東十二里至腰寨子又東八里至蕨菜溝又北行十二里至孤家子又東行二里至夾河廠又東行十二里至頭道林子又東行五里至二道林子又東五里至三道林子又東過滾馬嶺入清源界

鐵開縣道

見前城北達開原之道里

按以上所述合數小村相距之里數有與總計至一大村距城之里數稍相參差者因車馬通行之路與人行之路不同或因其土俗所稱之里數未有實地測量故也

橋梁

柴河橋

柴河由東來至龍首山下折而北流繞至城北又折而西向城東爲山鐵赴海龍之要道而城北爲由遼寧赴吉林之大道所必經每逢春冬開封河之際車馬難行諸多不便同治八年邑人王鍾嶽在東嶺下自行捐資修建柴橋冬設夏拆以便行路遠近稱善舉焉嗣王鍾嶽歿後復經本城世有號財東楊紳生春改於城北官渡口繼續捐建庚子之亂楊紳回山西原籍無人經理光緒三十二年商會成立總理彭錫庚提議由商會出資按年建設狹橋一座嗣經擯夫頭目趙廷有等請願由擯行內每石提抽二厘捐助商會建修柴橋

宣統二年復經城廂自治會添設板橋以便行人自此冬夏無病涉  
焉

阮家窪子橋

距城二十五里道光二十五年修

范家屯石橋

距城四十里道光二十年修民國十四年經區長毛振池等發起重  
修皆爲石建築甚屬堅固真一勞永逸之舉也

懿路石橋

距城六十里與瀋陽分界處又爲南北通行之要衝原有柴橋不知  
建於何時木朽橋頽其橋下臨懿路河每當河水暴發行旅時遭滅

頂之兜村人鄭振瀛者係北京滙文大學畢業倡義募捐於民國十九年鳩工庶材改建石橋其堅固與范家屯橋同真義舉也

諸民屯石橋

村人劉東川募修民國十九年竣工建築與范家屯同

大汎河石橋

村婦某獨力捐修不欲人知其姓名亦爲善恐人知之義也民國十八年工竣

三台子村南石橋

民國十三年縣公署督令攤款修

三台子村西石橋

民國十三年縣公署督令攤款修

鎮西堡村東石橋

民國十三年縣公署督令攤款修

永安堡石橋

民國十三年縣公署督令攤款修

夏家樓石橋

民國十三年縣公署督令攤款修

渡船

柴河渡船

計二艘一在驛路渡口一在龍首山下但渡行人

汎河站渡船

計小船二艘但渡行人

挖河牧渡船

地屬興京今歸撫順界

按以上三渡口撐船人夫皆係流徒犯人所充有清之世每渡口撥地八十三日二畝以作養贍此項犯人之用名曰水手地宣統元年流徒停止自治開辦其柴河渡口之地歸城廂自治公所管理汎河渡口之地歸南一鄉自治公所管理而挖河牧渡口雖屬撫順其水手地皆在本境經此變遷又過數年挖河牧之水手地即歸教育會報領矣柴汎兩渡口之水手地至民國二年停辦自治此項水手地又由縣移交教育公所至民國七年由教育公所

撥交銀岡會社

大汎河渡船

小船一支

小汎河渡船

小船一支

以下均係遼河渡口

老邊渡船

大船一支小船一支

果子園渡船

大船一支小船一支

下塔子渡船

舊志作八寶湖大船一支小船一支

雙岔口渡船

大船二支小船二支

馬蓬溝渡船

大船二支小船三支

江河泡渡船

大船一支小船一支

腰屯渡船

大船一支小船一支

强家窩棚渡船

大船一支小船一支

陳家窩棚渡船 大船一支小船一支

王鐸尖渡船 大船一支小船一支

劉柏松渡船 大船一支小船一支

珠爾山渡船 大船一支小船一支

大臥子渡船 大船一支小船一支

魯家窩棚渡船 大船一支小船一支

蕭家網戶渡船 大船一支小船一支

石佛寺渡船 大船一支小船一支

按各渡口之大小船隻及傭夫之費皆由各該渡口所隸之村自行籌辦



電話局

在城內縣政府門首東偏

民國三年縣知事陳公藝創設電話局委邑紳吳桂芬爲總理內分行政電話商辦電話其開辦之始招收股本六萬元但通城內各商號謂之商辦電話並安設長途電話南通省城北達開原西通法庫迨民國十三年縣知事張公勛以鐵嶺地面遼闊村密人稠事務繁盛凡重要村鎮警甲所在地亦均安設電話以期便利謂之行政電話仍聘吳桂芬爲行政電話局長茲將各村鎮之電話分區臚列如左

第一區

城東及東南城北

熊官屯

距城十二里

宿老屯

三十里

土台子

四十里

茨榆台

二十里

催陣堡

四十里

高麗站

十二里

平頂堡

距城十八里

山頭堡

二十五里

第二區

城東

大甸子

距城六十里

雞冠山

九十里

白旗寨

一百二十里

孤家子

一百十里

上韭菜峪

一百五里

第三區

城南及西南東南

殷家屯

距城四十里

大蓮花泡

十二里

大汎河

三十里

遼海屯

二十里

揚威樓

四十里

英守屯

四十五里

第四區

城南及東南

范家屯

距城四十里

懿路

六十里

李千戶屯

距城四十五里

上未台冲

四十五里

橫道河子

七十里

山岔子

七十里

第五區

城西南

鮑家岡子

距城六十里

大八里莊

五十里

新台子

六十里

索龍岡子

五十里

達連屯

七十里

石佛寺

九十里

第六區

城西及西北

鎮西堡

距城二十里

果子園

三十里

黃古洞

二十五里

第七區

城西

夏家樓

距城四十五里

大青堆子

三十五里

雙樹子

距城四十五里

大孤榆樹

五十里

娘娘廟

五十五里

小青堆子

五十五里

第八區

城西及西南

阿吉牛彙堡子

距城六十里

蔡牛堡子

四十里

楊相國屯

六十里

大康家屯

七十五里

又有省設長途電話局在東關小橋子路北但通省城及各大城埠不通城內商號及各村鎮

### 電報局

清光緒二十三年始設局於北門外今則移至城內謙樓北其事蹟未詳

### 航運

自清咸豐三年山奉天將軍奏准開城西五里之馬蓬溝河運甬東西圍場次第出荒每值冬令邑東西北凡遼河上流各地之糧車雲集於此故至光緒二十年間本邑大小糧棧達七八十家之多至春季開河再山城內運至河口裝載船隻直達營口大豆爲出口之大宗此地實

爲其樞紐舳舻相接棹歌互答豈但風帆沙鳥煙雲竹樹而已哉故此時期爲本邑商業極盛時期亦爲航運極盛時期迨俄人築路今稱南滿而船舶寥寥一落千丈談航運者不禁今昔之感焉現又疏濬遼河爲通輪船計正在工作時間將來航務重興工商各業亦因之蒸蒸日上吾鐵其庶有豸乎

附石道 自河運興山城往河口運糧皆僱用大車西關達馬蓬溝之路春夏之際多苦泥濘不易通行光緒初年由各車戶集資鋪設石道皆以四五尺之長方石爲之石道由船店經理船店者爲船戶與糧棧之媒介即牙紀之一種也迨南滿路成航運衰落亦無大車運載之勞視石路爲無用其石亦爲人民取用殆盡道復泥濘異哉數十年之建



築物不知保存而反壞之不解甚矣

鐵路

南滿鐵路自邑西南六十里之新台子入境經亂石山驛距城五十里  
又經得勝台驛距城二十五里至鐵嶺驛又北至平頂堡驛距城二十  
里再北則入開原界

鐵嶺縣志卷十

人物志

錯節盤根乃徵利器深山大澤必產龍蛇艱難困阨磨礪豪傑之機毓秀鍾靈生產英賢之地白山黑水之鄉寧同國里鐵嶺銀岡之秀不乏聞人或名賢流寓雪泥過去留痕或鄉宦懋助志乘因之生色其他高人韻士之儀型足以千古媿婦村夫之節孝特具一長或經旌表或受褒揚其窮鄉僻壤湮沒不彰者無論已見聞失實慨文獻之無徵採輯難周恐魯魚之有誤僅就耳目所及彙爲一卷析爲若干目分類列之志人物



鐵嶺縣志卷十

人物

名宦

秦漢之世本境始入版圖秦設遼東郡漢置四郡於遼東本境屬樂浪郡守土備邊雖有官吏而其人亦不可考僅自金以後有書可稽必擇其有建設或有政績者方足當名宦之稱茲就歷代之官斯土者節錄如左

按以下文中如咸平咸州雙州銀州興州懿州銅山中固信州皆在本境詳見地理卷建置沿革門

金

烏哲庫

原作吾札忽

安帝六代孫婆盧火之子善騎射大定初除咸平尹後從征有功改爲呼爾哈節度使卒烏哲庫性聰敏有力智善用軍常出敵之不意以寡敵衆所往輒克號爲鶻軍云

王伯龍

瀋州雙城人遼末聚黨爲盜天輔二年率衆二萬及其輜重來歸授世襲明安知銀州兼知雙州後累立戰功五年授節度使充徐宿邳三路軍馬都統敗高拖山之衆十五萬餘於清河改河中尹徙益都尹封廣平郡王卒年六十五正隆間贈宣國公

布薩歡塔

原作漢不詳

扶餘路嘉門人勇健善射遷利涉軍節度使改咸平尹世宗朝轉廣  
寧尹與圖克坦克寧敗幹罕於長瀋改臨潢尹賊平改海蘭路兵馬  
都總管利涉軍節度使以金紫光祿大夫致仕歡塔沉厚有識明於  
聽斷所至有政聲

### 高松

澄州析木人弱冠從軍多力善戰累官咸平府總管判官世宗時充  
管押東京路渤海萬戶兵部尚書克實反前同知延安尹李老僧欲  
得松共事以言挑之曰君有功舊人至今不得大官何也松曰我一  
縣令每念聖恩愧無以報敢他望乎老僧遂不敢言克實事敗松從  
幹罕以功遷咸平少尹官至崇義軍節度使

諾延溫都烏達

阿卜薩水人通書史工詩世宗朝授咸平及會寧尹爲北邊行軍都  
統治簡寬簡多備禦謹斥堠邊境以安改爲北京留守以廉察舉所  
在有能名無私過入拜參知政事

伊喇子敬

字同文遼五院人皇統間興修遼史除同知遼州事舊木廳自有佔  
地歲入數百貫子敬曰已有公田何更取民田竟不取累遷簽書樞  
密院事同修國史及爲興州尹女自懿州來謁遇盜剽行李且盡旣  
而還之曰我輩初不知爲府尹家人尹有德於民尙忍侵犯耶後歷  
咸平廣寧尹致仕卒時家無餘資

承暉

字維明淹貫經史遷東京咸平路提刑副使同知上京留守豪猾屏息遷臨海軍節度使歷利涉遼海軍遷北京路提刑歷知咸平府臨潢府爲北京留守卒爲名臣死中都難贈尙書令廣平郡王諡忠肅張行信

字信甫純正眞率不事修飾擢進士官銅山令明昌元年以廉擢監察御史兩登相位言無隱避及卒皆曰正人亡矣

梁持勝字費摩薩布 韓公恕

勝字經甫稽山人保大軍節度使襄之子多力善射太和六年進士復中宏詞累官太常博士遷咸平路宣撫司經歷初宣撫使布希萬



努有異志欲棄咸平持勝沮之萬努怒杖之走上京告行省太平時  
太平已與萬努通謀焚毀上京奪元帥承充軍持勝與提控咸平治  
中費摩薩布萬戶韓公恕約殺太平復推承充行省事告發萬努事  
泄被害贈勝忠順大夫韓州刺史薩布鎮國上將軍咸德軍刺史恕  
明威將軍信州刺史

元

耶律留哥

契丹人初仕金爲北邊千戶太祖起兵朔方金人疑遼遺民有他志  
令遼民一戶以二女眞戶妨之留哥不自安遁至隆安韓州與耶的  
約合兵十餘萬稱王改元統盡有遼東諸郡都咸平後與子薛閣

奉金幣銀牌見帝帝大悅賜金虎符仍命爲遼王居廣寧卒年五十  
六妻姚里氏入奏會帝征西域承制以氏佩虎符領其衆七年

明

李承勛

湖北嘉魚人正德中以右副都御史巡撫遼東時邊備久弛開原尤  
甚士馬纔十二牆堡墩臺傾圮殆盡將士依城塹自守承勛疏請修  
築會世宗立發帑銀四十餘萬承勛命步將四人各一軍守要害身  
負菴鉢先士卒凡爲城塹各九萬一千四百餘丈墩堡百八十有二  
招逋逃三千二百人開屯田千五百頃又城中固在本鐵嶺蒲河撫順  
邊防甚固又數陳軍民利病咸報可清

胡藥嬰

直隸贊皇人康熙三年初設縣治公爲首任知縣時全境民戶甚少  
惟駐防旗籍壯丁千餘家公廣事徭徠代籌生計始有繁盛氣象鐵  
嶺民籍實創於公

賈宏文

直隸延慶人康熙十四年任縣事提倡文教士始向學又聘董國祥  
創修縣志即舊縣志也

許志進

江蘇淮安人康熙三十五年蒞任先是郝中山先生浴謫戍鐵嶺講  
學於所居之銀岡書院僅設先師及四配十哲兩廡諸賢總木主於

堂未及議建學宮至是始建於東南隅規模備具文教日昌

焦獻猷 附 宋一驥

獻猷康熙四十九年任縣事先是郝公浴以遺宅留作銀岡書院後  
爲旗兵佔據公蒞任因邑庠生徐元弼之請據理力爭極力清釐請  
於極峯時郝公子林爲奉天府尹輾轉數四宋令一驥繼之始克就  
緒將遺宅退出仍作書院故邑之士人欽祀郝並公之子林而於兩  
賢令尹之功尤不敢忘云

何師曾

通州人與獻猷同時任儒學訓導重修書院

三寶

京旗人乾隆四十六年任縣事承旨重修縣城詳見地理卷城池門

永福

奉天旗人乾隆四十六年任路記防禦與知縣三寶重修城工

札郎阿

京旗人嘉慶間任縣事時學憲茹奏准頒行庫書於各學署諭州縣  
建閣以崇之適重修文廟公乃提倡與邑紳等鳩工建尊經閣於文  
廟東院並建奎星樓於城東南角

崇光

字耀軒京旗人道光間任縣事折獄如神民無冤枉刻聯於頭門文  
云有一刻工夫且勤爾業無十分委屈莫入吾門至民國改造縣署

始撤去其聯

李應紫

字秀峰甘肅皋蘭縣人進士光緒年間前後兩任縣事慈惠教民案無冤獄

劉玉林

字崑岡直隸武清舉人同治初連任儒學多年設帳授學門多桃李提倡書院主齋課實行月試捐廉獎掖光緒間重遊泮水

鹿名世

字景充定興舉人任儒學訓導主書院齋課有捐存書籍於書院

楊昌瀚

字海琴四川拔貢光緒二十五年任縣事明年六月拳匪肇亂延及商民公獨斥爲邪妄匪勢張甚力不如心因去職邑人至今猶惜之

陳藝

字湫六江蘇宜興縣人民國元年任縣事國體初更崔符甫靖又值百政維新諸端待舉曰警曰學曰自治所有一切建設經營掣肘多由公一人創其始歷六年始去邑人借寇不得至今思之因建德政碑於龍首山之俱樂部中碑見古蹟卷

李濟東

字泮溪鳳城縣人民國十五年蒞縣事在職二年廉潔自持赴鄉巡

視自備川資秋毫無擾問民疾苦不憚勤勞經營擘劃意欲有所設  
施未幾去職有志未逮邑人惜之



金瓶梅  
第八回  
PDG

寓賢

明代設衛清初改衛爲縣究以地接荒服猶以邊徼視之率爲謫官遣戍之所此外或名賢避地或就食他方久而漸成土著不獨遼東嶠一人一事已也詳稽冊籍分錄如下

陳循

字德遵泰和人永樂十三年進士第一授修撰洪熙初進侍講宣德初直南宮正德初進經筵尋進翰林院學士九年入典機務土木之變循居中所言多採納景泰二年進少保兼文淵閣大學士尋加太子太傅華蓋殿大學士仍兼文淵閣英宗復辟于謙王文誅死循謫戍鐵嶺時年八十餘適重修邑西北隅圓通寺有循所撰碑記循在

宣德時御史張楮獻詩忤旨陳祚上疏觸帝怒皆賴婉辭爲解日彼亦忠愛也得釋景帝朝上勤政要典江南北大雪麥苗死請市麥種給貧民因事進言多足採至是貶皆石亨輩爲之非帝意也及亨敗釋爲民一年卒于謙事雪乃復官賜祭

沈敬

官主事英宗復位石亨等誣于謙王文以謀立外藩文力辯詞氣激壯命敬按問無迹廷臣遂坐謙文謀反未定斬於市敬坐知謀故縱減死戍鐵嶺卒

閻寬

字德厚樂安人正統進士授監察御史彈劾無少避爲錦衣指揮馬

順所忌以事中傷之遣戍鐵嶺卒

強珍

滄州人以進士巡按遼東精敏果毅邊境乂安權閹汪直黷貨妄殺  
珍劾之直誣珍檻車詔獄御史許進疏珍冤卒除籍戍鐵嶺直敗復  
官累遷南京通政

王時中

山東黃縣人正德間忤逆瑾謫戍懿路後復官累遷兵部尚書

季開生

江南泰興人順治初以直言謫寓鐵嶺數年卒順治庚子世祖思其  
言復原官蔭一子入監讀書

郝浴

字雪海定州人順治己丑進士任四川巡按有破賊功效吳藩謫鐵嶺顏其室曰致知格物之堂讀書講學開啓後進注周易解孟子解士人宗之稱復陽先生居二十年及三桂果叛聖主嘉其先見召還累遷廣西巡撫召還時留所居爲銀岡書院至今崇祀於堂以仲子林配焉

附錄郝雪海中丞事略

郝公諱浴字冰滌號雪海直隸定州人生平負氣節棘棘不阿順治六年進士授刑部主事八年遷御史奉命巡按四川時流賊張獻忠餘黨孫可望李定國劉文秀等降附明桂王朱山榔踞川南寇掠九

年平西王吳三桂與都統李國翰分兵復成都嘉定叙州重慶駐師  
綿州公在保寧監臨鄉試可望文秀等合衆數萬薄城公遣使告急  
綿州逾月三桂乃發援兵危城得全公因陳善後策略言大兵勦賊  
借陝西運餉道遠餉繁宜移陝西駐防屯田成都並招流民開墾借  
給土司牛種屯耕一年可抵輸運三年之利又言賊寇善騰山越嶺  
蜀中土官土兵習尙相近宜簡精銳爲前矛以滿洲驍騎繼其後疾  
雷迅霆之下寇必烏獸散上嘉其奏可採下部議部臣以戰守機宜  
應山三桂酌籌寢其議公又言土賊投誠給札授官恣行劫掠爲民  
害請嗣後願歸伍者聽其願爲民者即令有司造冊編丁以資生聚  
又請免牛租除雜派惟就熟地開徵俾民賦有定額疏皆下部議行

又劾奏永寧總兵柏永福臨陣畏縮廣元副將胡一鵬驕悍不法狀  
並奪職逮訊方保寧之奏捷也詔頒賞將士三桂因以寇報與公公  
不受疏言翦平賊寇平西王責耳臣司風憲不預軍事而以臣預賞  
非黨臣則忌臣耳因疏劾三桂擁兵觀望狀上命以賞物賞有功將  
士大學士成公克鞏呂公宮等疏奏公固守保寧出入營伍奮不顧  
身轉敗爲功宜擢用三桂因摘公保寧捷疏中有親冒矢石語劾公  
欺罔冒功吏議革職逮訊論死命免死流徙盛京之尙陽堡當是時  
三桂開邸澶黔海內財賦輦輸軍前者歲無慮數百計守令得自辟  
椽署珍貝犀象明珠南金之寶悉歸私室失職之士及無賴多歸之  
疆吏櫻其鋒者禍立至公以一御史首發其奸直聲徧天下康熙十

年駕幸奉天公迎謁道左上親垂問爲十二年三桂反明年尙書王公熙劉公沛先後交章薦公爲部議所格十四年魏公象書兩疏薦公學識兼優不宜終棄且曰臣自愧不如願以職讓遂得旨召用復原官時陝西提督王輔臣叛應三桂公疏言大兵進勦平涼宜於西安潼關川重兵屯駐以待策應調鄖陽兵攻興安調河南兵入武勝關直取漢中則逆賊指日可擒疏下統兵大臣相機進行又言民間納糧多額外徵求致正額反缺至招買軍需名爲市易實在攤派里民比及發價官役互相侵扣又於解餉時多索收餉之費任意遲延請飭督撫嚴查又言京通各倉積貯已多請留山東河南額徵耗米折銀濟軍需疏並如所請十六年巡視兩淮鹽課明年兩遷至左副



都御史十九年部更新例凡死罪減等及軍流人犯俱發黑龍江公  
以天旱民饑恐遣死道斃者多疏陳新例未便下所司議惟贓吏照  
新例行餘仍舊又疏言出身非正途者雖經保薦不得選科道又言  
部院長官歲終宜舉劾屬吏賢否各一人以示懲勸均從之尋命巡  
撫廣西賜御廐良馬一疏言粵西錢糧改折乃一時權宜計今軍餉  
既停請仍舊又請御書清慎勤字額頒發各疆吏俾官民咸得瞻仰  
得旨允行又言粵西外控土司內制猺獞撫標兵不宜裁減部議許  
留其半又爲故死事撫臣馬公雄鎮傅公宏烈請祠爲故知府劉浩  
知縣周岱生請卹又請復賑濟貧民銀米均從之二十二年卒於位  
年六十一士民奔走巷哭凡三日喪歸爇香送者數千里不絕語及

公皆零涕云初傅公宏烈以軍需移取庫金七萬有奇米七千餘石  
公蒞任擬以庫項扣抵及卒護印者劾公侵欺詔遣部郎查審坐侵  
銀九萬有奇吏議奪職追繳特旨以公清廉免追川示優卹廉吏至  
意二十五年子林爲父訴冤請還職部議不可特旨許追復林旋請  
卹賜祭葬如例林以進士累官禮部左侍郎加尙書銜致仕嗚呼聖  
祖之於公旣簡諸生前又卹諸身後曰廉曰潔褒許再四儼然家人  
父子其知公深矣然三桂兇燄方張以一書生不揣而與之抗微聖  
祖保全則公之元已喪而骨已朽矣乃謫公於遠示薄譴稍殺三桂  
之怒而緩其反留公以爲異日股肱之用其恩誼爲何如哉同時以  
御史劾三桂得罪後且大用者爲楊公素蘊與公齊名

剩人

名函可字祖心有明尚書韓爌文恪公之子幼從門下名士論交性尚禪宗崇禎十二年時年十九得印洞宗正法以出世自號剩人順治丙戌坐文字獄爲潘陽之役戊子奉旨焚修慈恩寺凡七作道場采珠投針之徒多得大悟嘗結廬於邑之龍首山郝中山先生與之最契歲戊戌三十九齡僧臘二十固寂於遼陽千山龍泉寺

左懋泰

山東萊陽縣人明左懋第先生之弟懋第清風亮節矯於史閣部宏光即位南京懋第奉命北使謁陵並與清議和清拘之自矢以身報國終遇害其絕命詩曰漠漠黃沙少雁過片雲南下竟如何丹誠碧

血銷難盡蕩作寒煙永不磨聞者痛之懋泰順治初年因事謫戍鐵嶺遂家焉其子左暉生左昕生等從郝雪海先生講學世爲本邑望族今其裔居遼河西二弓台及城東左家溝并城內均有之

### 董國祥

字掌錄考册籍廣川人查廣川即今河北冀縣清初與郝雪海先生同謫鐵嶺遂爲契友以詩文相唱和以道義相切磋康熙十六年輔縣令賈弘文創修縣志鐵嶺之有縣志實自公始其詩文見藝文志

### 王相庸

字蕉園咸豐同治間人原籍山東遊學邑內設帳授徒工詩嘗與魏燮均張簡齋諸人相唱和家族在籍盡罹捻亂而亡貧無所依益以

誘掖後生爲己任卒於館諸友人及弟子等同理喪事葬之龍首山

西

穆心一

字松甫原籍山東移居瀋陽界鐵器營子村平生設帳授徒多在本境內爲文援筆立就從學掇芹如拾芥對於生徒循循善誘故人樂稱之

鄉宦

鐵嶺古鄰荒服鮮居民乏文教士類缺如烏所謂鄉宦自郝公謫居人始知學運會乘除以至今日或爲國家之光或爲閭里之榮人以地傳歎抑地以人傳歎稽諸舊志亦斷自金始彙而錄之以存其人並以存其績云

金

伊喇道

其先伊室布人初徙咸平爲人寬厚有志節以篤孝著名海陵伐宋爲都督府長史海陵死師還淮南百姓苦之有男女二百餘人自願與道爲奴道携至淮俟諸軍畢濟乃悉遣還布薩忠義討幹罕道參

謀幕府所分掠獲生口悉縱遣之歷遷戶部尙書西北路招討使諸路依故事皆獻駝馬多至數百道並却之數月皆復貢職進尙書右丞乞致仕不允尋拜平章政事二十三年罷爲咸平尹莘國公世宗曰卿數年嘗乞致仕朕未許卿今老矣咸平卿故鄉地涼事少老者所宜又傳諭曰咸平自斡罕亂後民業未復聽卿歸里所以安輯一境也明年卒上聞悼惜良久是歲幸上京路過咸平遣使致祭賜賻有加擢其子光祖爲闔門祇候

瓜爾佳衡

原名阿爾布色咸平人大定十三年創設女直進士衡舉第四人補東平府教授明昌二年拜參知政事四年詔諭之曰卿忠實公方審

其是則執而不回見其非則去而能果度其事勢有若權衡可賜名  
衡晉持國言區種法衡曰若苟有利古已行之且用功多而所種少  
恐後荒廢土田無益勞民也承安二年擢爲上京留守規畫北邊修  
完封界四年就拜平章政事封英國公諡貞獻

### 蒙古綱

咸平府明安人承安五年進士貞祐初自請招集西山兵民招捕有  
功遷太子左諭德興定元年徙知東平府事拜右副元帥權參知政  
事行尙書省三年遣行樞密院事王庭玉討擒張林詔以綱與庭玉  
保全東平各遷一階元光二年以邳州經略司隸綱綱御下嚴信賞  
必罰邳州不樂屬綱且謀叛納合六哥等遂殺綱於行省



盧克忠

貴德州鳳集人高永昌據遼陽克忠走謁金源郡王幹魯營降幹魯克東京永昌走長松克忠追獲之收國二年授世襲穆昆

穆昆三百戶

其後

定燕伐宋皆與有功除登州刺史改澶州天德間同知保大軍節度使路釋冤獄大定二年除北京副留守轉陳州防禦使以靜難軍節度使致仕

劉瑋

字德玉咸平人幼警悟習舉子業熙宗特賜及第轉尚書省都事宰臣奏擬瑋經畫軍民田土世宗見其名曰劉瑋尚淹此乎遷戶部員外郎改同知宣徽院事充使宋國副使父兄皆以是官使江左當時

榮之明年擢戶部尙書時河決於衛自衛抵清滄皆被其害詔兼工部尙書往塞之瑋齋戒禱於河功役齊舉河乃復故明昌三年拜尙書右丞卒諡安敏

珠勒根穆都哩

上京納琳河人後徙咸平路梅赫河雄偉勇毅金初伐遼穆都哩領穆昆明安官每遇敵往來馳突人莫敢當故所戰皆克累功授世襲本路音打渾河穆昆爲肇州防禦使扶餘路節度使累官金吾衛上

將軍

明

按明寧遠伯李成梁確係鐵嶺人無疑今其裔及其祖塋尚在邑

東三十里之小屯明史成梁本傳載其先世自朝鮮內附則成梁  
又確係朝鮮裔無疑茲由小屯考李氏之譜書所載如次

李哲根穗

李哈山

李厦霸努

李把圖理

李膺尼

以上皆成梁之遠祖均葬於小屯其族所稱爲老瑩者指此而言  
也此五世遠祖核其命名之意應爲朝鮮人可徵明史所謂自朝  
鮮內附者不誣

第一世 李英

以軍功授世職鐵嶺衛指揮僉事卒葬邑南汎河北山之陽其族人呼爲新墳

第二世 李文彬

英之長子襲指揮僉事卒葬邑東之新墳以曾孫成梁官誥贈太傅

第三世 李春美

文彬之長子襲指揮僉事誥贈太傅

第四世 李涇

春美之長子即成梁之父也襲指揮僉事以成梁官誥贈太傅太子太保寧遠伯

李成梁

鐵嶺人字汝器由生員襲指揮僉事隆慶丁卯陞副總兵協守遼陽萬曆甲戌晉左都督鎮遼總兵次年封寧遠伯子襲蔭前後鎮遼二十八年蒞任最久著在明史加太傅累疏乞休卒年九十三賜祭葬節錄明史本傳李成梁字汝契高祖英自朝鮮內附授世襲鐵嶺衛指揮簽事遂家焉成梁英毅驍健有大將才家貧不能襲職年四十猶爲諸生巡按御史器之資入京乃得襲積功爲遼東陘山參將隆慶元年土蠻大入永平成梁赴援有功進副總兵仍守險山協守遼陽三年四月張擺失等屯塞下成梁迎擊斬之殲其卒百六十有奇餘衆遠徙遂空其地錄功晉秩一等四年九月幸愛大入遼東總兵

官王治道戰死擢成梁署都督僉事代之當是時俺答雖款塞而插漢部長土蠻與從父黑石炭弟委正大委正從弟煇兔抉兔子卜言台周從子黃台吉勢方強泰寧部長速把亥炒花朵顏部長董狐狸長昂從之東則王杲王兀堂清佳砮之屬亦時窺塞下十年之間殷尙質楊照王治道三大將皆戰死成梁乃大修戎備甄拔將校收召四方健兒給以厚餼用爲選鋒軍聲始振明年五月敵犯盤山驛指揮蘇成勛擊走之無何土蠻大入成梁遇於卓山麾副將趙完等夾擊斷其首尾乘勝抵巢截部長二人斬首五百八十餘級進署都督同知世蔭千戶又明年十月土蠻六百騎營舊遼陽北河去邊二百餘里俟衆集大舉成梁擊走之萬歷元年又擊走之前屯已又破走

之鐵嶺鎮西堡增秩二等朶顏兀魯思罕以四千騎毀牆入成梁禦  
却之建州都指揮王杲故與撫順通馬市及是又殺備禦裴成祖成  
梁謀討之明年十月果復大舉入成梁檄副將楊騰游擊王維屏分  
屯要害而令參將曹蠻挑戰諸軍四起敵大奔盡聚杲寨寨地高杲  
深溝堅壘以自固成梁用火器攻之破數柵矢石雨下把總于志文  
秦得倚先登諸將繼之東走高台射殺志文會大風起縱火焚之斬  
馘千一百餘級毀其營壘而還進左都督世廕都指揮同知杲大創  
不能軍走匿哈納寨曹蓋勒精騎往杲走南關都督王台執以獻斬  
之三年春土蠻犯長勇堡擊敗之其冬炒花大會黑石炭黃台吉卜  
言台周以兒鄧煖拱兔堵刺兒等二萬餘騎從平虜堡南掠副將曹

蓋馳擊遂轉掠潘陽見城外列營乃據西北高墩成梁邀戰發火器  
敵大潰棄輜重走追至河溝乘勝渡河擊斬以千計加太子太保世  
蔭錦衣千戶明年黑石炭大委正營大清堡邊外謀錦義成梁率選  
鋒馳三百里逼其營攻破之殺部長四人獲級六百有奇五月土蠻  
復入聯營河東而遣零騎西掠成梁掩其巢得利而還明年正月速  
把亥糾土蠻大入營劈山成梁馳至丁字泡敵方分騎繞牆入成梁  
夜出塞二百里搗破劈山營獲級四百三十馘其長五人加太保世  
廕本衛指揮使三月游擊陶成譽擊敵長定堡獻馘四百七十有奇  
已告謝郊廟大行賞賚廕成梁世襲指揮僉事有言所殺乃土蠻部  
曲因盜牛羊事覺懼罪來歸承譽掩殺之給事中光懋因請治承譽



殺降罪御史劾如懋言兵部尙書方逢時督撫梁夢龍周詠先與承  
譽同叙功力爲解卒如御史奏盡奪諸臣恩命六月敵犯鎮西堡復  
追退之十二月速把亥炒花煖兔拱兔會土蠻黃台吉大小委正卜  
兒亥慳忽太等三萬餘騎擊遼河攻東昌堡深入至耀州成梁遣諸  
將分屯要害以遏之而親率銳卒出塞二百餘里直搗圓山斬首八  
百四十及其長九人獲馬千二百匹敵聞倉皇走出塞論功封寧遠  
伯歲祿八百石是時土蠻數求貢市關吏不許大恨七年十月復以  
四萬騎自前屯錦州營深入成梁命諸將堅壁自督參將楊粟等扼  
其衝會感繼光亦來援敵遂退俄又與速把亥合壁紅土城聲言入  
海州而分兵入錦義成梁踰塞二百餘里直抵紅土城擊敗之獲首

級四百七十有奇進東都督王兀堂故通市寬甸後參將徐國輔弟國臣強抑市價兀堂乃與趙鎖羅骨數遣零騎侵邊明年三月以六百騎犯靉陽及黃岡嶺指揮王宗義戰死復以千餘騎從永奠入成梁擊走之追出塞二百里敵以騎卒拒而步卒登山鼓譟成梁大敗之斬首七百五十盡毀其營壘捷聞並錄紅土城功予成梁世襲其秋兀堂復犯寬甸副將姚大節擊破之兀堂由是不振土蠻數侵邊不得志忿甚益徵諸部兵分犯錦義及右屯大凌河以城堡堅不可克而成梁及劉鎮兵亦集乃引去無何復以二萬餘騎從大鎮堡入攻錦州參將熊朝臣固守而遣部將周之望王應榮出戰頗有斬獲矢盡皆戰死敵乃分掠小凌河松山杏山成梁馳援始出境九年正

月土蠻復與黑石炭大小委正卜言台周腦毛大黃台吉以兒鄧煖  
兔拱兔炒戶兒聚兵塞下謀入廣寧成梁率輕騎從大凌堡出去塞  
四百餘里至襖郎兔大戰自辰訖未敵不支敗走官軍將還敵來追  
成梁逆擊且戰且行先後斬首三百四十及其長八人錄功增歲錄  
百石世蔭一等四月黑石炭以兒鄧小歹青卜言兔入遼陽副將曹  
蓋追至長安堡遇伏失千總陳鵬以下三百十七人馬死者四百六  
十四遂大掠人畜而去蓋等下吏成梁不問十月土蠻復連連把亥  
等十餘萬騎攻圍廣寧不克轉掠團山堡盤山驛攻義州成梁禦却  
之十年三月速把亥率弟炒花卜言兔入犯義州成梁禦之鎮夷堡  
設伏待之速把亥入參將李平胡射中其肩墜馬蒼頭李有名前斬

之寇大奔追馘百餘騎炒花等痛哭去速把亥爲遼左患二十年至是死帝大喜詔賜甲第京師世廕錦衣指揮使初王杲死其子阿台走依王台長子虎兒罕以王台獻其父嘗欲報之王台死虎兒罕勢衰阿台遂附北關合功虎兒罕又數犯孤山汎河成梁出塞遇於曹子谷斬首一千有奇獲馬五百阿台復糾阿海連兵入抵瀋陽城南渾河大掠去成梁從撫順出塞百餘里火攻古勒塞射死阿台連破阿海寨擊殺之獻馘二千三百杲部遂滅錄功增歲祿百石世廕指揮僉事北關清佳砮楊吉砮素讐南關王台沒屢侵台季子猛骨孛羅且籍土蠻煖兎愷忽太兵侵邊境其年十二月巡撫李松使備禦霍九皋許之貢市清佳砮楊吉砮率二千餘騎詣鎮北關詣松九皋

見其兵盛譙讓之則以三百騎入松先伏甲於旁約二人不受撫則  
礮擊甲起頃之二人抵關據鞍不遜松叱之九皋麾使下其徒遽拔  
刀擊九皋并殺士卒十餘人於是軍中礮鳴伏盡起擊斬二人并其  
從騎與清佳砮子兀孫孛羅楊吉砮子哈爾哈麻盡殲焉成梁聞礮  
急出寨擊其留騎斬首千五百有奇餘衆刑白馬攢刀誓永受約束  
乃還師錄功增歲祿二百石改前廳指揮僉事爲錦衣衛指揮使方  
成梁之出塞也炒花等以數萬騎入蒲河及大寧堡將士防禦六日  
始出塞十二月把兀兒欲報父速把亥之怨偕從父炒花姑婿花大  
糾西部以兒鄧等以數萬騎入掠瀋陽即退駐牧遼河聲犯開原鐵  
嶺成梁與巡撫李松潛爲浮橋濟師踰塞百五十里疾掩其帳寇已

先覺整衆逆戰成梁爲疊陣親督前陣擊賊而松以後陣繼之斬首八百有奇捷聞增歲祿百石改廕錦衣指揮使其年五月敵犯瀋陽伏精騎塞下誘官軍游擊韓雲功追襲之敗死閏九月諸部長復犯蒲河殺裨將數人大標掠而西部銀燈亦窺遼瀋成梁令部將李平胡出塞三百五十里搗破銀燈營斬首一百八騎諸部長聞之始引去十四年二月土蠻部長一克灰正糾把兔兒炒花大等三萬騎約土蠻諸子共馳遼陽挾賞成梁偵得之率副將楊燮參將李寧李興孫守廉以輕騎出鎮邊堡晝伏夜行二百餘里至可可母林大風雪敵不覺旣至風日晴朗敵大驚發矢如雨將士冒死陷陣獲首功斬其長二十四人其年十月敵七八萬騎犯鎮夷諸堡閱五日始去十

五年春東西部連營入犯其秋八月復以七八萬騎犯鎮夷堡十月把漢大成糾土蠻十萬騎由鎮夷大清二堡入數日始出北關既被創後清佳砮子卜塞與楊吉砮子那林孛羅漸強盛數與南關虎兒罕子卜商構兵成梁以南關勢弱謀討北關以輔翊之明年五月率師直搗其巢卜寨走與那林孛羅合憑城守城四重攻之不下用巨礮擊之碎其外郭遂拔二城斬馘五百餘級卜寨等請降設誓不復叛乃班師十九年十一月帝從御史張鶴鳴言解成梁任以寧遠伯奉朝請成梁鎮遼二十二年先後奏大捷者十帝輒祭告郊廟受廷臣賀蟒衣金繪歲賜綸綍邊帥武功之盛二百年來未有也二十九年八月馬林獲罪大學士沈一貫言成梁雖老尙堪將兵乃命再鎮

遼東年已七十有六矣是時土蠻長昂及把克兒已死寇鈔漸稀成梁復鎮八年遼左少事以閱視叙勞加至太傅卒年九十弟成材參將子如松如柏如楨如樟如梅皆總兵官如梓如梧如桂如楠亦皆至參將

### 李成材

成梁弟官參將尚義樂施見圓通寺舊碣

### 李如松

明史本傳如松字子茂成梁長子以父應爲都指揮同知充寧遠伯勳衛驍果敢戰少從父詣兵機再遷著都督僉事爲神機營右副將萬曆十一年出爲山西總兵官給事中黃道隱啟言如松父子不當



並居重鎮大學士申時行請保全之乃召僉書右府尋提督京畿巡捕給事中邵庶嘗劾如松及其弟副總兵如柏不法且請稍抑以全終始不納十五年復以總兵官鎮宣府巡撫許守謙閱操如松引坐與並參政王學書却之語不相下幾攘臂巡按御史王之棟因劾如松驕橫並詆學書帝爲兩奪其俸已復被論給事中葉初春請改調之乃命與山西李迎恩更鎮其後軍政拾遺給事中閔視數遭論劾帝終眷之不爲動召僉書中府二十年哮喘拜反寧夏御史梅國楨薦如松大將才其弟如梅如樟並年少英傑宜令討賊乃命如松爲提督陝西討逆軍務總兵官即以國楨監之武臣有提督自如松始也已命盡統遼東宣府大同山西諸道援軍六月抵寧夏如松以權任

既重不欲受總督制事輒專行兵科許弘綱以爲非制尙書石星亦言如松勅書受督臣節制不得自專帝乃下詔申飭先是諸將董一奎麻貴等數攻城不下如松至攻益力用布裝三萬實以土踐之登爲礮石所却如樟夜攀雲梯上不克游擊龔子敬提苗兵攻南關如松乘勢將登亦不克乃決策水攻拜窘遣養子克力蓋往勾套寇如松令部將李寧追斬之已套寇以萬餘騎至張亮堡如松力戰手斬士卒畏縮者寇竟敗去水侵北關城崩如松及蕭如薰等佯擊北關誘賊而潛以銳師襲南關攀雲梯而上拜及子承恩自斬叛黨劉東陽許朝乞貸死於是如松先登如薰及麻貴劉承嗣等繼之盡滅拜族錄功晉都督世廕錦衣指揮同知會朝鮮敵患轉詔如松提督

劉遼保定山東軍剋期東征如柏如梅並率師援剿如松新立功氣益驕與經略宋應昌不相下故事大帥見督師甲冑庭謁出易冠帶始加禮貌如松用監司謁督撫儀素服側座而已十二月如松至軍沈惟敬自敵歸言敵酋行長願封請退平壤迤西以大同江爲界如松叱惟敬險邪欲斬之參謀李應試曰籍惟敬給敵封而陰襲之奇計也如松以爲然乃置惟敬於營誓師渡江二十一年正月四日師次肅寧館行長以爲封使將至遣牙將二十人來迎如松檄游擊李寧生縛之敵猝起格鬪僅獲三人餘走還行長大駭復遣所親信小西飛來謁如松慰遣之六日次平壤行長猶以爲封使也竚風月樓以待羣敵花衣夾道迎如松分布諸軍抵平壤城諸將逡巡未入形

大露敵悉登陴拒守是夜襲如松營擊却之明日如松下令諸軍無割首級攻圍缺東而以敵素易朝鮮軍令副將祖承訓詭爲其裝潛伏西南令游擊吳惟忠攻迤北牡丹峰而如松親提大軍直抵城下攻其東南敵礮矢如雨軍少却如松斬先退者以徇募死士援鈎梯直上敵方輕南面朝鮮軍承訓等乃卸裝露明甲敵大驚急分兵捍拒如松已督副將楊兀等軍自小西門先登如柏等亦從大西門入火器並發煙燄敵空惟忠中礮傷胸猶奮呼督戰如松馬斃於礮易馬馳墜輒躍而上麾兵益進將士無不一當百遂克之獲首功千二百有奇敵退保風月樓夜半行長渡大同江遁還龍山寧及參將查大受率精卒三千潛伏東江間道復斬級三百六十乘勝逐北十九

日如柏遂復開城所失黃海平安京畿江源四道並復曾清正據咸  
鏡亦遁還王京官軍既連勝有輕敵心二十七日再進師朝鮮人以  
賊棄王京告如松信之將輕騎趨碧蹄館距王京三十里里猝遇敵圍  
數重如松督部下戰一金甲擲如松急指揮李有聲殊死救被殺  
如柏寧等奮前夾擊如梅射金甲敵墜馬楊元兵亦至斫重圍入敵  
乃退官軍傷失甚多會天久雨騎入稻畦中不得逞敵背岳山而漢  
水聯營城中廣樹飛樓箭礮不絕官軍乃退駐開城二月既望謀報  
敵以二十萬衆入寇如松令元軍平壤扼大同江接餉道如柏等軍  
寶山諸處爲聲援大受軍臨津留寧承訓軍開城而身自東西調度  
聞敵將平秀嘉據龍山倉積粟數十萬密令大受率死士從間焚之

敵遂乏食初官軍捷平壤鋒銳甚不復問封貢事及碧蹄敗屺如松氣大索應昌如松急欲休息而敵亦芻糧並絕且懲平壤之敗有歸志於是惟敬歛議復行四月十八日敵棄王城遁如松與應昌入城遣兵渡漢江尾敵後將擊其惰歸敵步步爲營分番迭休官軍不敢擊敵乃結營釜山爲久留計時兵部尙書石星力主封貢議撤兵獨留劉綎拒守如松乃以十二月班師論功加太子太保增歲祿百石言者詆其和親辱國屢攻擊之帝不問二十五年冬遼東總兵董一元罷廷推者三中旨特用如松言路復交章力爭帝置不報如松感帝知氣益奮明年四月土蠻寇犯遼東如松率輕騎遠出搗巢中伏遇戰死帝痛悼令具衣棺歸葬贈少保寧遠伯立祠諡忠烈以其弟

如梅代爲總兵官授長子世忠錦衣衛指揮使掌南鎮撫司仍充寧遠伯勳衛復廕一子本衛指揮使世襲恤典優渥皆出特恩云世忠未久卒無子弟顯忠由廕歷遼東副總兵當嗣爵朝臣方惡李氏無爲言者至崇禎中如松妻武氏愬於朝章下部議竟寢後莊烈帝念成梁功顯忠子尊祖得嗣寧遠伯闖賊陷京師遇難

李如柏

字子貞成梁第二子山父廕爲錦衣千戶嘗與客會飲礮聲徹大內下吏免官再以廕爲指揮僉事數從父出塞有功歷密雲游擊黃花嶺參將薊鎮副總兵萬曆十六年御史任養心言李氏兵權大盛姻親廝養分操兵柄環神京數千里縱橫蟠據不可動搖如柏貪淫跋

扈尤甚不早爲計恐生他變帝乃解如柏任於是成梁上書乞罷并請盡罷子弟官帝慰留不許久之起故官署宣府參將引疾歸如松之禦敵朝鮮也詔如柏署都督僉事先率師赴援既拔平壤如柏疾趨開城攻克之斬首百六十有奇師旋進都督同知爲五軍營副將尋出爲貴州總兵官二十三年改鎮寧夏著力兔犯平虜橫城如柏邀之大獲斬首二百七十有奇晉右都督再以疾歸家居二十餘年會遼東總兵官張承應戰歿文武大臣英國公張惟賢等合疏薦如柏詔以故官鎮遼東蒙古炒花入犯督諸將擊却之始成梁如松爲將厚畜健兒故所向克捷至是父兄故部曲無復存而如柏及諸弟放情酒色亦無復少年英銳持以李氏世將起自廢籍中顧如松中



情惟怯惟左次避敵而已時清師臨河如柏故引軍防懿路及楊鎬  
四路出師令如柏以一軍出鴉鵲關甫抵虎攔路鎬聞杜松馬林兩  
軍已覆急檄如柏還清哨兵二十人見之登山鳴螺作大軍追擊狀  
如柏軍大驚奔走相蹴死者千餘人御史給事中交章論劾給事中  
李奇珍連疏爭尤力帝終念李氏詔還候勘既入都言者不已如柏  
懼遂自裁

### 李如楨

成梁第三子山父廕爲指揮使屢加至右都督並在錦衣嘗掌南北  
鎮撫司提督西司房列環衛者四十年最後軍政拾遺部議罷職章  
久留不下如楨雖將家子然未歷行陣不知兵及兄如柏革任遼人

謂李氏世鎮遼東邊人憚服非再用不可巡撫周永春以爲言而是時如柏兄弟獨如楨在兵部尙書周嘉善遂徇其請以如楨名上帝可之時萬曆四十七年四月也如柏籍父兄勢又自以錦衣近臣不肯居人下未出關即遣使與總督汪可受講鈞禮朝議譁然嘉善亦特疏言之如楨始怏怏去既抵遼經略楊鎬使守鐵嶺鐵嶺故李氏宗族墳墓所在當如柏還京其族黨部曲高貲者悉隨之而西城中爲空後鎬以孤城難守令如楨還屯瀋陽僅以參將丁碧等防守力益弱清兵臨城如楨擁兵不救城遂失言官交章論列經略熊廷弼亦論如楨十不堪乃罷任天啓初言者復力攻下獄論死崇禎四年帝念成梁功特免死充軍

李如樟

亦由父廕歷都指揮僉事從兄如松征寧夏先登有功累進都督僉事歷廣西延綏總兵官

李如梅

字子清亦由父廕歷都指揮僉事從兄如松征日本却敵先登屢遷遼東副總兵二十四年炒花卜言兔將入犯如梅謀先襲之督部將方時新等出塞三百里直搗其廬帳斬首百餘級而還明年如梅與參政楊鎬謀復從鎮西堡出塞潛襲敵營失利損部將十人士卒百六十人如梅以血戰重創免罪日本封事敗其年八月晉署都督僉事充禦敵副總兵赴朝鮮援勦時麻貴三路進師令如梅將左軍與

右軍共攻蔚山如梅偕參將楊登山騎兵先進設伏海濱而令游擊擺賽以輕騎誘賊斬首四百有奇餘賊遁歸烏山副將陳寅冒矢石誓呼上破柵兩重至第三柵垂拔楊鎬爲總理宿與如梅暱不欲寅功出其上遽鳴金收軍翊日如梅至攻之不能拔已而賊援至如梅軍先奔諸軍亦相繼潰贊畫主事丁應泰劾鎬並劾如梅當斬者二當罪者十帝不納旋用爲禦敵總兵官會其兄如松戰歿即命如梅馳代之踰年坐擁兵畏敵劾罷久之起僉書左府四十年鎬巡撫遼東力薦如梅爲帥不得至以死爭給事中麻僖御史楊州鶴力持不可乃止成梁諸子如松最果敢有父風其次稱如梅然躁動非大將才獨楊鎬深信後復倚任其兄如柏卒以致敗

以上均係節錄明史本傳按成梁之裔自明萬歷以迄清初百餘年間文武顯宦蟬聯不絕李氏一門有九總兵十二指揮之說考其譜書所載五六品以上官吏不下二三百人實爲邑中之望族今其裔尙居城東小屯村中

高 榮

鐵嶺衛人明東寧衛世襲指揮使

高承恩

明東寧衛世襲指揮使

高三輔

明懷遠將軍

高崇政

明東寧衛指揮使

高三洲

明懷遠將軍

高雲鳳

明世襲指揮使

高成龍

明懷遠將軍

高成美

明通誼大夫淮揚副使

清

金維城

鐵嶺人維城初山侍衛授參領崇德元年清兵圍錦州維城奉命同副都統金礪督運軍糧任兵部理事官擢副都統五年隨鄭親王再圍錦州先後攻克其臺十有八屢敗松山杏山敵衆以功予雲騎尉世職順治元年清定燕京任兵部侍郎五年隨鄭親王定湖廣凱旋獲優賚晉世職一等輕車都尉十五年卒

金維垣

維城之弟襲一等男兼副都統

金維藩

維城之弟仕至保定府知府

金世德

維城長子也字孟求一字衍慶隸漢軍正黃旗淹貫經史兼習滿文順治初以廕補內翰林院編修凡有大撰著恒午夜馳召之康熙丙午招撫閩海有功累遷副都御史出撫畿輔境內漳水滹沱桑乾諸河沒民田計八萬餘畝久苦征輸世德請豁免再三遂蒙捐除甲寅以後兵需浩繁世德單騎行營中躬給芻糧兵無橫索市肆晏然已未庚申旱饑請截漕蠲賑四十餘邑賴以全活每見屬官必令盡所欲言喜讀循吏傳清白自矢莫敢干以私卒諡清惠

金世師



維城次子保定府巡撫餘未詳

金世榮

維城三子性沈毅寡言持己廉介遇事機敏以廕生襲世爵歷任江南狼山及福建漳浦總鎮寧波松江提督福建將軍閩浙總督歷十餘年凡八任內補兵部尚書

金世需

維城四子仕至狼山總兵

金世鑑

字萬涵維城第五子少秉粹資卓犖不羣好讀書尤精於天官家言其祖父俱有勳烈子世職世鑑以廕入仕歷官有聲凡八遷而至工

部侍郎及罪誤左官又四遷而爲奉天京兆尹逾年以疾卒於任時年四十有三比卒家無餘儲遼之士民奔走號泣如喪所親所在醮錢設像爭爲祠以祀之

金世鳴

維城第六子仕至四川劍州知州

金世揚

貴州巡撫湖北提督都察院右都御史

金世忠

仕至副都統餘未詳

金世鐸

以佐領升任天津道

金世宏

仕至總兵餘未詳

按金維城係金朝興之孫金玉和之長子餘皆其裔也朝興官明指揮僉事降清封沂國公玉和官明千總開原之役率衆降清積功至懷慶總兵因與流寇戰陣歿朝興玉和以明官降清故其事蹟本志置而不錄舊志竟因玉和死事將其事蹟錄入忠節志中實所不解

王國棟

邑之漢軍廂紅旗人順治七年知山西信州時叛鎮姜瓖亂後州境

荒蕪國棟勘得無主荒地及沒水地若干請題免逋賦七千餘兩而荒地以次開闢賦仍無缺公私便之仍隨事講求以利民爲急務招徠安集民困始蘇卒祀名宦祠

熊維傑

邑之漢軍廂紅旗人順治八年爲浙江按察使性峭直不苟言笑然善於撫民其爲政簡而周剛而不刻時滿洲兵初移駐或有不遵約束出擾民者有司不敢問維傑出有來訴者必立馬更爲之申理兵不敢復擾民望見其麾輒相慶賀

陳素抱

邑人順治二年知山西猗氏縣邑人陳蠻子脅衆爲亂素抱曰賊愚

而詐人必不附已而果爲鄉勇所殺五年逆鎮姜瓖之亂大軍分路  
進勦素抱已備兵潼關伺帥府渡河力陳猗氏民必不應賊請以其  
子佩從令先馳至縣召士民出迎帥府慰勞大軍遂不入境猗氏民  
感其德

胡有德

邑人知陝之華州慈惠明決順治十一年夏大旱具文城隍深自刻  
責須臾風雨驟至秋禾有成人咸謂其精誠所感召嘗憫所屬寒賸  
歲給穀至數百石俾資膏火一時人士咸愛戴之

郎廷佐

邑之漢軍旗人先世隨明軍與清決戰死綏廷佐入清充武職定鼎

後順治十一年任江西巡撫十三年授總督十五年明魯王監國遣張煌言與唐王舊臣鄭成功合軍進攻江寧旋敗煌言山安徽越嶺還海上未幾成功病卒於台灣公移書煌言勸其納降詞旨溫厚煌言復書曰某復書於皇明遼陽世胄郎使君執事夫揣摩利鈍指畫興衰庸夫聽之或爲變色而忠貞之士則不然其所持者天經地義所圖者國恤家仇所期望者豪傑事功聖賢學問以故鹿雪自甘膽薪彌厲而卒以成功古今何可勝計如僕者將略原非所長祇以讀書知大義痛忿胡氛左袒一呼甲楯山立區區此心以濟則賴君之靈不濟則全臣之節是以不惜憑履風濤之中縱橫鋒鏑之下迄今一紀矣同仇愈廣晚節愈堅練兵解宇正爲其時今何時乎兩粵大

聲三楚露布以及八閩軍書何啻雷霆飛翰况島夷外訌西戎內侵  
清人左支右吾其消滅可指日待矣僕方當起而匡扶帝室克復神  
州此正忠臣義士得志之秋也即或不然而謝良平竹帛抗黃綺衣  
冠亦之死靡他豈復煩詞說足以動其心哉乃執事儼然以書進  
是以僕爲庸庸者流可以利鈍興衰動者譬之虎傷戒途雁奴伺夜  
既受其役竟忘其哀在執事固無足怪而僕聞之髮且衝冠矣雖然  
執事固我朝勳舊之裔而遼左死事之孤也念祖宗之厚澤宜如何  
悲傷痛父母之深仇宜如何報雪稍一轉關不失爲中興人物願以  
陵律自居華夷莫辨甚爲執事不取也姑以執事恩仇之說言之自  
遼事起而征調始繁催科益急潰卒散而爲盜賊窮民聚而弄干戈

是釀成寇禍者清人也。及京華失守，屬國興師，誠能挈故物而還之。天朝將吐蕃回訖，不足稱美於前，乃拒虎進狼，既收漁人之利於河北，復肆蠶蝨之毒于江南。則清人果恩乎仇乎？執事亦可憬然自悟矣。以來兩溫潤諒執事非憤憤者，聊附數行以復。若斬使焚書適足以見不廣，僕亦不爲也。此復公得書嘆息置之。嗣移駐江寧，有患政民愛戴之稱。爲郎佛姑蘇抗糧案發，其事激於縣令任維初、巡撫朱國治營索賄于任令、庇獲之世祖崩哭廟時，諸生上書揭告撫臣，遂誣以謀反。嚴比倪用賓等波及教授程翼蒼。公素識程，曲釋之。撫臣羅織不已。丁子偉金聖嘆等尤爲指名。公出示云：「任令一案葛藤未已，以後不得再有攀招。時朝命滿大臣尼馬二人會審，公恐奸人構」



陷士類地方愈益糜爛屢排解之立秋日值公出送欽使撫臣擅行處決多人公歸以罪關欽犯無可如何然始終以矜恤爲心蘇人諒之

按廷佐之先世仕明與清戰陣歿而廷佐仕清至方面似不應載入鄉宦志中其總制江南也與張蒼水先生信使往還桀犬吠堯各爲其主廷佐雖未反正然亦爲之感動抗糧之獄羅織無已而廷佐爲之解脫營救全活甚衆徵廷佐則江浙名流無噍類矣且其爲政寬簡愛民故有郎佛之喻非侈心富貴者可比本志採不沒人善之義故錄之

李率泰

字壽疇一字叔達邑之漢軍旗人父永芳明撫順游擊歸清官至總兵率泰其次子也年十二歲入侍禁廷崇德八年以下明山東擢副都統順治元年授刑部參政四月隨睿親王入山海關破李自成尋平定山東河南三年定福建叙功授世職爲二等輕車都尉八年調吏部侍郎授宏文院大學士十年授兩廣總督旋調閩浙總督擒敵招降蒙聖祖優獎康熙五年卒於官子祭喪諡忠襄

### 李延壽

一名剛阿泰額駙永芳第三子少負將材早歲從征平定南方郡縣以功加都督順治五年任宣府總兵時大同鎮姜瓖作亂千里響應人心搖動而五台受圍尤急延壽伺知賊穴在寶村聲言代州養馬

刻期進兵即從緞口出賊不意夜抵寶村自據真武廟遣勇士數人  
馳馬耀甲於街賊衆驚潰乃縱兵圍勦賊黨聞之解五台圍延壽分  
兵勦捕且招撫之時有賊據曹巖砦拒守砦高數百丈四面陡絕  
延壽督軍環圍之斷其上下途徑夜半援手而登直造砦門鳴鼓奮  
攻賊驚潰俱墜崖死遂入城曉諭居民各還本業延壽居官二年旌  
賢懲惡優禮士庶亂後勸墾荒田給牛具人人有更生之慶卒祀山  
西名宦祠

李巴顏

永芳第五子襲父三等子爵任參領從征科爾沁有功順治元年晉  
二等子從定西大將軍和洛輝勦四川流寇敗一隻虎於商州時賊

兵二萬巴顏與和洛輝督戰斬馘萬餘賊平叙功晉一等子姜瓖叛大同隨睿親王英親王討平之以功晉一等伯

按李永芳爲明撫順守將時降清官至專閫因涉二臣之嫌故本志不錄但錄其二子李氏確係本邑人其墓在境內又遼河西有村名李巴顏即因人以名村也邑西李家窩棚富人李姓族甚繁衍皆其裔也

### 高天爵

按清朝先正事略高公天爵字君寵漢軍廂白旗人後以子其位大學士時改隸廂黃旗先世居鐵嶺父尙義隨征有功于輕車都尉世職公少讀書善騎射慷慨重義順治四年由貢生除知高苑縣捕巨

盜謝千等博興縣爲賊所陷公夜率衆馳救之賊皆遁遷知信陽州  
以經略洪承疇薦擢長沙知府大兵進攻明桂王公奉檄理軍餉聞  
父病力請去官十六年再授江西建昌府先是廣昌山賊王昂傅盛  
等聚衆數千距羊石浦水二砦爲老巢時出掠劫砦勢險峻官軍仰  
攻不利因罷攻招之降王昂傅盛佯就撫仍伺隙煽亂官軍擒之斃  
於獄餘賊益負固抗拒乃依山立柵困之十八年夏公與巡道張永  
祺等定計破之進攻羊石砦並截賊去路斬馘無算因赭山鑿險以  
絕後患公擒賊渠幸連升周由義等及王昂之父王尙智所掠丁口  
悉還其家事聞倂優叙在建昌多善政康熙十三年遷兩淮鹽運使  
未行耿精忠據福建叛出兵攻建昌或謂可亟去公慨然曰吾守此

士十六年雖受代豈可遞去當殉此城耳時城中將吏多陰從賊公知事不可爲乃命其子奉母從間道出自跨馬率家僮數十禦賊萬年橋賊不能赴守將趙印已降賊乘公力戰時從後縛之遂執以入閩累誘降皆不屈繫獄中越歲餘公與副將王進等謀遣千總徐得功出仙霞關請大兵入閩陰結死士爲內應謀洩被害時十五年九月四日也詔贈太僕寺卿廕一子三十五年福建巡撫卞永譽請以公及福建總兵吳萬福福州知府王之儀邵武知府張瑞卞建寧同知喻三畏邵武同知高舉侯官知縣劉嘉猷尤溪知縣李堦福州城守室有功等合祀省城西門外得旨允行四十六年子其佩官浙江溫處道爲父請匾額御書蓋臣義烈額其家祠復請諡特賜諡忠烈

雍正四年長子其位官大學士其佩官都統同奏請諭祭得旨高天爵捐軀殉難大節可嘉高其位高其佩乃現大學士都統大臣爲父請卹甚是可嘉贈禮部尙書銜追賜卹典七年入祀昭忠祠

### 高其位

字宜之一字蘊園天爵長子由父難廕襲二等輕車都尉康熙十三年從順承郡王勒爾錦出師襄陽討吳三桂會總兵楊來嘉叛命其位率二十騎覘虛實猝遇賊衆二萬人於土地嶺其位出不意衝突之賊驚潰且斫且馳至南潭入城守禦衣上血糝糊刀刃盡缺叛賊譚洪帥舟師三萬向鄖陽其位以百人扼楊溪鋪賊盜至其位踞崖射賊矢無虛發相持七十日糧盡煮馬匹以食誓必死會副都統李

林隆擊破賊乃全師歸由是每戰先登先後給功牌十二薦擢襄陽總兵晉湖廣提督累官兩江總督太子太傅文淵閣大學士禮部尚書卒謚文恪入祀賢良祠

### 高其佩

字韋之號且闌天爵第五子以父蔭授宿州知州內遷工部員外郎出爲溫處道坐署運使虧盜課奪官尋開復補四川永甯道就遷按察使內遷光祿卿擢刑部侍郎晉都統仍兼刑部侍郎雍正三年夏命同侍郎史貽直審理年羹堯誣罰茶商私佔塩窩各欸又陝西鄜陽縣因私殺死無辜八百餘人事皆得實五年坐獄失入奪侍郎仍留都統任尋罷其佩天姿超逸工詩兼善指頭畫海內珍之



高蔭爵

字澹菴天爵之弟山廕生歷任四川松茂道按察司僉事康熙四十五年疏濬都江堰水利轉運黃勝關糧儲綏懷有術訟獄無冤民兵交感後轉直隸口北道

高其倬

字章之號美沼又號種筠天爵從子蔭爵子康熙甲戌進士改庶吉士散館授編修累官至戶部尙書其爲廣西巡撫總督時奏革土司承襲各衙門漏規得旨嘉獎調閩浙總督奏請開洋便民詔王大臣議行時李衛巡撫浙江命其倬專管福建遂條陳福建鹽政事宜陛見御製詩賜之有操凜冰霜功帶礪匡時重鎮谷良臣之句晉太子

太保先是帝以其倬曉堪輿術詣福陵恭視形勢其倬奏言水法順  
通合局稱旨旋調江西總督復命來京相度萬年吉地於易州特晉  
三等男諭曰高其倬歷任封疆其樹績建勳揚名垂譽者不可悉數  
原不以此爲宣力見長之地乃能悉心籌度務期萬全無一毫贖顧  
推諉實出於忠愛至誠之惻不僅才識超羣已也乾隆元年以疾召  
還京擢工部尚書十月卒於寶應舟次遣疏入諭曰高其倬練達老  
成宣力年久今聞溘逝深爲悼惜賜祭葬諡文良所著味和堂詩集  
行世蓋其倬卒後其子恪等爲校刻孫嘉淦沈德潛蔡琰皆有序表  
枚隨園詩話云文良公詩爲勳業所掩

按今小汎河大小鮑家岡子等村尚有高氏後裔其族甚繁

李蔭祖

字繩武鐵嶺人榮祖從父弟也榮祖事詳孝義順治間由國學生授戶部郎中累官大司馬總制畿輔及青豫二省真定山西久爲寇據蔭祖諭井陘道副使陳安國入賊巢撫之賊渠高三出涕泣就撫卒爲勇將十三年晉太保總督全楚值進兵滇黔蔭祖區畫有方兵民便之在任四年以疾告歸卒賜祭葬崇祀直隸山東河南湖廣名宦祠

李率祖

字克承號素園順治間與兄蔭祖隨經略洪承疇軍前効力授曲靖府知府爲揭報吳三桂逼勒藩標兵丁一案降二級康熙甲寅三桂

果叛奉特旨召慰帶領旗員七十二名前往湖廣征勦至沙湖攻賊擒獲僞官四十餘員叙功仍復原官後因病乞休年七十八卒崇祀曲靖府名宦祠

李輝祖

康熙十三年官鄆中十九年遷貴州按察使二十一年授四川布政使經吳三桂亂後田多荒蕪耀祖勸民開墾生聚日盛按畝徵賦釐奸除弊民以爲便歲貢蠟料棧道險阻民多以爲病輝祖力請於巡撫奏罷之三十四年授河南巡撫尋擢湖廣總督卒祀四川名宦祠

李興祖

耀祖弟也初任直隸慶雲令康熙二十四年擢山東兗州捕盜同知

地爲山東江南兩省阨要時土寇李二和尚餘孽尙不靖興祖蒞任  
晚諭居民能擒賊者賞能自新者即免罪不一年餘黨盡除在任三  
年多方巡察恩威並濟兩省所屬人民悉遵禮讓姦宄衰息迨攝篆  
沂州清廉惠愛咸頌仁明尋擢直隸河間知府累官江西布政使順  
天府丞卒充人恩其德崇祀名宦祠

李耀祖

字潛美號嵩山順治辛丑授佐領康熙壬寅授刑部湖廣司員外郎  
丁未授禮部儀制司郎中誥封資政大夫甲寅監督揚州鈔關別除  
宿弊潔已奉公

李錫

耀祖之長子也字受茲號培菴受叔祖恒忠恩廕于康熙丁卯授通政使司七品筆帖式乙丑授戶部河南司主事癸酉授雲南開化府知府乙亥丁母艱戊寅再補開化知府庚辰陞直隸通永道副使己丑陞貴州按察使辛卯陞湖北布政使丙午調河南巡撫丙申授工部侍郎所至有政聲頗著能名

李鐸

蔭祖次子康熙中知浙之紹興府會餘姚大水漂溺人民廬舍鐸與知縣康如漣煮粥以賑編筏以居又念就食妨業復按各縣鄉里民籍人給米四斗幼者半之製衣與寒者全活甚衆在任四年始終不名一錢

李鈞

蔭祖長子字長源康熙丙午補授佐領陞兵部員外郎甲子擢監察御史戊辰特簡湖北按察使旋陞福建布政乙亥晉大理卿又遷兵部右侍郎丙子帝統師北征噶爾丹鈞同御史于成龍督運中路軍糧出古北口至奎素沙深陷轂令士卒伐柳枝橫籍沙上而車得進至克魯倫河復命轉餉西路凱旋戊寅授山東巡撫以病乞休旋奉特旨起用仍以兵部右侍郎兼都察院右副都御史巡撫安徽己卯科文闈監臨庚辰以病致仕癸未山東大饑鈞罄資貸帑赴告新興縣賑濟四月卒於羊流店旅舍年五十六欽賜祭葬東省士民建祠于羊流店春秋祭享崇祀湖北山東名宦祠

李 欽

字式唐號陶菴耀祖次子由鴻臚寺典籍授桂東縣知縣有惠政士民感之卒年三十崇祀桂東名宦祠

李 錦

字繡章號心菴耀祖三子山監生歷山西平陽四川巴縣江南寧國等縣以丁憂回籍嗣奉上諭直省督撫保舉操守清廉愛民能事之員以聞兩江總制范承勳安徽巡撫佟國柱同薦錦治行第一應詔覲見以同知川晉奉政大夫卒年四十有三崇祀寧國名宦祠

李 鈺

字其相邑人承叔耀祖蔭授筆帖式歷授福建安西山西高平等縣



潔已愛民歲饑分廠散米蝗蝻害禾出粟勸捕忽蝨食禾殆盡鉅糶倉散種民賴有秋旋授雲南知州年四十九卒

李 銖

字宏中山監生授江南池州府同知因從兄鈞巡撫安徽循例廻避歷官福建汀漳道浙江督糧道著有惟清齋詩集行世

李樹德

字浦元號莪村鈞之長子以世職授佐領康熙庚午北征噶爾丹以軍功得優等丁丑充內閣學士特旨爲親征溯漠方略館纂修官甲午任山東總兵都統會中丙申授山東巡撫丁酉庚子兩科文閣監臨武主試壬寅奉旨鎮守福建統轄漢軍綠旗都統將軍其撫山左

時有惠政士民沐其德建祠於登州之蓬萊閣

李瀚

原名景隆字受川號西園山歲貢生官雲南知府舉雍正壬子舉人  
累官雲南巡撫著有詩鈔行世

李方勉

原名勉德字遜修山內庭供奉累官廣東道著有懷立堂詩集

李方勤

原名勤德字禹修一字補之號硯北官戶部主事著有李邨集滋蘭  
室洗石山房詩集

李洞德

字遐原官參領著有捷碧山房詩文稿紅齋詩存

按自李蔭祖至此皆明寧遠伯李成梁之後裔

趙廷臣

字君鄰邑人性至孝父歿獨居三年不入內室順治二年由貢生知山陽縣時屢經兵火民多流散廷臣均徭緩賦民以安集丁亥歲饑捐金糶粟計口賑之老弱者復按季給之多所全活逆賊劉二虎與耶寇王二虎攻山陽廷臣晝夜固守城賴以全其餘竊發山寇諭以大義多受撫又嘗率騎偵賊爲所傷扶創歸益嚴守禦曰吾爲國守於身何有山寇王希榮久據鎮安掠縣令拘寨下臺司檄廷臣往撫即單騎至賊營宣布威德希榮遂降廷臣因携前令歸臺司咸器重

焉陞江寧同知有趙佛之稱及轉湖南巡道兵民皆喜曰趙佛來矣  
時軍需旁午廷臣辦理有方事濟而民不擾遇刑獄加意平反廳事  
但聞脫械聲行路爲之感泣尤厲清操歲時酬獻不敢至其門十五  
年巡撫貴州延見父老博採旁收凡有條禁洞悉幽隱定賦額興學  
校禁橫暴嚴騷擾種種善政殘黎如出湯火康熙元年調閩浙總督  
去之日士民擁道攀號去浙逾年恤軍愛民以勞卒於官諡清獻

### 李思義

號奇字邑人順治五年任巡撫海道僉事風裁卓立嚴懲告訐之風  
兵無縱恣民得安堵病卒人皆惜之

### 袁仲選

邑貢生順治七年任澤州樸誠仁慈愛民如子蒞任之始城爲賊據  
官兵將臨賊遁去仲選單騎往招撫百姓及官兵至王以百姓從賊  
欲屠之仲選涕泣力爲求免並請以己之家屬保百姓之性命王始  
呼百姓而諭之曰爾等從賊本宜誅戮今爾使君再三爲爾請命姑  
且施恩如再從賊汝等無遺類矣百姓歡呼曰城中性命皆我袁使  
君所賜也於是家家置仁慈袁老爺救民食祿之牌位朝夕禮拜復  
於城內建生祠延羽士住持焚香以報活命之恩額曰報恩祠後調  
潞安州百姓攀號如失慈父母又復共捐資財立堆金會每年五月  
中爲賽五日闔境士民赴會者絡繹載途香火之盛視昔有加焉

李林盛

字震生亦李成梁之裔父向舜順治三年林盛襲父職七年加授騎都尉隨信郡王征雲南授佐領康熙十八年擢山東總兵官尋擢廣西提督和輯兵民安靜謹守三十七年調固原帝諭大臣曰李林盛居官甚優前陛見所奏絕無隱諱廣西武弁賢否皆從其敷陳之言朕皆書而志之矣遂御書明信敦義額賜之授廂紅旗漢軍都統正資倚畀今以老病乞休情詞懇切著以原官致仕卒年七十五賜祭葬

### 李林隆

字霞青號紹銀亦成梁裔康熙甲寅授鄖陽副將洪福叛詔林隆領禁旅守鄖襄乙卯調守鄖陽會譚洪糾黨犯鄖陽順流而下陸路賊

聯絡策應鄖陽糧道遂絕林隆偕提督楊茂勳等分兵擊敗之糧道始通得旨嘉獎庚戌征噶爾丹林隆從征專督火器有戰功壬申任固原提督陛見聖祖諭之曰爾父祖名臣爾熟諳邊事故深信重任使爾養馬練兵於要地秦民强悍王進寶時數爲亂宜從容整理林隆既蒞任籌畫事宜條奏悉稱旨還京授都統卒年六十四賜祭葬

戴亨

字濠堂號通乾父梓才高學博技巧絕倫其製造器物得墨子及諸葛武侯遺意本浙江人好與西人爭勝因忤欽天監監正南懷仁徙鐵嶺遂家焉亨登康熙辛丑進士出爲山東齊河縣令以抗直不苟合解組去寄居京師家益貧簞瓢履空晏如也爲人篤於至性然諾

不輕有忠孝大節其爲詩宗杜少陵與同時李錯陳景元齊名爲遼東三老之一有慶芝堂詩集行世

李清鑰

字叔達號北門亦成梁之裔康熙丙申任山西太原府知府工書法購求諸名帖刻石於郡齋後圃名曰古寶賢堂

劉廷珂

字爾序邑人康熙間歲貢生題郝復陽先生楹聯云有鋤奸不敢欺君父臥雪猶然志聖賢之句官保定東鹿縣教諭

商珪

字偉玉邑人歲貢生歷任香河武清兩縣教諭



鄧慶麟

字香閣鐵嶺遼河西大榆樹堡人咸豐壬子進士官監察御史時山西官鹽滯銷私鹽充斥皆因地方官招商辦理不得其人乃抗疏論列以清積弊奉旨兪允並因吉林地方村落星散每出命案地方官不肯即驗必俟續報積數案方帶刑忤衆役多人按次臨驗竟有俟至三五月之久不獲相驗者且上下廠規每一命案必需數千吊其公館供給看守呈報及鄉保額外攤派侵蝕尙不在此數內實爲地方之大害死屍日久暴骨或者犬狼殘食或值暑熱糜爛屍驗不全每致屍親兇犯籍以狡執易啓日後檢驗之案特爲據實上聞請旨飭吉林將軍嚴札各州縣遇有命案隨報隨驗永革廠規名目隨帶

人役酌立額數違者揭參旨下之日人民無不感德

### 石 玠

字季高城西長溝沿人以宗室學教習任滿擢知直隸盧龍縣事時  
某達官母死修壙凌晨有姊弟經其處土工口窺女美殺其弟而欲  
姦女女力言不從遂斃之並弟屍掩於壙下無知之者公蒞任廉得  
情實託言有鵠逐輜而噪驅去復來意若鳴冤者遂至墓處掘壙土  
達官聞而來阻公與立狀如無異甘認擅掘之咎出其散復掘土尺  
餘果見二屍面如生達官目瞪口呆不知所措公曰當日土工爲譟某官  
答爲某拘至一訊即服公爲抵其罪而旌女節由是石青天之名大  
噪歷署各路同知未及超遷而歿民多遺愛之思焉

石庶臣

字又高季高子歷任宛平等縣饒有父風著拆獄名且敦鄉誼同治間曾兩助奉天鄉闈元卷仕至直隸同知

麻冕

邑人以歲貢生歷任盧龍武清教諭

李孟輝

字有光城西大孤家子人以宗室學教習任滿擢雲南知縣

郭鑑襄

字介臣邑人咸豐壬子進士山湖南知府累遷山東德州督糧道所至皆稱善宣統辛亥重赴鹿鳴宴以引榮賜一品年八十卒於魯

李向陽

字曦園城西賀家坊人咸豐庚申進士光緒初官直隸榮城縣知縣政聲大著退餘之暇親爲吏民宣講聖諭籍資感化大吏聞之方期大用未幾卒士林惜之

于民新

字子元城西曉興屯人同治甲戌進士授刑部主事辦秋審案多洗冤獄充光緒辛丑科順天鄉試同考官仕至郎中記名道員卒於官

田上上

字貢臣城南范家屯人以貢生官直隸教諭

田惟公

字朗山邑人以例授直隸易州吏目

田葆綬

字紫綸惟公子以恩貢生効力吉林歷署五常吉林各府事有循聲以病告歸

陳紀升

字旭樓邑人熟諳律例同治間以例監官山西襄陵縣知縣民無冤獄

陳淮

字桐江紀升子學術湛深以戶部江南司郎中卒於需次

彭廣璞

字韞山城內人以附生官戶部江南司員外郎供職三年告歸家居  
光緒甲午卒於籍因長子熙臣官江蘇道次子英甲官甘肅布政使  
贈一品封典

彭熙臣

字敬亭廣璞長子以附生官江蘇道員

彭英甲

字秉庶又號鼎林熙臣弟由附生官甘肅蘭州道晉按察司署理布

政司

彭廣心

字潤堂號鏡如廣璞之弟也以優行廩生中同治癸酉科拔貢盛京

宗室學漢教習授職知縣光緒十三年選湖北廣濟縣知縣抵任後周視縣境見北鄉多山勸植桑柞蠶業以興自著蠶桑簡編行於世南鄉多窪外江內湖水患頻仍稟請巨款以工代賑修築中廟月隄盤塘湖石橋石堤各工而水災以減屬境武穴鎮發生交涉重案嚴拿首犯弭患無形受知於湖廣總督張文襄公之洞許爲才堪大用而忌之者亦每以是案爲口實十九年授知府因兩院失和被湖北巡撫奏劾落職尋開復後改官山西歷充籌餉局機器局釐捐局營務處各要差奉委審辦五台山渾源州等處京控又委赴河南會審人民重案聽斷明決爲當道所推許三十年山西巡撫張公曾剔以局幹老練才具明通奏補寧武府知府格於部議又委署蒲州府知

府未抵任旋因時勢多艱乃歸京佐武衛左軍時以姪英甲任甘肅蘭州道馳封一品封典平生爲文不尙詞藻在官奉職不喜逢迎常慕包孝肅王陽明之爲政未敢自況也惟性情急直言語鋒棱晚年自知不合時宜循以時局日變乃潛心學問兼求醫理凡仲景丹溪及葉天士諸書罔弗搜討以醫國醫人爲己任宣統二年庚戌年六十九無疾而卒今遼寧建設廳長彭濟羣即其子也

### 彭桂齡

字香廷城西長溝沿人以禮部右翼漢教習歷署新民懷德等縣教諭

### 葉長春



字東陽北門外人早登鄉榜工書能文設帳本邑及遼陽高足弟子多登科甲中光緒戊戌進士第七名授工部主事截取直隸州知州在神機營行走庚子卒於京

### 石立坊

字雲銘城西關人以宗室學漢教習任滿擢直隸深澤知縣丁父憂起復歷任完縣武邑樂亭等縣所至有聲任樂亭時政聲尤爲卓著庚子亂後又復歷充要差兼同知府事卒於保定

### 吳璋

字令如城東關人鳳藻次子鳳藻見鄉賢卷璋英年穎秀應童試值忠愨公延茂提督奉天學政拔冠軍深器重之光緒己丑科順天鄉

試中式年僅二十一闈藝傳觀老成首肯甲午後李公秉衡巡撫山東聘佐幕府俄人借奉吉黑三省地修築鐵路李公上疏抗議文出其手淋漓痛切讀者痛之旋歸里復歷吉林黑龍等處要差以直隸州知州署龍江府知府卒於官平生著作援筆立就馬工枚速兼而有之惟不甚愛惜家鮮存稿丁父憂時寓銀岡書院修縣志未成其考核詳實繼纂者頗賴焉性孝友歷官所得廉俸悉奉頤養士林重之

楊祖榮

字振先城東何家屯人以光緒丁酉科優貢生朝考一等授職知縣歷署直隸熱河濠平府事因病告歸卒於籍工詩能文其書法迥秀

世頗重之

倪信臣

字全武北關人以附生考取臚錄議叙通判分發湖北歷充要差並署咸寧縣擢府同知未履任武昌起事解組歸卒

宮兆甲

字乙青城南官糧窖人光緒乙酉科拔貢朝考一等授七品小京官晉工部營繕司主事庚子卒於官

于芹

字煥昆邑人以歲貢生需次吉林署濱江縣歷二年調吉林縣歷任十年民情翕然循聲卓著後乞休卒於吉林

鄭逢源

字瀛海邑西關人光緒間以歲貢生官新民等縣訓導

劉書堂

字海清城南官房身人光緒間以禮部左右翼漢教習官蓋平懷德等縣訓導

齊鵬大

字佐周邑南范家屯人天津武備學堂畢業曾充團長卒

彭世祺

字繩堂邑東關人熙臣次子曾任江蘇東臺高郵奉天蓋平等縣知事卒

林冠華

字鍾甲城內人美國大學畢業曾充四洮路會計科科长卒

常守箴

城內人北京法政學堂畢業曾充北京地方審判廳法官卒

郭明德

邑東撫安堡人咸同間舉人曾任甘肅知縣卒

孟慶典

邑南楊士屯人民國十六年陸軍中將卒

吳德魁

邑西南湯牛象堡子人家貧力學曾任錦州佐領年八十餘卒

曾紀禮

邑西南拉塔湖人清同治間曾任河南知縣卒

慈國璋

邑西南石佛寺人清乾隆間舉人與遂陽王爾烈爲文字交曾任江

南知縣

田芝圃

邑南范家屯人拔貢生曾任廣西知縣卒

陳啓棟

字雲浦邑東大寶山人清咸豐壬子科六十名武舉人丙辰科二十  
二名武進士殿試三甲任直隸白石口游擊

李葆廉

字春泉城內人附生候補知府曾充奉天交涉局會辦

李葆真

字介泉葆廉之弟武進士副都統銜曾充營口漁業局總辦甲午之役自出資財招募效義營以助守城

魏長林

字蔭軒原籍濠縣人後徙鐵嶺家焉保定軍官學校畢業陸軍少將曾充旅長民國十八年防俄之役殉難爲國捐軀人皆義之卒後晉

陸軍中將

趙蘭田

字薊圃邑西戴三家子人清光緒己丑恩科舉人壬辰科進士官工部都水司主事

張濟新

字瞻廬原名鼎銘字樹勛邑南牛象岡子人光緒丁酉拔貢曾任江西上饒縣知縣湖南候補道員民國十年任浙江錢塘道尹十六年任京兆尹十七年任河南省長現任張虎多關監督

劉尙清

字海泉邑西北果子園人清附生奉天法政學堂畢業曾充東三省官銀號吉林永衡官銀號總辦民國十年任黑龍財政廳長十五年任奉天省長十六年任工商部總長現任內政部部长



董春魁

字斗垣城內人清恩貢生考取縣知事曾任吉林濛江葦河等縣知事

孫廣廷

字丹階邑東熊官屯人清附生日本陸軍測繪學校畢業曾充奉天陸軍測量學校校長長春吉林等縣稅捐徵收局長濱江木石稅局長現充濱江稅捐徵收局長

何富元

字惠軒邑南沙坨子人清附生曾充參議院議員任奉天康平縣知事充北鎮縣稅捐徵收局長現充西豐縣稅捐徵收局長

孫佐廷

字仙舫邑東催陣堡人清優貢生北京法政學校畢業曾任天津地方審判廳廳長黑龍江呼蘭龍江等縣知事

于珍

字濟川邑西羅家房人日本陸軍士官學校畢業陸軍中將曾任奉天警務處處長兼清鄉局長後任第十方面軍軍長北京衛戍司令珍威將軍

吳常安

字清廉邑南珠爾山人曾任奉天臨江縣知事現任法庫縣長

陳奉璋

字徽五邑南小汎河人曾任奉天警務處處長現任安東市政公所

王鐵錚

字劍秋原名文華字博施邑東小白梨溝人日本陸軍士官學校畢業曾任奉天憲兵營長奉軍團長

黃居穎

字夢齡邑西北營盤人奉天法政學校畢業曾任興京縣知事現任黑龍江地方法院推事

那廣輪

達連屯人現任黑龍江參議

劉恩榮

字甲一邑西關人北京法政學校畢業曾任吉林地方審判廳推事  
現任遼寧高等法院檢察處首席檢察官

左承先

字紹棠邑東南桑園嶺人北京法政學校畢業現任哈爾濱地方法  
院推事

劉一飛

字翼飛原名輔廷柴河北人保定軍官學校畢業陸軍中將曾任旅  
長軍長各職現任察哈爾主席

林震青

字啓敷城內人日本陸軍士官學校畢業曾任陸軍部主事

郭毓珍

字聘如邑東關人奉天法政學校畢業曾任通化縣知事現任黑龍

江地方法院院長

于國翰

字一之邑西羅家房身人日本陸軍士官畢業陸軍少將曾任陸軍

部次長現任鴨綠江採木公司理事長

韓雲鵬

字駿程邑西關人保定軍官學校畢業陸軍中將曾任旅長兼鎮守

使

彭濟羣

字志雲邑東關人廣心之子廣心見前法國大學畢業現任遼寧建設廳廳長

劉偉

字佩皋邑西阿吉牛彙堡子人保定軍官學校畢業陸軍中將曾任旅長軍長各職

姚桂馨

字冬瘦城內人軍官學校畢業陸軍少將曾任團長

齊世英

字鐵生邑南范家屯人德國大學及日本陸軍士官學校畢業現任政府警備顧問

彭士彬

字毅忱邑西長溝沿人日本陸軍士官學校畢業曾任奉天巡閱使公署副官長營口漁業局局長

孟書元

字紀年邑南楊士屯人奉天法政學校畢業曾任直隸樂亭縣知事馮廣民

字子安邑南催陣堡人北京高等師範畢業曾任奉天教育總會會長現任西豐縣長

申伯勛

字作舟邑東雲盤溝人拔貢生曾任吉林德惠穆稜同江等縣知事

于國輔

字世傑邑西羅家房身人珍之姪曾充京經路糧貨統捐局總辦

于國棟

字亞伯邑西羅家房身人珍之姪曾任直隸省縣知事現充北寧路

段長

于國柱

字石中邑西羅家房身人珍之姪曾任綏稜縣知事

于香

字馨圃邑西羅家房身人曾充少校副官

王朝臣



字幹廷邑南范家屯人曾任團長

王興義

字宜如邑西西貝河人曾充西安稅捐徵收局局長

許文國

字化周邑東雞冠山人曾充洮昂路局長現充北寧路總務處處長

高作人

字作人城內人簡任職存記曾充陸軍第十軍秘書處處長

趙宗城

字制圻邑南下阮家窪子人簡任職存記曾充陸軍第十軍密書

翟希巖

字潤堂城內人現充遼寧長官公署科長

楊德新

字宣三邑西增盛堡人現任陸軍五十三旅三十團團長

馬國忱

字影俠邑西大青堆子人曾充少校軍需官

史有章

字靜塵城內人奉天陸軍測量學校畢業曾充少校副官

阮振鐸

字叔周城內人曾充奉天公立醫院院長

楊甲先

字彙如邑西羅家房身人曾充第十軍軍醫處處長

彭永祥

字英奇邑東關人北京法政學校畢業現充哈爾濱特別區地方法院推事

楊中英

邑西孤家子人曾充康保縣長

吳文閣

邑南楊士屯人現充遼寧軍令廳少校參謀

李春雨

字東垣邑南五角湖人奉天法政學校畢業曾任通化縣知事

王恩士

邑西阿吉牛泉堡子人曾任興城縣知事

朱永春

字錦亭邑東雞冠山人曾任懷柔縣知事

吳學禮

字用和邑東關人奉天法政學校畢業曾任遷安縣知事

東安縣糧局代現任  
多倫縣稅局長

董振麟

字瑞符邑南大蓮花泡人天津法政學校畢業現任商都縣長

陳蘭澧

字伯思城內人曾充省議會議員現任康保縣長

王繼溥

字子博邑東白梨溝人曾任安廣縣長

王繼筠

字育生邑東白梨溝人曾充少校軍需官

劉致中

字鏡涵邑西北果子園人現任中東路地畝處處長

張永年

字瑞軒邑西北果子園人奉天法政學校畢業曾任鐵嶺典獄長現

任中東路印刷科科長

計國用

字迺廣城內人保定軍官學校畢業陸軍少將曾充參謀及直隸軍械處處長

鄭士純

字弘毅城內人奉天法政學校畢業曾任樺川農安等縣知事

常克明

字季高邑南遼海屯人法國大學畢業現充北寧路會計科科長

石成璞

字璽廷邑西英城子人奉天法政學堂畢業現任哈爾濱地方法院

推事

趙鵬第

字夢南奉天法律講習所畢業曾任長春縣知事鎮威上將軍公署  
政務處秘書京兆財政廳長遼寧省政府秘書長兼任奉天財政廳  
長

鐵嶺縣志卷

鄉賢

本境昔少居民自胡賈兩大令次第招徠漸臻繁富故此地人民多係直魯晉之祖籍歷久遂成土著嗣以郝公講學知禮義而尚詩書絃誦相聞其間學成致用著績懋勳者已載入鄉官志矣尙論古人必俟蓋棺論定而一意孤行之士落落寡合獨善其身不求聞達其著作言行足以激勵世風於式閭里者頗不乏人彙爲一編列而舉之

徐元弼

康熙年間生員因郝復陽先生召還時留其宅作書院後被旗丁佔據值郝公之子林爲奉天府尹元弼乃具呈於邑宰焦獻猷囑轉數



回始退出仍爲銀岡書院實開本邑文教之先河雖籍大府之力又得賢令尹爲之幹旋仍推元弼爲首功惜舊志無徵其事蹟不詳殊爲遺憾

李 錯

字鐵君號豸青山人又號焦明子明寧遠伯李成梁之後裔康熙年間人父輝祖累官至刑部待郎見鄉宦志其婦翁爲太傅索額圖時方柄國聲勢烜赫錯又勳臣後例當得官顧獨遠避之盡以先世產業遺二昆携妻隱盤山買田豸青峰下構草舍雜山畦以耕其貧者授之田無所取乾隆丙辰薦試博學鴻詞以老病辭不就歸歲一至京師一二日即歸人罕見其面詩古奧峭勁自闢門徑著有隄巢集

隄巢後集舍中集及尚史稿行世爲遼東三老之一

戴亨

字遂堂原籍浙江人自其父徙鐵嶺遂家焉登康熙辛丑科進士出爲山東齊河縣令以抗直不苟合解組去寄居京師家益貧簞瓢屢空晏如也爲人篤於至性然諾不輕有忠孝大節詩宗杜少陵與李錯陳景元稱遼東三老詳見鄉宦志

陳繼興

字曉櫻邑人道光間因廩生出保邑童訓導某受賄派繼興與之抗議訓導某稟憲斥革衣頂遂拂袖入京肄業國子監秋闈中式因磨勘被撤乃毀棄儒冠專以醫名當設帳時出門下者貝魏曼均商

廣源爲最著

于浩

邑西曉興屯人性長厚以農起家鄉鄰貧乏之家凡婚喪無資及不能舉火者竭力周卹子民新城進士官刑部郎中詳見鄉宦志次子景新以諸生終孫琇亦以名諸生噪於時人咸以爲厚德之報

于民新

浩之子同治乙丑進士授刑部主事官至郎中民無冤獄充光緒辛丑順天鄉試同考官詳見鄉宦志

李向陽

字曠園邑西南賀家墳人咸豐庚申進士光緒初官直隸榮城縣知

縣政聲大著講讓型仁家喻戶曉罷官歸里教授生徒其門下多知名之士

陳淮

字桐江邑人紀升子紀升詳見鄉宦志學術湛深得其奧要著有槐蔭堂詩集爲人篤於至性與世無競周卹困窮鄉鄰樂道以戶部江南司郎中卒於雷次

魏燮均

字子亨號鐵民初居後八里莊後移居紅杏屯咸豐間府學貢生工書法善古文詩詞家貧負笈遠遊多覽名山大川平生所得見於謳歌著有九梅村詩集刑部侍郎銘安慨然出資爲之付梓時邑乘久

未重修百數十年之文獻凋零殆盡獨發憤與二三同志搜討甚夥  
垂成稿燬於火殘篇斷帙考乾嘉以前故事尚多因之青年以授徒  
爲業後遊於公侯幕府以舌耕終其身然其善書能詩之名邑人無  
不知者

吳樹

原名鳳鳴字仲培邑東關人道光己亥舉人學品兼優文法清古本  
境名勝碑記多出其手子元秀原名珩字寶賢拔貢生復中同治間  
副榜教授多年卒元秀見選舉志

魏廣德

字仁甫邑西楊相國屯人宗室學漢教習授徒爲業士林多出其門

深於易理德容粹然古君子也

趙果

字有爲邑南下阮家窪子人生員性方饒學問精邃時皆攻舉子業果獨探討經義論中庸一書或分五大支或三大支又以費中隱隱中費言天道言人道者釋之愈支離而愈晦塞其實子思述孔子行狀也故首舉仲尼終以仲尼祖述堯舜皆孔子之內聖也中途文武周公及哀公問政又皆孔子之外王也若以天命爲原始以下學爲要終更所以示孔子之道所自來與願學孔氏之門徑耳故以孔子爲主人翁則全書皆成實際不墜茫茫煙海中其持論多如是年老勤學不倦卒於家堂弟召棠附生蔭棠武生孫宗城附生見儒林志

魏熙海

字季軒其家世尚詩書熙海性聰穎幼熟諸經尤精算理篤於孝友仲兄成海不幸罹瘋疾晝夜護持衣不解帶及仲兄亡念念不已惜熙海體氣亦弱中年以諸生卒

張履豐

字兩人前八里莊人咸同間附生設帳多年士林稱之弟履泰亦工文蜚聲庠序子鶴庵字青田胸懷磊落學問淵深能詩工畫山水惜皆以不遇卒

王珍

字昆蘭遼海屯人恩貢生候補直隸州州判性方體才高學博於經

史子集罔不精通著作援筆立就惜遺稿鮮存者雖以農世其家然頗小康樂郵貧乏俗以王大爺呼之邑之婦儒無不知有王大爺其人者年登磨蠶而終遠近乞人皆持芻帛爭來弔唁

### 王友雲

字伯卿珍之猶子也歲貢生考取宗室學漢教習教授三年期滿以知縣選用乃無心仕進築近市軒教子姪課生徒一時名士多出其門

### 吳鳳儀

字韶亭城內人書之弟也稱見前恩貢生授例候補直隸州州判未歷任與陳左諸君同時經理書院子琦並弟鳳書之子琨以諸生卒



吳鳳藻

字五樓鳳儀之弟恩貢生直隸河工候補同知性豁達嗜吟咏所有詩文有蕭洒出塵之致如其爲人淡於名利不樂仕進未幾回籍經理書院二十餘年獎勵後學萬然可親士林每以吉人口之長子瓊附生助興學校次子璋舉人仕至黑龍江知府見鄉宦志幻子珍附生

胡鑑清

字鏡泉邑南關人兄佐清勤苦力學早卒鑑清深於經術故其爲文精邃幽深以歲貢生設帳有年其門下甲第不絕性清介平生臨財不苟亦不趨附時勢甘以貧困終其身弟相清歲貢生

于 璋

字式如民新子也民新見鄉宦志叔景新兄玠皆諸生孱弱冠以博士弟子員名著當時光緒間讀書京師因父入廉廼避秋試旋以五貢選授如知未仕卒爲人方懷正直取與不苟有乃父之風

吳元秀

原名珩字寶賢邑東關人副貢生中同治辛酉拔貢授職教諭選房山縣教諭未就家居授徒名士多出其門爲人剛正方嚴勇於任事凡關地方公益之事不辭勞怨必期達其目的而後已年五十餘卒於京師

吳 璋

字令如鳳藻次子文思精敏試輒冠軍少年發解見選舉志及鄉宦志天性孝友盡以祿入供堂上甘旨惟謹惟豐爲官公正廉明卒於龍江府知府任內寅友資其喪以歸

劉東

字敬瑚城內人幼貧力學誠樸方體從邑名士吳元秀張枚齋等遊應童子試以冠其軍入泮光緒十六年縣令陳士芸重整書院月課士子邀任董事力清學款剔除積弊嗣經榮令禧陳令璋前後邀辦支應保甲各局堅苦任事勞怨不辭地方稱之光緒二十八年因改科舉爲學堂首捐書籍助學者搜討趙令臣翼邀創學堂獨排衆議開本邑風氣之先獎掖後進如恐不及境內學校百數十所多其所

倡尤注重女學親爲訓教及創設工藝場均有成績因私立學校捐款甚難乃首捐銀一千兩迭經東三省總督趙公爾巽錫公良奏加同知銜獎以熱心教育匾額宣統間任奉天高等學堂監督奉天省自治顧問及惠工有限公司總理旋山民選充諮議局議員及臨時省議會議員民國三年因病辭歸仍創辦貧民習藝所爲失業流民謀生計民國四年以積勞成疾卒年六十四邛者雲集

### 曾憲文

字述堂邑東關人歲貢生初以授徒爲業居心淡泊不慕虛榮光緒年間邑令邀爲銀岡書院董事庚子之亂襄辦保甲支應各局又爲巡警局董事及改設學堂仍爲董事後爲勸學所長民國二年被選

爲省議會議員民國八年被選爲第二屆衆議院議員爲人剛正風裁卓然遇事不苟阿附居鄉辦理地方公益維持地方經濟創設地方儲蓄會時人稱便

### 齊鵬兆

字廷鸞邑南范家屯人爲人和順慈祥其鄰村有互訟者累年不決鵬兆出爲伸連極力排解舌敝唇焦糾纏不已鵬兆自出資財爲之解紛而不令其人知也民國十二年以疾卒十四年縣令張光亞爲之勒石於村北書其事以誌其行誼

儒林

儒林以何爲準乎山林隱逸之士道行高潔者已載入鄉賢志矣其以前舉貢以上及各大學畢業之人已載入選舉志矣無庸贅錄經術專家世不多觀章句之徒儒者輕之然亦風氣使然無已惟有以前代之諸生爲準彙爲一目散漫難稽儘多遺漏識者諒之



[The main body of the page contains several vertical columns of text, which are mostly illegible due to the quality of the scan. The text is arranged in a traditional vertical format, typical of classical Chinese documents.]



儒林

已卒之諸生

舉貢以上另見選舉志

孫 楸

字麓樵邑人諸生

羅繼謨

字巖旭邑人諸生

邢爲樞

字環生邑人諸生

左瞻生

邑人諸生

左昕生

邑人諸生

左昭生

邑人諸生

左曉生

邑人諸生

左昫生

邑人諸生

左譜人

邑人諸生



左華人

邑人諸生

按諸左皆明吏部稽勳司郎中左懋泰之子若姪原籍山東萊陽徙鐵嶺遂家焉曄生與斯生文名尤著同董孫羅邢諸人共成縣志惜僅兩冊太涉簡略殊難詳考復從郝復陽先生遊捐資助修銀岡書院懋泰見寓賢志

戴巡先

邑人諸生

戴盛先

邑人諸生

按諸戴皆戴亨之裔戴亨見鄉宦志餘戴見選舉志

尙廷伸

邑人諸生

陳密

字曉樓工書法邑人附生

孫進祿

字錫三城南大鮑家岡子人以承德縣籍入津

涂泗濟

字柳溪邑西蔡家壩人附生

姜海藩

字紫垣邑東關人附生

任鍾嶽

字香陔工寫生城東南會試屯人附生

曾紀業

邑西關人附生

趙果

字有爲邑南下阮家窪子人附生詳見鄉賢志

石汝霖

字雨人邑西關人附生家居教授

石聯雋

字春圃汝霖之姪附貢生亦設帳授徒庚子之亂俄兵

入境襄辦保甲局維持地方

張履豐

字豫齋邑南八里莊人生員文名籍甚詳見鄉賢志

曹儀

字乙堂邑南八里莊人廩貢生

李夢花

字香亭邑東黃金屯人增廣生教授多年

袁椒圃

邑東大甸子人附生屢就西席通韻學

羅尚霖

字潤周性方艱父早棄世事母以孝聞教授多年師嚴

道尊

左聯甲

字魁軒左懋泰之裔附貢生經理書院

鄭培文

字檇書邑東關人附貢生書院董事

楊松年

城南後八里莊人附生

曹坤

字子厚城東太平寨人增廣生員性寬和教授多年

張尙德

字萬軒城北下塔子人附生教授有方



孫振東

字春軒邑東南催陣堡人附生

常國清

字月軒邑東關人附生

高鳳岡

字玉泉邑人附生

臧其謀

字鶴田邑南黑牛圈子人附生後官典史

常國輔

字鈞衡國清之弟附生文名素著善繪事爲八大山人

派子郁塋併生亦有文名卒

彭熙臣

字敬亭邑東關人附生詳見鄉宦志

彭英甲

字鼎林號內庚熙臣之弟附貢生仕至甘肅布政使詳

見鄉宦志

彭錫庚

字佐清英甲之族人附生爲鐵嶺商務會長多年卒

劉羹梅 字夢岩 邑南大汎河人 附生 卒

吳啓昆 字裕青 邑東關人 附生 曾任義塾教習 早卒

吳啓季 字俊青 啓昆之弟 甫入泮即卒

倪用極 字子修 邑北關人 沈著力學 中年入泮 設帳多年 卒子

信臣 見鄉宦志

孫 鉞 字耀堂 廩貢生 文思沈著 與監察御史鄧慶麟爲莫逆

交在京 曾舉捐奏回籍教讀 年七十力學不倦 卒

周文煥 字耀堂 邑西大台村人 青年入泮 移居城內 設帳多年

後出歲貢 卒

李蔭階 字雨辰 邑北關人 附生 卒

齊海藩

字東垣城南范家屯人附生授教官未抵任卒

齊維藩

字介臣海藩之弟附生卒

馬維乾

字子建范家屯人附生卒

張應辰

字普庭以附生考取漢教習家居教授卒

張希齡

字仲岐邑東關人附生性情長厚邑人稱之光緒末年

卒遺囑捐東錢一萬緡創立東關女子師範學校

王培元

字蔭普邑南遼海屯人家貧無力求學依外祖王珍發

憤勤讀入泮終以貧未與秋試以課徒老卒

楊聯桂

字輔廷城東崔山屯人附生家居卒

吳鳳德

字雨琴東關人鳳藻之兄附生卒

孫壽泉

字介眉城西古城子人附生工詩卒

吳琦

字發亭東關人附生卒

王恩溥

字贊生邑南遼海屯人附生卒

吳琨

字潤樸東關人附生卒

劉明安

城西木廠人附生卒

劉來祥

字如九河西木廠人附生卒孫紹唐見實業志

金汝礪

字洗鋒邑東關人附生工繪事卒

劉漢書

邑東關人附生早卒

傅可均

邑東南崔山屯人附生卒

張保元

字愷然城南新屯人附生卒



張啓元

字紹文愷然弟附生卒

吳克謙

字彩亭克讓之兄附生卒

吳克讓

字耀堂邑東催陣堡人移居城內附生卒

張錫齡

字與九邑西江家屯人附生文名籍甚屢試冠軍光緒

三十三年卒士林深痛惜焉

張連陞

字級三增生歲試屢列一等文思英敏停科舉後熱心

辦學與同村士人同創大青堆子兩級小學校及女學身任城內中學教員頗著成績民國元年卒

王德和

字子襄邑西北果子園人附生家貧力學舌耕自給後

入奉天法政學校畢業列優等任法庫廳總務科長又奉天工務總

會聘爲文牘員民國三年卒

高 鎮

字玉卿柴河北人後移城內附生力學不倦卒

葆 廉

字春泉城內人附生卒詳見鄉宦志

吳 璦

字筱樓邑東關人附生卒

王秀山

邑南大汎河人附生卒

陳慶芳

字毓英邑西關人附生卒

平其心

字潤亭邑東關人附生教讀爲業循循善誘及設學校

任女學教職多年卒

李芳辰

字先春城內人附生卒

王如山

字峻峯城南大孤家子人附生卒詳鄉宦志

蕭國璋

字蘭田邑西關人附生卒

郭毓奇

字文卿邑東關人附生卒

李毓琳

字潤身邑東關人附生卒

劉鳳池

邑東韭菜峪人附生卒

趙召棠

字化安邑南下阮家窪子人附生卒

許振聲

字甲三邑西許家窩棚人增生卒

才俊臣

邑西三台子人附生卒

李春新

字鼎臣邑西蔡牛象堡子人附生卒

現在之諸生

舉員以上及大學畢業者另見選舉志

趙方燾 字炳如城內人附生學有根抵授徒爲業出其門者甲第不絕

孟昭襄 字贊廷邑西孟家溝人附生

劉煥書 字西山邑西興隆屯人附生

王佐才 字聘三城內人附生

劉尙清 字海泉邑西北果子園人附生現任內政部長詳見鄉

宦志

孫佐廷 字仙舫城南催陣堡人附生詳見鄉宦志

孫廣廷 字丹階邑東熊官屯人附生詳見鄉宦志

林震青

字啓敷城內人附生詳見鄉宦志

趙宗城

字制圻邑南下阮家窪子人附生

趙裕慶

字咸中邑南山咀子人附生

李向春

字景陽邑西大孤榆樹人附生曾充教育公所所長

張佩文

字韻軒邑西張糖房人附生

秦錫藩

字紹先號介人邑南關人附生

吳珍

字聘卿邑東關人附生

秦之藩

字錫清邑南關人附生

石鈞衡

字介福邑西關人附生

金化昆

字海樓邑東關人附生

高尚志

字向廷邑東新墳人附生

尙其志

字渭舫邑東關人附生

石之璋

字蘊如邑西關人附生

張嗣良

字文樸邑東南桑園嶺人附生

楊紹芳

邑南大八里莊人附生

邢福庚

字子長城內人附生

富

字惠軒邑南沙坨子人附生詳鄉宦志

孫贊廷

字子襄邑南懿路人附生

常保棟

字順如邑東關人附生現充商務會長

傅 銓

字選三城內人附生

裴有功

字敏齋邑西興隆屯人附生

九

忠節

忠之爲言誠也盡己之謂忠孔子曰爲人謀而不忠乎是對於人倫之內莫不宜然後竟專就君臣而言其義狹矣生今之世處今之時對於國事對於人羣當無不竭忠守節清操凜然時勢雖有轉移而精忠亮節今古同欽決不能僥倖功名苟且富貴茲擇忠於國事之人彙錄成目至於節婦以曾經旌表或受褒揚者爲斷





忠臣

金

瓜爾佳守中

舊作夾谷守中咸平人大定二十二年進士歷通遠軍節度使至寧末移彰聖軍未行夏兵數萬人入鞏州守中禦之兵少不能支城陷不屈夏人載之而西至平涼要以招降附人守中佯許至城下呼曰外兵矢盡且遁矣慎勿降夏人交刃殺之詔贈資善大夫東京留守以其子鄂摩爲筆硯奉承

舒穆魯元毅

舊作石抹元毅咸平路穆昆人爲大理知法省錄陝右五路刑獄無

冤人復委受宋幣故事有私遺物元毅一無所受明昌初爲汾陽節度副使時石嵐賊黨嘯聚元毅滅之全境以安邊同知武騎軍節度使有疑獄久未決一訊即服河東北路田多饒瘠大比時定爲上賦民多困乏元毅以三壤平之民賴其利歷遷撫州刺史會邊境賊寇大起從史戰死事聞贈武信將軍召用其子世勛

舒穆瞻世勛

舊作石抹世勛字景略幼勤學爲文有體裁承安二年以父元毅死王事得廢爲承學官五年登進士貞祐三年累官爲太常丞時朝廷徙河北軍戶河南議給以田世勛上言荒閑之田及牧馬地其始耕懇費力當倍一歲斷不能熟若奪民素蔭者與之則民將失所上大

悟乃罷之正大中爲禮部尙書天興元年冬哀帝北渡世勣從行明年六月走蔡州授其子蒿應奉翰林文字以便養親城破父子俱死於難蒿字岐隆定興二年經義進士

納喇綽奇

舊作納蘭綽赤咸平路雅哈河明安人契丹瓜里使人招之不從以兵據改渡口賊月餘不得進旣而瓜里兵大至遂見執綽而殺之贈官而綽二子皆得廢叙

圖門色埒默

舊作陀滿斜烈咸平路明安人襲父職承安中討契丹有功歷遷保大軍節度使徙知彰德府事貞祐四年元兵復取彰德埒默死之

鈕祐祿資祿

舊作女奚烈資祿咸平府人本姓張氏泰和間與宋戰從軍有功授同知通遠軍事興定元年官西寧州刺史賜以姓五年授隴安軍節度使救鄜州兵敗不屈死之贈銀青榮祿大夫

明

李如松

寧遠伯成梁長子也萬歷間張居正當國推選名將是時成梁與戚繼光齊名而武功較戚爲多得封伯世襲五子俱膺節鉞如松居長智勇尤爲傑出萬歷間寧夏哱拜父子合劉東陽倡亂命如松討之如松先登入城功第一會日本攻陷朝鮮上命宋應昌爲經略應昌

舉如松爲征東提督奮勇先登日本驚走半載之間連平大寇威名甚著萬歷二十二年四月土蠻寇犯遼東如松率輕騎遠出搗巢中伏力戰死帝悼惜令具衣冠歸葬贈少保寧遠伯立祠諡忠烈

按如松事蹟頗繁已於鄉宦志中節錄明史本傳矣茲不贅錄

李克忠

成梁之裔以游擊守鐵嶺萬歷四十七年死綏

李如楨

成梁之姪萬歷四十六年清陷撫順明年陷開原鐵嶺如楨家居死焉

李如梓

李如榛

李如檜

李如椹

李一忠

以上五李同時殉難

李尊祖

如松之孫襲寧遠伯世爵居京師崇禎甲申之變殉難清乾隆四十

一年諡忠愍

清

李懋祖

順治初以貢生授平度州知州擢湖廣兵備副使護廣西巡撫事六年何騰蛟圍城九月城破懋祖及子庭廣死之贈光祿寺卿

金世瑯

繼城第二子初任佐領康熙十七年隨平南大將軍征福建擊敗台兵於江東橋十八年台灣將劉國軒率衆萬餘犯彭州世瑯督兵進戰中流矢歿賜卹予雲騎尉世職雍正七年入祀昭忠祠

按世礪係明千總金玉和之孫玉和因開原失陷降清後與流氓李自成戰死焉而舊志竟因玉和死事將玉和事蹟載入忠節志中蓋玉和既有死於國事之心何以不死於明而獨死於清顯係一不忠不義木志置而不錄



高天爵

字君寵鐵嶺人順治四年山貢生除知高苑縣再擢知長沙府調江西建昌府廣昌山賊王昂傅勝等既降復叛官軍擒之斃於獄餘賊據羊石滴水二壑老巢固負抗拒天爵與巡道張永順討平之事聞得優叙康熙十三年遷兩淮鹽運使未行值耿精忠之變天爵自建昌不守則南昌危困因請兵自將防其西出募壯丁繕城垣躬擐甲冒與敵戰被執不屈死贈太僕寺卿諡忠烈雍正四年加贈禮部尚書追賜卹典七年入祀昭忠祠

李向舜

鐵嶺人其先世屢立戰功授世職二等參領向舜亦官參領順治元

年從征歿於役

李向日

向舜之幼弟官遊擊康熙十四年從征湖廣省城被圍竭力捍守城陷罵賊不屈死

李向禹

順治五年山貢生任山西陵川縣知縣姜瓖之亂妻王氏謂向禹曰君職守土宜竭力報國勿以家爲念向禹領之率家僮出禦敵城破闔門死之贈光祿寺少卿

李向堯

向禹之長兄任山西助馬路參將姜瓖之亂闔門殉節贈左都督僉

事入祠忠烈祠

李成功

邑人順治乙丑科武進土任參將隸湖廣鎮劉進忠麾下康熙十三年耿精忠叛密授偽職成功謀於于國璉共誅之事泄被執不屈死事聞贈驃騎將軍

鍾尚勇

世居鐵嶺以四川馬湖之役陣亡贈雲騎尉

節婦

明

顧澄妻楊氏

鐵嶺衛人澄故遺腹三月產一男誓不適甘貧撫孤卒年七十九入

本邑節孝祠

李如挺妻羅氏

時如挺家居萬歷四十七年清兵陷鐵嶺舉家殉難氏亦與焉

李如梓妻林氏劉氏

李如榛妻李氏

李如稷妻鄭氏

李如桂妻鄭氏

李存忠妻熊氏

李鼎忠妻董氏

以上均與如挺妻同時殉難

李憲忠妻張氏

萬曆中憲忠爲遼東總兵中軍戰死氏殉之

李純忠妻宿氏

純忠官京師聞闖亂陷城殉難氏從之

李遵祖妻宋氏

遵祖隨任京師甲申殉難氏從之

清

李向禹妻王氏

順治五年向禹任陵川令姜瓖之亂謂禹曰君職守土宜竭力報國

無以家爲念向禹頷之率家僮出爲禦敵計且自縊二女從之城旋破向禹亦死焉

張學而妻唐氏

張病故奉舅姑育幼子曲盡孝慈後值荒歉有謀奪其志者唐即欲自盡奸謀遂息卒完名節入祠

張世玉妻王氏

年十六歸世玉三月而寡誓不再適奉孀姑十餘年生養死哀允稱

節孝入祠

李四駒妻孟氏

幼適李姓姑患蟲症氏侍湯藥晨昏不離姑歿夫亦故獨舅在堂又

類值荒歉遂有謀娶之者孟以死誓終不渝入祠

張國良妻馬氏

夫歿子弱家貧無倚氏針黹度日守志不移

以上皆雍正四年請准旌表

孫貳妻馮氏

夫亡撫孤誓不改醮入祠

鄭天榮妻狄氏

夫亡無嗣守志終身入祠

李廷棟妻劉氏

夫歿撫孤終身苦節入祠

鞏尙友妻張氏

夫早歿孝翁姑撫幼子終不改適入祠

鞏尙義妻李氏

曠日明心撫孤完節入祠

多倫泰奉汪氏

旗人汪訓之女適領催王筠長子多倫泰逾四年道光二年七月夫暴疾適歸寧聞耗馳至未逾刻而夫歿悲痛之極以不得侍疾爲恨遂自縊以殉四年建坊驛路左側俗名五里碑子入祠

羅文明妻吳氏

性端淑嫁甫一年夫病歿氏年方二十誓不二志以無嗣撫夫兄之



子爲子善教育卒成名士即暉也有詩集傳於世氏尤節儉慈惠鄉里稱賢卒年八十一入祠

貞女李二格

邑西鎮西堡人李文美之女性貞靜貌端淑及笄未字一日父母外出惟嫂伴居時有織工某藝其家窺女美欲亂之而無間伺女入厠尾逼之女厲聲拒之嫂奔視已刃女倒地某懼事泄並殺其嫂事聞於官抵某以罪乾隆四十年女旌表入祠

曾坤榮妻張氏

夫被水淹歿聞耗即欲投水尋尸宗族責以大義乃止其事親撫孤孝慈兼盡請旌入祠

任傑妻張氏

城東北遞運所人母家椒木嶺子道光間氏年二十一歲一日遇強暴持刀逼女姦氏堅拒厲罵賊怒戕之入祠

孫玉振妻石氏

邑西關人也道光間年十九適河夾心孫氏與玉振結婚而玉振病卒氏年僅二十三矢志守節事翁姑至孝同治元年翁姑相繼歿氏已五十餘歲矣十三年邑人代爲請旌建坊於河夾心村西

劉廷鰲妻高氏

劉漢吉妻高氏

鄧升吉妻李氏

趙琦妻韓氏

性幽貞寡言笑夫歿守志不渝乾隆四年旌表

周萬榮妻郝氏

夫歿哀毀骨立以死自誓食貧守志克全孝節

王維煥妻張氏

夫歿氏以針黹易衣食甘貧守節操勵冰霜

陳亮妻鞏氏

夫歿氏辛勤荼苦鄉里重其貞操

常成龍妻王氏

青年守節每遇歲時必哭祭其夫數十年無間遠

近賢之

郭廷鈞妻王氏

陳鑑妻張氏

郭廷振妻趙氏

郭林桂妻王氏

吳鳳翔妻劉氏

衣 忠妻于氏

張永吉妻仇氏

彭 溫妻蘇氏

楊有年妻田氏

鄧廷功妻祖氏

劉連助妻李氏

李廷椿妻王氏

鄭之敏妻商氏

張 義妻劉氏

李 潘妻朱氏

王世敏妻許氏

崔富榮妻劉氏

王英才妻趙氏

劉佩榮妻李氏

張德元妻劉氏

王汝賓妻董氏

城東僱陣堡崔珣之長女道光間年十九適城南遼海屯王汝賓即

王作周爲室汝賓已患咯血氏侍湯藥晝夜無倦容汝賓病卒哀毀  
幾絕經數救得生以數月新婚立志不奪同治元年年四十餘乃以

夫弟之子豐爲嗣教養兼至撫如己出十二年經禮部奏請旌表入祠建坊於村北驛路之左側苦心守節已逾三十五年矣復逾十餘年七十餘以壽終

孫 珩妻姜氏

張國良妻馬氏

劉耀綱妻王氏

溫克勤妻楊氏

高進福妻任氏

商廣濟妻麻氏

馬兆麟妻石氏

張嗣榮妻陳氏

城南樹芽屯陳玉美之女子歸數年夫病歿氏水漿不入口者十日卒以殉夫可謂烈矣光緒三十一年請准旌表入祠

劉廷璽妻高氏

城西興隆屯人夫死教養孤子明仁成立同治間以年例相符請准旌表入祠建坊

劉繼綱妻王氏

城西劉家窩棚人夫死子紹周紹言俱幼氏守節教養成人長子紹周奉天警務及陸軍憲兵科畢業次子紹言奉天工業學校及法政法律科畢業皆屢充差務前以年例相符請旌入祠

以上四十一人皆入祠

吳 瑛妻石氏

邑東關人年十九于歸二十一夫歿無嗣撫其夫兄之子桂芬爲子  
即今之電話局長也

王董氏

孫氏

楊德保妻張氏

氏防禦張振聲之女幼嫻閨訓年十七歸德保四載夫歿無子撫伯  
氏子向榮爲子氏上事孀姑下教繼子年六十以壽終建坊於邑之

東山口



王氏

邵氏

趙蘭田妾李氏

夫官主事隨夫在京值光緒庚子拳匪肇禍氏與于趙氏同殉

于珍妻趙氏

工部主事趙蘭田之女庚子入都省親聯軍入京都城失守氏恐遭

汚仰藥以殉

以上均建坊未入祠

楊明妻汪氏

成豐間入于歸十五年伉儷甚得翁姑早喪又無子女夫年三十四

卒氏哭幾死迨七日夜間仰藥以殉事見九梅村詩集

王吉瑞妻梁氏

城東白梨溝人年十七適吉瑞歷十九年而夫卒遺子女各一家赤貧不能生存在親友勸其再醮翁姑尤逼迫之皆置若罔聞惟倚針黹爲生計嘗臥病不起仍復手不停工奉翁姑終老嫁女及爲子娶婦光緒間年四十七卒請准旌表

李遠山妻張氏

年十七于歸三年夫歿矢志守節事孀姑撫遺孤年七十餘卒光緒丁酉經邑紳于民新等請准旌表

李德昌妻劉氏

年十七于歸數年夫故家貧苦志守節光緒丁酉經于民新等以年

例相符請准旌表

李克勤妻涂氏

于歸二年夫故無子以天之堂姪爲子撫若親生母家有勸其改適者厲辭絕之勤儉持家亦于光緒丁酉經于民新請准旌表

以上尙未建坊

常郁塋妻李氏

郁塋字保如以佾生勤學攻苦年弱冠嘔血亡氏痛不欲生仰藥以

殉

烈婦陳氏

城西范家窩棚人光緒庚子之亂馬賊四擾婦時村居家無男子賊欲至汚之氏力拒而厲罵之賊怒以銃射之彈丸貫腦而死

### 烈女無名氏

同治五年馬賊焚劫開原之下肥地竄鐵嶺城東房身陽掠一少女年可十六七賊矚其美欲汚之女怒罵見殺復以藥灼其面使莫能識棄之去鄉人葬於河側見九梅村詩集嗚呼烈矣

### 金烈女

城南遼海屯人金永瑩之女同治之季女年十餘歲幼嫻閨訓值歲杪家失錢票六緡事極微細家衆以女得母歡心素嫉之論謠諍羣興謂錢票爲女所竊女性素激烈即時服毒殞命家長乃察悉女之

負寃真情不忍窮究以置不孝子孫於法特厚殮女屍爲之勒碣誌  
哀吁女以童年視名譽重於生命世有譏爲溝瀆之諒恐以開貪墨  
敗名者僥倖之門也

貞女金郭氏

邑西苗家莊子人許字邑西六十里高麗屯農人金殿發殿發年十  
九病故時女年二十二聞喪奔赴衰絰成禮留事翁姑克盡婦道女  
父憫女青年守貞欲奪其志而擇嫁顯族女以死自誓遂以夫兄之  
子祥爲嗣歿後世無間言

孫魏氏

楊相國屯魏廣後之女適孫家窩棚孫貴於同治間病故氏年二十

六有一女尋殤慨然曰某雖婦人幼稍讀書聞黃鶴常獨宿禽鳥如此况人乎命之如此惟安之耳乃繼亡夫之志孝事翁姑養生送死無或少懈以夫兄之子煥立爲嗣不幸亦早妖艱苦益甚與幼孫相依日爲之陳說道義年七十餘歿

劉夢松妻王氏

邑西夏家樓人王吉慶之女同治間適本村劉夢松夢松年二十四病卒氏與同庚子女俱無守節不渝曲承翁姑意旨以夫弟子承緒爲嗣年七十餘歿

丁廣增妻高氏

邑南諸民屯人年十七歸丁氏相夫勤讀二十一歲其夫積勞嘔血

病故氏撫姪爲嗣奉姑盡孝且能撫育夫弟主持家政辛苦備嘗鄉人咸矜其節至光緒八年請准旌表至今鄉里猶稱頌焉

自首至此皆係依照舊志鈔錄

張義妻劉氏

邑西小江家屯人少年夫歿守志多年年例相符道光十四年四月請准旌表建有石坊

張德元妻劉氏

邑西小江家屯人夫早卒矢志不渝年例相符請准旌表光緒三十二年四月建立碑坊

鄭劉氏

邑西北大孤榆樹人其夫早歿無子守節五十三年年例相符請准旌表其家赤貧無力建坊

李劉氏

邑北高麗站人守志終身年八十八歲告終請准旌表

李景祥之母

邑東塔家樓子人夫早歿氏撫孤守節年例相符請准旌表建有石坊於村北

董德成妻任氏

邑東催陣堡人夫故守貞家貧撫孤至七十餘歲卒民國十六年呈請褒揚奉准入祠建坊建有石坊於村西



張高氏

邑東催陣堡人建有石坊

李逢時妻錢氏

邑南大汛河人年二十二歲夫歿無嗣以夫弟之子長昫爲子年七十四歲卒氏矢志不渝持家教子賢聲著於鄉里民國十三年請准褒揚蒙大總統賜節著松筠匾額

吳毓南妻金氏

邑東催陣堡人二十五歲夫故無嗣以其姪兆麟爲嗣氏守節三十餘年請准褒揚蒙賜臺峻懷清匾額

沙永福妻張氏

邑南沙長溝沿人二十九歲夫故撫孤育子持家庶世守有其匹由  
寒素而臻富厚皆氏一人之力也年八十三卒子起廣爲之請准褒  
揚

祝金箱妻孫氏

邑西阿吉牛彙堡子人年十九于歸二十一而寡無鬪以其夫恩深  
爲子民國八年恩深爲之請准褒揚蒙大總統恩賜節烈松筠匾額  
氏系出西古城子孫氏附錄長壽縣之堂妹詳見長壽縣志

石興雲妻魏氏

城內人年十九而夫歿矢志不渝至七十五歲卒民國十一年援例  
請准褒揚蒙賞給節著松筠匾額

李文繁妻辛氏

邑東小屯人夫在奉天充馬甲早故氏年二十七矢志守貞至民國始請准褒揚入祠建坊

孫殿陔妻于氏

邑南范家屯人適撫寧縣商人孫殿陔年二十四夫故氏殮葬畢仰藥以殉呈請旌表賞銀三十兩建碑於路北

王珍妻彭氏

邑南懿路人氏年二十五夫歿守節三十餘年至宣統三年請准旌表民國十一年建坊於村北路旁

王文炳妻楊氏

二十二歲夫故守節五十餘年民國六年請准褒揚入祠建坊蒙賜  
抱淑完貞匾額其子王振正擬爲其母建坊

王銘瑄妻郝氏

邑南孤家子人二十三歲夫死守節請准旌表建有石碑於村西

吳紀祿妻蔡氏

邑南楊士屯人年二十七夫死守志不渝光緒初年請准旌表建坊  
於村西

柳正發妻孟氏

邑南瓢隆屯人年二十八夫故守節至八十歲卒請准旌表光緒七  
年建坊於村東

張成德妻張氏

邑東撫安堡人氏年二十八夫故守節四十餘年請准旌表立有石坊於村西今已傾圮氏無子以其姪一新爲子

張巨棟妻郭氏

邑東撫安堡人氏甫于歸夫從征髮亂村人周某同往出征巨棟戰歿時氏年二十九歲矢志不嫁逾三十餘年請准旌表建坊於村西今傾圮矣後周某負巨棟之骨以歸並携巨棟之遺衣數事氏始信陣歿者乃眞其夫也

郭王氏

邑東撫安堡人立有節孝碑於村東碑跡模糊殊難辨識

蘇得泮妻馬氏

邑東馬耳山人氏係蘇地溝馬成文之女十九歲于歸二十歲夫死氏守節不渝六十八歲逝世請准旌表光緒二十四年建立石坊於

村西

那佩爾妻張氏

邑南汎河站人旗人本姓卜氏年二十一夫歿守節三十餘年矢志靡他請准旌表光緒二十二年建坊於村北

田寶慶妻王氏

邑西田家窩棚人氏幼喜讀書性貞潔年二十三適寶慶爲繼室逾二年夫死之前妻遺女三人無子以姪益豐爲嗣待如己出守節

多年無怨言無怨色三女出嫁氏舍己裝奩作成嫁資毫無吝容迨  
生

孫鴻海氏待之有恩逾於親生鴻海七歲入  
塾讀書習字親手養育今鴻海充遼寧公安局科長藉其祖母教養  
之力爲多請准旌表

傅景榮母李氏

邑西雙樹子人二十一歲夫亡守節終身請准旌表立有石碑

孫衍妻姜氏

邑東黃金溝人年十八夫歿守志不嫁請准旌表建有石坊於村外

張高氏

邑東上八家子人青年守節矢志不渝請准旌表建有節孝石坊於

村外

馮德舉妻土氏

邑南新興堡人清同治間夫故守節年例相符請准旌表尙未建坊

王趙氏

邑南新興堡人年甫三十夫故守節年例相符請准旌表建有節孝

石坊

吳王氏

邑南楊士屯人青年夫故守志不逾年例相符請准旌表建有石碑

於村西

劉張氏

卷十 人物 忠節

二二一

續編立第一工科印



邑西南瓢起屯人年十八夫歿守節至七十餘歲而終年例相符請  
准旌表建坊於村北柳家改其坊文有云矢志靡他事親盡孝洵巾  
幘之完人宜與忠烈並褒矣

修永德妻張氏

邑東南上末台冲人青年夫故矢志守節年例相符請准旌表建有  
節孝石碑

劉萬財妻李氏

邑東南八大窰人二十三歲守孀四十餘年請准旌表

馮自顯妻聶氏

邑東南三岔子人自二十七歲守孀至六十七歲歿年例相符請准

旌表

焦純泰母佟氏

邑東南三岔子人青年夫故守節四十年年例相符請准旌表

王焦氏

邑東南三岔子人青年夫歿事姑守節矢志靡他至三十餘年年例相符請准旌表

杜兆廣妻薛氏

邑東南白梨屯人年二十三夫歿氏性貞志烈守節撫孤教子有方至五十三歲而終請准旌表

康忠先之先人

邑西烏巴海康忠先之先世由十八歲夫故守節終身建有石坊大  
約文字模糊難於辨識

張連甲之先人

邑西黃家窩棚張連甲之先世青年守節建有節孝石坊於村外

王閻氏

邑西西貝河有王閻氏節孝石碑其詳不可考

孫富隆母石氏

邑西西古城子人青年夫故守志終身光緒四年請准旌表建有石  
坊額曰節懷冰霜

高萬才妻楊氏

邑東大寶山人二十而寡守志撫孤始終如一年逾七十而終請准旌表

張永德妻王氏

城內人于歸四載而夫歿守志終身民國十五年請准褒揚蒙賜貞

松比操匾額

朱泰妻曹氏

邑東柴家堡子人青年夫歿守節三十餘年請准旌表

郭性善妻汪氏

邑東柴家堡子人青年夫歿守節至七十餘歲年例相符請准旌表

党廣有妻陳氏

邑東柴家堡子人青年夫歿守節四十餘年年例相符請准旌表

任氏女

邑西南湯牛彙堡子任氏有女性近禪宗茹素讀經誓不嫁人事父母以孝聞待兄弟以友稱尤善撫育其幼弟鄉鄰樂道三七十二歲而終其弟國扶爲之建坊以旌其節義

按此女終身不嫁旣違古訓又乖人道今所謂獨身主義者是也而其弟爲之建坊旌其節義不知所謂節義者果爲誰而節爲誰而義乎姑志之以待世之間風者

劉滋桂母王氏

邑南小汎河人氏年二十四夫歿有子女各一子方九月女三歲氏

矢志撫孤持家守節教育子女晚年家頗小康請准褒揚旌其門曰  
節義全鄉望若泰斗

陳奉璋母錢氏

邑南小汎河人自二十而寡守節至六十而終孝事翁姑和睦妯娌  
好善樂施憐貧卹乏請准旌表奉璋曾任奉天警務處長

劉紹漢妻高氏

邑西關人氏係高紹陽之次女光緒二年氏年二十一于歸次年夫  
歿民國十六年八月以氏守節逾四十餘年請准褒揚蒙賜抱淑完  
貞匾額

王恩士吳母劉母傅氏

邑西古城子村西建有石坊係其塔前興城縣知事王恩土爲之請  
准褒揚額曰竹孝松貞並有題聯錄左

清節皎如千古月

懿規留作四方風

甲辰狀元劉春霖題

節厲柏舟共羨金萱長麗日

褒榮華袞待看彤管更揚輝

陸軍上將蔭昌題

鏡映孤鸞歌成黃鶴

門題行義臺築懷清

教育總長蔡元培題

古井盟心

鐵嶺縣知事廖彭題

冰心勁節

鐵嶺縣知事冉楮題

歲寒松柏

王恩士自題

邑南范家屯村北路之右側建有石碑係本村人東明縣訓導田上  
上自出資財立石撰文記錄各節烈婦女事跡茲照原文錄之

呂邦獻妻汪氏

本村人適文章呂邦獻未幾邦獻卒氏守志終身至七十餘歲而終

楊導妻劉氏

本村人文章生楊導之妻劉氏亦青年守節頗有自誓年古稀而終



古井清風堪足矜式

鄆氏鐵邑遼河西蔡牛糸堡子係鄉民郎秀之胞姪因母老弟幼立志不嫁孝友兼盡勤儉持家謹守閨門七十一歲而終令姪女亦復如是堪稱一門雙節焉

李氏鐵邑北平頂堡人係原任掌路記廂黃旗防禦武舉張振聲之妾乃本城李回民之女適爲父母所誤墜入煙花稍長自願從良乃至張家夫亡後色尙未衰竟能守節三十五年而終誠人所難逆料者以上諸人皆堪旌表因力微未請誼切桑梓見聞較確不忍沒其芳行故特勒諸貞珉

鐵邑西南苗家莊子郭氏女許與遼河西高力屯金季發爲妻幼失怙

特十九歲將及嫁夫亡聞之痛不欲生經親族勸慰始適亡夫墓前成服舉哀盡情盡禮守節至今三十餘年現今五十餘歲矣嗣子承嗣誓死靡他此所謂從一而終者

又邑東南顧官屯內務府正白旗人王德全之妻王氏二十七歲守節茹苦食貧歷久彌堅後撫嗣子成立壽八十二而終一生窮困其苦節良可風焉又有上之庶祖母于太君自十八年適分發廣西候補知縣拔貢教習上之先祖考芝圃公逾八年而先祖逝世于太君事嫡祖母頗恭待先父惟謹撫親戚成立享壽七十八歲可謂勤苦一生矣

光緒十七年十月朔附生

王增元  
馮海

併書

五品銜前任東明縣訓導田上上敬立

二二二

一

孝義

孝爲百行首義乃事之宜孝也義也基於天賦之良知歟基於禮教之感化歟謂爲基於良知何以世不多觀謂爲基於禮教何又不盡出於士大夫之家奇行勁節用式葬偷縉紳先生行之而不足村夫鰲婦任之而有餘世俗澆漓覽此足以興起矣

孝子

金

翟巽

貴德州人明昌元年詔賜緡十疋以旌孝行

按金之貴德州即邑南之大汎河村見地理卷建置沿革

明

邵義

鐵嶺衛人未婚父母皆歿竭力殯葬廬墓三年鄉人憫其孝勸之婚親迎畢不入內室復廬墓三年入本邑孝子祠

清

許煥

本邑東南花豹冲人許永和之第六子幼而讀書自父母亡後即廬墓終身不入內不茹葷朝夕祭奠不輟前東明縣訓導田上上爲之立碣勒石以記其事

李榮祖

明遼遠伯李成梁曾孫也清初任佐領遷工部營繕司郎中天性孝友父思忠督戰傷額臥牀禱者累月榮祖日夜侍湯藥始終無懈及思忠痊愈人咸謂孝誠所感卒年三十二

李庭貢

字叔慕號民村順治六年父懋祖殉難永州土人葺葬桂林府城外庭貢滴血尋骸改葬武昌居母喪廬墓三年不茹葷酒年七十卒

按庭貢亦成梁之裔

李庭貴

庭貢之弟也與兄居母喪同廬墓三年

趙庭臣

邑人字君鄰性至孝父歿獨居三年不入內室

劉芳亭

字馥堂邑西宋家泡人季父早世無子芳亭承其嗣事母有孝行母性躁動輒詬責之芳亭怡然順受無敢怨苦學不懈年四十始補博士弟子員子婦滿前晨昏起居無少懈嘗爲親執溺器不以年長而孝衰

陳 鼈

同治間人時馬賊盜起劫鼈家殺其父而遠逃鼈飲恨葬畢誓必尋報每乘隙輒懷利刃出尋不令家人知一日得賊所在往偵遇諸途直前刺之賊以洋槍射鼈撲地以爲旣死乃去號於衆曰復仇者吾

已殺之莫予毒矣須臾甦醒視所傷皮膚耳潛歸遂絕口不言復仇  
事賊亦不戒逾年偵賊醉臥某家夜率家人捕獲送於官賊乃伏法  
秦錫藩

字紹先號介人邑南關人年甫冠而游泮越年母喪廬墓三年服闋  
回里事聞前奉天戶部侍郎傅良弼賜匾額一曰孝思不貲

義士

張簡

字枚齋邑東關人咸豐間貢生性孝友重實行時邑內斗紀雷索格  
糧即羨餘農民苦之簡具呈請縣禁止而叨分餘利者大施伎倆以  
東錢三萬緡傳簡使無再聲請簡力斥不受斗紀變計賄上官誣以



不守臥碑上諭干預公事斥革衣頂嗣有全城商戶首領張玉峯劉榮生等出爲質証地方迫於公論乃稟請復簡衣頂終別積弊簡成  
功不居非密友不能道其事設帳邑中後起多出其門

嚴叟

逸其名或云祿道光間人幼貧在河西大夏家樓劉姓家傭工每夜磨麥作麵不燃燈以節費劉翁見其誠樸乃故以白銀二錠置麥囤中叟得之疑爲竊盜所藏白主翁主翁曰此汝所應得者叟堅辭不受山是倚賴益深

王鍾嶽

邑東關人每念柴河無橋往來不便每秋自任歲修之費歷十餘年

不間嶽死子基隆復繼之後家資零落邑紳楊生春繼之近年歸商會接辦

胡康濟

字懋均邑南前嶺峯山人訓蒙爲業光緒二十六年八月俄兵入境肆行姦淫適入其村有婦婦年四十餘在家未逃俄兵入其家逼姦康濟袒庇婦未受污而康濟竟被俄兵用槍枝刺死真可謂見義勇爲者矣

8918727



鐵嶺縣志卷十一

氏族

孟子曰所謂故國者非謂有喬木之謂也有世臣之謂也三復斯言令人興門第之感大邑名都別饒氣象深山大澤實產龍蛇西都首著簫曹蜀郡極言葛姜江南之王謝北地之崔盧地以人傳歟人以地傳歟他如南朝金粉河朔風流燕趙悲歌五陵裘馬閭閻之相續靈秀之所鍾其地其人已成自然之定理摺紳先生王孫貴介大都生有自來行有可考所以芝蘭玉樹生於庭階佳致翩翩自成眷屬此寒酸色相終難登大雅之堂也鐵嶺世冑首推二季左戴高朱次之俗傳又有八大家之稱今則或遷徙異地或其族式微考其源流皆爲一鄉之望望後

之人撫冊流連其繼述之思當油然而生矣志氏族

鐵嶺縣志卷十一

氏族志

李氏

明寧遠伯李成梁之裔萬曆時其子如松遷居北京

今之北平也

入清猶多顯

者其後宗支繁衍遊官外省者甚多每因宦其地而居焉今本境內城東小屯新墳等處尙有其支子小宗

李氏

明遊擊李永芳之裔永芳降清後給王化貞以兵陷遼西邑人頗不樂道其後有李率秦李巴顏者皆爲清之顯官今其遺裔無考本境西南八十里<sup>北平</sup>有村名李巴顏<sup>大盛</sup>竟以其人名村不知何故今其村已劃入

法庫

左氏

明左懋第先生之弟懋泰之裔先生清風苦節媲美文山弘光繼位奉命北使講陵並與清譏和清拘之不屈以身報國遂遇害其臨命時詩曰漠漠黃沙少鴈過片雲南下竟如何丹誠碧血銷難盡蕩作寒烟總不磨聞者慟之其弟懋泰謫於鐵嶺遂家焉今其遺族居城內及城東左家溝河西二宮台左家岡子先生原籍山東萊陽

戴氏

清初浙江人戴梓精機巧明天文官欽天監因與監正南懷仁忤徙鐵嶺子亨進士子孫繼美爲人樂稱今衰無考本境城東黃金溝村西山

麓其墓在焉松楸森茂猶傳爲戴氏佳城云或謂河西戴三家子戴姓皆其裔也

高氏

清高忠烈公天爵之裔其子孫世爲顯官爲本境望族今其遺裔所在竟莫能道之或曰小沈河村高姓其遺裔也

朱氏

清巡撫朱治高之裔淪高其佩甥也善書法工指頭畫今其遺裔無考

以上二不左戴高朱六氏也

左氏



戴氏

見前

潘氏

無考

商氏

自清初移居境內乾隆時有商其果商其桃兄弟聯登貢舉其後有商其是商冲商廣源書香繼美一時稱盛

秦氏

自清初移居境內族稱繁盛有任知縣者現居南關

屈氏

無考

麻氏

自清初移居境內道光時有麻冕者以成均起家

王氏

自清初移居境內東門裡咸豐時有王耀者以成均起家

以上即俗傳左戴潘商秦屈麻王之八大家也

金氏

清世襲二等男金玉和之裔其支裔居椴木嶺子

尙氏

清平南王尙可喜之裔其遺族多在海城本境內亦有之居東關其宗支繁盛可知也

佟氏

清佟勤惠公養性及其弟養甲之裔考佟氏本撫順人本境所居者

爲其文齋賦

邱氏

清兩江總督邱廷佐之裔亦滿清國戚也土人樂道之其遺族多在河  
西東貝河村

吳氏

自清中葉由直隸昌黎縣移居本境咸同間科第繼起吳鳳鳴吳鳳德  
吳鳳儀吳鳳章吳珩吳璋均以舉貢起家舉茂才者尤多吳鳳鳴後官  
河南鄆陵縣知縣吳璋官黑龍江龍江府知府吳學禮官直隸安縣  
知事

彭氏



業於日本振武學校曾官奉天憲兵營長及團長授職上校

陳氏

世居城東大寶山有陳起棟以武進士起家

陳氏

清中葉山直隸昌黎縣遷居本境咸同間有陳紀升曾任山西襄陵縣知縣子淮官戶部江南司郎中姪熙戴以教習起家後選直隸內邱縣教諭

郭氏

世居城內郭鑑襄以翰林官山東糧道其本支今仍居山東

李氏

家稱殷富世居南門裏李葆真成武進士

尤氏

自清中葉遷居城內有尤其盛以教習起家官直隸樂亭縣知縣

田氏

世居南門裏田葆綬以恩貢官吉林同知

于氏

世居河西曉興屯于民新以進士官刑部郎中曾充光緒辛卯科鄉試  
同考官子孫官兵部主事

于氏

世居河西羅家房身以耕讀傳家于珍畢業於日本振武學校官奉天

警務處長張威第十軍軍長授職上將其姪國翰同畢業於日本振武  
學校官陸軍部次長授職上將宣力國家子孫繼美

鄧氏

世居河西大榆樹堡鄧慶麟以進士官掌山東道監察御史

李氏

居城西南賀家墳李向陽以進士官直隸榮城縣知縣

葉氏

世居河西遼濱塔今移北關葉長春中光緒戊戌科進士經魁官工部

主事

趙氏

居河西戴三家子趙蘭田以進士官工部主事現隱居

石氏

世居河西長溝沿道咸間石玠任盧龍知縣頗有政聲子廣臣及孫繼之其同族居西關世習詩書石玉山以歲貢起家子立坊以教習官直隸知縣

張氏

居河西張家莊有張成棟中光緒壬辰科進士朝考授職編修

宮氏

居城南官糧窖宮兆甲以拔貢朝考一等授職七品小京官升工部營繕司主事



錢學果一八  
王氏

世居城南遼海屯王珍以恩貢起家姪友雲以教習授職知縣孫之吉遊學美國畢業

張氏

世居城南牛象岡子張廷樞以歲貢起家善書法人得其片紙隻字珍如拱璧其裔孫張鼎銘中光緒乙酉科拔貢朝考一等授職知縣分發江西後升道員歷官湖南浙江等省現充本省東北司令長官公署各要職亦工書法

劉氏

世居城北果子園劉尙清以附生畢業於法政學校歷充奉天吉林官

銀號總辦黑龍江財政廳長奉天省長農商部總長今隱居

祖氏

祖大受之裔也居城東熊官人屯入清滿洲旗及漢軍旗今業農

曾氏

自山東移境內宗聖曾子之裔居西關北關及河西牧場城東葦桑峪  
曾憲文以歲貢起家曾允衆議院議員居東關

孔氏

自山東移境內至聖之裔居柴河北及網戶屯

孟氏

自山東移境內亞聖孟子之裔居城北歪石礮子及城西東貝河

仲氏

先賢仲夫子子路之裔居城東南石碑山

卜氏

先賢子夏之裔居大汎河及城南汎河站

閔氏

先賢閔子子騫之裔居城南楊威樓

王氏

世居城南孤家子宗族繁盛五世同堂王如山以附生民選充省議員  
後官黑山縣知事

石氏

清漢軍正白旗人居西關及城南石灰窰子石春雲以武舉起家宗族繁盛子孫繼美

### 吳氏

內蒙古人原通古斯種又名韃靼人居烏魯特部落遂以烏魯特爲姓烏音通吳又以吳爲姓明萬歷時其始祖名銀泰以蒙古兵從清太祖興明戰六戰皆捷清定鼎後官佐領歷蒙古鑲紅旗子二人長巴郎次巴圖世居本境東南楊士屯今已歷十一世代有顯者其八世孫衷輯曾撰烏魯特宗譜以示其子孫可稱望族焉

卷之二

九

一



鐵嶺縣志卷十二

禮俗

禮者千古不易之節文俗者一地相沿之風尚鐵嶺古遼東地漢書地理志云遼東地廣民稀箕子教其民以禮義孔子曰君子之德風小人之德草其上教之其下化之鐵嶺其猶有箕子遺風乎降及後世入心不古風俗日漓然道墜則在於人禮失而求諸野中節合度出於自然茲將鐵嶺之禮俗分爲若干目筆於是編以備採風者據焉志禮俗



鐵嶺縣志卷十二

禮俗

民風

盛京通志載鐵嶺風俗云舊俗風氣剛果習尚敦龐今彌崇節儉知敦禮讓溯自肅慎以迄漢唐去古未遠箕澤猶存遼金元明每多兵事有清以還設縣招墾齊魯豫晉之民始輾轉遷入其風氣雖不無所遷而仍無大移易蓋久而化之矣自郝復陽先生講學而民愈知禮讓自淮安許大令建學而民益尚詩書是時民風樸實淳厚此爲鐵嶺民風存古時期有清中葉秦關河運居民始講懋遷初談交際時勢旣變習尙亦殊是時民風亦樸亦茂亦實亦華此爲鐵嶺民風不變時期迨甲午



而後庚子以還隱痛未安激刺又入人心遂隨時事爲轉移民風亦由世運爲升降具果敢之力見明敏之才此爲鐵嶺民風維新時期及國體更新民國成立性質既異趨向已非論其時則文明已造極端論其地且不止五方雜處物質之殷繁人類之叢錯運會之移轉好尚之紛歧目迷五色耳混八音幾盡海內之人而同萃於此孔子曰齊一變至於魯魯一變至於道其今日之謂乎其今日之謂乎

婚

昏禮昏字無女旁

婚禮見於經者有六曰問名曰納吉曰請期曰納采曰納徵曰親迎今之婚禮仍本乎此惟相沿既久習而不察遂不知禮有所本也蓋議婚之始憑戚友傳達兩家意旨此即所謂媒妁之言兩家互相訪問或以

門第或以夙好各有所擇即問名之義問名後邀術士出男女庚帖按生尅制化推算有無妨碍俗曰合婚即納吉之義婚事既諧男家備衣服簪珥邀戚友同媒約至女家曰會親亦曰下定禮女家使女與男家戚友會而行裝菸禮男家戚友各贈以錢曰裝菸錢女家設筵款待亦邀戚友作陪推媒人居首席曰紅人兩家主婚者易杯而飲曰換鍾即納采之義舊俗女子出嫁多在單歲如十七十九二十一是一年男按新進月擇吉期用紅箋書男女年庚及媒約並兩家主婚者昔曰龍鳳柬今日婚書於吉期先一月送致女家曰通信即請期之義請期後又擇吉男家送豬酒禮物及衣服首飾於女家禮物中以豬肉乾粉爲必需取骨肉長緣之義富家用雙豬雙酒中產以下者減半或折錢幣曰過

禮又曰行茶即納徵之義是日女家將男所送豬酒禮物服飾陳列於庭祭告祖先拈香焚喜紙仍使女向男家戚友行裝菸禮並設筵會飲亦推紅人居首席女家戚友族黨各出銀錢首飾以之贈曰填箱又曰助奩迎娶前一日女家送妝奩於男家曰安嫁妝豐嗇各視其家之貧富富者將妝奩分陳於方桌之上以二人舁之繞街市而行多至百桌外以示誇耀翌日男家備轎或車飾以綵紬燭馬鼓樂導前儷相及男女娶親人隨後人數或八或十二或十六取偶數也男曰娶親客女曰娶親娘時刻率在上午寅卯辰新婿至即登堂拜謁女父母俗曰謝親即奠雁之義女家備筵款待並贈衣服飾物新婿拜受即用原乘轎馬先行即親迎之義新婦用紅帕蒙首兄弟姊妹行挽扶上轎俗曰抱車

女家亦用喜債男曰送親客女曰送親娘護送轎後途間經過井墓廟  
宇障以紅氈防邪祟衝犯及至男家杜門片刻俗曰警性下轎後燃放  
炸炮鼓樂大作當門着炭火一盆新婦作烤火式取發旺之義用紅氈  
鋪地新婦履其上而行堂前設喜桌桌設香燭昏碼曰天地桌男左女  
右齊立桌前行交拜禮曰拜天地拜畢新郎先行至門闕俟新婦入爲  
之揭去蒙首之紅帕曰揭蓋頭又置馬鞍於門限覆以紅氈新婦跨而  
入取步步平安之義又用女童二人各遞寶瓶壺於新婦新婦携瓶入  
室遵衛士指定方向上牀端坐曰坐福亦曰坐帳旋女僮用雞卵二枚  
一紅一白爲新婦理髮淨而面上頭又用男童一人將新婦裝奩衣服  
包裹山箱內取出當衆逐件掀開瞻視一過然後整理安放原處曰翻

箱亦有新塔自行翻箱者女家藉使用男家酒肴款塔以新婦之弟或  
姪作陪日館飯即館甥之義是日男家開筵宴來賓仍推紅人居首  
席就席後暢飲中新郎遍拜之日拜席來賓各出錢或飾物贈之近戚  
契友另備金錢且有送喜幛喜聯者日喜儀至夕新婿入洞房女侍伯  
新郎新婦以酒日合歡酒食麪日長壽麪翌辰新夫婦對跪於祖先堂  
前倒寶瓶盞然後拜祖即廟見之義又拜見翁姑並依次拜見家族中  
尊長日分大小戚友族黨交誼厚者贈新婦以錢日拜錢新婦向在閨  
中自製之針黹物品將出遍贈各戚友族黨之有拜錢者日散箱當女  
家送親者臨返時必預定歸寧之期或五日或九日與塔偕歸五日者  
當日返九日者隔宿返日回門亦日回九即返馬之義一月後新婦歸

寧亦以一箇月爲期曰住對月此舊婚禮之大概也惟親迎禮斯文家行之普通者皆女轎至門新婿俟於門外亦親迎之義也近年又多行文明式結婚延里中之長者爲證婚人設禮幕於堂並設證婚人介紹人男女主婚人及男女來賓位次女轎至由儂相唱禮証婚人等各就位然後新夫婦面証婚人立証婚人展讀証書爲之交換飾物新郎新婦行相見禮隨蓋章証婚人等以次蓋章作樂唱歌禮成各戚友向主人致賀至贈喜儀拜儀設筵款待等事與舊婚禮同此禮前數年縉紳家行之今常人亦行之矣昔滿蒙稍有不同今亦一致矣惟回教禮甚簡易由媒妁說合兩家同意將聘儀各種註於紅箋爲証結親用主麻日即憲書中之牛婁鬼亢日請阿訇諷經無拜天地各儀節至宴親友

贈喜儀與漢人同

喪

鐵嶺喪禮向沿舊制不過今昔微有不同茲述其儀節如下當疾革時設牀於室子孫環視淨面盥手足易衣服冠履然後昇置於牀歛以衾氣甫絕主喪者出戶執柩向西方痛號者三曰指冥路禮記註一號於上奠項自天來一號於下奠項自地來一號於

中奠項自天地四方而來得其義實其親生也即哀復之美今日指冥路令死者赴西方極樂土生其義矣

焚紙札車馬僕從曰倒頭車闔家舉哀首向西而覆以帛即設冒之義以錢納口中富者以珠兩手各握饅首富者以銀錠置碟於胸際碟中注水曰壓心碟足纏以紅絨繩曰絆脚絲牀前燃燈晝夜不息曰照屍燈牀前供飯一盂中插秫秸三端縛以棉曰倒頭飯此即設熬屬纊之義諸事畢復用

人携壺漿提燈籠導喪主至附近神祠焚香化楮哀哭而返日報廟每  
日朝午暮三次日送紙延術士開具亡者告終受生時日擇大斂時期  
及應需應忌物品粘壁間曰殃榜又剪紙爲旛懸於門其紙以死者年  
歲爲多寡男左女右曰過頭紙成服後男女各用麻爲絰束於腰曰孝  
緜其粗細長短以服制輕重定之端垂於後父母俱無者雙垂又以白  
布爲絰遍贈戚友曰散孝即日遣人通知各戚友曰報喪戚友得耗具  
香楮冥錢來哭曰弔孝喪主向弔者稽顙曰行孝至三日納屍於棺曰  
入殮喪主用倒頭飯中所插縛棉之糝楷拭亡者耳目口鼻曰開光此  
時亡者子孫及最近之親友爭來瞻視蓋最後之一面也蓋棺時喪主  
跪號大呼躲釘全家舉哀停柩中庭喪主寢苦枕塊於柩側朝夕焚紙



而哭朝日開門紙夕日關門紙至殯時乃止大殮日晡時具塗車芻靈鼓樂導前僧道諷經於後喪主用懸門之過頭紙縛以帚哭泣鞠躬曳之退行詣附近神祠戚友隨送至祠門外鼓樂停奏喪主及眷屬入廟繞階三匝向西三號亦指冥路之義隨將塗車芻靈焚化喪主向所送之親友稽顙謝號哭而返曰送三亦曰接三迨七日子丑之交喪主及各眷屬設祭向烟突前跪哭曰上望即俗所謂人死七日上望鄉台之說自是每逢七日則祭曰辦七三七五七日供飯至七七而止安葬日大約在三七五七之間擇安安葬日期後將亡者死日生辰年歲送三辦七開弔發引時期製爲訃聞編致各戚友其顯赫者將其平生事蹟爲文以述之附於訃聞之後曰行述曰哀啓發引前三日開弔紼棚張

樂延僧道諷經立銘旌於門外懸戚友所贈之聯幃於棚內縉紳之家  
又成主堂祭延膠庠習禮之士或八人或十二人曰禮賓亦曰大賓喪  
主及孝眷聽禮賓唱導出孝幃詣靈前行三獻禮開始鳴鐘伐鼓奏樂  
瘞毛血讀祭文每獻用爵肴饌羹茗延素有德望者五六人衣冠齊楚  
面靈而坐曰觀祭延士紳中之善書者用端楷書亡者官階名號年歲  
生辰死日及奉祀者於本主曰題主題畢供楹前以待加點翌晨用肩  
輿鼓樂儀仗並禮賓等公同恭迓點主官必齒德兼優者喪孝伏俯門  
外點主官至少息便盥洗升座由禮賓唱導喪主捧木主繞靈者三然  
後就公座前執事者臥主於案以雞冠血和硃曰刺禽曰秉筆曰凝神  
曰受生氣點主官端重加點先內函而後外函然後用墨筆曰蓋主加

墨點於硃點之上其先後亦如之執事者納主合櫛覆以吉帕授孝子  
主供於室禮賓引點主官參神主旋復位又引喪主就點主官前謝點  
主官參神賓禮賓唱點主官更衣喪主跪送點主官禮成此舉儀文備  
至發引前一夕戚友以次祭奠曰辭靈喪主及孝眷哭泣竟夕曰坐夜  
翌晨發引先焚亡者函枕於門外鳴鑼奏樂銘旌先行儀仗隨之喪主  
執引魂旛輓紼於前亡者家婦捧鮮水罐乘輿哭於後戚友步送出郭  
或送至葬所喪主稽顙致謝中途有致祭者曰路祭靈板入塋先祭后  
士就壙時遵衛士指定方向喪主用襟取土覆棺四週加銘旌於蓋然  
後加槨覆以席始築土爲墳加引魂旛於上所有冥物悉於此時焚之  
喪主及眷屬並內外五服之親以次拜訣盡哀而返安葬後三日詣墓

培土曰圓墳橫穠藉者三中綴五色綫銅錢紅布曰上梁百日仍詣墓  
哭奠小祥大祥週年亦如之此喪禮之大略也士大夫家行之中產以  
下者送三後或一七即發引無儀仗塗車芻靈之屬又有外來寄客未  
卜佳城嘗有厝於祖越寺山麓及三官廟後園謂之浮厝在昔滿蒙稍  
有不同今一致矣回教喪禮向趨簡易不送三不報廟不用棺槨衣衾  
以白布或帛纏屍體請阿訇諷經其棺活底公共用之葬時抽底屍自  
就擴仰則喜謂靈魂升天覆則哀謂靈魂沈地無分貧富男女老幼停  
喪不踰二日安葬亦不避凶趨吉執生不擇日死不擇時之說惟通知  
彼教各戚友均沐浴往弔往送至七日百日仍筵阿訇諷經無圓墳週  
年之說

祭

一年祭期爲清明七月望十月朔家家備冥鏹就墓所致祭此祭於墓也若歲時則陳香燭俎豆士大夫有祠祭於祠平民無祠祭於寢每逢嘉時令節則祭不忘本也再有病愈致祭者擇吉期縛豕於案前黎明主祭者焚香跪拜迎神用酒灌豕耳豕鳴謂之領牲言所供之牲神已領之矣闔家欣喜清晨具帖徧請里黨戚友食神餘食畢即去不謝主人寒素之家爲省計用一數觔小豬領牲後放而他去任其所之此乃一祭了事無神餘之可食矣

歲事

正月一日爲元旦一切語言均取吉利長幼着新衣冠就神位前依次

行禮曰接神俗謂是時諸神下界歡迎吉神迎畢又在天地竈君祖先位前焚香燃燭陳設祭品紙碼鳴爆竹更煮水角子食之曰元寶湯孩童歡喜尤甚按時憲書所載喜財福祿各神方向出行至附近祠廟焚香叩拜路遇熟人亦不接談偶聽人言用占全年順利回家後取各種玩具遊戲徹夜不眠曰守歲取一年壯健晨餐後族黨戚友登門叩拜相見互揖各道年喜亦有投刺者家主擇日答拜由一日至四日乃止五日午前各神位前供品一致徹去家主跪拜如儀曰送神是日晨家家仍食水角子曰捏破此五日內無分貧富飲食豐美屋內忌灑掃塵垢堆積屋角過六日始除之

初六日農家即於是日工作工商各戶亦於是日開始營業市廛商號

當黎明時執事者各率其橫夥在財神位前焚香行禮燃放炸炮曰開市旋衣冠齊楚至各商號互相致賀曰開市大吉年前新婚夫婦於是日具禮物同往母家曰拜新年至十三日必返蓋已至燈節不准看娘家燈看則窮娘家此爲最要之禁忌正月初旬按日以天氣陰晴及風向占人物之休咎俗謂一雞二鴨三貓四狗五豬六羊七人八穀九果十菜婦女忌針隣里相聚以豬羊蹄骨爲戲

初七日曰人日亦曰靈辰各家食粘糕曰益壽延年晉賈充妻李氏嘗於是日剪綵爲人或鏤金箔貼屏風或戴髻間以致慶又宋武帝女壽陽公主於人日晨臥含章殿梅花落額拂之不去後人多效之曰梅花粧亦曰壽陽妝十五日爲元宵節亦曰燈節由十四日起晝則各商家

閉戶奏管絃演雜劇龍燈秧歌高脚旱船沿街跳舞或鄉人儻之遺意  
乎夜則比戶懸燈結綵花燭輝煌男女游人絡繹不絕夜分乃止各家  
食元宵是夕嘗有雅人韻士出燈謎粘燈下明敏者猜之中則鳴鑼贈  
以文具不中則鳴鼓大衆一笑亦趣事也又有用除夕煮水角之糝澀  
糊以昏畫耳口口鼻置厠旁是夕用童男女二人扶持之卜年景旱澇  
彼以叩頭答之第幾月旱澇即幾叩首所謂請紫姑神也俗傳紫姑本  
人家妾爲大婦所逐元夕死故世人作其形以迎之卜云子胥不在曹  
婦已行小姑可出子胥婿也曹大婦也又燃除夕接神之殘燭遍照院  
內曰不遭竊盜

二十三日爲新倉日是日新婦母家送饅首於其家謂之填倉其家備



筵款待二十五日爲母倉日農家於是日祭倉神

二十八日爲棉花生日農家扔筐於房以筐之覆仰驗收款筐仰豐收  
筐覆款收俗曰收花不收花但看正月二十八

二月二日曰中和節亦曰龍擡頭按驚蟄節約在是日前後故曰龍台  
頭當日未出時各家用竈膛灰由水缸處起撒出大門至附近井沿止  
謂之領蒼龍出引青龍入是日中產之家多食春餅

二月八日爲百花生日蔣花者於是日釀酒祭之

或曰十二日爲花朝

### 社日

立春後第五戌爲春社立秋後第五戌爲秋社俗云社公社母不食齋  
水故社日必雨謂之社公雨又傳社日吃酒治耳聾

清明

前一日爲寒食節亦曰禁烟節介子推於三月五日焚死國人哀之爲之禁烟故曰寒食是日家家掃墓俗曰鬼節今爲植樹節學校放假一日守土官率僚屬及各學校往邑東龍首山植樹攝影列爲盛典焉

三月二十八日爲天齊廟會即東嶽神是日每多風雨本境無此廟好事者嘗赴省內天齊廟遊遊行香

四月八日爲佛誕日諸佛寺設齋以五色香水浴佛作龍華會以都梁香爲青色鬱金香爲赤色邱隆香爲白色附子香爲黃色安息香爲黑色以灌佛頂一般好佛者爲之

十五日爲替者會期日三皇會就羣替中舉一會長主持臨時會各出

會費設酒席聚會竟日並規定算命章程如有被外界侮辱者全體抗禦之其內部或有增減卦資者亦處重罰該會向在三月三日因彼時正生意極盛恐耽誤故改是日

十八日爲娘舅會是廟名廣嗣庵祀碧霞元君世人附會之配以眼光子孫各神左痘神婦人育子童子患痘多於是廟禱之

二十八日爲王廟會期遊人擁擠與碧霞元君廟會同

五月五日爲端陽節又爲屈子忌日今改夏節家家食角黍涼糕飲雄黃酒插艾及蒲門辟疫孩童手足均繫五色線能辟鬼及兵日續命符節後逢陰雨日釋乘車轍中婦女好事者東廡爲帚大不及分懸胸際或簪耳上日節病全飯豐美農工商均休息一日飽食之餘男女

紛紛登龍首山遊覽竟日

十三日爲關帝廟會期俗謂是日帝隻身入吳爲英雄黜敵之紀念日  
又曰雨節俗曰大旱不過五月十三旱年不驗

六月六日爲荷花生日俗曰蟲王誕辰蟲王者八腊之一斯文家曝書  
富貴家曬衣園圃工人休息一日各村首事諸人羣集村廟宰牲致祭  
大食神餘並會議本村看青會費各事宜是時禾稼暢茂俗曰六月六  
看穀秀

伏日

夏至後第三庚日爲初伏第四庚日爲中伏立秋後初庚日爲末伏俗  
曰夏至三庚便屬伏是日各家多麪食曰吃伏麪

七月七日爲乞巧節斯文家陳瓜果於庭婦女穿針乞巧俗曰七夕乃牽牛織女二星相會一般小兒女夜往豆棚瓜下聽啼聲焉

十三日日麻姑新喪之家戚友送紙箔饅首以祭之謂之燒麻姑又釋麻姑爲麻穀取舊穀既沒新穀即升之義

十五日爲中元節家家祭墓是日僧道辦盂蘭盆會考盂蘭盆救生器也日蓮比丘救母飢渴是夕設路燈於東大街放河燈於馬蓬溝及柴河以度枉死者

八月十五日爲中秋節今改秋節是夕月輪東升家家陳瓜果月餅供紙碼於庭向月焚香叩拜謂之供月

九月九日爲重陽節文人多登龍首山藉以吟詠謂之登高此說起於

汝南桓景桓景避於費長房之門一日長房告景曰九月九日汝家當有災厄宜急去並令家人各作綵囊盛茱萸葉臂登高飲菊花酒此禍可消景如言及還見鷄犬牛羊皆暴死

十月一日俗曰鬼節家家備冥鏹就墓前焚之曰送寒衣有清典禮以清明七月十五月初一皆昇城隍神像出巡十月一日尤重置城隍神像於城隍廟鎮攝諸鬼今廢廟壇在城外西北偶俗稱孤魂台

冬至日爲天長節今改冬節即屬九也好事者用九筆之字九箇畫成文話每字變鉤空白日填一筆每九了一字字滿九畫謂之九九消寒圖又冬至後三戌爲三九月風俗通夏曰嘉平殷曰清祀周曰大蜡漢改爲臘臘者獵也田獵取獸以祭先祖及百神十二月八日曰臘八諸寺

作浴佛會送七寶五味粥與其徒謂之臘八粥都人亦以果子雜米煮粥食之亦曰臘八粥本境中產之家仍沿此俗

十二月二十三日日小除夕俗曰小年是夕以糖果祭竈送竈君上天報告人間善惡至除夕復位

大建三十日小建二十九日是夕曰除夕除者三百六句之盡七十二候之窮所謂年關是也午後祖先竈君門神各陳香供並奉諸神昏碼家主冠帶焚香叩頭曰上供亦曰安神燃燭通宵闔家歡樂卑幼向尊長叩頭曰辭歲尊長與卑幼以錢曰壓歲

### 演春

立春爲國家盛典前一日守土官率僚屬盛陳鹵簿儀仗雜以秧歌龍

燈高脚旱船等劇並具芒神春牛往東關高台廟拈香行禮俗曰演春  
即迎春於東郊也次日依頒行立春時刻以荆條鞭牛者三日打春民  
國成立此典遂廢

按芒神其衣服鞋帽可驗人物之災祥年景之水旱東紅帶人多  
疾病帶帽則春冷跣足則多旱與常相反故曰謹芒

### 宴會

新年初過隣里互相宴請曰會年茶士紳家講禮節於宴會前一二日  
具請帖書明日期時刻臨時遣人速客曰催請食品視家之貧富爲豐  
尚

### 稱謂



漢俗呼父曰爹呼母曰媽孫呼祖曰爺爺呼祖母曰奶奶姪呼伯父曰  
大爺呼呼父曰叔叔平輩之年長通稱亦曰大爺呼妻姪呼姑之夫  
曰姑夫亦曰姑爺呼岳父母呼子婿亦曰姑爺姑爺之稱呼混淆甚矣  
兄呼弟妻曰弟妹妻呼夫兄曰伯姊姪相呼曰嫂曰妹弟與妹呼姊曰  
姐姐兩婿相呼曰聯襟又曰聯喬取大小喬之義也呼女子曰姑娘滿  
人呼父曰阿嗎亦曰爸爸呼母曰阿娘叔呼嫂曰姐長輩呼阿阿  
哥其餘與漢人同

慶壽

人生七十古來稀世之享高年者不獨其子若孫欣幸之即戚友亦無  
不欽敬每逢誕辰各贈酒肴服飾之屬用作賀儀所贈物品均書壽字

以示慶祝故曰慶壽達官富室除賀儀外又徵詩文及屏聯先期有發起人代作節略遍徵詩文以爲頌揚其禮節主人設禮堂於庭懸屏聯於堂內更懸壽字或壽星圖於中戚友齊集禮堂向主人行禮晚輩跪拜平輩鞠躬主人側立子姪輩答禮如儀並設筵款待演雜劇以助興近則有年不滿三十而慶壽者

### 生子

產子三日洗兒曰洗三是日作湯餅會曰吃喜麪與產婆錢曰洗兒錢三日後通知母家乳也報喜母家得信於第五日送雞卵紅糖白麪豚蹄等物曰下奶彌月母家備花冠繡襪服飾玩具贈小孩曰作滿月其他戚友亦各贈以錢及服飾主人備筵款待曰吃滿月酒百日母家贈

餽首百枚日蒸百歲週歲男用弓矢筆墨女用刀尺針縷及珍寶玩具  
置兒前任其自取以驗將來之趨向此俗不普通惟斯文家行之


結拜

車笠之盟流傳已久世人效之呼朋引類由二三人而至數十人以年  
齡之長幼定兄弟之先後其宗旨在有無相通患難相濟空言不足憑  
故互換宗譜焚香立誓有背盟者神明鑑之流俗如此今日愈多

禱雨

酷暑望雨於無可如何之中遂效桑林之禱在鄉則聯合數村一家一  
人在城則通知各商號亦一家一人頭戴柳枝齊集龍母廟僧道諷經  
地方官及各團體首領素衣跣足各執瓣香或小旗插鼓呼天聲聞遠

近一步一跪或數十步一跪後昇神亭及水瓶瓶插柳枝沿途呼號逢廟則拜逢井則拜口宣阿彌陀佛馬蓬溝掉龍灣雙岔口爲必禱之地以三日爲期至期不雨候三日仍不雨設壇再禱幸而雨則認爲禱來之雨喜慶萬分或當時謝神或延至秋後



鐵嶺縣志卷十三

物產

不讀爾雅無以知天下物產之大不讀禹貢無以見九州物產之不同爾雅之言物產足以盡天下物產之情狀性名禹貢之言物產足以辨九州物產之聲色臭味二書之不同二書之用不同也山川更易土質不齊寒燠乘除氣候迭變螽斯莎雞蟻蟬一物也竟隨時而異名江南有橘渡淮弗良同產也又隨地而異性言物產者豈可執一而語哉鐵嶺居遼東之右位溫帶之中東依羣山西通遼水北極沃野南盡高原山產水產野產咸備非即所謂地不愛寶者乎居其土而不詳其物產亦猶友其人而不知其家世智者不如是也今將鐵嶺物產錄爲一篇

雖未能辨其聲色臭味猶可記其情狀性名留心物產者或不無一得之見焉昔禹鑄九鼎詳載其土地山川草木鳥獸鬼神豈無故哉比而不志烏虜志志物產

鐵嶺縣志卷十三

物產志

動物 禽

雞 曲禮呼爲翰音說文稱曰知時韓詩外傳謂鷄有五德首帶冠文也足縛距武也敵在前敢鬥勇也見食相呼仁也守夜不失時信也性強健棲息地上常搔撥塵埃索食雄者間時而鳴不稍間未有鐘表以前嘗藉以報時鳴聲激昂能令聞者感發志趣如晉祖逖劉琨故事鳴時先振羽伸頸然後發聲又好妬兩雄相遇輒鬥勝者昂首長鳴昔嘗有養以作養具者牝者性柔愛雛情深有侵害者挺身當之貓犬不懼雖不如雄者善鬥猶能逆豎頸毛以威嚇之種類甚多



有烏鷄雙冠鷄反毛鷄孤亞頭鷄毛護腿雞不時而鳴謂之荒雞主不祥

鴨 一名舒鳥其鳴呶呶如自呼羽短不能飛翔在野曰鳧家畜曰鴨行時雄前雌後有行列棲息水次嘗游泳水中捕魚蝦食之故畜於溪澤間者其卵肥大惟拙於孵卵以鷄代之又一種於鴨同每至春初飛翔溪澤間曰蒲鴨

鵝 一名家雁綠眼黃喙紅掌長脛善鳴白褐二色昂首緩行見異類差翅鳴見同類拂翅鳴夜間益急亦雁之一種因家畜不畏人故曰家雁俗以高飛爲異不利家主

雀 一曰瓦雀又曰家賓巢檐下春夏孵子至秋羣飛於野啄禾而無

大害又毛斑而體稍大者曰麻雀色黃者曰黃雀頗有記憶力能演以抽帖一般卜士嘗畜之以謀食又爪尖毛黑曰鐵雀覆網取之漏網者未幾復來亦鳥中之奇異者也作食品曰鐵雀

燕 即玄鳥有數種頷紫曰紫燕善構巢曰巧燕尾如剪刀曰燕剪以其巢於人家屋梁又曰家燕而不善構巢曰拙燕亦曰青燕又一種形稍大者曰麻燕春來秋去皆以社日故又曰社燕

鴿 性喜合凡鳥雄乘雌鴿反之巢人檐下或屋角逐月生子一名鴿鴿又曰飛奴古人有畜以傳信者又京鴿羽毛光澤繫以鈴放空中盤旋作響片刻即返原處一玩品也

鳩 鳥之拙者也不能爲巢往往鵲巢雛成而去取遺空巢則居之詩

曰維鵲有巢爲鳩居之即此也又名布穀

鳶 鵟類生翼即食母俗呼鷹奴詩曰鳶飛戾天即此物也

鷓鴣 鳥之不孝者也夜能察蚊睫晝不見泰山夜飛捕食小鳥晝則

小鳥羣啄而不能動因其目晝闇夜明故也俗曰夜猫子所鳴之處

居民有禍人多惡之

梟 亦鷓鴣類其鳴嗚嗚如鼾睡聲曰曉虎毛角如兩耳酷似猫首俗稱

猫頭鳥

雉 羽毛美麗頭細尾長山林間多有一名野雞因漢避呂后諱又改

曰山鷄

鳶 俗曰鳶把拉即桑鳶捕雀而食頭圓色褐鷲鳥也

鷓 翅長尾短色蒼如鷹能在人家稠密處盤旋空中捕鷄雛獨畏鴉

鷓羣以羽擊之而去

鵠 似雁無後趾毛有豹文一名獨豹性喜羣飛如雁自然成行列初

冬時恒有俗名曰鵠

鶻 一名子規怨鳥也狀如雀色慘黑赤口頭有小冠春暮即鳴夜啼

達旦鳴必北向至夏尤甚晝夜不止其聲哀切啼苦時倒懸於樹間

家俟之以興農事不能爲巢藉他鳥巢

烏 身純黑能反哺曰孝烏亦曰慈烏驚蜚日即鳴銜枝營巢於樹間

鷓 似烏腹白不反哺俗曰山老鷓

鷓 大如鷓雛頭細足高無尾身有斑點常伏田隴間雉者善鬥在昔

曾有賽賭者

鵲 大如鳥長尾尖喙黑爪綠背白腹上下飛鳴以音感而孕俗曰能報喜故名喜鵲性惡濕又名乾鵲

鷹 鷲鳥也雄小雌大生於窟者好眠巢於木者常立雙股長者起遲六翮短者飛急月令季夏鷹乃學習註雜學飛季秋鷹乃祭鳥註欲食鳥先殺鳥不食獵者畜之晝夜不使眠能捕兔雉

鷗 似鷹而大尾長翅短山海經謂之鷗善擊捕翮可爲箭羽盤旋空中大者擊鴻鵠食之老秋時恒見於野

沙雞 似雌雉而小似雞雛而大善走橫草不過雪後覆網捕之最易得作食品尤佳邑東山林皆產曰沙半觔言其體重不過半觔也

布穀 一名臭咕咕田家聞之即興農事所謂布穀催耕

鷓鴣 毛灰有細紋巧於營巢巢大如鷓鴣卵用馬鬃懸樹間莊子云鷓

鷓巢林下不過一枝喙利如錐爲巢最工緻俗曰巧婦

蠟咀 毛深灰色雄者首黑咀曲而厚淡黃如蠟方兩不鳴鳴則啞啞

兩將晴人畜之能演以打彈換食之技

阿藍 一名叫天頭有毛角每飛必高愈高鳴愈急巢於田野其卵被

人影必移他處不易捕得有於雛時得之者以籠畜之鳴聲宏朗

百靈子 來自塞北能學百鳥語故曰百靈子以籠畜之懸檐下初春

即鳴有值十金者

藍頰 形如瓦雀頰下有藍毛故名

紅頰 春秋均有咀尖脚長深灰色善鳴其聲如簧在喉食活物以籠畜之者須漸漸改食綠豆麪

蘇雀 頂有紅毛喜食蘇子故名記憶力如黃雀卜士畜之用以抽帖謀食

紅料 周身淡紅色善鳴喜食蘇子又曰蘇料小雪後即來性駭易捕俗曰蘇駭子

黃肛囊 以其肛有黃毛故名

柳葉 形小如指淡綠色喜在柳叢中飛串大風時以徒手捕謂之瞎柳葉又曰牛眼睛

蒿溜 常飛蒿間故有是名

三道眉 其眉間有三道白毛故名

青燕子 鶯鳥也青灰色巢高樹卵小而圓有紅黑斑點

號寒虫 狀如小鷄足有兩翹夏日毛盛自鳴鳳凰不如我冬時毛脫  
轍鳴得過且過糞入藥曰五靈脂

銅咀 似雀而大黑灰色喙青黃如銅

鐵咀 形似阿藍無毛角

錫咀 形似銅咀喙白故名

戴勝 似鵲咀長尾短青色頂有毛角如戴花月令季春戴勝降於桑  
咀與腿皆赤色羽毛多文彩美麗

啄木 一名啄木冠子咀如錐長寸許身有斑文深灰色其舌根通腦



後舌尖引之愈長樹中蠶虫雖潛伏亦能鈎取食之巢木窟中孵卵時或有以木塞其窟最堅伊能就窟下用咀畫地如符籙其塞木鏗然自落亦異事也

蝙蝠 爾雅謂爲服翼晝伏夜飛其糞入藥即夜明砂有謂屬獸類者又謂鼠食塩變化者

春暖 大如雀黑兼淡黃色善鳴初春即來最易捕得以籠畜之鳴聲甚高能活數年

白玉鳥 淡黃色卵於籠雄雌共孵善鳴其聲甚高

藍靛缸 周身淺藍色故名

大尾連 金黃色尾甚長常見於叢林中即黃鸝也

黃鶯 即倉庚桑葚熟時即來亦應節趨時之鳥

魚鷹 俗名釣魚郎蒼白色翅長足高

鷗 水鳥浮水上輕漾如漚

鳥 一名鶩又名野鴨子封開河時羣飛空際

鶴 水鳥仰鳴則晴俯鳴則陰天將雨鳴益急陰雲濃厚之際夜間常聞之俗用以占雨候

縮脖 色黑狀如鵝翅長足高頸曲飛立均縮其頸呆立水中俟魚過啄食之又曰老等亦名信天翁

鷺 林棲水食羣飛成序羽毛潔白如雪頂有長毛十數莖如絲欲取魚則弭之故名曰絲禽

鵲 色蒼喙長天將雨其先知之鵲蚌相持即此

鴻 鴈之大者羽毛光澤純白似鶴又有小鴻如鳧春秋兩度過之

鶴 水鳥大如鴈羽毛白潔其翔極高而又善步一名天鵝

鴈 隨陽鳥也春北向秋南旋飛必成行失偶不配鳥之義者也古來  
婚娶必用鴈幣取此義也每封開河之際羣集沙間不可數計近年  
較少

鴿 鴿 鴿鳥也即詩所謂鴿鴿在原是也

動物 獸

馬 本地產無多每當初秋邑人往往結夥至蒙古處購買轉售漁利  
劣者農家用以耕地挽車良者爲官宦坐騎或充兵士戰馬

驢 似馬而耳長廣頸長頰修尾有灰白黑三色其鳴多在子午聲甚  
宏力在跨常用之以耕田推磨

羸 俗驪字說文驢父馬母謂之驪馬父驢母謂之馱驢力在腰挽車  
耕地與馬同飼養料較馬尤省來自吉林農安縣居多

羊 禮記曰柔毛因其毛柔生煖故名其皮爲裘其毛爲氈本境東部  
村民畜者較多色黑角直者曰山羊色白角曲者曰綿羊肉作食品  
狗 一名犬毛色有純黃白黑者亦有三色駁雜者約三種一身長足  
高體細性馴謂爲獵犬一身粗足短喜狂吠俗曰板橙狗一身小頭  
圓毛長面凹齒露視聽尤靈竟能打滾立行似通人情者曰巴狗又  
有謂獅子巴者均能守夜

牛 說文曰牛大牲也最易滋養俗曰乳牛生乳牛三年五個頭本境  
產者無多半購自蒙古地回民利其肉與皮專事屠業農民用以耕  
地挽車惟毛色純黑者用以祭孔及關岳

豬 豕彘豨皆其名也有家野之別野者生深山中重有數百斤家者  
純黑間有白腹白蹄其肉除回教外無人不食一種頭小體大脂多  
肉嫩俗曰荷包豬一種修耳長咀骨大皮厚曰閩豬又有頭小體長  
生長力最速曰日本豬肉味稍遜

貓 黑黃白黎灰各色駁雜善捕鼠身輕食少有踰房上樹之能其眼  
睛子午卯酉如一線寅申巳亥如月滿辰戌丑未如棗核鼻端常冷

惟夏至日煖

以上各獸畜於家者

狸 一名野貓圓頭大尾竊食雞鴨性烈噬人藏於山野古墓中能食貓皮可製裘然有南狸北狸高麗狸之分惟北狸最佳

狐 淫獸也性疑嘗惑人愚婦信之產於野者其皮可製裘有草狐沙

狐火狐白狐雲狐玄狐之分富貴家多有之其值甚昂

獺 蒼黑色形如小狗水居食魚其皮著水不濡用作裘領及帽檐者甚夥貴重等於狐

鼠 穴虫之總名體小而善盜其類不盡詳惟鼯鼠即田鼠鼯鼠即臊鼠鼯鼠即豆鼠若花鼠或家鼠只供玩戲又老鼠俗曰耗子爲人所共棄者也又傳染病菌其害尤烈除畜貓外無法能制之

兔 亦鼠類有家野二種家者純白純黑亦有黑白間者耳長上唇缺其足前短後高行必跳最速善警逐月生子野者與家稍有不同色蒼似獾貉俗曰兔無雄望月而孕生子從口出以土培之或有齧啓其戶子齧不成又謂吐生者得土而生土訛以爲吐也

狼 性狡大無節色青蒼隨草變易其下食必先側立以下所向故獵者遇狼輒喜以獸之所在也其智如此

貉 形似狸銳頭尖鼻毛有斑紋深厚可爲裘最禦寒身長腰短性好睡逐之十餘步輒睡故曰睡貉子

獾 狼屬皮可爲褥最禦寒其油可醫湯火傷

黃鼠 俗名黃鼠狼子曠野墳墓中常有夜入人家齧咬鷄鴨不易捕

得其尾毛可製筆其皮可製裘帽且有惑人者

麀 形似鹿善跑城東諸山中嘗見惟肉質粗不中食皮亦不適用

蝟 鼠類周身有刺如集矢他獸不敢犯稍有觸身即曲曲則不見頭

蝟 足俗曰刺蝟蝟皮入藥

菟虎 形如豆鼠生郊野作洞於土嵯皮肉均無用

豆鼠 蒼黃色尾如小帚方頭圓眼穴於隴畔春夏間嘗頭頂糞餅向

日拜跪唧唧如作人言無他用全身擣之可醫騾馬

以上各獸屬於野者

動物 鱗介

鯉 鯉爲魚中之王無分大小脊旁之鱗皆三十六境內各河均產惟



出遼河者大而且美色黃者俗曰金翅鯉魚

鱖 似鯉而脊隆好羣行刺多肉細至大不過一斤

鰕 生淺渚中似鱖而短首銳而黃黑色口旁有鬚數莖濡滑難握

鱒 亦作鱒有青黃之別似蛇有鱗尾稍扁多液而滑其血能療瘋病  
冬季結羣入泥中以有刃鐵鈎鈎出之

赤眼 身圓眼赤產遼河開封河得之最美

鰕條 詩之鰕也性好獨行故人之無妻以鰕稱之

草嗜 身圓肉厚有青白二色

蟹 八足二螯以其側行俗曰旁蟹惟不宜過蘇地過則有毒食之輒

殺人產自遼河者最美

鼈 一名甲魚俗曰忘八頸長體圓四足短小褐色不可與芻菜同食  
馬蛇 一名守宮形小身圓腹白背灰褐色好緣屋壁食蠍故曰壁虎  
亦曰蠍虎其在山澤草際者曰蛇醫亦曰蛇師即蜥蜴也

蛇 烏色者毒輕花頸綠身俗曰花野鷄脖子毒大而逐人曠野山間  
均有

蝦 溪澗泉名處均產身曲而色褐亦可食嘗有用以治痘疹者搗亂  
川涼水服之最發表帽峯山泉中產者尤佳

蛭 俗曰螞蛭生溪澗間長至二三寸許黑色無足在水中如蛇行慣  
附人畜肌膚吮血

船丁魚 長二三寸身扁鱗細黃色有斑紋見人則噉挿泥中卵時口

生痘痘過時則無柴河多有

蛤什蟆 兩棲物上銳下廣後長於前背純黑腹白者雄紅者雌秋未入河來年冰解即出產卵又一種如蛙青黃色背有二縱線如金伏水草間鳴者聒聒食之不及蛤什蟆味美一種爲田鷄較蛙肥大黑質而白紋其肉食之最佳

蛙 體圓四足善躍雨後輟鳴眉間有肉胞胞有白汁即所謂蟬酥是也

喇鷄 形如蝦而前無長鬚蟹身魚尾殼堅厚山澗石下常有之多捕擣亂入袋如淋豆漿能取汁熬熟有似豆腐味鮮美


鮒魚 無鱗身圓口大生流水中色青白生止水者色青黃刺少肉厚

一日鰓

鰓 無鱗形似鰓俗曰槐子

鰓 產自遼河不多有鮮美爲他魚之冠

蝦蟆 一名青蛙初生有尾名蝌蚪



動物 昆虫

蠶 李時珍曰孕絲虫也喜燥惡濕食而不飲三眠三起二十七日而老有家野二種家蠶食桑葉一歲兩收山蠶食柞葉一歲亦兩收近年我城育者甚多現有組織蠶桑公司者

蜂 有數種一曰蜜蜂能釀蜜人家作房畜之雌者曰王雄者工作出入大有秩序一曰細腰蜂負桑虫育之而爲子即詩之螟蛉也一曰黃蜂俗曰馬蜂好螫人

蟬 朽木根所化在土曰腹育脫殼而出殼曰蟬脫入藥黃石礮子山產最多

螻蛄 一名螻蛄冬亦可畜交春則死所謂螻蛄不識春秋是也入伏

即鳴俗曰聒聒

螞蚱 蝗屬又曰蚱蜢翅短而以翅鳴者謂之草虫

扁担筒 蝗屬長翅長股股斑如玳瑁能飛不能鳴秋後有變蒼色者

蝶 一名蛺蝶又號春駒黃白黑花各色俱備香鬚粉翅花斑燦爛竟

有大如碟者

勳螂 禮月令螳螂生即此物也前兩臂如斧曰螳斧頸細腹大攫蠅

蚊食之狀勇敢在昔螳臂當車越王式之

螢 腐草所化俗曰螢火因夜飛腹下有光如火夜光宵燭均其別名

昔人有借其光讀書者

蜻蛉 六足四翅羣飛水際俗曰蜻蛉一名負勞有青紅黑各色多者







小

楊刺子 有房附樹枝上似雀卵而小春則齧房成小孔而出可化蛾  
未化前身有毛能螫人

土鼈 一名過街虫入藥

蚰蜒 細長多足類蜈蚣有黑黃綠紅四色陰濕地生之每防入耳見  
即殺之

錢串子 生陰濕處多足壁間行最速

毛毛虫 一名百足虫

潮蟲 生甕器及磚石底潮濕處身長三四分青灰色形扁而橢圓背  
多橫紋前有二觸鬚詩之伊威爾雅之鼠負是也

結網空中如蜘蛛但身狹脚長一名長脚蛛即詩之蠶也

壁錢 一名壁爾結網壁間狀如錢

馬蝗 即蛭頭尖腰粗色赤啞人及牛馬血成瘡如釘人時手拍之則縮牽之齧愈力

曲蟻 即蚯蚓入藥名地龍

螻蛄 穴土而居短翅四足腹大腰細如蜂長寸餘雄者善鳴而雌者翅小不能飛吸風食土喜就燈光又善掘土俗曰拉拉蛄

蟻 害稼虫也

蟻 種類不一大者曰蚍蜉小者曰螻蛄俗呼麻蟻喜鬥行有秩序天將雨輒封洞嘗有用以占氣候也

蟋蟀 似蝗而小光澤如黑漆善跳好鬥秋後則鳴(爾雅)謂之蟀一

名促織俗呼趨趨又名竈馬好穴於竈亦名竈鷄詩云七月在野八

月在宇即此

蝼蛄 黑甲虫一名吉蝼一名推車客俗呼使客蝼川糞爲丸納於土

坎子生其中

蚤 蹠躍疾捷形小而黑有光亮潮濕處生之每藏人袖被間齧血作

癢

蜚 一名床蝨俗曰臭虫色紅形扁而汁臭晝伏夜出齧人秋冬涼時

伏藏暗處春夏活躍擾人至五更後少息

蝨 人之寄生虫也衣服常換無之齧人血液作癢古人搗蝨而談即

是物

蠍 一名琵琶虫亦曰護背虫其毒在尾入藥曰全蠍原先境內無之相傳前咸同間過路醫生東門內賣藥逸出此爲境內產蠍之始

蟻 蝨藏處輟生之俗謂蝨之子常換衣服無之從先寒苦人髮間最多

蝗 害稼虫本省向來無之民國十六年秋由西南飛來蝗虫不可數計向西北而去

蝻 蝻之子生地中專食禾根出土仍變爲蝗循環爲害幸本邑不常有

蝮 色最雜長二寸許似蠶亦吐絲作室但黏軟無用柳樹鳳仙花莖

恒有之促其腰首尾相就乃能進步

蠹 一名蠹魚書畫中生之專食書畫若三食神仙字則化爲脉望

天牛 甲虫長寸許紅頭身黑如漆觸角甚長多見於果樹

阜螽 似蝗色灰翅短股長詩謂趯趯阜螽即此物又曰草虫長不及

二寸翅短不掩後腹鳴則札札又土螽色似地皮路旁籬落恒有之

俗曰土螞蚱

水黽 黑褐色六足浮行水面而體不濡

狗豆子 身圓附犬身吸血雖飽不移然無後殼能吸不能洩一名草

蚱

量天尺 長寸許綠色黑不等行時腰穹隆屈伸作步有似用尺量物

故名園林中有之

螟 害苗虫也形黑而小食苗心冥冥難見故謂之螟

植物

粟

蜀黍 俗呼高粮穀兩前後播種桿高丈餘葉長著小黃花結穗淡紅色其實碾米爲土人常食之品其糠飼猪其莖作燃料徧處種之占全境產百分之三十劣者釀酒

稻 宜水田從先種者甚少近年韓人種之頗獲利故我人亦引河水組織稻田公司

粟 穀之總名與高粮同時播種粒最小米曰小米禾桿曰穀草可飼

牲畜古以米之有稆穀曰穀周禮有九穀六穀之名今無考

稗 草之似穀者有水旱二種其葉似稻節間無毛其米爲粉作餅最佳莖可苦房窪下地最宜

粳 亦作杭稻之陸種者曰粳米粒白而長有芒殼遼河迤西各村種之較多

粳 稻之黏者亦名秣米曰粳米形同粳米境內西部六七區種者較多

小麥 清明前後播種初伏成熟曰麥秋磨粉爲上等食料春種夏熟之物產他省之麥秋種夏熟故曰麥具四時氣此地氣候較寒故春種夏熟後其地可種白菜菜蕪或種葦霜降前收獲之



大麥 形如小麥惟芒殼較多可作酒麴米可作粥不宜常食芽可作  
錫收種時期與小麥同詩經之牟即此

燕 一名錦葵花小麥獲後種之多花葉翹起花白子黑作三稜形百  
穀中播種最晚凡春耕誤期或改種以爲晚田

黏蜀黍 土人呼爲黏高糧其米多用以製糕餅故種者較少

玉蜀黍 俗呼包爾米有黃白二種亦有黏不黏之分近年種者日多  
因直魯人以此爲常食

苕帚 糜子形與黏蜀黍同但穗粒甚稀種者甚少不過作苕帚之用  
黍 俗糜日子米曰大黃米可釀酒作粥及製黏糕等用

糜 曰散糜子即不黏之糜子

紅黏穀 莖赤葉紅可釀酒製糕俗曰小黃米

高麗穀 穗紅有似雞冠花相傳種來自高麗米似小米不黏

西番穀 穗似蒲棒粒附穗外作錫者代以脂麻用途不多故種者亦

少

蘇子 爾雅曰在桂有紫白二種子可榨油曰蘇油

薏苡 有黑白二種境內東山居民有種者殼白而圓不如外來之黑  
而糯者佳俗曰草珠子即漢馬援征交趾載歸者

脂麻 即胡麻子作油曰香油有黑白二種黑曰良勝白曰白良勝葉  
多毛易生虫子雜打瓜種者甚多

大豆 種不一黃者曰大金黃白者曰白眉青者曰青皮豆又紫黑內  
青曰青慈黑豆形扁而滑者曰磨石豆可製豆腐榨油淨食豆餅爲  
邑出產大宗

小豆 有黎白赤花各種赤者入藥餘製粉作飯爲麵用處甚多

綠豆 粒小而色深者爲佳淡綠次之可磨粉可製糕作飯夏日食之  
解毒

豌豆 櫻桃熟時亦熟將熟時葉及粒皆可作羹亦可煮食之

藹豆 形似蠶豆色不一白者入藥

豇豆 莢必雙生有紅白二種莢細而長者充蔬皮薄者秋成取粒俗

曰打豇

刀豆 莢生橫斜如人持刀狀故名

雲豆 作菜品相傳種來自雲南故名不待粒熟六月可食其莢俗曰

六月鮮

寬雲豆 形似雲豆而寬莢帶紅邊常種籬落間又曰籬豆

長雲豆 似雲豆肉厚而長至秋涼結莢愈多

蔬

韭 禮曰豐本以其年刈數次而不朽明年再發至冬培其根味與春韭同說曰一種而久生者也故曰韭

葱 冬密當春而發者曰羊角葱結子後旁生者曰薺子葱白露節後種者曰白露葱春間移小葱栽至他處者曰葱秧子寒露節後起出

者曰大葱不起者即所謂明春之羊角葱也

蒜 蔥菜也有二種皮紫味辛曰紫皮蒜白而辛少遜瓣小而多曰白皮蒜又大小之別大蒜曰葫張鶩得自西域小蒜曰蘆即卵蒜蓋其本如卵也

芹 生之水涯者曰野芹味最辛其莖葉花子與園圃種者無異但園芹係單莖半圓形野芹則歧莖通體圓形又園芹莖如箸純綠野芹莖粗倍之有微紫色故不同

菘 俗曰白菜有數種葉肥厚而嫩多縐文者最佳伏中播種霜降前起之漬而食之曰酸菜又有不能漬者曰圓白菜俗曰疙瘩白菜四時皆有爲人常食

菠菜 俗傳其種來自波斯國者故曰菠菜

蒼蓬 狀似菠菜俗呼甜菜

萵苣 亦稱萵筍葉由生根者尖闊由莖生者爲心臟形皆無柄春暮

開黃花莖高尺許去皮生食如胡瓜並可醃食

萵蒿 葉似蒿花黃如小菊春秋皆可種

萵蒿 俗呼萵菘

香菜 傳說種來自西域即萎也

土薄荷 味狀如薄荷其莖葉均可食

芸苔 俗呼臭菜以其葉葷爲五葷之一子可榨油

蘿藦 一名萊服以其能解毒爲來年所服食也形圓而扁又名蘆服

俗呼大蘿蕞春種可生食其苗初伏種者方爲蘿蕞

水蘿蕞 亦蘿蕞類形細長春種可生食有紅白二種

胡蘿蕞 形如蘿蕞而色紫赤故俗曰紅蘿蕞

青蘿蕞 似水蘿蕞而粗大色青而甘脆可作涼菜

撒藍 南方謂之芥莖葉可劈食醃食脆美

芥 葉似菘而有毛子入藥磨麪亦可爲藥中之辣料

蔓菁 一名蕪菁子入藥諸葛武侯常種之蜀人呼爲諸葛菜種之有六利甲可生吃一也葉可煮食二也久居易滋長三也棄之不惜四也回則易尋五也冬有根可刷食六也

芋 一名土芝一名蹲鴟俗呼芋頭又芥芋莖葉皆可醃爲菹

山藥 本名薯蕷唐避代宗諱改薯爲藥宋避英宗諱改稱山藥今仍之入藥以懷慶者爲佳子生葉間大小不一本草謂之零餘子本境大汎河村產最佳質細無筋一枚有重數十觔者

紅薯 俗呼地瓜本名紅薯蕷立夏栽芽雨後翻秧屬多根

馬鈴薯 其狀如馬鈴故名俗呼地豆子一種皮稍紅者呼洋地豆五月內即可食

茄 一名崑崙瓜芒種栽秧有長圓紫青之別爲人一大部分之菜品螺螄菜 形如螺頭尖多節土人醃作小菜甚脆

番椒 一名大椒又曰辣椒子種類不一赤而有光大如拇指有尖土人呼曰望天椒以其面上直盡也一種圓扁有稜狀如小柿又呼柿



子椒

小茴香 本草實大類蛇床細莖而簇生

馬齒莧 一名五行菜以其葉青梗赤花黃根白子黑故也今罕食者  
不種自生

以上園圃之蔬

蕈木耳之總名 菌蕈菰之總名

考各字書原無蕈字菰字亦不如是解蕈菰木耳之名不知所自始  
茲以通俗計故沿用之

草白蘑 似白蘑而味少遜土產菌屬之最佳者

松蘑 生松下而味又遜於草白蘑

榛蘑 生榛叢中狀如小傘味雖厚不鮮

榆蘑 生樹下滑而無味止腹洩

黃蘑 生柞下者最多而黃而大故曰黃蘑採時用鹽漬之謂鹽水蘑

木耳 朽木濕氣所生但須柞木

地耳 俗曰地獎皮雨後濕氣所成形如木耳雨過即採見日則不堪

食矣

葇 即山韭也獨葉僅一葉

紅芍藥 山丹花含蕊未開時可作菜

黃花菜 萱草亦名忘憂草好生陰濕地花黃六出四垂亦有種園圃

者其地未開時如玉簪而小花黃如玉搔頭亦名金簪菜

如意菜 詩之蕨也俗曰蕨菜初生無葉莖頂拳曲如鼈脚又似如意故有是名

酸漿菜 爾雅謂之殭

薺 開細白花莢如小萍

薇 一名野豌豆以其莖葉氣味皆相似詩之採薇夷齊之採薇皆指此

苦蕒 一名茶又芑詩之采茶采芑皆指是物一名遊冬葉似萑巨而小色蒼白味苦春初掘土白芽寒素家權作菜須生食其汁可塗疔腫又可療虫蛇齧傷俗曰屈麻菜

祥穀菜 根如山蒜而小生田原間俗曰小根菜子入藥

掃帚菜 爾雅名壬葍葉嫩時可茹老可作帚其子入藥名地膚子

杏葉菜 沙參苗

明葉菜 甜桔梗苗

槍頭菜 蒼朮苗

筆管菜 黃精苗

小筆管菜 玉竹苗

地龍苗 升麻芽

蒲筍 生野澤中即蒲草根初生之芽可作食品

勃勝 爾雅謂之葛此俗呼必齊其音又近鼻奚性可化銅土人或呼

地菜子於他所產者不同

藕 即荷花根境內最少惟掉龍灣蓮花泡等處產之因其無多禁不  
准採入藥 藕節

蔗 南省產者最佳本境亦有種者但其莖短有細其甘遜於南產多  
矣蓋本地之蔗非南省之蔗也亦氣候使然

茭白 菰也爾雅謂之彫蓬生水中初生之芽曰茭白實曰菰米今罕  
食

以上山澤之蔬

瓜

甜瓜 種類不一形色各異俗總呼曰香瓜然無論其何種之優劣以  
土地爲轉移若砂質壤土最良蒂苦入藥名苦丁香俗曰絨瓜

西瓜 皮有碧綠黃白諸色其瓢不外紅白黃三種形皆圓花蒂處作窩非腴沃之田不能種去暑利小水退濕又一種白皮白子白瓤名曰三白美於他種初伏成熟傳聞種來自燉煌考燉煌在西故名曰西瓜

打瓜 形似西瓜而小橢圓皮青有黑花紋亦有純青者其仁甚美即瓜子仁也

王瓜 原名胡瓜俗曰黃瓜葉有刺着黃花類灌溉曰水黃瓜陸地種者曰旱黃瓜

越瓜 來自越南故名

倭瓜 種來自倭奴故名又曰東瓜皮老有白灰故又曰白瓜有解鴉

片毒之方

番瓜 倭瓜類俗名玉瓜

攪瓜 形如西瓜而小肉多筋絲醬醃作菜食時以筋攪之絲出如縷  
絲瓜 一名天羅長者數尺其狀如蛇熟則其瓢盡成纖維故名絲瓜

六月菜葉去毛陰乾爲細末治湯火刀石各傷且無斑痕

苦瓜 一名飾荔枝一名癩葡萄滿身瘰結如無脚蝦蟇俗曰苦瓜其  
蔓甚細結實最大

瓠 瓜類也有瓠有匏有壺古昔無甚分別近以長粗如枕形者爲瓠  
長柄大腹曰匏剖之爲瓢小而無長柄者爲壺亦通稱曰匏又曰壺  
盧或作胡蘆其兩端圓大而腰細者曰細腰胡蘆土人呼爲壓壓胡

蘆惟匏瓠可食用以充蔬餘皆充玩具其大小又可以人工造之  
果

李 邑東山村多有之其實苦澀不中食花時潔白頗可觀街市賣有  
紅紫大如杯者悉外來之品

杏 有山杏家杏接枝杏之分山杏苦澀不堪入口家杏尚可食惟接  
杏碩而且美優於家杏

桃 當地接枝桃味美勝於外來者但結實甚小非至秋分不能純熟  
數年一歇枝故無大樹

櫻 叢生初春即花夏至成熟有粉朱二色原名含桃

梨 種類甚多當地產者半多山梨質粗味澀不堪入口近年由北鎮



移來者最多所結實究不如外來者佳美

花紅 一名林禽有似海棠果色紅味酸邑南帽峯山有之

蘋果 本境向無種者僅供盆景而已

山楂 樹高丈餘葉有尖牙有刺花白五出實如卵有紅紫二色九月

成熟

榲桲 俗曰山裏紅邑東馬侍郎橋村產者最佳又帽峯山產有整核

穿串可作念珠

檳子 初春着花秋後成熟皮著青紅色其味其形似蘋果而小似花

紅而大

普盤 實如桑甚色紅味美俗曰託盤

棠梨 有赤白二色赤曰赤棠白曰白棠即詩所謂甘棠也

郁李 俗曰歐梨山野間均產形如櫻實稍大味鮮美色東張家樓村

諸山多產之

桑葚 味甘酸色赤黑與櫻桃同時成熟

枸柰 即枸杞也入藥可輕身益氣

酸棗 本境不多產邑東山村間有之味酸不堪食

石榴 有赤黃白三種赤者子紅黃者子白而亮俗曰水晶石榴味在

酸甘之間皮可入藥不結實者曰花石榴無大樹均以盆植之

山核桃 楸屬俗曰山胡桃實似家核桃而長皮黑褐色兩端有尖殼

堅肉厚味甚佳

榛 實如栗而殼堅於栗本境特產邑東諸山皆有之其仁光圓甲於他處惜不待成熟人爭採之可謂天與之而人棄之也

葡萄 最佳者曰鷄心葡萄又馬乳葡萄白葡萄先本境種者甚少近銷售日廣種者日多

燈籠果 外籠紗囊中含紅果如朱櫻俗曰紅姑娘無從索解產者無多

蓮子 荷花實也蓮蓬有紅白二種花紅者子多藕少花白子少藕佳紅者掉龍灣蓮花泡等處有之白者罕見

菱角 生水中結實三四角殼甚堅俗曰三四角曰菱兩角曰菱拉塔

湖掉龍灣皆產

芡實 說文曰鷄頭葉蹙縹紋外有芒刺狀如鷄頭中有朱紅小粟黑色去其殼可蒸晒爲粉食之

無花果 不花而實種自南來於盆植之其實生於枝葉之間玩物也  
文官果 狀如香瓜而小邑西南高坎村廟有樹兩株惟不常結實

木

松 種類不一結實者曰果松不結實者曰杉松脂多曰油松有刺曰刺松枝葉如蒿曰蒿松又有赤白松理細氣香爲木之貴者以上各種均皮如鱗葉似針質堅節勁古幹參天數百年生機不息

柏 有鳳尾柏側葉間結實多植盆中惟祖越寺院內之柏最古

桑 葉飼蠶有湖桑魯桑之別境內所植者多湖桑近有提倡蠶桑公

司者種者目衆

槐 形如榆著黃花可染黃色境內不多有

榆 初春葉圓如錢俗曰榆錢性堅汁滑土人用皮製香又刺榆可爲車輪其質堅實非他木可比詩曰山有樞即此

小刺榆 葉初生鮮可食長僅丈餘質細而堅

楸 質細而堅可製箱櫃及一切樂器

樅 葉似椿而有味土人呼爲臭椿

楸 葉大皮黑紋細微赤者曰紫楸質白者曰標楸皮爲繩無大用處  
從先嘗用以製槍火繩

樺 皮似山桃有花紋紫黑色在昔襄弓背其木節花紋極細曰樺木

包

種 河畔赤莖柳可飾几案或製碗

柞 高大體堅質實可爲車曰大葉柞葉小而長曰小葉柞五月間土

人採其葉包朮米麪蒸食曰博拉葉餅其葉又可飼蠶

櫟 其實曰橡子可飼猪

楊 有青白二種大者可作棟梁皮白初春即芽與柳同本境各村均

植之此外又有莖高數丈不發旁枝俗曰洋楊

柳 葉如桃宜窪地有河柳檉柳行李柳青剛柳又細條下垂曰垂楊

柳無論何柳縱橫頭倒植之均活

三春柳 河邊小柳一歲三秀故曰三春柳又曰山川柳

煖木 即黃蘗木皮煖厚從老幹用以包弓把細者爲藥最著手雲帶

皮

冬青 寄生樹上葉長而厚經冬不凋遠望之如烏巢俗云寄生山裏

紅樹者能治癆瘵

老鸛眼 木質甚堅有花紋中空子可染皂色東諸山均產子黑如鸛

眼故名

明開夜合 一名金銀柳結子紅花經冬不凋亦名合歡

荆條 質堅可爲鞭桿

棘 一名鼠有赤白二種結子如酸棗不結子曰牛棘俗曰蜜刺又名

葛針邑東韭菜峪村產最多有清時代供修監獄牆頂

文官樹 詳果屬

花

風仙花 一名指甲草因性能透骨間中常用以染指甲一種莖高二尺餘花著葉間又一種花著莖頂曰佛頂珠又莖下垂花著莖頂曰龍爪所謂風仙者因花瓣如鳥翅高翹而名之也又名吉祥草亦曰集吉草

金盞子 一名草長春初春即開繼至老秋花黃如金色葉厚如刀形植之盆者用鏡日晒之能花至翌年春

草芙蓉 一名萬壽菊花曰甚長莖葉如蒿俗曰芙蓉花

芍藥 一名草牡丹又曰將離有赤白二種花大如芍藥惟葉甚濃綠



蟻擾之使花瓣不潔至花開不能盡量因有美中不足之憾

虞美人 俗呼小生菜以其似生菜而小一莖而花數色

洋海棠 子小如嬰粟殼亮如麻子又如兩碗相合莖紅葉綠花淺深紅黃白紫俱有朝開暮合花日甚久插枝即活

鷄冠花 花形如鷄冠有紅白二色開莖頂高三四尺一種莖短名壽

星鷄冠可用盆植又花穗尖長如鼠尾曰野鷄冠子

藍雀 不種自出逐節生葉花淡藍色略似小雀張翼如飛之狀故名

雁來紅 俗曰老來變黃曰雁來黃白曰雁來白紅黃紫綠俱有者曰

錦西風又十樣錦此物無花由春至秋因葉變化故曰老來變

虎耳草 一名金絲荷葉以其莖似荷花黃如金故有是名絲者因莖

纖微有白毛

爬山虎 如牽牛花而大引蔓甚長其子如茄

牽牛花 俗呼喇叭花即黑白丑

蝴蝶花 花形如雀有藍紫二色花瓣屈曲如兩翅

蜀葵花 色不一其子可染皂色俗呼大蜀菊

小蜀葵 似蜀葵而小一名錦葵即詩之葍也

葵花 莖高可六七尺頂作黃花大如盤盂隨日而轉俗曰向日蓮其

子可炒食

秋葵花 一名黃蜀葵如鷄趾故又名鷄脚葵花開時以篩夾下浸麻

油治湯火傷

山丹花 花紅六出一名紅百合萼未開時晒乾爲紅花茶

百合花 六出四垂形似山丹結子葉間着花於頂俗曰捲丹花後於

山丹花數日

萱 詩作諼亦作諼一名宜男喜生陰地六出四垂蕊乾爲黃花茶亦

白金簪菜

玉簪 葉圓大喜陰處初秋着花妙香清氣狀肖簪而白故名玉簪又

名白鶴仙結蕊未開時又如玉搔頭

紫玉簪 莖葉蕊花均似玉簪而小惟色紫而香亦遜之

串枝蓮 花粉紅色蔓生俗呼牽枝牡丹

荷包花 葉似牡丹一莖綴數花小如指絕類緋色荷包故呼曰荷包

牡丹

荷 一名蓮花有紅白二色外直中空其根爲藕其華爲萼舊其實爲蓮子生水中邑內掉龍灣產之

石竹 枝似竹而細朶大如錢色不一瓣有鋸齒馥媚可愛入藥

蓼 詩曰遊龍生水邊花如穗淡紅色唐詩云紅蓼花疏水國秋

旋覆花 色黃如小菊俗曰六月菊

草繡球 不喜陽光狀如球花時甚長先紫後變白

剪春羅 一名剪紅紗花大如錢六出瓣稍作鋸齒狀細碎有若盜庚  
又一種秋花者名剪秋羅

草茉莉 花狀如筒有黃白紫紅各色又有各色相間者亦名駟粉團

江西臘 花似菊葉亦如之俗曰六月菊五色俱備

節節高 五色俱備自春即逐節挺莖而花至秋或高三四尺而莖頂

仍花俗呼爲步步登高又曰竹葉梅

菊 種類形色名稱甚繁花大如盤清超拔俗俱有傲霜之姿清品也

野菊 莖葉花皆似菊而小朶如錢俗曰九月菊

頂冰花 葉薄如紗深綠色莖短去地寸許冰雪初銷時開之

長春 柔條紛披黃花綠葉繞枝爛熳逐時長開故曰長春

月季 一名月月紅按月開花枝有刺如棗

迎春 形狀如長春惟立春前着花故名曰迎春

杏 詳果屬

李 詳果屬

桃 詳果屬

梨 詳果屬

小桃紅 葉似榆花如櫻略似月季初春着花又曰榆梅

丁香 初春着花於枝頂先花後葉香濃厚其葉浸水洗火眼

刺梅 有紅黃二種枝有刺如月季紅者香濃可釀酒黃者味薄而花

亦小生於山野者開單瓣可製梅桂甘香適口

石榴 五月初必開鮮紅如火間有白色者須以盆植之

珍珠花 一名玉屑葉狹長邊有鋸齒三四月結蕊成穗如糜子而稍

大開白花繁密攢聚

繡球 六月着花攢聚成團略如球形性屬陰得日則萎

馬纓 花如紅絨一簇一名合歡以其葉晝開夜斂

薄荷梅 花色甚雜葉如薄荷故名

榆梅 枝葉如榆花如小桃紅惟逐枝開於葉間

金藤松 葉如松針故名

洋石竹 花莖葉均如石竹惟宿根能重發

洋蜀菊 形狀同大蜀菊而花綠紫色

洋棉花 花葉均似棉花而大開淡黃色

洋牽牛花 似牽牛而大色亦複雜

西番蓮 莖高三四尺花色俱備大如蜀葵之小者似菊花而大有單

瓣如罌粟者均遞發旁枝至秋花開愈盛最不耐霜種來西洋故名

### 西番蓮

鐵葉花 花有黃白紫諸色葉細長而堅厚故名曰鐵葉

蒿子花 葉如蒔蘿莖高能耐霜

木槿 葉大如小碟植盆中晝開夜斂

俗槿 形如木槿葉較大莖高數尺逐葉開着花新豔惟其葉常被虫

### 捲

小俗槿 葉似大俗槿而小花形如酒杯有耐霜性即詩云顏如舜華

### 也

草海棠 俗曰德國海棠鮮豔異常初春即開宿根得鏡日光雖隆冬



亦開

水仙 根如胡蒜來自南省栽水池中用鏡日晒之着花遲早可隨人意俗云花之盛衰可驗人之一年順利與否

夜來香 花白色形如草茉莉夜間香味濃厚故名

倒挂金鐘 着黃花四出下垂初春即開

仙人球 狀如球身有棱刺花形喇叭筒淡黃色味濃晝開夜合

仙人掌 狀如手掌身有刺俗曰六十年一開花

打碗花 形似牽牛被水田生長最煩其根可代米故饑饉年謂之救

命根

罌粟 春分播種夏至着花結實如球微破其皮出白汁晒乾成土熬

土成膏吸其膏能療百病惟最易入癩現國家懸爲厲禁

柳葉桃 其葉似柳其花似桃葉厚而長經冬不凋粉紅花爲常品間

有白者

扁竹蘭 花作三角形葉寬如刀產於山野入藥曰射干

曼陀羅 狀似牽牛花引蔓頗長花蒂如茄俗呼爬山虎

草

線麻 初秋刈而漚之剝其皮以爲線可織布又可以爲繩

大麻 莖高數尺葉大而圓子可榨油醮臘

靛 藍草也可染布秋際成熟謂之靛秋花葉皆入藥

棉 種來自印度宜山地開淡黃花結實狀如桃九月實開檢其絮用

壓機出其子紡紗爲布衣服賴之

蓑衣草 莎草也生於水沼其莖三棱以之製衣可避雨故曰蓑衣草

香草 即芸也置書中可避蠹又避瘟

紅茅草 葦屬莖微紅中空土人用以苫房又曰章茅

菸 葉圓而厚晒乾人吸其烟吉林產者佳當地味薄又一種葉小名

高麗菸味劣一般寒微人吸之

艾 俗曰艾蒿生原野端陽節人採之插檐間能避邪崇窪地產曰水

艾古人有用以灸病者

羊草 叢生可飼羊故曰羊草

老牛錯 壕巔隴畔皆生之高數尺葉尖秋後可作燃料

劉草 可治木錫諸器亦名錯草即木賊

蘋 四葉相合中折十字浮生水面萍類也詩云於以採蘋即此生陸

地者曰青蘋

兀刺草 農人冬季用以煖足亦可造紙

藻 俗曰札草多有用以養盆魚者以資點綴

燕麥 粒如麥而小爾雅謂之雀麥近郊多有之

葦 水泊中生之葦根俗呼葦椎子一名萑詩曰八月萑葦一名葭詩

曰蒹葭蒼蒼亦名蘆爾雅葭蘆註曰葦一物而三名又荻爾雅謂之

蕭

麻 亦曰苧麻可爲繩

馬蘭 隴畔路旁皆生著藍花無香初夏盛開子可染色根可製刷子

鄉人多植之用以束物子入藥曰蠶實

星星草 細莖鬚帶小粒故曰星星又可飼馬

莠 害苗草也俗曰穀莠子

扁担草 可飼牛馬

蓬 詩所謂飛蓬深秋因風隨地旋轉

茨 俗曰蒺藜蔓長葉細子三角形有刺多生於塚巔

蒲蕩 可食名蒲筍土人食之者少生水中莖高丈餘可作扇又可製

茵其茸可爲枕又有菖蒲生野潦中俗呼臭蒲

水葱 生水中可編涼蓆可製扇一名翠管

萍 浮生水面柳絮所化隨水浮沈故遠遊他鄉者曰萍踪無定

蕩 詩曰維蕩與蘿施子松柏寄生物也

芄蘭 蔓生葉厚斷之有汁子長數寸俗名雀瓢籬落及樹叢中多生  
實之又名蒴拉瓢秋老子自裂毛如白絮隨風飄散來年自生

礦物 金屬

金 分五色曰黃金赤金白金烏金青金各金以黃金爲上品故獨稱  
黃金爲金坑東柴河經流處牧養政村嘗發現金苗土人採之忽有  
忽無又平石門亦嘗發現惟產量無多不惹人注意光緒末年有在  
該處掘得金塊重十一觔六兩嗣後屢採無所得

銀 本邑古名銀坑又有銀岡相傳因冶銀而得名現無可採之礦

錫 其質在鉛銀之間土人多用以製供器皿及他器皿

鉛 一名青金可製筆或槍彈

鐵 邑東各山雖有礦苗均不足開採

銅 邑南諸山嘗現礦苗惟礦層太淺不堪開採

自然銅 邑東諸山多產入藥治紅傷

非金屬

紫石 可製硯惟堅滑不適用

磨石 老邊台村產可磨刀剪鋒刃

青石 邑西王千總堡子產可築室砌路大有取之不竭之勢但石質

不堅不能鐫字

斑文石 石質堅硬可製碾磨

黑石 城西大台村產之

碎青石 可以燒石灰

石棉 雞冠山諸處產之錘之成棉但其茸短土人僅有用製腳帶者

白土 土質色白可以塗牆

青泥 色純青以水淋汁和石灰中作淺青色塗飾牆壁刷新舊磚瓦

利用之

煤 邑內大台山等處均有惟因煤質不良均未開採

附巴拿馬賽會徵品

銀質結晶光澤精美城東葉爾星村所送又自然銅爲牧養政村



所送以上爲未歸類之金屬緣民國三年美洲巴拿馬運河工竣到處徵集賽品鐵嶺各礦蕙未發者甚夥此二者不過開採之崖略爾

貨物 製造品

酒 高糧合麥麴所作土人用作飲品消路甚廣

豆油 純大豆所榨汁曰豆油渣滓曰豆餅

獸皮 凡家畜各獸均產野獸亦間有之惟少數

獸毛 同於獸皮

蠶絲 桑柞各蠶均產惟提倡之始未見發達

棉 從先種者普通近二十年來減種十之七八

大布 齊魯人專開機房爲每年出品不下數萬疋

毛頭紙 其原料爲麻屑繩頭碾而製之所謂利用廢物

藥

動物入藥者

牛黃 苦寒微毒生於牛肝膽之間凡牛有黃則眼紅好吼置水令不得飲則吐出爲藥中貴品

望月砂 本名明月砂又玩月砂即兔矢也

夜明砂 蠅蟬矢也境東三道溝山洞多有之

蟾酥 即蝦蟆眉間白汁本邑汎河流域多產之每當秋季齊魯人採取之

蜂蜜 爲羣蜂採花釀成白露後收山產者佳

黃蠟 即製蜂蜜之渣滓子色黃曰黃蠟

蜂房 樹間久受風露之蜂子窩又曰露蜂房

桑螵蛸 俗呼蠃蟬子邑東白旗寨諸山多產之

土鼈 生墻陰濕土中不名虛如小鼈

內金 即雞中肝皮

植物入藥者

黑脂麻 名巨勝質與白者不同榨油曰香油

茄花 即茄子花霜降後採之

茄根 茄子老根去皮者霜降後採取之

萊菔子 即蘿菔子

薤白 祥穀菜子俗曰小根菜

苦丁香 甜瓜蒂也食之逆吐

馬齒莧 平地園圃皆生之俗名螞蟻菜人嘗食之但不得與鼈同食

黃精 博物志太陽草名黃精初生苗土人採食曰筆管菜苦寒無毒

山玉竹 一名葳蕤爾雅曰莢委萎是也莖強似竹有節節間多鬚葉

狹長對生亦似竹葉尖處有黃點三月開小青花如蘭

白附子 俗曰大黃喇叭花又名鼠尾草根又名兩頭菜邑東大康家

子諸山多產之

柴胡 苦寒無毒俗名竹葉茶之根爲邑特產古曰銀州故曰銀柴胡

五味子 形如菽其味有五故曰五味子遼東產者佳他省次之邑內

二道林子諸山均產

甜桔梗 一名土桔梗甘寒無毒古名薺芑根似桔梗無心治鼻衄其

苗名明葉菜土人食之

車前子 道旁隴畔生之即詩之芣苢俗名車輪菜

香附 即莎草生田野根象雀頭一名雀腦香葉如老韭而硬光澤有

劍脊形莖三棱中空可作蓑衣

因陳 一名萬年蒿初春採其芽因宿根故曰因陳

百部 春生苗作籐蔓葉大而尖似竹葉根多成百故名

遠志 俗名光根茶根

龍膽草 味苦如膽其葉經霜不凋

細辛 寬葉紫花根葉皆入藥

地膚子 掃帚菜子俗呼鴨舌草子

卷柏 長生不死形如佛手經冬不凋俗呼萬年松

蒲黃 香蒲棒上黃粉也

浮萍草 形如錢柳絮落水而生無根無莖背紫者佳

漏蘆 猫菰之根

防風 俗名屏風草之根

茜草 山龍草根忌鐵一名茹蘆

菟絲 附豆莖而生最能害稼俗曰黃絲

芫蔚子 一名益母草婦人科胎前產後多用之

升麻 俗呼苦龍芽菜

蒼耳子 詩之卷耳其實多刺色蒼形如鼠耳

赤芍 芍藥花根色赤曰赤芍白曰白芍

馬蘭花 俗呼馬蘭花子

知母 俗名鈴鐺菜之根

黃芩 着紫花其苗名山茶根

茅根 俗名萬根草春生苗布地如針曰茅針入藥用根

山紫草 三月採根可以染紫故名紫草

紫苑 圓葉菜之根

白蘚皮 羊蘚草根苗莖俗呼八卦牛

牛薺子 一名惡實其苗俗呼牛菜

石韋 生山石上有葉無莖狀如皮故名石韋

石花 石崖上所生如小兒拳外白內綠遇雨則開形如柏葉兼入菸

料

白薇 根細而白邑東諸山多產

地榆 其葉如榆花黑紫入藥用根

大薊 俗曰槍刀菜

三楞 水產其形似銀梅其莖三楞

小薊 土人呼爲十針草



小茴香 實褐色輕而小類蛇床六七月採之

商陸 一名當陸又名白昌草根

青蒿 俗名萬年蒿

葶藶 獨芥草子夏至結子

藜蘆 俗名山葱

鷄冠子 人家園圃常種之

貫仲 俗呼鳳尾草根疫時浸入水缸除毒

威靈仙 俗名龍頭菜之根

扁蓄 俗呼生草

華麻子 亦作蓖麻紅花者入藥黑花者造油

馬兜鈴 一名青木香形如馬鈴故名

狼毒 一名貓兒眼專治一切癩疹

鶴虱 俗呼黏蒼耳子

稀荃草 俗呼黏蒼葉

馬鞭草 一名龍齒草形似馬鞭故名

白頭翁 野蘭花之嫩葉

劉寄奴 一名烏籐菜

山豆根 蔓生如大豆根

透骨草 俗曰山豆秧子

木賊 俗名剉草

夏枯草 冬至後生夏至後枯

瞿麥 石竹花子

馬勃 形似蘑菇彈之有紫灰治刀傷多用之

地丁花 紫者名紫花地丁

水紅子 水蓬草子即紅蓼花

蒲公英 金簪草

急性子 鳳仙花子取時易迸煮老鷄老鴨搗末投入易爛

側柏 柏樹葉

五加皮 俗曰茨柁棒菜根之皮形如葛藤

旋覆花 爾雅名盜庚金伏草金荷花均其名

老貫筋 俗呼老貫草

翻白草 俗呼鷄脚草

黃柏皮 黃孽羅樹皮

郁李仁 即歐梨子

酸棗仁 即棗核仁

枸杞 一名地骨皮

合歡 俗呼明開夜合

寄生 附樹生經冬不凋俗呼凍青子

霜桑葉 桑葉經霜之葉

芡實 俗呼鷄頭米

杏仁 即杏核仁也

桑葚子 桑實也

桃仁 即桃核仁也

桑白皮 桑根之嫩皮

礦物入藥者

無石異 平地河畔中產土精所成俗曰土子

金礫 色青者佳煨煉如金

自然銅 狀似鐵而質似銅五金中特產

鐵嶺縣志卷十四

宗教志

佛老爭鳴於漢回教蹶興於唐三教並峙然白馬馱經建寺而譯之譯其音語耶譯其經義耶張道陵以道法盛一時其與伯陽道德清淨二經何與回教信徒持齋諷經摩哈默德之教是否如是試聚三教信徒而詳言之恐瞠目蹇舌者比比是也佛教之寂滅道教之清淨回教之果敢皆教外之人作概括之評語今日之天主耶穌與以上三教不同立醫院設學堂以博愛之心踐救世之實其祈禱亦悔過之意本境回教近亦有小學一區不似佛道二教但事募化題緣也此外尚有孔教會大熾於南鄉混元門暢行於東山各處猶有學好在理二事或燒香

跪拜或飲茶擺齋不足爲教豈有所宗烏足志我中華民國信教自由  
載入憲典今之人遂各敬其尊各私其親入主出奴附會剽竊昌黎韓  
氏之言曰道其所道非吾之所謂道也今爲作一轉語曰道其所道亦  
非彼之所謂道也自道其道而已矣志宗教

鐵嶺縣志卷十四

宗教

佛教

釋迦牟尼稱如來佛亦曰佛祖其教以虛無寂滅爲宗亦明心見性者也自達摩渡江參悟透澈始爲禪宗第一祖佛教大明厥後不知何時參入死生輪迴天堂地獄諸說雖寓警俗之意佛教之眞諦當不如是也本境佛寺皆僧居之僧爲佛氏信徒其是否參悟禪宗乃別一事梁武帝以帝王之尊捨身佛寺者三後人笑其愚焉知其不別有參悟耶按史册可稽者遼金各京府有都僧錄明清有僧錄司其護佛教也至矣鐵嶺自高僧剝上人居龍首山其名大著亦以其道行高上世人不



金卷第 二八  
及也清同光間藥王廟僧人同泰官僧錄司僧正與世人往來酬酢既  
參出世法而又參入世法其徒數人自傳衣鉢厥後照顯亦爲僧正住  
持城隍廟圓寂後無人繼之今又有佛教會倘從此談禪說法力求上  
乘必爲本境佛教放一大光明也

### 道教

寬衣峨冠長髮修髯岸然道貌若不食人間烟火者道士也奉老子爲  
道教之祖祀斗姥眞武雲房祖師純陽眞人清齋茹素攝心寡言深合  
清淨無爲之旨本境道人甚少故其教寥落自民國以來風尚剪髮而  
道人亦偶爲之世人遂莫辨其爲僧爲道喪家延其諷經超度每疑爲  
僧道雜處蓋其派別多彼剪髮者概屬伙居道眞道士不如是也大抵

北關藥王廟爲僧人棲止之所城內圓通寺爲道人棲止之所今不知何時毀圓通寺之舊額改題曰圓通觀又將寺內正殿佛像易其面目衣冠改作羽流千年古刹一但湮沒惜哉

按圓通寺東院廳堂舊供老君故道人棲止焉與寺無涉也考圓通乃禪語宋時有高僧圓通大師與蘇東坡黃魯直晁无咎蔡天啓諸賢友善見米元章西園雅集圖說無罣礙無恐怖光明朗澈之謂圓無人相無我相無衆生相無壽者相四相皆空之謂通道家無此話頭且圓通寺又名白塔寺塔上諸佛歷歷可數其一證也院內明清兩代叢碑林立其碑文但言佛寺並未涉及道家一語其二證也舊縣志曰圓通寺內有老君堂云云其三證也孔子曰有教無類佛道

何必不然道人而居僧寺可也乃因其不類已除而去之既宣賓奪  
主又湮沒古蹟與打劫又何異哉我佛有捨身之時道家有奪舍之  
法今易教而道充其義而言之變相之捨身變相之奪舍竟實見於  
今日矣昔石揆誦暉先後掌教叢林誦暉力戒與石揆爭勝時人高  
之同教猶能如此今不同教而如彼視誦暉爲何如也界限不除客  
心未去所無未無不清不淨真求道者當不河漢斯言

### 回教

摩哈默德之教傳自西域以土耳其爲最盛本境回教來自何時無可  
考大抵皆亞刺伯及西域人其教長曰阿訶亞刺伯語曰漢曰其首領曰回民頭居  
城內南關不滿百戶城南遼海屯揚威樓城北山頭堡亦有之南關大

街之東清真寺在焉爲禮拜之所旁有小學校一處回漢並收與漢族有同化之意惜其教禁忌甚嚴不食豬肉因其不食豬肉也遂與漢族異以致事事隔閡竟被其教所縛第一不與漢族結婚只以彼教爲限故其教人人無不親戚彼此通呼爲老表第二生計艱難僅小本營生或屠牛屠羊無由發展此皆由不食豬肉與一般人民不同遂錮蔽至此近年彼教中人亦有求學於中學師範頗思自拔奈積習既深楚咻尤衆不能革故焉能鼎新吾人憫其愚敬其誠無由勸救遼陽縣志載有回籍生員尹三聘撰禮拜寺碑文附錄於後深願彼教讀之而有所領悟焉

附錄尹三聘禮拜寺碑文

新修禮拜寺成入廟思敬羣情熙熙易所言王假有廟聚以正者可  
以觀其象矣然則即此人心之聚可不懷以法制之嚴乎衆皆佖而  
聽爰舉雍正七年四月七日聖諭讀之曰直省各處皆有回民居住  
由來已久既爲國家之編氓即爲國家之赤子朝廷一視同仁回民  
中出自文武拜官受爵游登顯秩者常不乏人讀至此衆皆歡然稽  
首叩地曰仁之至矣又讀曰回民有禮拜寺初非作奸犯科惑世誣  
民者比地方官吏不以回民異視而以治衆民者治回民則賞善罰  
惡之令自無不行讀至此衆益欣然稽首叩地曰義之盡矣又讀曰  
奉旨禁宰牛隻乃勸民務農勤稼所以重惜方耕之物命聞回民頗  
有私自屠宰者此即居心殘忍不務本奉法之一端特此詳加訓誨

爾回民當知率由禮義勿恃強陵弱勿倚智欺愚倘謂別爲一教估  
惡行私則是冥頑無知甘爲異類憲典具在豈能爲爾寬假讀至此  
衆乃汗流浹背如怨如慕泫然出涕而不能爲一言於戲觀於此可  
知化之入人者深而民之歸善者速也吾因之有感矣古者中國之  
地多華戎雜居其在春秋如楚之陸渾衛之戎州魯之徐戎之類夥  
矣衆矣而何以不見於秦漢以還秦漢而後如晉之鮮卑魏之拓跋  
唐之突厥之類亦夥矣衆矣而何以不見於五代以還由是言之必  
其漸染華俗久而與化抑或當時別有位置如元色目之人告身爲  
民之類是以道一風同畛域俱泯我回民之入中國已歷數十百年  
而往代相沿獨自爲教在朝廷聽之固爲覆載之仁在我輩安之實

屬偏私之見方今回教之住各省者衣服文字既與華同獨飲食一節有所隔閡是以婚姻不通興作難共考之坤輿圖說有曰回回不啖豕故諸國無豕是其始亦祇以口腹嗜好或偶有避忌遂相習成風初非有關名教之重作述之原拘此小忌相爲彼己豈聖天子一視同仁之意乎夫縫掖章甫迹殊宋魯聖人之與時推移也易窮則變變則通通則久我輩生齒日繁而爲教所限與齊民婚姻不通興作不共資生之理日蹙實自蔽之道也其何以久乎易於渙曰渙其羣於革曰革而當鄙占如斯而難以戶說惟望我輩中位致通顯識超凡庸者推千古之通義破陋習之拘墟告之吾相而奏之吾君爲國家畫贊一之治爲回民裕久遠之圖則所以被殊恩蒙寵賚者當

不在尋常意計中也謹誌斯言以俟來者

### 天主教

清同治初年始來本境西關徐姓張姓首崇奉之城南安心台信者尤多光緒中葉在東關山麓購地建禮拜堂先後入教者二百人光緒二十六年拳匪起燬其堂事定賠款重修規模宏大院內設育英堂施醫院主教者稱司鐸尊之曰神甫土人稱之曰老教蓋指其先於基督教也

### 基督教

基督教即耶穌教後天主而來鐵嶺清光緒五年有喬姓教士來縣講道傳教以博愛爲宗信者日衆南關鄭姓信徒也施地一區建耶穌教



堂清光緒庚子之亂與天主教堂同燬於拳匪後議和賠修而闊大之  
今有施醫院城東南八十里百貫屯亦有基督教堂信教者尤多

鐵嶺縣志卷十五

兵事

孟子曰春秋無義戰三代以下之戰其尙可問乎以數萬人之膏血博一姓之尊榮大抵如斯鐵嶺兵事遠不可稽明清之際去猶未遠今試過看花樓之故墟登高望遠李寧遠橫戈躍馬之雄風今猶有存者乎攷鐵嶺衛之廢城草枯蓬短喻成名慷慨死綏之遺烈今復有知者乎一爲匡時名將一爲勝國孤忠曾幾何時並其姓名而忘之俯仰流連令人浩歎有清以來別具形勢而鐵嶺地當省北咽喉實司鄴鎬北門鎖鑰時感風雲之會人懷湯沐之思熙來攘往一遊一嬉樂其樂利其利三百年於茲矣迨光緒末葉甲午中東之戰庚子聯軍之戰甲辰日

俄之戰相繼而來鐵嶺無不適當其衝喘息未定國體又更民國以還迄無寧日頻年聽鼓鞀之聲百萬輸金錢之供豈遭時之不造乃我生之不振耳天發殺機龍蛇起陸今而後出水火而登衽席乎其拭目俟之矣志兵事

鐵嶺縣志卷十五

兵事

自漢迄元鐵嶺之兵事

漢武帝元封三年楊僕爲樓船將軍與左將軍荀彘共討朝鮮朝鮮人殺其王衛右渠降定爲樂浪臨屯眞番元菟四郡

南北朝時勿吉之粟末部嘗與高麗接戰勝兵數千多驍勇每寇高麗唐高宗總章元年遼東行臺大總管李勣率將軍薛仁貴等拔扶餘以南仁蘇木底蒼巖諸城

唐武后萬歲通天間渤海大祚榮崛起據東牟山殺營州都督趙麟唐命李楷固擊之大祚榮率高麗靺鞨之兵拒楷固楷固敗還大氏遂號

震國王始於遼東之北境築城郭設職官編戶十餘萬勝兵數萬人

按鐵嶺於漢唐時代地屬遐荒孤懸徼外偶有兵事每疑牽合鋪張未有確據况人物代謝世界滄桑今昔不同無待辯言然山川形勢振古如斯徵之史册攷之地理豈無據哉鐵嶺在漢時屬挹婁國漢之定四郡乃武帝元封三年事也挹婁何時廢滅史册無稽而鐵嶺在是時實屬於樂浪郡無疑唐高宗總章元年拔扶餘以南仁蘇木底蒼巖諸城攷扶餘即今開原以北之地其以南諸城雖無可攷而本境即在開原之南唐時設安東都護府以統轄之本境實在統轄之內唐武后萬歲通天開海大祚榮拒東牟山敗李楷固並於遼東之北境築城郭設職官編戶十餘萬勝兵

數萬云云攷東牟山即今瀋陽東之天柱山遼東之北境即毗連  
扶餘之南境本境又實屬於靺鞨今雖無彼時城郭遺趾而年湮  
代遠故老無傳後之人率多流寓來此當無從考據耳

遼太祖天贊四年伐渤海大元帥耀庫濟從天顯元年詔諭渤海郡縣  
降遼景宗保寧八年秋八月女直侵貴德州東境

按貴德州即今之大汎河村也

遼聖宗統和二十八年五月丙午高麗西京留守康肇弑其主誦擅主  
誦從兄詢詔諸道繕甲兵以備東征丁卯帝自將代高麗辛卯遣樞密  
直學士高正引進使韓杞宣問高麗王詢十一月乙酉大軍渡鴨綠江  
康肇拒戰敗之退保銅州丙戌肇復出右皮室詳袞原作詳袞耶律達魯原作耶律達魯

肇及其副將李立追殺數十里獲所棄糧餼鎧仗戊子銅霍貴寧等州皆降

按本境自此始由高麗而入遼之版圖

遼天祚皇帝天慶四年十二月咸賓祥三州及鐵驪烏舍原作元皆叛入女

直伊實原作伊往援賓州南軍諸將實喇原作實圖烈原作特等往援咸州並爲女直

所敗

按咸州即今城北平頂堡村

遼天祚皇帝天慶八年春正月丁亥遣耶律努克原作奴等使金議和庚寅

保安軍節度使張崇以雙州二百戶降金

按雙又作窳見汎河洞石碣本境自此又由遼而入金之版圖

金太祖天輔四年三月甲辰上謂羣臣曰遼人屢敗遣使求成惟飾虛辭以爲緩師之計當議進討其令咸州路統軍司治軍旅修器械具數以聞

辛酉詔咸州路都統司曰朕以遼國和議無成將以四月二十五日進師令色克原作剌葛留兵一千鎮守棟摩原作隆摩以餘兵來會於渾河

金世宗時有幹罕爲亂旋平之咸平人移刺道任咸平尹世宗諭曰咸平自幹罕亂後民業未復聽歸鄉里所以安輯一境也

元太祖時金北邊千戶耶律留哥合兵十餘萬稱遼王改元統盡有遼東諸郡都咸平後歸元仍爲遼王

有明一代鐵嶺之兵事



隆慶時蒙古遺裔俺答雖已款塞而插漢即漢部長土蠻與從父黑石炭

弟委正大委正從弟煖兔拱兔子卜言台周從子黃台吉勢方強泰寧

部長速把亥炒花朵顏部長董狐狸長昂佐之東則王果王兀堂清佳

努楊吉努之屬亦時窺塞下鐵嶺居兩敵之間時聞寇警萬曆元年土

蠻深入境內署遼東督都僉事李成梁率師禦之大破敵衆於鎮西堡

乃增築長邊以嚴守禦萬曆十二年土蠻把兔兒欲報其父速把亥之

怨速把亥於十年死漢州李成梁之妻將李平胡射中其蓋頭李名有明之糾西部以兒鄧等以數萬騎掠瀋陽既退駐牧遼

河聲犯開原鐵嶺時李成梁已加太子太保封寧遠伯與巡撫李松潛

爲浮橋濟師踰塞窮追土蠻敗走

萬曆二十五年遼東副總兵李如梅與參政楊鎬謀從鎮西堡出塞襲

土蠻失利損部將十人士卒百六十人如梅以血戰重創免罪

萬曆四十六年三月清太祖征明書七恨告天其五恨曰柴河山岔撫安三路我累世分守疆土之衆耕田藝穀明不容刈穫遣兵驅逐恨五也觀此則明清之間鐵嶺南境東境久爲戰爭之地矣

萬曆四十七年時明將李成梁及其子如松已歿明廷念李氏宿將起用李如柏典兵惟怯無能薩爾濟之役遼東經略楊鎬四路出師如柏防懿路遼南六十里措置疏忽及鎬聞杜松馬林敗檄如柏還遂棄鐵嶺是年

清兵攻鐵嶺斬游擊喻成名史鳳鳴李克恭而總兵賀世賢敗於三岔子及灰山城遂陷李成梁一門殉焉

### 有清一代鐵嶺之兵事

康熙二十五年俄羅斯之哥薩克人踞黑龍江北清聖祖征之道經鐵嶺駐蹕於城東龍首山之南

咸豐三年洪楊之亂其黨林鳳翔李開芳擾河南山東直隸京畿震動盛京將軍檄境內四旗制兵隨軍往勦五年瓜代始歸而邑兵羅姓喬姓何姓蕭姓皆死綏

光緒二十年中東之戰日本渡鴨綠江連陷東邊各城而南路蓋平營口海城又相繼失守黑龍江將軍依克唐阿統敵愾軍駐大高嶺旋移師遼陽南耿莊子於鐵嶺設後路前台灣布政使于蔭霖字大霖吉林人後官湖南巡撫統之爲後路督辦練軍籌餉成集於此邑人武進士李葆真亦由前敵回籍練効義營五百人以助防守次年和議成以次遣散

光緒三十年日俄之戰俄於縣南各郵屯修治道路以備運兵又於境之南山增修戰壘三十一年春二月日本兵至瀋陽迤北其中權隊出邑南懿路其旅順軍第二縱隊則陣於邑西南之石佛寺爲攻取新台子之計俄則大隊據汎河以禦之日本旋渡遼河擊退陳千戶屯之俄兵破新台子車站更進至范家屯而東境日軍菊池大隊復由張家樓子渡汎河小原聯隊攻樹牙屯遂合隊攻城南八里之八里莊俄兵敗退據縣東駐蹕龍首二山開礮轟擊戰至日暮俄乃焚糧餽棄車站斷城北鐵橋而退此光緒三十一年二月初十日事也

宣統三年八月革命事起十月奉天設保安會於省諮議局鐵嶺縣令徐麟瑞准省電招集各界組織鐵嶺保安分會適徐令卸事未及實行

延至十二月二十六日清帝遜位宣布共和國體已定有徐劍秋者徐令麟瑞之族弟也自稱革命招討使糾合開原趙希孟同江口戴秀山等集其黨羽多人於民國元年二月十五日即辛亥十二月二十八日夜放火攻城巡警與之戰敗之次日午後縣令高士英警務長趙連芳不戰相偕棄城去城中無主僞革軍始入城劫放監獄盤踞縣署復拘集各界首事諸人捐索銀錢槍械勢極凶悍壬子正月初三日探悉援軍將至始去先是城內原駐有陸軍一聯竟先期拔隊去城東十二里之熊官屯及事定始回

同時又有城南六十里之鮑家岡孫靖一者稱受革命軍密劄驅逐該處巡警劫其軍械自稱起義與巡防隊戰於官糧窖之南山甫交綏斃

孫靖一於陣其他皆烏合頃刻譁散擒獲十餘名回縣正法亂始定

民國以來鐵嶺之兵事

三年八月政府頒對於歐洲戰事局外中立條規二十四條到縣

五年七月蒙匪巴布札烏泰內犯洮南梨樹同時告警奉軍出兩師討

之大軍過境商民供以牛酒

六年衛送歐洲各交戰國人三起過境

八年七月吉林督軍孟恩遠內調致激軍潮長春鎮守使裴其勳及其部下高士斌同被牽動奉軍以重兵前往道出鐵嶺除山商會派派供應外其被住兵之商戶甚多

按是役經調解罷兵

十年奉軍入山海關大軍過境者甚衆

十一年奉軍入山海關駐鐵奉軍拔防去鐵

按是役一戰於長辛店再戰於蘆溝橋旋罷兵休息

十二年奉軍入山海關吉黑二省大軍過境是年十二月東三省保安總司令部令徵鐵嶺應攤軍草四百四十萬觔

十三年奉軍入山海關奉天兵站處徵鐵嶺戰時軍草三百萬觔

十四年奉軍入山海關奉天糧秣場徵鐵嶺平時給養軍草一百五十萬觔十月又徵大車四百五十輛民夫一千二百名羸馬六百匹

按是年奉軍令楊宇霆督江南令姜登選督安徽十月郭松齡稱

兵旋敗就擒

十五年奉軍入山海關奉天兵站總監部令徵鐵嶺戰時軍草二百萬  
勛二月徵民夫二百名四月又徵民夫一百二十名大車六十輛是年  
秋奉天糧秣場又徵鐵嶺應攤平時給養軍草二百萬勛

按是年奉軍入北京下北口

十六年奉軍入山海關八月徵鐵嶺民夫一百六十名大車四十輛

十七年十二月三十日因南北統一奉文鐵嶺改懸青天白日旗

十八年奉軍北去防俄十一月徵鐵嶺民夫一百九十六名大車九十  
八輛






鐵嶺縣志卷十六

古蹟

黃沙漠漠雨雪霏霏非邊地之景象耶輪軌輻湊百貨雲屯非物質之文明耶西竊東洛雖鄰勝國舊都漢瓦秦磚絕少先朝故物殘缺剝蝕文獻無徵此考古者不禁躊躇扼腕者也登郝中丞之講學室物是人非觀李將軍之看花樓垣頽瓦敗而況去今未遠僅二三百年前之遺跡茲就見聞所及分類述之志古蹟



蘇州府志  
卷之四  
PDG

鐵嶺縣志卷十六

古蹟

看花樓

在東門外商戶院內其地係明寧遠伯李成梁故宅樓址

猶存有石額尺許其面若梅幹參差

石羊

舊譙樓南有石羊二相傳係遼東總兵官李成梁祖塋前之物今因廢譙樓改建八角樓將石羊移於城隍廟中

鐵牛

在城內西北隅圓通寺門前左右各一今僅生鐵二堆有形而已

石人石馬

在城東二十里屠樓子村相傳係李成梁祖墳前之物

石貓

城東三十五里貓崖子村西山旁柴河中有巨石亭亭獨立

其上復有橫石蹲踞如貓狀故名其村曰貓崖子

將軍石 亦在貓崖子村西巨石文餘臥柴河中相傳唐薛仁貴東

征時飲水處

七真洞 城東六十里太平寨山陰有洞其洞外有石床石棋盤棋

子洞中時有蝙蝠外出飛翔

汎河洞 城南三十里汎河站村東汎河北岸有小廟一廟旁有洞

石棚 城南十二里帽峯山其山巔之西面舊有石棚後爲俄人所

毀棚內並有石洞

朝陽洞 城東南三十五里催陣堡村迤東約三里許山半有廟廟

旁有石洞頗深長其地有蛇大二

古石佛

城西南九十里石佛寺村西遼河旁山上有石佛一尊手

有所似執圭璧之類皆係以石爲之不知何代之物土人不知保存  
今埋沒土中矣

古鐵井

大汎河村北三四里許新興堡村南有古鐵井一今猶存

俗名北古城子

古祠廟

孔廟

在縣城內東南隅儒學署東院明正統元年建學宮於鐵嶺

衛治東南伊時但有學宮而無訓導嘉靖十六年重修後廢清康熙

三十七年知縣許志進於此捐建聖殿三楹櫺星門一楹餘詳學宮

文昌宮

在孔廟東院尊經閣下今廢

城內關帝廟 在城內中街清康熙年間修有郝公浴撰文康熙十三年縣令彭其儁倡捐重修乾隆間地震毀之縣令賽尙阿防禦崔守興等倡捐修之增修後殿廟門內並築有戲樓

西關關帝廟 在西關大街民國三年因奉令關岳合祀遂設關岳木主於尊經閣下民國十八年因其地址湫溢經縣長黃世芳將關岳木主並配享及東西廡各木主均移於此關帝廟中現稱關岳廟鄉賢祠 在孔廟內櫺星門外西側

孝子祠 在孔廟內櫺星門外東側

節孝祠 原在城內舊典史署大門外迤西清雍正六年建同治八年縣令福培倡捐重修奉祀旌表各節烈婦之木主今移於孔廟內

樞星門外西側

龍母廟 在孔廟前康熙七年建

火神廟 一在南門裡乾隆三十六年縣令永安修

火神廟 一在西關前街

山神廟 城內南街又名七聖祠順治十年建

城隍廟 城內西街康熙八年縣令賈宏文重修乾隆四年縣令李

君珠又修咸豐間增修寢宮今寢宮併入第二小學校

廣嗣庵 城內西南隅道光十六年縣令富顯重修

圓通寺 城內西北隅爲境內最古之廟按舊縣志云明洪武二十

三年置鐵嶺衛有古剎在城東北隅伊時衛城在今縣城之西故云



東北隅也宣德三年指揮使施興因舊址營之名之曰圓通寺天順六年重修有陳循撰文詳見藝文志萬曆二十三年寧遠伯李成梁重修清崇德八年賜銀建碑

慈清寺

在城東龍首山上其前殿名三清觀東臨柴河西瞰市廛南有古浮屠一座院內松蔭蒼涼門外有石碣一係邑貢生魏燮均撰並書碑陰題有鐵嶺八景古塔於民國十七年邑人重修在塔中得石碑一今將石碑築於塔東側石亭之東墻中以期永遠保存又於塔中得銅鏡一銅佛一銅碑一其文曰

重修秀峰寺塔記

秀峯寺建於蔚州城東三里柴河之西龍山之陽即今水潮寺也原無

塔弘治己酉信士高璟建此塔於秀峯之巔爲此寺狀色後三十餘年璟姪孫醫官釜修于嘉靖甲辰四十八年坍塌日甚鎮守總兵寧遠伯李公成梁每于擒胡拓地之賜即動修寺建塔之心故於萬曆辛卯令工師盧兵李應時僧陶法明法顯率匠役殘缺者補之原無者增之粉飾修治雖罄賞資不恤也是此塔燦然一新繼高公而再見也岡因玩感謹特發心功是助緣善信勒之於碑以爲後世記云

萬曆十九年六月吉旦庠生高岡書記

其一銅碑但刻錄捐資姓名茲不錄現在銅碑銅佛銅鏡均存於寺之西廊中

文昌宮

原在銀岡書院郝公祠之前即今教育局局長辦公室也

有像二尊現將其像移於孔廟舊尊經閣上

郝公祠 即供奉中山郝復陽先生在今教育局後院舊爲中山先

生謫居時講學處

祖越寺 在龍首山慈濟寺之北其門北向爲工人賽會之地俗名

曰祖師廟廟前眺望風景極佳

高臺廟 在東關爲昔日迎春之地雍正六年修

龍王廟 在東關四眼井

二虎廟 在東關距山甚近門前有石虎二故名

社稷壇 在南門外今無存

風雲雷雨山川壇 舊址在社稷壇附近

農神廟

在南門外清雍正六年縣令高烈倡修嘉慶七年縣令德

春重修

銅鐘寺

在西關後街相傳舊有銅鐘

厲壇

城西北俗呼孤魂台

三官廟

在北關明萬歷年修

藥王廟

在北關

財神廟

在北關清乾隆七年縣令德春倡修

以上各祠廟均在城內及各關

治城迤東諸村之祠廟

保安寺

城東十二里熊官人屯北山上光緒年間重修殿宇三層

因山構造金碧輝煌今之區立小學校在其院內

龍泉寺

城東三十里宿老屯清崇德八年建

火神廟

亦在宿老屯清崇德八年建

黃石礮子古廟

城東三十五里黃石礮子村西山上地臨柴河形

勢獨擅

觀音閣

城東三十五里催陣堡北嶺半山中山嶺峻險車馬通行

不易

大安寺

亦在催陣堡清崇德八年建

保安寺

在城東南四十里花豹冲

朝陽寺

在城東南四十二里酏酪屯

上帝廟 在城東五十里撫安堡

映水寺 亦在撫安堡村迤北山之半

治城迤南諸村之廟

太安寺 城南二十九里殷家屯明萬曆二十二年李朝住建清崇

德八年賜銀重修

慈覺寺 城南三十二里汎河站地踞高山下臨汎河殿宇三層

永安寺 城南三十三里大汎河

上帝廟 在大汎河明弘治四年建碑文見藝文志

玄帝廟 亦在大汎河明隆慶元年重修

關王廟 亦在大汎河明萬曆四十二年重修

火神廟

亦在大汎河明萬曆年間重修

永寧菴

亦在大汎河明萬曆八年新建

地藏寺

亦在大汎河清崇德五年寺僧郭寬禮等重修

眞武廟

亦在大汎河咸豐年間御史鄧慶麟捐資重修鄧係本邑

人事詳鄉宦志其廟甚古建立年月不可考

湧泉寺

在城東五十里魏豹冲明萬曆三十六年李大將軍成梁

建清崇德八年賜銀重修

永興寺

在城南六十里懿路明洪武初年建

城隍廟

亦在懿路此廟最古崇德八年重修

子孫聖母廟

亦在懿路崇德八年修

慈蔭寺

亦在懿路崇德八年修

地藏寺

亦在懿路崇德八年賜銀重修

興隆寺

城東南六十里三岔子崇德八年建今改耶穌教堂

治城迤西諸村之祠廟

龍王廟

城西五里馬蓬溝

喇嘛廟

城西十五里三台子爲黃教喇嘛聚會之所

眞武廟

城西二十里鎮西堡

大台山廟

城西二十五里大台山半有廟旁有洞今塞

觀音閣

城西三十五里大青堆子村西

延壽寺

城西六十里王千總堡子崇德八年賜銀重修



治城迤北諸村之祠廟

龍王廟

城北五里雙岔口

遞運所村古廟

城東北五里遞運所村佛堂神廟明洪武年間創

修嘉靖年間接修萬曆十九年重修

古城

銀州古城

在今城迤西已詳建置沿革門建於遼金時代明洪武

移鐵嶺衛於此即其地也係仍古之舊城抑係另建新城殆不可考  
至清廢衛改縣乾隆四十六年移建今城詳見城池門今尚有舊蹟  
可尋

撫安古城

按舊縣志金代築之在今城東五十里撫安堡北門石

額猶存曰來遠門考金史本境無撫安縣然其地確係古城今其  
之廟即北門舊址而建也據土人云掘土每掘出陶器如盤盃之類  
確係土質決非瓷類約係高麗之物其城或爲高麗城歟

貴德州古城 在縣南三十里大范河村詳見建置沿革門其地自  
遼金以迄明代屢有建置中左千戶所即其地也考其村之古廟及  
碑碣所載確係重鎮無疑今其村尙有東西南北四關之稱惟係何  
鎮名不可詳考其城周圍三里

新興縣古城 金代築之在今城南十五里新興堡村南

挹婁古城 在城南六十里懿路其地自漢以迄有明屢有沿革或  
爲挹婁國或爲挹婁縣其城之北門猶存城牆舊基皆爲人民建築

房舍城周圍三十五里

鎮西堡古城

明李成梁戰插漢處在城西二十里鎮西堡原有古城不知建於何代城基尙存後在北門城基上立眞武廟鐵像階下有石匾題曰永安門約係西門堡西里許有永安堡村

石佛寺古城

在城西南九十里石佛寺

銅山縣古城

按金史南有柴河北有清河西有遼河應在今之城北或即明之鐵嶺衛舊城抑即今之城址然今之縣城確非古之舊城

雙城縣古城

在城西六十里古城子村遺蹟尙有可尋

咸平府古城

在城北二十里平頂堡村遼金時或爲咸平府或爲

咸平縣皆其地也今其村人尙稱其村西曰城上村東曰城下

古墳墓

李總兵祖墓

相傳舊譙樓下係明總兵李成梁祖墓原在譙樓前

有石羊二即墓前之物今因毀譙樓改建八角樓將石羊移至城隍

廟

李總兵墓

城東二十五里新故有李成梁墓墓前石人石馬今已

沒於土中

李總兵墓

城東三十里小屯村有李成梁之子總兵李如松之墓

墓前石坊石碑及石人馬等物今皆毀壞

輔國公墓

清輔國公噶布喇之墓在城東六十里大甸子墓前有

九眼蛟龍碑巍然獨存碑極高大其墳地數十日皆爲墳主所價賣  
今惟餘小草房一所係看墳人所住

僖國公墓

清僖國公之墓在城東北五里遞運所尙有祭田

趙家溝古墓

在城東十里趙家溝有清輔國將軍之墓墓地極寬

廣松樹林甚多墓前碑碣猶存御賜碑文尙可辨識

金氏古墓

清初侍郎金玉和金維城父子之墓在城北十二里椴

木嶺子九眼蛟龍碑尙存亦鐫御賜碑文

金氏古墓

清順治八年金炳世母王氏葬此在石佛寺村南墓前

左右二碑猶存

古浮圖

城內白塔 在城內西北隅圓通寺後十三級相傳唐太和二年建

明寧遠伯李成梁家屬補修有銅牌一上書捐款人姓名清光緒年

間墜落現銅牌猶存寺中

龍首山古塔 在城東龍首山上有九級古塔民國十七年邑人見

塔將傾圮募資補修於塔中得石碑一碑載明宏治年間建此塔補  
修畢復將石碑建以石亭置碑於其中

城南小塔 城東南三里許駐蹕山有七級小塔

塔灣小塔 城東十里小白梨溝村西山上有小塔今已傾圮

石佛寺塔 城西南九十里石佛寺村西山上有塔七級不知建於

何代

古碑

圓通寺古碑

明天順年間立有陳循撰文陳爲明大學士謫於鐵

嶺因流寓焉

雙塔寺古碑

城南大范河村古爲范河城有建豎汎城雙塔記碑

記汎城創自明正統年間係弘治四年古南陳儀撰文有石塔二

玄帝廟古碑

城南大汎河有重修玄帝廟碑明隆慶元年立

關王廟古碑

城南大汎河有重修關帝廟碑明萬曆四十二年立

永寧巷古碑

城南大汎河有新建永寧巷碑係明萬曆八年晉陽

賀讚撰文

火神廟古碑

城南大汎河有重修火神廟碑明萬曆年間立

遞運所古碑

城東北五里遞運所村有重修佛堂神廟碑明萬曆

辛亥立

宿老屯古碑

城東三十里宿老屯村有重修神祠碑明萬曆四十

六年立

三官廟古碑

城北關三官廟有古碑一上下皆壞文亦剝蝕殊難

辨識明嘉靖癸亥年立

輔國公神道碑

在城東六十里大甸子村東里許碑極偉大

輔國將軍墓碑

城東五里趙家溝清國將軍額儀墓前有碑康熙

五十七年立

陳公德政碑

陳公名藝江蘇宜興縣人民國元年蒞本縣知事六



年離任邑人思之立德政碑於龍首山西坡題曰萬家生佛碑文模  
糊不可辨識

古額

致知格物之堂 教育局係前銀岡書院舊址原爲中山郝復陽先  
生住室先生手書致知格物之堂匾額至今猶存先生因謫居講學  
於此開本境文化之先詳見寓賢卷

尊經閣 孔廟東院舊有尊經閣其匾額係曾國藩書今藏孔廟之  
大成殿中

毘盧眞境 龍首山之巔慈清寺佛殿上懸毘盧眞境匾額係明人  
傅山書

觀音海會匾額

亦在慈清寺筆姿蒼老不知何人所書

地藏幽都匾額

亦在慈清寺筆勢飛舞不知何人所書

攬勝

龍首山上慈清寺東廊外懸攬勝匾額一方書法蒼偉乾隆

年間鐵嶺縣知縣許志進書

魁星樓之四匾額

東面

光照龍山乾隆三十八年鐵嶺縣訓導岳琰書

南面

文煥離明同治九年鐵嶺掌路記防禦雙成立

西面

筆參造化同治九年歲貢生周暉書

北面

星輝斗極同治九年鐵嶺縣訓導劉玉林書

古關隘

山頭關

城北二十里平頂堡村遼金時代嘗置咸平府或咸平縣  
山頭堡村之南平頂堡村之北山岡按盛京通志明時設山頭關清  
順治十五年又設關於此今廢

古邊

老邊 城西北二十五里大台山南有邊壕俗名曰老邊經心田堡  
永安堡鎮西堡增盛堡過遼河歷高台子藥王廟西邊由鮑家岡子  
入瀋陽界北邊由大台山上修起北經老邊入開原界

古墩台

城西二十里鎮西堡村西北三十五里有古墩台在大青堆子村及小  
青堆子村附近又由城南頭台子經二台子新興舖得勝台大汎河城

南鋪腰鋪大八里莊至新台子入瀋陽界此係伊古傳遞公文之台站也

### 古礮台

城西南九十里石佛寺山上有古礮台上有刻石文曰架礮台相傳築自明代

### 河堤

由西起經藥王廟村西面黃河子至索龍岡子朱爾山後山根止又由此起而南約十餘里至瀋陽界止約之此堤由汎河入遼河之處起西南延遼河一帶以防遼水之汎濫也

### 古長溝

長溝一 由法庫界獅子峪西山下起經王千總堡子東田家窩棚

前後網戶屯宗荒地蔡牛象堡子紅山嘴入遼河

長溝二 又名小麒麟河由上魏台冲群山峙巨楊士屯孤家子經

懿路新台子安心台諸民屯東中西三長溝沿村由西小河口入遼

河

長溝三 由遼海屯東山起經牛象岡子新興堡二十里堡得勝台

北入蓮子湖又經康熙樓南章家窩棚至鮎魚臥子入遼河

以上三溝昔年約係河流或爲由山中發出之水所經過也

### 名勝

鐵嶺古銀州地東倚龍山西帶遼河南有汎河北環柴水不但占地勢

上之形勝其巨景亦頗堪遊覽。騷人遷客對景留題，地以人傳，歟抑人以地傳，歟。茲歷述其名勝如下。

龍首山

在城東里許，爲邑中名勝之最。山巔有慈清寺，東西兩廊。

陳設古器及名賢書畫。民國十年，邑紳曾憲文募集資金，就廟之山門改建酒樓，三楹，額曰醉翁樓。官紳往往晏飲於此樓之上下，滿壁琳琅，多係名人題詠。登樓遠望，萬瓦鱗鱗，呈於眼底；西眺遼河，帆檣如織，俯視麒麟河環繞如帶，麒麟河即柴河也。廟內東建半墻亭，廟之西側爲宿雲亭，寺前爲警察守望樓，再南爲陶然亭，亭南爲九級浮屠，已詳前志。塔之左側新築石亭，亭內建石碑，邑紳金化昆撰文記述重修古塔並保存塔中之古石碑始末。塔南爲滴翠亭，再南爲

魁星樓樓原在城之東南隅城牆角上因山上新建亭臺故移魁星樓於此樓之西建小房一間題曰野人窩樓之南山巔上爲稻香亭總之龍首山實爲邑中天然之最佳名勝雖經人工極力點綴尙不掩其本來面目

帽峯山 在城南十二里爲邑中八景之一昔年雲樹參天山頂西側有石棚今已毀山中有朝陽寺風景幽邃但局勢較小現已爲人所報領

茨溝 在城南二十里顧官屯村東北草木森茂山中有聖水寺風景亦頗幽雅其局勢較帽峯山稍大

朝陽洞 在城東南三十里催陣堡村東三里許洞在山之半在廟

之旁廟亦名朝陽寺下臨汎河一望村落瞭然與龍首山彷彿相似

洞中有巨蛇長數丈出洞飲水村人往往有見之者

大台山 在城西北二十五里山上有廟且有古洞爲人所塞現又

經住持道人開鑿後臨遼河風景頗勝

### 公園

在龍首山之西南陽昔年樹木花果甚多土人不知保存毀折殆盡民國二年設共和俱樂部於此現已改稱俱樂部公園遍植花木業已成陰春秋佳日夕陽西下士女如雲樓臺亭榭極盡大觀誠邑中最好之遊樂場也陳公德政碑在園之西側園之西端民國十八年新建鐵門題曰俱樂部公園其楹聯云



登其巔眼界大開豈僅城郭環觀山川共覽  
入此境胸襟頓豁不覺心神活潑文氣軒昂

知鐵嶺縣事黃世芳撰書

鐵嶺八景

邑中八景由來久矣不知始於何代明大學士陳循謫戍鐵嶺時即有  
分詠八景詩詩載藝文中按明史陳係永樂九年進士第一其戍鐵嶺  
時在英宗復辟之初天順年間可知八景之已古矣後人亦有詠八景  
詩者

山郭朝煙

鐵嶺城東倚龍首山西爲東郭再西爲民居爲市廛爲

城池朝瞰初上萬戶炊煙燦爛縈繚互相暉映登山一望可稱奇觀

柴河晚渡

柴河逼臨山下昔無橋梁以舟濟人每當夕陽在山歸人喚渡前呼後應往來不絕亦佳景也

蓬渡風帆

城西五里之馬蓬溝乃遼河之古渡也糧船貨船帆檣

如織登高遠眺勢若浮漚北極風沙南連雲樹極目之力頗稱大觀

帽峯雲樹

即城南之帽峯山也山頂如帽雲樹迷離城中亦能望

見

龍首尋秋

龍首山樹木蔥蘢涼秋九月紅葉滿山吾人對之頗增

詩料

鴛湖泛月

按盛京通志鴛鴦湖在城西三十里考本境遼河西二

十五里掉龍灣昔有荷花每值盛開清香襲人而盛京通志稱三十

里是耶非耶尙待確查

白塔橫雲

指城中白塔而言積雨新晴登山遙望確有此景

紅崖積雪

城西二十里有紅土崖俗名紅崖嘴南北長約十餘里

每逢冬季積雪滿山紅白相間加以日光掩映真奇觀也

鐵嶺縣志卷十七

慈善

無所爲而爲者曰天理有所爲而爲者曰人欲自然之慈善無所爲而爲者也有心之慈善有所爲而爲者也然此可以語邦之士大夫不可以語今世一般之衆徒三代以下之人惟恐不好名旨哉言也芸芸有衆苦者恒多水旱災祲何時蔑有拯救之扶助之純任自然非卽所謂有不忍人之心者乎孟子之言曰今人乍見孺子將入於井皆有怵惕惻忍之心非所以內交於孺子之父母也非所以要譽於鄉黨朋友也非惡其聲而然也此卽無所爲而爲者也天理也彼放生持齋造佛立塔者流乃於人欲之外別闢一途又出於有所爲而爲之之下不獨無

金華集 卷一  
關於世道人心而實賊之不自知覺世人不察謬謂可入慈善之類在  
昔曾有以帝王之尊捨身佛寺茹素戒殺終不免滅國辱身餓死臺城  
愚蒙之態可哀可憫鐵嶺之慈善不如是也志慈善

鐵嶺縣志卷十七

慈善

孤貧院

鐵嶺官設孤貧院在南門外一般殘廢年老無告者收入焉其額未詳按月由倉房同官倉倉米羨餘項下撥與倉米恤養之並設頭目一人管理之此官辦慈善也有清二百六十餘年列入行政民國成立後廢之其地址亦由官丈放

柴河善橋

清同治八年邑人王鍾嶽因柴河於封凍解凍之時行人裹足自出秫秸及木料築橋於龍首山下以便行人冬築夏拆歷有年所王故後糧

商世有號財東楊生春繼之拳匪之亂楊他徙橋亦廢光緒三十二年商會成立經商會又建橋於柴河之北渡口宣統二年城廂自治會成立經城廂自治會又添造渡船一隻四時遂均無病涉之患焉

### 公共墓地

清同治十三年鐵嶺知縣文景因本地僑民日多凡有死亡無處埋葬在龍首山西麓圈地一塊約二十畝作公共墓地凡旅居者貧者皆得埋葬之至民國七年該處葬滿已無隙地經邑人又在舊地迤西山坡間購地三十畝接續辦理兼寓不沒前人之善焉

### 施種牛痘

清光緒二十六年醫士張承甲自備經費施種牛痘稟准旗民兩署備

案並在縣署門前隙地建房設局以便施種歷辦有年光緒三十二年警察成立設衛生局維時來種者日多恐難持久由警察衛生捐款項下按年津貼洋七十元以補助之至民國二年張醫士鑑於警款支絀將津貼之項自請停止仍自行施種

### 義賑

宣統三年秋霍亂成災全境之田淹沒過半大饑道武昌起義蟲鼠恣嘍惶惑不知知縣徐麟瑞召集縣議事會城廂自治會合併條議辦法以賑濟之當經議定核准凡地方未被災之區每種地十畝之戶捐紅糧二升名曰額捐其不種地之戶與種地已納額捐外再行捐助者名曰特捐又由縣署撥給罰款洋七十二元西三鄉募集洋二十元縣議



事會各議員捐助洋一百六十元再以額捐特捐各糧共得紅糧二千零三十五石七斗八升由縣知事商同兩級自治核訂放賑簡章由縣派妥實人員偕同各鄉董佐等照章發放以極貧次貧大口小口爲準計極貧災民大口共五千四百五十七人每人二斗計糧一千零九十一石四斗小口共二千五百二十三人每人一斗計糧二百五十二石三斗次貧災民大口共四千二百八十七人每人一斗二升計糧五百四十四石四斗小口共一千八百八十七人每人六升計糧一百十三石二斗二升通共合糧一千九百七十一石三斗六升下餘糧六十四石四斗二升即以此數抵補斗耗實惠普及民心大定縣自治議事會議長福珠隆阿又自行捐糧一百石

施診

民國三年夏大疫佛教會籌款施診所凡窮困無力醫治者悉由該所療治之醫士丁壽椿劉寶善李麟閣任施診之責每日早九鐘至晚二鐘爲診治時間應用藥品病者自購

募糧賑災

民國六年六月大水較宣統三年尤甚縣知事陳藝携同紳耆在城內設賑務局分頭勸募共募洋 元公推幹事數人購紅糧小米

石計人發放按賑災不賑貧辦法俾欸不虛糜人受實惠是年九月間上海賑災救濟會匯到洋五千元棉衣一千九百件一並派員按各災區發放焉

粥場

民國十四年冬因郭松齡之亂道塗隔絕凡北去南旋之難民咸萃於此縣知事高公乃濤募款二千餘元購糧一百餘石借西關營部空房設立粥場一日兩餐活人甚夥由十月一日起至次年二月一日止亂定時和一班難民行者亦將就道止者亦易謀生隨即結束十五十六兩年因冬季難民覓食匪易仍如前辦理而施糧者日衆且有不露名者從此每至冬季貧民視爲常例矣十七年冬縣長黃公世芳以此舉民命攸關不可中斷正擬籌款續辦適有邑南小河口住民張獻之稟稱民人曾在附近各處勸募紅糧一百五十石預備設場煮粥以食貧者惟願在人烟稠密處所設立庶就食者多而且便未敢擅便懇請指

示縣長黃公以該民惠愛爲懷當即嘉獎准如所請遂委人在城內北關糧市場設立粥場一切辦法悉仿從前十八年亦如之其粥糧仍由張君勸募

### 助欸興學

邑東關附生張希齡性情長厚不忤不求人多稱之光緒季年病卒遺囑捐束錢一萬緡作興學之用嗣由勸學所支配用此欸津貼東關女子兩等小學

### 道士修嶺

邑有劉道士者不知其名人皆以劉老道呼之年五十許蓬首羈衣凡道路橋梁有阻碍者必親爲修治且必修治盡善而後已數十年如一

日邑西北關各石橋均其成績也最著者東關龍首山下小嶺子爲邑東各村屯往來必經之路其嶺東面巨石陡起偏仄而峻車馬往來脫輻傷人之事時有所聞民國十五年春劉道士隻身修治雖狂風烈日工作不懈經年竣事將中間巨石剷除淨盡遠近之人無不鑑其誠而感其德如劉道士者可謂好善不倦而具移山之力矣

鐵嶺縣志卷十八

災異

事足爲害之謂災事不經見之謂異鐵嶺災異遠不可知有清至今幾三百年此三百年中或得之父老傳聞或見之碑碣載記或於近數十年中目睹身經拉雜書此萃於一編謂爲修省之借鏡可謂爲往事之攷證亦可關心民瘼者當知所務矣志災異

This image shows a blank page from a traditional Chinese ledger or account book. The page is ruled with vertical lines to create columns for recording data. On the right side, there is a header section with several small, illegible characters. The page is otherwise empty of text or numbers.

Header (illegible characters)									



鐵嶺縣志卷十八

災異

火災

清雍正十年城內西街大火縣署被焚

地震

乾隆四十年地震電火衝出廬舍傾倒中街關帝廟燬殆非常巨災也  
見舊關帝廟碑文

水災

道光二十六年大水東門外可乘船

火災



咸豐二年大火東西城樓同燬

以上皆見舊志

土匪之亂

同治四年土匪陷城入股土匪徐占一馬傻子由開原竄入縣境四旗制兵無備遂破城劫獄積年案牘悉被焚燬知縣易增棄城去居民逃避一空是年天氣奇寒孩童因避亂有凍斃者

火災

同治六年東關大火延燒民舍一百三十餘家邑詩人魏子亭有大火行紀其事見九梅邨詩集註

大疫

光緒三年夏大疫死者相望馬蓬溝爲河運碼頭死者尤衆

火災

光緒九年城內西街大火商號十三家同燼

水災

光緒十一年七月大水糧船麪集北門外東抵東山西抵西山

紅埠頭

汪

洋無際

火災

光緒十五年城內東街大火商號二十一家同燼

大疫

光緒二十一年大疫中日戰後厲氣傳播秋七月遂發生陰霍亂吐洩

抽擣傾刻殞命北門外旅店一夜死五人

拳匪之亂

光緒二十六年拳匪肇禍義和拳之初起皆童稚習之而西南閉目誦呪須臾神來附身如醉如癡呼號跳擲索刀杖索飲食自稱神聖識者憂之未幾游民地痞紛然加入或以紅帕蒙首或以黃布繫腰百十成群來去無定六月十一日有李寡婦自稱紅燈照率拳匪多人焚耶穌天主兩教堂午間又焚俄人在境借築之鐵路愚民隨而觀者千人俄軍禦之開槍迎擊斃李寡婦於路側之麥田拳匪死者亦十餘人紛然散去晚間拳匪復麇集於城內之關帝廟設壇聚衆閉南北西各城門僅留東門俄兵又屢欲攻城偵騎四出居民倉卒逃避皆無定所適由

北來新募之游勇五十人過境稱鐵山包

鐵山包乃吉林中山之屋戶橋於騎射者

邑防禦博清額挽

留守城遂登城協守俄人亦以兵單勢孤竟棄輜重而去先是邑令楊昌瀚不信其術囚拳匪數人後拳匪來者日衆劫之去並加楊昌瀚以非常凌辱幾遭不測楊驚悸成疾撤省委孟憲彝爲鐵嶺知縣時奉天副都統晉昌仰承京師王大臣意旨信拳匪爲義民改義和拳爲義和團時有縣署轎夫蒙永潛赴省垣勾接潘陽奸民侯姓楊姓爲大法師來縣建壇設團於是趨者愈衆日呼燒香灑水持刀搜殺稍涉嫌疑即殺人其火其居死者日衆先尙以查教爲名繼則不論其教不教一言不合抄殺隨之政紀紛亂百姓重足而立人人自危秋七月清廷知拳民之不可恃始有勦辦之命知縣孟憲彝督練勇捕之僅斬侯楊二法

師餘悉不問

棄城縱獄兵匪焚掠全縣之亂

庚子閏八月知聯軍已陷京師清廷西狩奉天將軍增祺見俄軍日逼遂棄城北去於是駐劄省內之仁育兩軍同時潰散省北各縣之禍實肇於此閏八月初七日鐵嶺知縣孟憲彝開放監獄縱死囚任其所之擄其練勇二百人亦棄城避於遼河西獅子峪初十日仁育兩軍之潰勇千百成群大掠而來全縣居民因縣中無主空城逃避任人攫取潰軍未去土匪又來東門外大街南北焚燒二十餘日無人過問有楚人一炬之慨真建邑以來第一巨災也當棄城開獄縱囚時內有多年積匪孟憲廷又稱孟喜亭同在縱中孟出獄後糾其同黨分頭招集不日

即聚有千人以開原界內河套高家船爲巢穴令遼河西各郵屯供應之不從者立予焚掠鄉民之懼者反謬爲恭順求免一時之禍訥者終日閉門妻子對泣不知所出除孟憲廷大股胡匪外其他零星土寇忽聚忽散烤掠焚殺或一日數起或一人屢遭遼河西百數十屯遍地匪跡管帶孟縣令之練勇哨官范聚魁先同逃於獅子峪後知俄人入境並不殺人孟縣令回任因俄人在境禁軍火甚嚴犯則槍殺范聚魁携練勇二百人居於遼河西之黃國棟名村范令該村民夫築壕爲久居計孟憲廷知而惡之而范又不自約束大索金錢所積甚富孟豔之於是年九月二十六日孟以大股悍匪猛撲該村守壕者皆民夫不能禦練勇等情婦日久無心應戰壕淺土鬆頃刻立破練勇二百人各鳥獸散

民夫死者甚多范僅携數人潰圍出賊跟追不休范狼狽南行於九月二十九日孟憲廷槍殺范衆魁於遼河西之十五間房孟憲廷之勞愈張時駐鐵之俄軍日衆俄人亦知孟廷憲爲一方巨匪恐其爲患由俄軍携礮往勦直抵高家船伐林填壕焚其巢穴孟憲廷知不能敵先期遁巢穴已失黨羽星散遂告粗平冬十一月新令英麟來代

按鐵嶺當有清光緒庚子辛丑之際亦難言矣拳匪爲害殺人如麻

其機竟發於一與臺阜隸之手

司員與者亦永阜省城馬家堡爲二人爲法創案始發則蒙永爲之主攻人

及奉令勦除縱

蒙永便先去僅戮侯楊二人而被害者不盡教民吞聲而已俄軍未至棄城去名城無主逃兵大掠於前土匪羅挾於後十室九空寸縷無遺又復沿街縱火二十日無人過問晝則燭塵蔽日夜則火光直

衝霄漢據事後之調查彼時鐵嶺商務稱爲極盛最著之糧商計四十八戶共焚燬大豆四十四萬石雜糧三十萬石食鹽二十八萬石其雜貨商山貨商綉緞商又五十餘家麻縷絲絮布帛菽粟其損失約值東錢千萬帛此外城內及關廂零星商戶約二百家其損失無從估計其開獄縱囚也不問犯之輕重盡釋之孟憲廷本爲多年積匪黨羽甚衆以致河西百數十屯無一片乾淨土哨官范聚魁居於黃國棟其行爲與孟憲廷同疑匪疑兵無從辨別而此百數十屯柴草米糧金錢牛酒恣其意而取之名曰供應供於孟者十之六七供於范者十之三四至其任意焚殺隨時淫掠猶其餘事火炎崑岡玉石俱焚鐵嶺元氣盡矣今相去三十年故老猶存前事如昨燔城之



金台縣志 卷之六  
一  
禍當無時忘之也

### 大疫

光緒二十八年夏大疫是時拳禍剛過兵亂粗平厲氣所積遂流爲大疫患者頃刻死上吐下洩霍亂轉筋時風氣未開不能防止任其傳染無法施治直至八月秋高氣爽始息

### 百斯篤

宣統二年冬大疫名百斯篤省委鐵嶺縣令徐麟瑞爲北路防疫專員先則挨戶檢查繼則隔斷交通因百斯篤發生滿洲里以致蔓延凡北來者皆含有傳染嫌疑遂在城北二十里之山頭堡設防疫所檢查行人禁止入境又在龍首山慈清祖越二寺設隔離所病者與疑似者悉

入焉防疫員司夫役皆衣白消毒之劑但以石灰酸爲要品殺菌而已  
並無醫藥斯篤之主藥病者不幸而死房屋衣服器物均付焚如疫死  
之塚亦以石灰埋之葬地在柴河東之油瓶溝攢而叢塚焉並設有焚  
屍爐以死者屍體用火焚燒方免傳染雖石灰漫塚仍不足恃聞有未  
死而生理者棺內猶作呻吟聲或傳聞之誤也蓋彼時人民尙不知百  
斯篤爲害之烈又因隔斷交通於人不便反對甚衆後死者日多或一  
家而死數人或因一人而傳染數家始有所覺悟焉

### 雪災

防疫未竣而雪災又來宣統三年元旦大雪連降三日三夜初十日雪  
十六日雪二十三日又大雪街市積雪高與簷齊往來不通隣里隔絕

因防疫又隔斷交通無人糞除貧民槁餓牲畜凍斃傳聞百斯爲遇寒彌烈於是死者日多愁慘氣象筆難悉述直至三月後氣候和暖冰雪齊融河水暴發路上行人泥深沒胷曾古今來未有之奇災也而清運遂亦告終

### 天雨冰

民國三年秋天雨冰夏正九月十四夜陰雨三更後北風起冷甚而零雨不休窗外作金石聲澈夜不絕天明一望四週之城垣樓櫓街市之房樅樹木電杆電綫凡空中百物無不積冰層疊朝陽掩映朗澈晶瑩如住琉璃世界蓋雨着萬物遇凍而凝雨不止凍亦不止遂層層凝結雖纖微之體被冰粘附竟大至數倍其重量亦隨而驟增數倍故大小

樹木及電竿電綫咸爲層冰累贅無不崩摧而四鄉因遍地凝冰消融匪易農家均不得滌場糧食柴草率多露積盡遭霉爛損失過鉅至今猶傳爲天雨冰云

水災

民國六年七月未雨而柴河大水泛濫潰決水高及丈由開原界之柴河堡澎湃而行所歷沿岸各郵屯幸皆傍山又屬白晝居民於倉卒之中尙可奔避故僅田園廬舍盡遭淹沒及經縣城乃柴水入遼之口奔赴之勢愈急日本鐵路橫貫南北水由東來驟被橫阻無地宣洩水遂橫溢旋轉縈迴北關西關盡成澤國縣知事陳藝携同紳商一面備雇漁船及趕造木排拯救一面就城根高處搭蓋席棚並購柴米乾饌以

備食宿柴河如此同時汎河亦如此二水進入遼河遼河水勢既增其下游遠行泛溢以致西南兩鄉同被淹沒城內設賑務局災區立臨時粥場暫行分頭勸捐以濟燃眉後據情申請省政府求撥巨款以備將來於是年冬底山省政府令官銀號貸予小洋五萬元作春耕之用秋後歸還月息六厘同時又有上海賑務救濟會施高粱二百石棉衣一千八百件事後或言山崩或言起蛟然北方無蛟殆非常巨災也

### 水災

民國十八年夏正六月十四日大水遼河糧道直達西門外一日又大水糧艘又抵西關七月初十又大水未及月而三成災全河斷流沒過半而是時錢法毛荒已甚高粱米每斗售小洋一百一十元柴每

車售小洋六百元省財政廳規定法價每現大洋一元值小洋六十元  
值青黃不接之時而公私交迫其流入恐怖時期矣



鐵嶺縣志卷十九

藝文志

文武以政傳管晏以功傳孔孟以道傳鄭馬以經術傳程朱以理學傳  
班馬韓柳以文章傳後漢之諸葛北宋之司馬以文章與功業並傳士  
君子生當盛世得志當時珥筆彤庭和聲鳴盛文章勳業彪炳千秋誠  
人生快心事也迺遭時不遇境與願違既不能爲華國之文章又不能  
作濟時之霖雨世無知己抱膝長吟屈子之離騷少陵之秋興或因事  
寓意寄託遙深或觸物留題別抒懷抱亦士君子獨善之義也鐵嶺地  
接草萊俗鮮文化自郝公謫居講學者衆輾轉遞遷以至今日鄉賢流  
寓著作題吟手澤心傳未覩雪泥之迹編殘簡斷難尋故紙之堆剝蝕



散失搜集維艱或得之故老流傳難徵文獻或求之私家藏襲如覓遺珠謹析爲文詩二集依年代之先後錄之志藝文

鐵嶺縣志卷十九

藝文

銀州重修圓通寺記

明大學士 陳循 泰和

佛教入中國自漢以來然矣上自公卿士夫下逮黎庶罔不尊禮之以其能作禍福報稱善惡謂此生之貧富貴賤壽夭皆夙生所爲理不必有徵然足以化愚使之畏禍嚮福不謂無功至於陰翊皇祚其用歸於永長悠久如陰陽寒暑晝夜往來循環無窮始終無盡以是而致其愛君祝國之誠則士大夫固宜崇之所謂見有禮於其君者事之如孝子之養父母也是以琳宮梵剎所在皆然夫豈無由哉國朝洪武二十三年始成銀州之城置鐵嶺衛舊有剎在城西北隅歲久頽廢宣德三年

鎮遠縣志 卷之二  
指揮施興始因其舊垣而宮之名圓通寺正統三年都指揮使康福指  
揮李俊張忝繼修葺之景泰之初今指揮使孫環偕指揮同知王斌復  
增新之至天順初祠佛棲僧之具凡所宜有者咸備克稱祝釐之所既  
成孫王二公偕住持僧圓全來謁求爲記遂如右天順六年九月勅放  
歸田七十八翁芳洲居士廬陵陳循德遵甫記

重修圓通寺碑記

明 高崇文

夫佛所從來遠矣興於漢傳於唐而尤莫勝於我朝明興垂三百年兩  
都人士及天下郡國無論一二好修小民奉佛尊經者不乏即搢紳大  
夫勳庸世胄之家靡不潔奉侈祀惟佛教之爲兢兢蓋其道原分吾儒  
之餘派而獲國佑民皆是法耳談者不得其說至抗而與之角又以奉

佛之心毀佛尊經之心叛經外亦甚矣吾郡先民當洪武初建圓通寺於城迤西攝正殿五楹立佛像三尊東列伽藍西列祖師而前列有四天王一時廟貌森儼佛光炳耀蓋犖然具矣浸淫至正統年間稍補葺而猶未修也迄於今而棟宇朽敗殿舍傾頽佛像塵蒙金身露處有識者莫不憫然而竟不能爲出一力以光大之乃寧遠伯李輕財好施暨弟原任統兵李成材共興善念遂約善人陶德明及境內助緣士夫若千人共襄厥事或出資或出粟或出物料各有差計畧刻工歷五年而功始落成焉俾廟貌重新神光再照纖毫皆李氏力也佛量無私得鑒之蒼蒼而報之冥冥者乎余雅不言佛然躬遇慈舉則擊節嘆曰此亦足以彰盛美而表鄉閭者也於是爲文以揚李氏之美用垂不朽以勵

世風云萬歷二十三年太學生高崇文撰

銀州重建三官廟記

萬歷十年賜進士舉政大夫總運  
遼東糧餉兼理屯復戶部郎中

趙惟卿

柏鄉人

天生地成六一合而水用具此三官命名之原也如道藏等經所載姓氏龍女及三元下察之說荒謬難詰然賜福解厄等語與祀典禦災捍患之意合故廟貌徧寰宇至今血食未艾也鐵嶺古銀州地成化丁己建廟於城北之柴河祀必用渡父老苦之質諸堪輿家以乾河厥土攸宜顧時詘無當其事者嘉靖壬戌太保寧遠李公初視衛篆即欲建如前議時兵戈倥偬僅仍舊貫湫隘雨注半入浸沒積歲漸頽圯矣萬曆丁卯公提兵北征過而增嗜謂不足妥神明肅禋祀也乃大捐俸金付致仕參戎宿君名仰辰者總其事宿君雅有重望復倡鄉耆之趨義者

增庫爲隆拓隘就爽東西廣十丈南北袤二十二丈台增八尺有奇周圍以磚鱗砌中建神殿三間稍前建拜亭三間左右廊六間又前過庭三間鐘鼓樓各一座兩旁俱啓角門以尊中也復建住房三間俾司香者掌啓閉關其規制揖如拱秩如序凡簷牙疊澀丹堊塗護咸輝煌錯彩巍然標勝傑矣嗚呼天地純淑之氣融結於山川者恒有待而興銀州稱雄於遼千百蘊奇抱秀乃儲精於寧遠公無論勳業燁赫爲名將第一卽此廟陲地二百餘年亦藉公而顯明昌熾豈偶然哉大約純淑之氣鍾於神則爲威靈爲感應以食報於一方鍾於人則爲豪傑爲英雄以垂芳於萬禩故通三才之說者可以悉三元之情狀矣公重厥役乃以廟狀示趙子趙子旣紀大略如前復爲迎送禱辭三章俾致祀者

歌以侑觴

辭曰靈運蟻兮雲中森森林兮龍宮橫九垓兮極日望夫君兮焉窮躬  
紫壇兮桂陳階桂椒兮蕙肴充

右迎神

揚玉卮兮拊鼓壯瑤篴兮鈞鐘靈偃蹇兮夷猶且天路兮駕飛龍役百  
靈兮橫地軸輾靈輿兮賸從并欣欣兮姣服響將澹兮紛來同

右降神

靈皇皇兮既留炎高舉兮雲旒若雨暘兮靈氣凝奠厥居兮開壽道百  
川兮不波福無極兮銀州

右送神

重修關帝廟碑

媯川賈弘文

本縣知縣

惟帝大節正氣垂之竹帛昭於萬古薄海內外咸尊崇敬事之故廟貌徧寰宇千百年來血食未已也鐵嶺古銀州地先是土人即廢基設廟西門外規制陜隘康熙癸卯歲王公之綱孫公梗倡鄉耆之趨義者共捐已貲卜地於城之中央東西廣九丈南北袤三十丈令宏敞也中建大殿三間安神居也綵繪棟宇彰事跡美瞻仰也外聯拜庭三間使深邃肅趨躋也左右各建樓一座懸鐘鼓也前建大門馬殿獻樓三間旁啓角間尊中路也時至禋祀獻戲以侑神也後建廊房六間俾司香者供灑掃事啓閉也規制巍麗錯彩煥然稱勝概矣嗚呼以帝之威靈赫赫在天固不以是爲隆污而人心樂赴有不能已者但時詘財匱歷十



有餘載始克告竣嗣是保境佑民鞏皇圖於萬禩者端在乎斯矣若踵  
事增華尙有異於後之人云是爲記

鐵嶺縣舊志原敘

賈弘文

敘曰萬物法天天法道道法自然自然者何也不知其所以然而爲之  
者也古今之故誠莫違於時矣太初泐穆埭北無垠兩儀旣立三才配  
焉忽而一畫而斷之運之而重之而再重之二老六子正位於其中而  
萬事萬物遂無不本於此也噶于吹萬卽爲鐘呂之先飲血茹毛已開  
珍齊之始書契聿興而墳典丘索諸子百家不可紀極矣世代緬邈黃  
農虞夏之事猶約略可稽則史之爲也史卽志也虞書君臣告勅都兪  
一堂因事激辭炳焉與星日同朗此卽唐虞之志也夏書卽夏志商書

即殷志周書即周志也孔子刪書而終秦誓所謂其或繼周百世可知者已露一端矣蕭何爲漢功第一以入秦先得丞相御史律令圖書藏之漢王所以具知天下阨塞戶口多寡強弱之處以何具得秦圖書故也魏晉以還皆以蘭臺石室之藏擴集成書遂代各有史孔子因魯史以成春秋筆則筆削則削游夏不能贊一辭而揆以天理民彝之正亦猶之乎不知其所以然而爲之者也余未受簡命之先已奉有旨令直省府州縣各修志書數年矣蒞任以後府檄頻催而苦無以應今歲秋冬之際乃與紳士之隸籍茲土者謀所以終其事首建置謂邑立而後諸務興也次疆域謂畫域而理官司之守也國家賞賚祿予士馬兵甲之費胥於賦入取給焉故田賦次之戶口又即次之學校則此地所無

然事之大者不可復故學校次之官師相代失得之故即在衆多之口  
堯湯水旱聖帝明王弗免焉其有事於此卓然有所樹立皆高山之仰  
也世無傳人而有傳文文傳而人亦傳故次官師次祥異次人物而以  
藝文終大款九而細曰二十有九纂輯率出董子蒐探校正諸紳士咸  
與有力余借手以觀其成耳嗟乎余於此則不能無感矣直省皆有舊  
志可依雖今昔異宜不過數十年事耳鐵嶺有志或亦開闢來所未聞  
乎令不辭固陋勉綴成編所見所聞所傳聞一邑之事大略盡此聖天  
子欲以周知天下之故衣裳萬國傳示來茲者此則一編亦備天厨一  
櫛未可少也志即史也總以時至事起不知其所以然而爲之者耳唐  
人倉頡廟詩云空階有鳥跡猶是造書時吾且溟然其際矣

原跋

董國祥

直隸黃州人

易曰斲木爲耜揉木爲耒耜之利以教天下取諸益此萬世衣食之原也周家以農事開國卜世三十卜年八百故邇風邇雅邇頌所詳皆農事焉國家念豐芑重地設立郡縣招集人民墾田殖穀所以爲根本計至深遠矣即鐵嶺居民云屯堡云台所云衝者皆昔時望烽燧謹斥堠之地麻麥幪幪瓜瓞嗒嗒其氣象爲何如哉孔子曰夏禮吾能言之杞不足徵也殷禮吾能言之宋不足徵也無徵不信吾舍周奚適哉故作春秋繫正月於王繫王於春所謂本天道以治人事大一統之義也春秋之義兼事辭道法而有之天王狩於河陽法即道也春秋未修曰兩星不及地尺而復旣修曰星實如雨辭即事也前代之事若存若亡

縣設未久鮮可紀者賈公之爲此志或據事以徵實或因言以立教忠君愛國之意媿媿溢於辭端觀光揚烈彜叙萬年於吾夫子從周之志實無媿焉寧止一邑之事云爾哉

### 六經對

左懋泰

山東萊陽人

六經非聖人爲之天地爲之也亦非天地爲之人心爲之也易始於陰陽書始於陰陽之奇偶詩始於陰陽之清濁春秋始於陰陽之推筭禮始於陰陽之往來樂始於陰陽之調鬯故經一而已而列之爲六天地之晰其數聖人之詳其教而人心之用始盡也然易首三皇書首五帝詩首三王春秋首五霸故易以象春書以象夏詩以象秋春秋以象冬而禮樂無專屬古有六代之禮亦有六代之樂先儒言六經之道同歸而

禮樂之用爲急聖人教人四府易詩書春秋而禮樂污隆其間蓋四經者聖人立教之體而禮樂治世之用不可不察也易曰上天下澤履君子以辨上下定民志又曰雷出地奮豫先王以作樂殷薦上帝以配祖考此易之禮樂也書曰夙夜惟寅直哉惟清又曰八音克諧鳳凰來儀此書之禮樂也試曰奉璋峨峨髦士攸宜又曰於論鐘鼓於樂辟雍此詩之禮樂也春秋曰天王狩於河陽又曰初獻六羽此春秋之禮樂也夫明於禮樂之原易最尙矣書詳於四代詩詳於成周禮樂之升降在焉而春秋亡於禮者之禮亡於樂者之樂也故聖人教世之心切而於春秋爲獨深豈得已哉孔子以雅頌得所爲樂正韓宣子見魯易象春秋謂周禮在是明此知禮樂之在四經而四經治世之書正以禮樂爲

人用之也世儒言六經在世如日中天今四經具有全書獨禮樂爲不備蓋經世之道體有方而用無窮四經者聖人已陳之數而禮樂萬世通變於不窮神而明之存乎其人耳禮樂莫備於成周儀禮周禮一書皆出周公今讀儀禮十七篇雖亡缺有間而所載冠昏燕射聘食喪祭諸儀於君臣朋友男女死生之文曲折盡變天地微渺之極禮記雜出漢儒亦大抵七十子之徒若高堂孟卿后蒼之倫所傳聞先聖緒論禮家精微之旨咸在則聖人之禮經亦未嘗亡也周禮大司樂一篇漢竇公嘗獨獻之所載天神地祇人鬼教學賓燕軍射飲膳考於天地四方陰陽之聲想見聖人作樂之意劉向得古樂書二十三篇今樂記乃斷取其十一篇雖后夔復起論樂於君臣父子要不外是則聖人之樂經

未嘗亡也禮樂之蘊究於學士大夫而極建於天子觀其統會以知指歸觀其致用以知隆污雍雍在宮肅肅在廟言履爲禮行樂爲樂在易曰元在書曰中在詩曰思無邪在春秋曰大居正聖賢言樂必本於禮而聖學傳心無如學庸二書其原皆載於禮記乃知樂之歸於禮而禮之原於道也易詩書春秋具存而古禮樂不盡傳亦曰待後王之用之耳善乎漢劉向之言曰禮以養人爲本今世無皋陶之法而有司請更定至於禮樂則曰不敢是敢於殺人而不敢於養人也王者治定制禮功成作樂於易得中孚之九二於書得洪範之次六於詩得國風之二南於春秋得於蒲之胥命禮行於豆觴樂通於擊壤本於一人之性情而行爲天下之風俗雖唐虞三代之盛何以加焉



前屯衛佛寺碑

萊海左懋泰

衆生見佛如日衆生自見以見佛如月日之在天和煦於春炎照於夏  
晶瑩於秋凜冽於冬日無異也人自漸於氣化所處之候與地不同而  
若異焉然亦習之而不知其關且切也惟沉陰積潦風雨淫霖經旬累  
月殺敗屋覆饑饉飄飄之不免始祈望杲日爲身家存亡之寄故衆生  
之見佛如之月受日以光其光常滿與日相對則望相踰則弦朔合則  
晦月無異也自人視之或見其面或見其側或見其背而若異焉然亦  
日聽消長而恬不省察惟晦朔之後昏黑如漆忽生線痕於坤庚之地  
若魂魄滌迴死而復甦見則心動以爲光明孤露之一線故衆生之自  
見以見佛如之醫閭遼海當乾坤鼎革天造雷雨之會富貴貧賤經歷

氣數聚散流浪空花孽果毫不自定若金在冶若土在型一聽造物之  
埏鑄舉數世積累平生繫戀天盡奪之而歸於烏有衆生從身家起念  
皆思旋不可常守之物以呼天呼父母之誠心而望冥佑之大力故衆  
生之信佛力未有如此方者則所謂積陰之日也身家既易生死念眞  
斷蓬浮梗霜摧雪掃或樸遯塵存或枝葉轉數存而憶亡盛而思衰創  
者有深痛而倅者驚後災衆生從性命起念者多能悟不堪久住之因  
以夢中知夢之幻而動修省之心故衆生之近佛心亦未有如此方者  
則所謂朔初之月也前屯衛舊有佛寺兵火丘墟因成頽廢比丘某持  
緣募化而遠近感應施者如鶩鳩工重造莊嚴一新誠佛力之宏亦此  
方人心之所至也大來居士見聞隨喜而說偈言

衆生見佛如見日春陽秋景無得失沈陰冥晦爽厥常始欲掃雲遮日  
出衆生自見如見月光明常在原無缺月之向背人不知生明一線驚  
奇絕日月於人何分別無所分別即日月但願常見如不見朝朝夜夜  
生佛國

送劉心周歸中州序

郝浴

吾道值周顯王三十三年乙酉有鄒國孟子與首嚴義利之辨覺諸侯  
距楊墨賢本朝世祖皇帝順治十六年己亥輒千九百九十五年矣於  
漢武帝建元元年辛丑有廣川董仲舒以道爲適治之路而窮其原於  
天人三策以歆帝衷暨今己亥亦千七百九十九年於平帝元始五年  
乙丑有蜀郡楊子雲慮世趨日惑至辱其身不死作太玄法言以至理

詔後世暨今已亥亦千六百五十五年於隋高祖仁壽二年癸亥有龍門王仲淹投太平十二策不錄退修盡性知命之教於河汾暨今已亥亦千百十七年於唐憲宗元和十四年已亥有南陽韓退之諫迎佛骨手抉孟子之學憤發所向以蹴踏二氏暨今已亥亦八百四十一年於宋神宗熙寧二年已酉有河南程明道咫尺天顏獻正心窒欲之方及哲宗元祐元年内寅又有程伊川啓沃經筵復請延天下道德之士兩賢以居敬窮理爲斯世斯人開入德造道之門暨今已亥亦五百九十二年于光宗紹熙五年甲寅有新安朱仲晦侍講煥章建極道民力整乾綱常提撕此心如日之升至今已亥亦四百六十六年於元世祖至元十七年有河内許仲平以祭酒歸家一惟致知力行躬膺學徒暨今

己亥亦三百八十年於明英宗天順元年丁丑有河汾薛德溫總裁天下會試以復性正學爲準至謂五經四書一性字括盡賢今己亥亦二百三年於武宗正德十三年戊寅有餘姚王伯安智擒逆藩而其學即以良知爲宗暨今己亥亦百四十二年浴俯仰二千年中赫赫名公卿祖不蘊於五霸七雄精不詭於百家二氏將使人心人理爛然犁然歸於大中至正而無一絲之或悖則數君子之功雖與日月爭光可也然斯傳一墜動至數千百年不得值大量者脫鍵撤鑰而升其堂其傳卒以不緒故天下愛而悲之曰絕學順治己亥陳留劉心周謫鐵嶺卓然若有志於數君子之爲者異哉浴察其苦心極力周五寒暑不退竊壯

其志而病其質至今上康熙二年癸卯得比例西歸浴立喜其有豁然之日矣夫中州奧區也山川人物明秀萬方今一旦縱居其中請得力雪舊抱日與二三學子登崇陽泛洛水嘲風弄月更得騎太行而摩函谷左顧伊川右睨橫渠有一日焉見此中浩浩瀚瀚晶晶瑩瑩若大海之飛濤捲雪而輒復一鏡萬里也然後揭廬於百泉蘇門之上危坐其中以究數君子之用心吾兄其有入乎

附復陽先生自記

鐵嶺古銀州也浴甲午九月謫奉天戊戌五月下嶺卜築於南門之右方十許畝中爲書室三間前有園種蔬後有園種花左壁吾臥室也右壁一帶皆吾友連屋而居也屋中造瓦床一丈風月之夕吾友畢來盡

金華集卷之十  
床跌坐牀下鑽火烹茶澆酒縱談名理至夜分不散架掃天下古今  
圖書恣吾友展玩有化人來則焚香晤對參驗竺乘屋後一岡隱然龍  
臥所謂銀岡者也雨後登之見郭外羣山紫翠交寫其北山綿亘四繞  
而東山迤邐南屬簇擁萬狀中控一背是爲鐵嶺然總維吾一線之銀  
岡殆物之有鼻祖者乎記吾岡下所種桃李皆數度開花而感實矣所  
舉二三犬子亦裒然冠而似丈夫矣吾歸之歲歲德在卯西牕北有杏  
一株發花數十倍如蠟燃白梅香色雙絕而花枝婉轉皆回頭視西是  
皆不足記獨念吾霜天雪夜一燈炳照大靜之餘徹四壁於環海晤群  
聖於斯須截然有覺心目爲豁於戲非吾銀岡吾安得有此一日也非  
吾自尊吾安得有此銀岡之一日也泣撫銀岡留爲書院有踵至吾銀

岡而默識浴一日之旨者浴即近侍於數十年遠侍於千百世心皎然如一日也是爲記

銀岡書院記

董國祥

銀岡書院者侍御郝復陽先生謫書室也先生按蜀時劉文秀爲孽先生及勳人心繕垣固圉有定傾之功世祖皇帝給欽賞先生弗受曰分心比回道考核乃以簿書微瑕鐫職二級先生故忤於藩會五中堂合薦而藩釁成矣先生以少年居此不甘寂寞乃於居室之旁結茆三間圓戶亮榻顏之以丹後植山果十餘本築台於中略有園林之致先生雖被竄逐不自暇逸時取古人之書手自編摩繼乃一意研易於六十四卦各爲圖參伍盡變思竟其所以然如是者二十有二年至康熙乙



卯上乃廉其寃以原職召還於其將歸額書室之戶外曰銀岡書院其致知格物之堂則先生原額也董子以無事漫遊其地乃屬塾師呼諸弟子之受書其中者而語之曰汝輩朝夕於斯亦知先生所以名堂之意乎知者心之靈也致者推而極之以求其無蔽也朱子即物窮理之說象山已有同異姚江則更非之余以爲猶方隅之見耳如天下國家身心意皆物也誠正修齊以至治平即格物也五倫之內君亦物也爲臣盡忠即格物也親亦物也爲子者盡孝即格物也以至夫婦昆弟朋友莫不皆然記言之曰其爲物不貳夫天地可以物言而况屬在五倫者乎此與所謂知善知惡是良知爲善去惡是格物者又何纖介之疑乎繇是言之不第朱與陸同姚江與朱陸亦無不同放之南海北海亦

無不同蓋此心此理莫有外焉者矣諸士習業於此毋自鄙薄當思所以爲忠臣爲孝子爲悌弟良友修齊誠正之事皆務實踐而體之即治國平天下無其事而有其具庶無負先生所以名堂之意哉先生名洛字復陽別號雪海順治己丑進士鎮之中山人

新建鐵嶺縣關帝廟祝文

代作

郝 浴

康熙五年丙午通邑人敬謁帝疏所以崇祀之詳惟治舊祀帝於西郭徒存數椽一時遷謫諸公疑其不稱將改祀於城帝悅而以策示焉來朝大求向方有爽壇在震直衝巽離之交登而得其位夫雲龍之所升也入之以巽開之以離變化旣行風從火出其理之善動而大有者乎自是佐領有印縣治有侯而徙官有召祈年則有秋射策則有人市利

饒民生遂謂非浩氣所發而帝力闢焉則誰爲之者獨是某等實首其事而深懼弗集因襄以耆民重以當路普以大衆自辛丑來晨昏駢力既久始繩木陶瓦而棟隆又久始和土範金而像生及今旭日再中諸善士醮漿於樽蕪香於爐聲聞競競而神來矣俯念趨事之早若彼而報功之遲若此因知徒手莫之能前而拚誠終以不退在某當癸卯亦切慮心力難齊廢然中懈曾懈索金五十獨肖帝於舊祠之中以別伸下願不謂大力群心卒得以展帝之威而成人之善遂某等謹願始事之念以有今日是皆鐵嶺上下住寄如山之錫也爲願中神延帝日角龍顏凝凝乘圭二侍四陪皆以五彩彰施森然拱列莫不肅威特謹於丙午十月初四日洞啓光明庶通國之人得以再瞻天表而如電之

目不營貨貝吾徒也夫古之名公鉅卿神而上舉者多矣其在吾帝造世之功不以入神而不奮希道之心不以通天而不發故遞進以至於無窮而天下後世翕然宗之豈其高步九天反厝厝於一祠之建而洞觀四海曾詹詹於於一獻之誠乎蓋人心所在天理爲昭神爽所憑君恩曰極亦正以帝一生所爲盡天下人分內之所當爲帝千秋所就皆天下人意中之所欲就其群然義趨如歸實在此而不在彼耳至某所以像帝必內極其慎外極其嚴固寸誠所不敢爽亦所以曲暢通國官紳士民心悅誠服之至意也耳目一新天人交慶惟帝大公惟帝至察其於斯土斯民將永錫之福而大造以麻乎

鐵嶺異燕記

郝浴

愚謫潘僑於南郭有故入鐵嶺鐵嶺者舊永寧伯家也得茅屋三間暑  
蟄焉堂有燕子巢二一當吾門其燕則羽修而語具僕曰此巧者也一  
當吾榻數患不潔其燕則影肖翹而飛決搶僕曰此拙者也遲一日矢  
痕斑斑然僕請攫之愚不可曰聞燕子來自烏衣國遠不知幾萬里委  
蛇而托處此將主人我也今一旦破所孕字吾見其難爲再曰榻淋淅  
甚僕請益力愚善喻得已然終慮吾僕斃人也備重愛吾榻而輕其巢  
伺吾出怒敗之悔無及矣爲覓一椽肯緊而上擊奈椽敵甚矢篩篩下  
猶無椽也愚笑曰終污吾榻終不若曠僕亦笑雖而兩燕都愕然遲之  
翦翦脫身去竟三日無所遺每翔於堂右之空見其憑虛約若有事  
疑而就視則矢已纍纍其下矣自是往詣遺矢積久不失尺寸愚不覺

喟然曰巧耶拙耶有心如此人何以堪夫勢既不至於中變而氣益和  
非羽族之至善其孰能與於斯乎燕乎請爲我舞我爲爾歌歌曰燕尾  
盡靈兮柴水之涓入我草堂兮不隨不規胡自灑濯兮遂肅肅而傾葵  
爾語爾輩兮知乃公爲誰乃公作歌兮天風四吹

紫荷白筠說

郝浴

辛亥七夕於葛山之陽著孟子不得其解發紫閣窺金書憶銀州春日  
速對有自名紫荷白筠者憑鸞而語夫蓮出泥竹破土其色紫白伊其  
時虛下面能通兩抱君子之德非紅酣翠老盛滿於後天者之所能髣  
髴也殆根育生理者乎其言雅警浴每操聖賢之說以辨物而紫荷白  
筠曰動謂我是聖賢恐當下墮落難救藥矣終謂吾儒無預彼說紫荷

白箋曰亦不可太作標榜時同謫諸子偶及修贖笑應之曰築通天之  
臺不如弄一丸泥也來且七次味其言有否泰而無吉凶浴固問其誰  
遲遲曰吾老矣而六子相爭苦心莫喻庶蟬吸西風蚌含秋月差得其  
似耳既罷思之蟬洞其殼於上蚌洞其殼於下二口兩屬六子純陽非  
朗吟洞庭之人乎今夕何夕鵲駕銀河之期也青山如黛金風薦爽安  
得紫荷白筠翩翩雲表步虛而下與之究孟夫子浩然充天之旨乎因  
著葛山思賦曰爾乃明抱珠以遁世把玉露而遊仙蘇丸軸地黍珠吞  
天若其龍行霜版種臥星泉底淇園之睿極聖嗣之鮮并收玉女而香  
柔鳳儂嶺谷而聲圓妙擒斯旨理或有然往者艷錫一丸之紫橫西八  
著之白紅樓三級青甃一席變化飛昇不違咫尺呼吸九有靡其形迹

已矣乎翠岳參差丹房蕭索忽對此龍門之湖天風之柏上清之雲籬  
煖谷之畫壁鳳池月浸桃園春碧椒實紅而雲根香精熟而密脾赤玉  
虹跨天外之銀河丹泉酌杯中之琥珀幽人上心不可擺畫恨浩浩以  
無從徒日月之飛白將浪跡於十洲寧蹈空之雙鳥羌摩雲而屢探亦  
洪濤之肆拍已醉薰風還著遊屐庶髣髴之一來或慕然而有獲

風一樓頭醉雪紅 五紅行泉曾山中名勝

### 重修銀岡書院記

內閣學士  
奉天府丞黃叔琳

國家定鼎之初鉅公名德應運而起其研究理學久益精純而公忠直  
亮之節始終如一者尤推郝公復陽先生至今海內學者頌說稱道無  
異辭焉公登順治六年進士釋褐爲諫官言論丰采侃侃有古大臣風



巡按四川曾小醜未平公設策破賊全蜀底定時逆藩方爲大帥徵露  
跋扈雜署武職爲監司盛其爪牙以戕民命公指名劾去之又密言悍  
帥驕橫狀兪觸其怒乃誣公冒功冀置死地賴世宗章皇帝鑒公忠直  
從寬謫戍公以十一年甲午九月謫奉天越五年戊戌徙鐵嶺愛銀岡  
名勝卜地結廬顏曰致知格物之堂寢食誦讀其中益殫成已成物之  
學比鄰諸生十餘人願從公游公欣然接之曰講指講昕夕靡倦處嚴  
霜急雪之區而弄月吟風不改其樂康熙十三年逆藩果阻兵以叛明  
年廷臣訟公先幾之見疏請復用猶格於部議蒙皇上特旨賜復列台  
諫公瀕行手記歲月留所居爲士子讀書處此銀岡書院所由名也當  
是時鐵嶺尙未建學即奉先師木主於其中上丁之祭禮如膠庠諸生

以時課業其堂厥後學宮既設而學院亦漸就傾圮四十九年庚寅鐵  
邑令焦君葺理舊基而傾者復圮者修桓墉榱桷規制加宏又四年甲  
午公之仲子今副憲中美先生出尹陪都益爲式廓距公謫戍之時越  
六十年於茲矣剝復循環之理豈不信而有徵也哉副憲作尹之前叔  
琳言爲少尹董視學政目擊焦令修復書院之勤須臾落成瓣香肅拜  
於堂儼然如見公口講指畫顛沛不違時茲以麗牲之碑見囑固辭不  
獲因三復公所自爲記指求志意以諗來者亦學者之責也而且嘗謂  
生材者天成材者君雷霆雨露皆天教也爵祿遺逐皆君恩也當逆藩  
逞威怙寵之日其請殺我易於一反覆掌而世祖章皇帝僅以謫戍示  
薄罰其鑒公憂時體國之心欲長養而成就之者意在矣而公亦曲

體上意愈思以講學明理者蓄直方剛大之氣視古之羈臣放士無聊不平而招魂問天者豈不百倍逾之哉伊川先生之謫於涪也與篋叟譬翁論易不倦考亭先生之以僞學禁也尊聞行知學子有千里到門者未嘗拒而不納也蓋聖賢身處憂患惟學問之力足以勝之不惟勝之而已且從容涵泳以磨礱其圭角韜斂其光晶皆在於是方公之按蜀抗疏也非卓有道力者孰能爲之而積之以二十二年之久故其學之益粹且純宜也即其後視巖於淮開府於粵綱紀嚴明惠閭旁洽淮粵之人至今戶祝之夫孰謂非銀岡之所得方者歟公之大節具載國史其餘風遺澤士大夫亦皆能道之固不假此一方一字而傳而惟是一代正人君子所誦讀師法之地曾百代下猶可以廉頑立懦况當吾

世而蒸嘗享祀其可缺諸又願後之官此土者敝則葺之毀則新之以傳永世而勿替也公諱浴字冰滌一字雪海直隸定州人舉順治己丑進士至廣西巡撫都御史卒於官其曩時從游銀岡諸生左暉生左所生左暉生左曉生左昉生左喆生左準人皆前明吏部稽勛司郎中左公私泰之子若姪原籍山東萊陽人戴遵先戴巡先戴盛先皆前湖廣參政道戴公國士之子原籍江西新昌人皆捐貲助修書院者其具呈請釐地基則諸生徐元弼力居多例得附書康熙丙申七月九日

重修銀岡書院記

重刊  
沂

復陽郝中丞留謫居時所築室爲書院公之自記備矣重修者誰邑令焦君釐正之宋令光大之也余維天下之書院多矣惟嵩陽白鹿嶽麓

石鼓四書院以大稱豈高閣周建長廊四起云爾哉蓋大其人故大其書院也余讀公之文章想公之行事而有以識公矣公學探理窟才蔚國華嶽嶽懷方不移不屈前後歷任政績昭然而直言敢諫則呂獻可之先見范景仁之勇決殆又兼之矣顧公崎嶇龍塞二十餘年讀書深造味道之腴有大過人者觀公之自記非真聞道者而能言之乎後人登公之堂因依手澤有能識公之旨證公之心或聞風興起薰其德而善良鄒魯文物近在海隅以成聖天子壽考作人之化則是公大造於是邦也茲鐵嶺片石即與嵩陽白鹿嶽麓石鼓四大書院而五焉奚不可也夫興行教化守土之責也表彰前哲後學之事也今余忝京兆後又與司空中美君爲同垣友於公爲子姪行故因宋令之修復書院爲

文以記之宋令者誰江西鄉進士一驥也有善政與邑廣文何師曾者共襄斯舉則其人可知矣

銀岡書院題壁

奉天  
莊尹郝

林中興  
宛州

先君子以順治甲午謫奉天戊戌至鐵嶺康熙乙卯始奉召還朝即其居爲書院時鐵嶺無學宮因祀至聖先師於此迨學宮成而書院廢舊址遂湮不孝林懼其久而無傳也乃屬邑令焦君於學宮之側勒石以記之使後賢有所考焉時康熙四十九年庚寅四月望日也吏科掌印給事中不孝男監手謹識

跋銀岡書院題壁

知縣焦獻猷廷溪  
無西

銀岡創立書院迺原廣西復陽郝大中丞之遺愛也公於奉命還朝日

留居以爲書院蓋欲倡明理學啓迪後賢意至隆澤至溥也時邑之文廟未建先師位無所厝恒借以妥至聖中祀典者蓋有年矣康熙戊寅邑令許志進率衆捐建文廣請主人殿緣是學宮成而書院漸廢基址淪沒鞠爲茂草旗丁因而佔住焉。於庚寅春銓選鐵嶺入吏科書憑謁大都諫令陞大納言中丞公之仲君中美先生因授。前記以清釐書院爲屬。誠心於夙夜不忘方蒞任即具詳各憲幾費籌畫越兩載至壬辰夏始經盛京戶部暨奉天府尹兩衙門斷出原有房地。又勉捐薄俸紳衿亦樂助已貲兼購旗丁新置側舍三楹隙地一塊並爲書院癸丑夏旗丁移出他所始得整理修葺敬懸匾額使十五年湮沒之區廓然於舊壘中美孝思所格實中丞公遺澤有靈也謹勒始末用垂

永久凡我後來君子知留傳之盛與清釐之難當踵事增華勿致仍成頽廢則於先賢開創之意後學造就之基所裨非淺鮮也康熙五十二年中秋鐵嶺縣知縣三秦焦獻猷謹跋

鐵嶺縣學記

康熙三十八年

提督學政 屠粹忠

今天子膺歷御宇三十餘年聲教遐迩武功共濯海隅絕漠之域人齒受生淪浴膏澤岡弗尊親乃益偃武修文崇尚儒術日與在庭名彥講求政體命禮部廣取士選拔其尤引見郡邑親民之吏品其賢否用昭激勸慎選大僚以端其表率所以長育人倫而興起德化者意良厚也戊寅冬十月車駕巡幸奉天念留都首善之地吏課宜擇京兆尹而教士之責專在學臣乃以蓋牟王公爲大京兆而提督學政則以命余余



既視事垂一年奉天屬邑曰鐵嶺人文稱最其邑令則淮陽許君念中  
也許君起家進士政治卓有能聲余每褒而異之一日以親建儒學碑  
記請問其地則城東隅購若干畝其形則龍山聳秀麟瀆環流其規制  
則殿宇宏敞門垣備具其經費則許君所捐俸倡始紳士協力勸事其  
時日則始乙卯夏迄秋而成君信勤於其職哉夫吏道之敝如黠賈居  
奇贏焉方其一官人手其心思計畫汲汲身家利祿之是圖舍此而外  
不暇及也即有廟貌峨峨宮牆翼翼春秋釋奠不鞠茂草足矣而許君  
所樹若此其度越詎不相遠耶昔余爲封邱令時河決未復城沒於水  
久矣余度地形繕陶甃不踰年而城成百方招徠飛鴻爰集當事者以  
爲能由是上名大府備位諫垣今許君宰彈丸之邑撫鳩鳥之民養育

訓誨近成樂國凡有設義塾置倉廩興廢振絕民不勞而事舉大京兆尹嘉之上其名吏部行且當膺內擢其所獲不亦豐歟君又工詩賦嫻文章天子巡狩之日仿班馬賦體作奉京賦數千言率諸生爲東巡詩歌頌德功優詔嘉獎用錫宴賄其所以鼓吹風雅黼黻太平者將來更何如也顧余謂學校之興行不惟其近惟其久許君之所爲有足多矣使鐵邑人士果皆束脩砥行以無負譽髦之選鐵邑之令果皆修明政教以仰副作人之意余於斯能無厚望哉奉宣朝廷之德意以率先長吏錄長吏之勤以訓飭多士風示來者余之職也於其請也書以應之

剛毅輔國公大爾差碑文

康熙十年御製

自古帝王創業垂統以貽萬世凡屬宗支皆膺顯號以重懿親也爾大

國差保謚壯勇巴圖魯穆爾哈齊之子性行純良才猷練敏已封爲剛毅輔國公奄逝既久豐碑未樹朕篤念宗親爰稽成憲勒之貞珉用垂不朽庶昭朕敦睦之懷云爾

通議大夫萬涵金公神道碑銘

內閣學士張玉書撰  
文貞張玉書書

國家受命七十餘載文教誕敷武功赫濯中外臣鄰罔不恪共砥礪以贊邦治而豐鎬望族累葉濟美者尤光炳史冊知奉天府尹萬涵金公其最著者也公以門蔭入仕歷官有聲凡八遷而至工部侍郎及罷誤左官又四遷而爲京兆尹去京者甫一載遭疾而卒余爲學士時曾與公同官知公爲深公子瀚等將葬公鐵嶺之陽以附先兆持狀乞銘於余余不敢以不敏辭公諱世鑑字萬涵其先世臨濠有官於遼者遂占

籍鐵嶺祖玉和當太祖高皇帝龍飛之際攀附鱗鳳仕至禮部尙書授一等阿思哈尼哈番世襲豐功偉烈具在國史祖母宿氏周氏封一品夫人父維城仕至兵部左侍郎兼副都統母李氏封一品夫人繼母鄭氏封一品夫人侍郎有子六人公居第五少秉粹姿卓犖不羣旣長好讀書諸子百家無不博覽尤精於天官家言康熙六年授刑部他赤哈哈番持論斷事迴越於衆以是顯名十年遷通政司知事十二年典銓者知公才特請於朝遷文選司員外郎銓政釐羣十六年出權天津關稅事竣吏抱牘進曰此額外羨餘也公喟然曰國家設關雖云抑末然商賈困憊已極司權者不能利民而忍自利耶悉以歸度支十七年五月遷刑部郎中閱一載嶽無冤民而朝廷稔聞公權關之政以公才宜

居要職遂權河南道監察御史會地震公條上五事具言陰陽災沴由人事怨鬱於下而後天變感應於上今大小臣工不可謂不上負朝廷下負生靈矣仰請乾斷勸善懲惡以弭天變十九年上以內閣官屬職司文翰召諸曹郎試滿漢文學於廷公得優獎授內閣侍讀學士二十一年七月遷學士禮部侍郎公外若木訥而遇事陳奏辦理晰微深中察繁上時顧而頷之十一月纂修太宗文皇帝實錄成加俸一級十二月授戶部右侍郎是時海氛雖靖而遷界之禁未弛民多失業二十二年有詔分遣大臣巡歷海疆察其地之可以遷民者悉與展復舊界公階副都統史雅公赴江浙同地方大吏徧閱沿海形勢因嘆海濱遺黎凋瘵日甚假使結浮而漁亦何至冒禁綱而顧令坐困若是遂奏復溫

台寧三郡界外民田九千餘頃隨田七萬四千七百畝有奇要害地應設防者仍分兵戍守其餘一切奏罷以省冗食自是棄田盡墾營制亦復民生安堵僉以爲子孫百世之利二十三年以管理牽連被議左遷光祿寺少卿久之轉大理寺丞太僕寺少卿二十七年四月擢奉天府府尹十月遇覃恩授通議大夫留都旗民雜處習尙漸澆公至察利弊咨疾苦勤撫循嚴教誡不鈎距而奸無不聞不市惠而恩無不渥而歲之內都人戴之如慈父母顧勞苦積鬱結轆於中忽食次疾作竟不起康熙二十八年五月二十六日也距生順治四年十一月初一日享年謹四十有三公生平以氣節自許不肯詭隨徇俗每大廷集議意有不合輒用兩議上請事主以誠交友以信接物以謙御下以禮雖忌者亦

傾心折服而持已廉潔尤出天性尹京兆時一屬吏有舊其鄉產茶親  
嘗以餽公溫語慰謝之固請終不受其人嘆息而去比卒家無餘儲不  
能具含歛戚友咸悲感致賻而遼之士民奔走號泣如喪私親所在醴  
錢設像爭爲祠以祀公嗚呼使天不靳以年俾得竟其用其所設施當  
益焜耀而竟止於此是可悼也元配張氏總督福建兵部尙書諱朝璘  
女繼白氏總督三省兵部尙書諱秉貞女俱贈淑人又娶某氏兵部掌  
印郎中諱卜書庫女封淑人子二長瀚次純女一適廣東雷廉道僉事  
簡公諱一元子候補筆帖式梓銘曰

閩山峨峨遼水湯湯篤生碩哲實爲國光崇論閎議在廷侃侃惟義是  
非或舒或卷爲民請命有害必除苟利於物遑恤乃軀無負于國無忝

所生爲清白吏克保令名惟遼之左枌榆舊壤公之來也膏澤是仰惠則露濡威則霜肅公之逝也言歸不復窺窳其魄箕尾其神松楸蒼蔚百世如新

郝公祠碑記

知縣 盧 銓

郝雪海先生銀岡學院其原額爲致知格物之堂先生講學於斯聖經八條目中特揭明善之要以垂訓非舉此而遺彼也自記云大靜之餘徹四壁於環海晤群聖於斯須截然有覺心目爲豁先生名堂之意其即孟子聖由於知之義濂溪先生明通公溥之旨乎所以示學者積矣歲壬子<sub>五</sub>承乏茲邑詣書院展拜先生祠前後棟宇翼然祠之右以居守祠者求所謂致知格物之堂無有也<sub>陸</sub>以官廨毀於火僦民房非便



就書院內左隙地構茅屋數椽校簿書其中侯衙署工竣日以此爲諸生絃誦地遷寓不一月而能以罪被效待讞之後靡二載有餘招生徒數人講舉子業焉其於致知格物之學不相徑庭乎然而結茅講學先生之遺澤有不可使斯堂泯泯者而今歲夏五能將南旋拜辭先生之祠而去爰記數言以致愧慕之思知都人士講肄斯地必有聞風興起覺先生之所覺以仰副先生近待數十年遠待千百世之有心者乾隆元年歲丙辰五月後學盧銓識

請除苗督毒藥疏

雲貴總督高其倬

竊貴州調濟事宜已就臣愚昧之見會商具奏外更有一事雖屬甚微然與苗情亦有關係查諸苗之中種苗之弩最毒恃此拒捕雖皆伏於

箐內所離頗遠中人不深無如其藥極毒纔破皮肉即難救治從前督撫亦曾設法收各苗之努以除此害而深山窮野之弩究難盡收臣近訪得苗弩藥有二種一種係草藥一種係蛇藥草藥雖毒熬成兩三月之後即洩氣不靈蛇藥熬數年可用然單用蛇汁其毒止能潰爛仍有治蛇之藥可醫更有一種蠻藥其名曰撒以此配入蛇汁數煎其毒遍處週流殆不可治聞此撒藥係毒樹之汁滴在石上凝結而成其色微紅產於廣西泗城土府其樹頗少得之亦難彼處蠻人暗地賣入其價如金苗人以爲至寶臣非敢欲借此卸過於鄰省但既知有此不敢不思杜絕之計伏乞密諭廣西諸臣查訪如果有此樹請令認明形狀盡行伐掘再既有此藥恐亦有能治之方亦令訪求臣現今亦在雲貴兩

省內捐賞遍尋解毒之術若毒努可解亦治各省苗蠻之一端也

請墾馬廠地畝疏

高其倬

竊查雲南一省山多田少生齒日繁所產之米有收之年止敷食用是以滇省米價較鄰省倍貴而省城米價又較外府獨昂省城之人較他處度日爲艱而省城之兵承平日久人口日增且無生理較商民口食又窘臣到滇以來時留心思爲設法調濟近經詳細訪查有臣衙門及後營馬廠一處坐落陸涼州地方原甚寬大因其地草毒馬食之多死故三十餘年馬匹不往牧放附近居民將地可種者俱漸報糧開墾惟剩中間積水成湖之地一片又水旁窪下難種之地共計三千三百餘畝可以種麥種稻即招本地人民願種者薄取田租令其承種但令

年已過種麥之期止有稻田可種計秋收時可得米一千石至來年即稻麥俱收該地百姓見田租甚輕紛紛來說此地中心積水之處因大河泛濫年年灌注所以耕種不得若於上流立閘兩旁築隄二道旱時放閘灌田澇時閉閘令水順隄而下則水不灌入田皆澇出起初一二年種麥以後漸可擇種稻田其閘工官建隄工則百姓願自出力但澇出之後乞將此田分給築隄百姓承種納租民得田種兵得租食實屬兩便如此料理雖中心深潭一時難乾而四旁澇出者定可得田一萬餘畝臣又委員踏看與所說相符隨支撥規銀一千五百兩分發該知州吏目等令其修築閘座百姓亦共築隄工八月內即可完全此時地已有澇出者其勞可以成功若再得此田成就則一年可約得麥米一

萬數千石倘二年有收則可有二三萬石之租設有歉歲省城八營之兵不動公儲即可接濟若更年久并可貯作義倉接濟百姓再此田若成恐易有欺隱侵漁之弊容臣再具疏題明造冊送部查攷庶可永遠有裨又臣思他處恐尙有似此者若查出開墾或濟兵民或益賦稅均爲有益再行料理一面奏聞

倉穀平糶疏

雍正四年

總督高其倬

竊臣細看福建情形福泉漳汀四府產米不敷民食泉漳更甚每年至二月三月平糶不能不行米穀一節最爲福省第一緊要之事而歷年以來平糶之中積有二大病以致官廩日虛刁風日熾此二病不除難言充實倉儲接濟民食其一則從前各官交盤之弊不清其所授受皆

有價無穀而所作之價又係不敷買補之價雖有不肯收受之員加以  
上司之抑捺衆口之調停即不得不收是以日漸空虛竟無彌補臣見  
在徹底清盤務必懲革此弊容臣查清另行具奏其一則年年平糶之  
價太賤即舉福州一府而言歷年即極豐之歲最賤之米價未有買至  
一兩一石者向時督撫但討目前百姓之稱揚不顧將來買補之無法  
平糶之米每石價減至一兩且有不及一兩止賣九錢者此雖米價極  
賤之時所不能有之價下屬奉批收存此價欲買之本處則本處無一  
兩及九錢之米可買欲買之外省外省雖有一兩及九錢之米可買其  
各項運脚從何而出是以屬官之中亦有尙欲籌補者緣價短難買惟  
付之束手無策聽其空虛待受參處耳而中間因糶價太賤更生一大

弊端姦民豪棍乘此謀利得米到手輾轉即有倍贏雖設法愈密而其術愈巧竟視平糶爲奇貨往往借米價賂貴即鼓煽窮民恐嚇官府壓之以官應愛民之說迫之以人情洵洵之勢相沿既久其意竟欲平糶之期一歲早似一歲平糶之價一年賤似一年所以從前有糶價太賤且在一年內即行平糶者不知此不過米價稍貴非飢荒可比米價稍貴乃遂如此若實遇荒年將何以處若不極力挽回則福省之倉儲惟日空虛民食終不能接濟臣之愚見如福州府來年平糶視米之程分高下每石定以一兩二錢或一兩三錢穀亦視其程分高下每石定以六錢五分或六錢其各倉之穀亦有在倉年久及當日收倉之時程分即低者再隨宜酌定至於各外府州縣亦隨其地平時米之貴賤定價

總之必計算本地秋成後既平之價爲準務使既糶之後仍可於本處  
或他省買運還倉乃可源源接濟不至一發不繼但愚民止顧目前不  
計久遠止知目前得賤價之米之好不知將來無接濟之米之苦必以  
爲臣不如從前督撫之愛民加以閩俗浮薄刁棍復多而紳衿之多事  
者一從而合之恐有扞格騰謗之事但臣爲地方長久之計初行若少  
畏難流弊何所底止然臣亦不敢孟浪從事已詳細熟計豫期多方曉  
諭使各紳士軍民皆知臣之此意是爲百姓計慮久遠即使價稍有餘  
總仍添買穀米以濟閩民並無一自爲之私而以堅定持之自然信從  
可行再閩省情勢倉儲豐歉民間纖悉皆知米穀多餘則人情安定辦  
理曉諭一切易行所有江南之穀久蒙聖恩諭運但早則更爲有益伏



乞聖恩再令江南早趁北風多時發運不必拘定二十萬石隨得隨發  
則趁風速到若少遲南風一多恐難行走不能刻期至閩臣謹一併奏  
懇聖恩仰祈睿鑒

晉省官鹽滯銷私鹽充斥請照舊章歸官運疏

監海御史

鄧慶麟

廣東

竊維山西亢旱成災闔境錢糧蒙恩概予蠲緩地方維正惟賴鹽課爲  
一大宗而山西各州縣辦理鹽務未能劃一有暢銷之區亦有滯銷之  
區因有私鹽充斥而官鹽予以滯銷亦有領運官鹽夾帶餘私過多妨  
礙正鹽以致引鹽不能暢銷此其弊在地方官招商辦運不得其人故  
也查山西運鹽舊章向歸官運官銷以濟民食蓋鹽歸官運則價酌其  
平必不肯與民爭利致滋事端而額引有定地方官自慮考成萬不肯

任私塩充斥致正引銷不足額此官運官銷裕國便民之最善也無如各州縣履任後因政務殷煩勢難兼顧往往招商領運官則坐擁虛名盡由商人把持舞弊而鹽政于以大壞緣辦運之商非地方刁紳劣鹽即市儉奸商湊集資本夥謀朋充勾結鹽場各官聯爲一氣漁利分肥弊端不勝枚舉其成運正塩每引三萬斤應加餘鹽三千斤以爲銷耗之費此定章也而塩商舞弊弄手眼每引加帶餘塩七八斤不止正引愈多餘塩愈廣其甚者餘塩夾帶較正塩則有三分之一塩商先賣餘塩希圖利己而正引之塩所售無幾則謂之滯銷此餘塩充斥有礙正引之病也官塩每一斤制錢三十五文而塩秤始則十四兩爲一斤近則十二兩爲一斤以泥水攪和實則不過六七兩百姓忍氣吞聲無如之

何此泥鹽短斤以病民也聞近山西州縣中惟鳳台縣知縣賴令到任即循定章官運官銷乾鹽足秤不假商人之手百姓頌聲載道亦無私鹽充斥情弊又署陽城縣知縣胡令因紳士呈控鹽商短斤泥鹽出賣深爲民害並查明領運正鹽有夾帶餘鹽等弊將鹽商徐得瑤懲責督令書差以乾鹽足秤售賣每日銷鹽不下萬斤闔屬感頌而額引予以暢銷所謂有治法尤貴有治人也夫巡緝私撫例有明文而各州縣之私鹽仍是鹽場之官鹽奸商設計取巧妨礙正鹽匿課肥己其弊伊于胡底相應請旨飭下山西巡撫查照舊章仍歸官運官銷不准招商辦鹽庶引鹽不致滯銷私鹽悉歸正課而官民亦不至交困

請飭永革陋習以重命案疏

鄧慶麟

臣風聞吉林地方遼闊村落星散四鄉每一出命案或距城數十里數百里地方官以路途遠不肯即驗必俟續有報案湊成三五起七八起時方帶領刑忤衆役百餘人挨次臨驗竟有伺候至三五月之久不獲相驗者一日官到上下廠規每一命案必須數千吊其公館供給看守是鄉及鄉保額外洒派侵蝕尙皆不在此數實爲地方之大害且死屍日久暴骨或爲犬狼殘食或值暑熱糜爛屍驗不全每致屍親兇犯藉以狡執故相驗不實訟端不息易啓開檢之案殊非矜恤民命之道應請旨諭令吉林將軍嚴札各該廳嗣後遇有命案無論多寡遠近隨報隨驗不准任意遲延廠規名目永遠革除隨帶人役酌定額數不得逾定額之外違者揭參庶死屍無暴骨蒸檢之慘吏役鄉保亦無從藉

事勸派矣

范河洞重修慈覺寺碑記

魏燮均

佛教闢於中國漢唐以來好佛者愈多而建廟者遂遍天下矣於是山水之佳半歸佛土如九華五台普陀峨嵋及五岳四鎮西湖諸名勝指不勝屈即一邱一壑之間及有林蠻之美泉石可娛者無不闢荒谷爲道場爲繙徒羽流焚修之地蓋佛法本空而奉佛者宜於淨土故建廟於山水之間居多焉范河站之東二里許其山綿亘自東北來名曰三塔山山之巔有浮圖建於大遼天佑二年木約道光辛卯圯於雨山勢南下伏爲平岡石闢爲洞深不可測名曰棲雲平岡之下沃壤連阡而范水左來橫流於右其南則群峰疊嶂列如屏風洵天造之幽區地闢

之佳境也洞上有古刹舊名爲千佛寺碑碣無存不詳始於何代考縣志爲遼常安縣故壤西爲雙城東爲鼻空之地皆咸平府所屬而塔建於遼寺或爲遼代所遺也迄今數百餘年兵燹迭遭人民非故而茲寺獨存無恙安知非佛法護持歷久不變者乎岡之下於國初建藥王神一殿東西禪室各二楹歲久漸形凋敝住持僧昌順懼其廢難爲舉也乃請於督會之善士者廣募而重修焉工興戊辰之春竣於明年之夏所費千餘金俱煥然而新之金碧莊嚴照耀岩谷矣工成乞余爲記並更其名曰慈覺蓋謂佛以慈悲覺寺也於是乎書同治己巳孟夏既望後三日新屯范河站山嘴子公立

農神廟碑

魏燮均

先神者教稼穡之神也有功於民則祀焉國家養民垂訓首重農業乃令守土者修其祀典歲時不輟所以教民知有本也祠之建也自雍正六年知鐵嶺縣事高公始乾隆十四年章公邦翼繼而修之又閱五十年嘉慶壬戌德公來令斯邑留心政事教民課耕因觀廟貌摧殘慨然思葺之于是捐廉庀材復其舊制昭其典也迨道光乙巳邑之武庠生王名成福者督理斯祠之會又爲募資購料宏其舊規增修山門廊舍各三間工未竟而王生逝焉未幾明府崇公奉檄斯土嘆其鳩工之未終欲以成王生之志是以繼修其缺遂告厥成迄今十餘年矣雖未傾圮漸形凋敝庠生香陔任君心焉傷之乃呈請於縣君廣公廣公曰先農者農事之原也不踵以修之何以重祠典遂與少府鮑公捐廉慨助

俾香陔督厥工焉嗚呼前人創之後人承之盛典相沿凡以重農事也今工竣矣緣舊無碑誌恐沒諸賢之善乃爲文敘其巔末勒諸片石以示來者云爾

龍首山慈清寺碑記

魏燮均

龍首山之名山也自東南蜿蜒而來十數里左窺城闕右枕麟河昂然獨秀蟠踞乎東郭之郊蓋不獨爲一邑之觀瞻而亦一邑之保障也山之巔舊有慈清寺又名爲三清觀相傳建自唐代與浮屠並古迨宋元而後志乘闕文其事無徵焉迄有明萬曆間曾經修葺父老猶有傳者然已無碑可稽矣我朝龍興遼瀋恪奉佛法崇德八年賜銀敕修於是壯其殿宇整其廊垣金碧輝煌照耀巖谷較前代之莊嚴規模宏遠矣



天宇宙泉壑之區半歸佛土遂令山林增色雲霞一新其地稱名勝焉  
是山僻在銀州勝據一邑雖無周王謝公之跡然春夏之間游宦騷人  
騶詠畢集秋高氣清霜林變紫而載酒扶筇者尤相屬於道也孰謂巖  
徑蕭條探者尤爲浩歎哉余生長是邦寓懷邱壑覽山川之形勝得龍  
首之大觀丙申以來題咏益夥又嘗搜諸碑誌訪之傳聞而後知斯寺  
之創修有自來矣第年湮歲遠文獻無徵後之人即欲考其源罔識所  
據寧不重可慨耶友人香咳任君郡諸生也搜巖稽古與有同心丁巳  
秋偕登是山緬懷往蹟慨然思所以誌之住持僧山月清修梵行宏願  
夙深聞而樂之於是謀之吳君仲培商君文瀾王君肇周及姜紫垣王  
仙舫王曉峯諸君遂共議勒石以垂久遠且事之創始者難爲功而相

因者易爲力也蓋寺前舊有仆碑臥草間質完而字缺二百餘年矣使舍其材而不用不將終棄空山乎乃覓工剔其苔垢靡而刊之庶亦價廉而工省也余遂書其畧以俟後之考者

邑之有景紀名勝也山川城墅隨地呈奇晴雨晦明因時幻象蓋景不同而登臨攬勝者今昔何殊哉鐵邑舊有八景不知始於何代自有明之世已見詩章第邑乘載筆而不書是以都人士罕有知者勝蹟湮沒曷勝慨然茲持表而著之鐫諸碑陰俾後之騷人詞客遊目騁懷知所寓興亦未始非藝林之小助云爾

山郭朝煙

柴河晚渡

蓬渡風帆

帽峯雲樹

龍首尋秋

鴛湖泛月

白塔橫雲

紅崖積雪

重修節孝祠碑記

商廣源

國家褒揚鉅典節孝與忠孝並重顧忠多男子節孝惟婦人以婦人資  
秉愚柔未必皆嫺閨訓曉詩書而一時柏舟矢志茹蘖飲冰或強暴之  
遭猝攫兇刃或痛夫溘逝刻即捐生其一種貞正剛烈之氣有非教育  
所及勸導所迫者殆較諸男子爲尤難此朝廷激揚之典有請必准無  
格於部議者也本邑薰阜門裏捕廳西側舊建節孝祠向係官爲經理  
歷有年所風雨摧殘漸就傾欹邑侯福君慨然有興修之志爰偕同司  
鐸崑岡劉君少尉晉卿楊君首先倡捐又以需費尙鉅遂約城中旗民  
紳士等勸募量力出貲以成盛舉即諏吉興工諸君以國家旌獎之  
典地方不可不崇坊表之觀易門而坊誠偉觀也於祠旁建大仙堂一

間仍舊貫而擴充之以及四圍墻垣皆整齊堅固從茲冰霜勵節彤廷  
降旌表之恩巾幗流芳鐵嶺展馨香之敬美輪美奐庇厦常新以妥以  
侑神靈有託豈不懿歟是爲記

文廟尊經閣重修續碑文

周 暉

闕家興學立校下逮郡邑皆崇建廟貌以祀我

先師孔子而例必捐修者所以俾該處之僚案士庶得以中其莫不尊  
親之意也惟是斯文日盛廟宜常新傾圯則當改作殘缺則當增修改  
作之川繁增修之役數度非出入是門者繼承樂善不倦而殿廡門墻  
何能肅觀瞻於弗替哉歲己巳副尹兼學憲奏請武英殿書籍頒行學  
署奉旨准奏隨諭州縣建閣以貯之而我鐵邑文廟適當不可不重修

之日也曾蒙縣尊札父台酌派拔貢生尤世英歲貢生周文煥從九職  
梁國安太學生魏從寬劉文煜趙天錫劉瑜等會同旗署廣集捐項鳩  
工庀材而宮牆一切工程暨城角魁樓皆得與尊經閣一事修迄費計  
五千餘金捐貲未齊執事分行補欠焉是以至今十餘年而碑闕如故  
也夫瓦屋之患莫大乎滲漏既有其端而因而循之勢必至於木朽墻  
頽改作之難前車可鑒也儒學孫師台灼見及此爰擇及門之能事者  
爲修葺之役有文庠生郭文寶胡桂聲趙國璽吳自有等奉師命申勸  
捐項興工之日皆以歲試故延歲貢生周時代董其事先爲揭瓦繼爲  
塗丹舉向之所修營者依然維新快何如之費祇千金有司工歲建碑  
屬暉爲文以記之謂前後之捐金者夥矣不標其名恐無以爲將來勸

况向之宗師縣主今之司教者一切美意何不可傳爲將來勸乎兩次  
執事紳士曠日持久率作興事不標題焉又何以爲來者勸且前以費  
繁而無力傳今以貲餘而代爲傳淳厚之意蔚起之休亦以見吾鄉之  
大可風也爰不揣謏陋並志之爲題名冠云

補修浮屠記

吳 樞

慈清寺前有浮屠九級創自何時無所考說者謂塔筆凌雲岡邑中文  
運焉其理之信謹烏足辯但山川風景半賴人工龍首有塔以點綴之  
不嫌寂寞矣惜風摧雨剝塔基漸毀北隅及東南隅尤甚樵童牧豎相  
與空其中可容數人坐塔固依然卓立也而傾頽之患宜預防焉余思  
集衆力弭其缺謀諸朋儕僉曰可於是督工備料子亭魏君香隨任君

均任其勞工既竣余謂同事諸君曰我輩以補苴之術欲全偉麗之觀每有笑爲好事者然願力所能必斤斤以拘謹自守否者以外務置之余恐不好事者而或多廢事也塔其小焉者耳鄙見與諸君略同爰序其事質諸四方之登覽者

建修鐵嶺考棚記

廉隅

鐵嶺俗尚詩書家多世族人才稱極盛焉而惟考試則無棚殊不足以昭慎重余於乙亥春重蒞茲邑公餘之暇與邑人士時相接見於是有所捐修之請詢悉前令楊君倡其議而未竟其功並存有捐項爲數無多亦不敷支川余旣身應民社凡有益地方之事且文教攸關能不爲之悉心籌劃耶爰囑紳董協力勸捐並約集同城僚屬各捐資以爲之倡

經始於五月初一日至七月朔而大工以畢墻垣鞏固堂構聿新號舍  
整齊關防嚴密從此應試者得以極行文之樂事而鼓舞振興人傑地  
靈不益見文運之蒸蒸日上哉所有捐資姓名合行勒石以垂永久夫  
創修匪易經久尤難將來勤修葺而善綢繆董事者不可辭其務守土  
者亦不得辭其責實有望於後來之君子矣是爲記

育英義塾記

常國輔

鐵嶺乃葭爾之區二百年來甲科不絕豈地之鍾毓獨靈蓋亦撫育斯  
民者以詩書敦俗使然也邑侯陳公任於斯邑德政著焉而於文教爲  
尤崇故於書院振興後知課讀於家塾者因以日多獨義學爲之缺於  
斯乃創舉之俾寒微皆得以肄業則士習之蒸蒸日上可想矣惟經費



維艱殊難遽辦今於祖越寺中籌計而成之者由公查香火地案餘資  
與其爭訟不休毋寧允辦公益於是歲撥錢捌百緡以爲修繕之費而  
尤恐廢弛在遠與延宗師首復捐廉率邑人以相助也乃書其額曰育  
英君子三樂之思隱焉寓矣尤擇邑紳於其間董之且以十二人爲弟  
子額特爲經久計也蓋非學術甚深其用心何精到如斯乎由茲以往  
後賴靡窮我輩自當力以維持庶乎公之德常存即邑之幸亦甚矣彼  
所謂培養人才之說惟公有焉於此不書所作將公創爲斯舉之意漸  
以湮鬱得無愧乎况後之徵文考義者亦爲憾故志之塾中條規十二  
則皆公之所釐訂謹列如左以共遵行焉

重修郝公祠記

曾憲文

癸亥六月余與趙君炳如王君顯廷及學界諸同人重修郝公祠前  
舊有房十二間重新建築之薄租租與勸學所以爲維持公益計落成  
同人囑余作文以記之凡舉一事籌款維艱此番工作費款萬餘金皆  
出自銀岡學會也銀岡學會係余與劉君敬瑚趙君炳如陳君秉初諸  
同人創辦學堂之初知學務擴充官款未可恃而銀岡學會即連帶組  
織之邀集本邑士紳學界同志各出私囊前後十餘年捐助而成得基  
本金及不動產約十五萬元與宗旨補助學款之不足及辦理地方一  
切公益事但事無憑藉建設甚難所以成此義舉者飲水思源實  
郝公復陽先生遺留學田累年積蓄餘資作之基礎故命名銀岡因  
郝公講學銀岡以示不忘祖之意夫古人作事祇求心之所安何料

身後之名及身後之益

郝公去今近三百年其遺澤孔長修其身後之祠且惠及學界如此其鉅想當日或亦意料所不及世事無常此後之遷流興廢盛衰又豈人所能思議耶然曹守蕭法先後同揆邦人士熱心公益數十年或數百年銀岡學會屹然常存實力經營積小高大定有以勝於今日也是以爲記竊有望於後之管理此事者銀岡學會正會長曾憲文撰文銀岡學會副會長趙方蝦書丹民國十二年七月立

水災記

海城 鄭浦淪

宣統辛亥之歲春雪載塗農耕甚晚夏初繼以亢旱田禾初生半多黃萎五六月間雨澤饒足有禾麥油油之景象農民豫慶有秋不意積陰

不晴陽曦罕曜間二三日傾盆之勢輒大作山泉暴注陂塘水平至閏  
月中旬而荒歉成矣鐵邑近接龍首山嘗登其巔而東望則柴河奔流  
原田皆成澤國西則遼水汪洋極目數十里不能盡帆船近抵鐵路而  
人家之壁斷垣頽不可僂指數嗚呼近年以來無此巨災也久矣越數  
日各鄉以水災來告者日有所聞蓋以禾木未堅被澇之田雨過日出  
積水如沸湯不特秀實無期即薪蒸亦無取且聞遼中盤山牛莊營口  
各地水患較鐵尤巨人民有其魚之嘆其何以堪嗟乎吾奉無備荒之  
政習爲常事溝渠不治隄防不修耕者貪近利旱則與水爭田澇則終  
歲生涯盡付於波臣隴子且徼天之幸素乏蓋藏不知耕九餘三之計  
官若吏愒然置之吾儕號爲儒生旦夕研求多古聖治平之道曾亦不

能出一謀爲救荒之所採拯吾民於昏墊稍有人心能勿對此而悽然  
乎昔孔子作春秋凡蝗螟水旱無年則必書所以敬天變恤人窮也茲  
濡筆而記蓋亦有餘痛已

詩集

山郭朝煙

詠嶺八景共八首

明大學士

陳循

依山附郭居一片朝煙合人家辨不眞蒼茫見孤塔

柴河晚渡

柴河水清淺縈帶蒼煙下夕陽喚無舟晚渡看車馬

蓬渡風帆

往來渡口船風利乃得騁遙遙數片帆吹沒遠天影

帽峰雲樹

帽峯多白雲雲雜帽峯樹雲深山更深誰識仙源路

龍首尋秋

雷林變丹紅秋高天氣迥幽人植杖來踏徧碧峯頂

鴛湖泛月

湖上橫秋煙鴛鴦時出沒中有盪舟人高歌弄明月

白塔橫雲

山雨過城頭雨晴雲未散忽看白塔尖鑽入青天半

紅崖積雪

崩崖潰殷紅積雪留殘白夕陽山背來寒光照赤壁

醉題銀州酒家

郝一浩

已放中秋好月回重陽未到菊花開今宵不買銀州醉枉向黃龍荷鍾

來

其二

酒肆燒燈殘月生霜天白雁入雲橫如鸞總悟稽中散命駕終愁阮步兵

其三

可能數墨老餘年末路茫茫那著鞭遮莫安豐憔悴極支牀飲酒蓼花天

刘韭

郝浴

草閣風簾今早晨雨聲驚醒灌園人綠翮畦韭滋蘭畹自起承筐餉四鄰

銀州芻米美甲天下熟爲粥甘可忘肉園有鬻數本未重陽前紫



蕊婆婆偏豔於日高熟粥之時懶人持粥而玩之清而之趣不易  
爲吾徒舉似也

郝浴

葛米流脂玉液漂東籬紫豔自妖嬈浪傳茶賞強如酒獨有痴人飯一  
瓢

送剩人入千山

郝浴

欣聞鳴鳥司鐘鼓更有赤鳥豔海棠人臥千山茶氣裏月升三島水晶  
旁

贈剩人

郝浴

雲開窈窕桃花洞雪落霏霏洗耳泉我正不辭千日酒君來莫帶一分  
禪

近重陽

郝浴

旭色寒生燕不巢，炊煙和露濕花梢。  
三朝又是重陽節，依舊青山滿四郊。

銀州有菊重陽大放，是日攤書滿床。  
然徒用忘憂，非真有古人益智之美也。  
蹉跎入夜，已就枕矣。忽念良時好境，屢成拋擲。  
因起燒鐙賦之。

郝浴

衝籬紫豔落寒香，白晝攤書夜撫床。  
終恨今朝愁裏過，起燒紅燭送重陽。

囑雁

郝浴

霜打蘆花雁起群，銀州徹曉萬聲聞。  
玉關雖隔陽終在，莫亂長行下玉

雲

春日雜興

郝浴

落日孤吟野水邊，暮雲千里故鄉連。  
一聲何處黃昏磬，海上今宵月又

圓。

其二

郝浴

青山一望白雲遮，道是烏桓帝子家。  
不度春風出紫塞，空和明月剪梨花。

元夕銀州草堂讌集

上元雨雪過酒家，獨酌取醉夜闌踏雪歸。  
益無聊念同謫都物，化矣天外孤踪復來。  
舊雨後一日招聚草堂，聞歌酌月因事書。

懷

郝浴

銀州雪汎廣寒宮燈前隻影醉搖紅月中之人今已矣零落霓裳在眼  
中曉來獨漉牀頭酒不覺如蘭之臭同茅檐擁篲分山翠一鳥嚶鳴百  
鳥聰升堂尙憶三投刺再誰世知此土逢瓦牀密結跣趺坐鰭花帶雪  
沃蘭葱兒中六葉宣窰器上傳宣德元年字不圖酌酒清如空一焰鬚  
眉皆墮地當爐斲養尾已賴勦勦蝟縮不知名忽引洞簫吹白雪鸚鵡  
之舌鸞鳳聲梅花夜發青天外楊柳春風紫塞盈迢迢玉漏明河轉心  
飛滿座舊公卿回首青雲墜窈窕呼吸素位還灑掃半世虛名襟帶開  
千秋眉骨今始出三復上古聖人書一拜當今聖人賜聖人天上卿雲  
歌謫官雪裏舞芝荷起看蟾影空雲路滴瀝當頭手可摩恒山門照三

千里直下有水名滹沱十五六燈滿河年年火樹吾家多今宵舍弟  
魚龍戲應慰高堂念阿歌

銀岡行

郝浴

豈不愛一廬簾捲秋山讀父書豈不愛一堂生階玉樹看兒行豈不愛  
一官押班螭頭紫綬繁豈不愛一林朋從魚鳥散幽襟豈不愛一壺豔  
燒紅蠟譜笙竽豈不愛一牀雲鬢曉立溫柔鄉自從束髮親燈火弱冠  
登朝遂作狂俯身東戍黃龍下紅顏綠鬢盡滄桑二十餘年寢不寐天  
涯回首月如霜雖恨百憂淪瘦骨猶喜心開書一囊洛下眞儒宗孟子  
翰墨直聞泗水香晨登講席歌堯舜千山翠色落銀岡可知天道終歸  
正從此丹山起鳳凰

銀州獨坐一喜一悲

郝浴

今歲銀州市常聞蒿里歌漫勞傷道殪應與慰羅羅紙骨楮錢短囊羞  
米價多不須仍買藥誰爲起沈疴

其二

漠漠南山雨因風入敵圍到窗聞灑落遶樹失騰鶩雙燕窺簾語青雲  
向客翻西人疑接地坐聽海濤喧

暮春過酒罇取醉

郝浴

癸丑季春廿九同秦維紫左宏甫酌酒銀州之市醉歸草閣忽  
憶剩人在日愚與陳心簡夜宿奉天普濟院看月吟詩至四更  
不寐是年乙未鉅今十九年矣時寺僧厭其悲感問羣

皆睡爲狂比剩公順世心簡以人言怒我不得復有昔日之歡  
乃此哀得陶然與二子相對薊門之嘯山陽之哭於此筆之矣  
無復韓公子顰頭倚二豪團圓如手足落拓自風騷入夏山花晚當杯  
夜語高尙疑燈影外髮落霜毫

其二

灑灑從吾好悠悠寄此身  
顛狂或拜石薄劣敢投綸  
鳥散花樓寂塵飛  
海市新杞憂三萬里何許問迷津

其三

一自吟風後源源說剩人  
酒籌侵世界屋角掛星辰  
燭剪銀州夜荷搖  
蒼水濱故鄉應此是何必憶鱸蕪

其四

漢沛今遼左神州再有年循良京縣滿雨露帝王偏玉陛崇三事龍荒  
受一塵深維繫坏意終恐負前賢

其五

中宵厄酒罷簪筆晤詩書澹泊教兒子從容挽塵車葛山園作想堯里  
會如初親見虛陵老歸田喜荷鋤

亂越寺值雨

郝浴

松聲萬壑秀色簇成雲滴瀝空山翠礪礪旭氣曠煙霞徒杖屨鐘磬  
入氤氳十載名山興千金此見聞

其二



雙卷集 元  
憑檻遙看處雨闌山益眞新紅嬌綺樹老翠東龍鱗萬甲重關隔千峯  
此日親可憐杯度影攜著過江人

輔國東園

郝 浴

帝子讀書處春風百草香高明比閔世奧博自升堂萬甲森松柏平原  
下鳳凰善多心益樂俯仰見陶唐

南塔寺葵花

郝 浴

濃蕊秋色自西來十道金繩界不開遶徑葵花黃燦爛分明烏出化人  
臺

其二

翠擎衛足仙人掌金布鵝黃帝子花莫憚霜飛常五月今番生在聖人

家

其三

種到銀州世界分黃裳不改舊衣紋但教阿練飛龍女不用瑤池散彩雲

其四

旭色平銷金氣乾闥闔尚與露花團依稀似聽如來笑花裏來尋五佛冠

其五

芽萋批離葉作枝金風不動出疎籬化城高掛三秋日正是葵花欲放時

鐵嶺城四首

郝浴

百尺空城首自搔  
青山綠水一週遭  
鳥翻東北遼天盡  
魚上西南海路高  
龍氣已衝都護印  
雞聲還亂大夫騷  
幾回欲雪滄桑涕  
愧似新亭泛濁醪

其二

故李將軍此用兵  
帑金十萬鑄嚴城  
曾矜雲鳥兼山立  
不謂繚垣一掌平  
風雨愁歌花樹曲  
黃昏爭泛木魚聲  
銷魂更是狻猊石  
兀守空衙傍月明

其三

甲第排雲久作塵  
重開茅屋見陽春  
峨眉漫寫蓮花步  
廣漠迷漁父

津竟入他山樵古木輕於舊水捉金鱗悠悠芻狗還成夢杖履春風想  
聖人

其四

敕放歸田八十翁中華宰相起遼東名留古寺豐碑上事在前朝天順  
中多寶環收千疊翠羣朝返照一般紅玉門此日應如闕滿路春風攬  
轡同

贈清峯寺僧遊五台回

剩人

曾向金剛窟裏回芒鞋盡帶劫餘灰王侯共備香花供龍象爭傳衣鉢  
來自有模形留積雪仍將消息問春梅從今擊破琉璃蓋滿目青山即  
五臺

元霄作

董國祥

雲靜三階月欲高滿城歌鼓競遊遨儼然柝弛金吾夜不復烽傳介馬  
勞壤擊眞堪稱帝里原田庶得美車旄衰遲獨未忘奇士閉戶燃藜自  
熟騷

郊郝復陽放言體

董國祥

人情縱復似陰諧也逐東風佛面開胥糜等閒能肖夢還看海日射金  
臺

盛京紀述

董國祥

六驚神足奠坤輿草昧天開壯帝居禹貢山川指顧裏周官禮樂繪圖  
初千秋王氣維磐石五色卿雲捧日居誰識東京作賦者徘徊已是十

年餘

東山仙洞

董國祥

窈窕窮巖岫，豁豁啓洞門。  
法幢纏曉氣，梵響出雲根。  
寺轉欹平路，煙披遠近村。  
捫崖辨題句，剝落半苔痕。

送李宮詹賜環

毘陵吳達

驪駒初唱嶺雲秋，典屬還家尚黑頭。  
濟上青山雙淚洒，關門明月一仙舟。  
他年射獵知無罪，此日行藏任自由。  
漠漠水田飛白鷺，羊裘老子更何求。

李寧遠看花樓

東牟左曠生

花下提戈月滿樓，將軍控馬待高秋。  
雲山一望寒旌色，遼水於今日夜

流

中秋借諸友集郝復陽先生月台

左暉生

肯將佳節負心期  
籬下寒花欲滿枝  
陶令徑開頻載酒  
謝公墩掃共栽  
詩一年月到團圓  
候萬里人當少壯  
時好與良朋拚一  
酒風塵有弟隔  
天涯

萬花樓

東牟左昕生

雕欄翠幃注天涯  
休沐材官唱晚衙  
朔氣忽隨陰雨變  
危樓常傍夕陽  
斜夜明露泣平原  
第秋老籬開處士  
家盛事不堪搖落  
盡  
息問  
梅花

泛舟鴛鴦湖

左暉生

青春葳蕤碧草芳冰開湖水泛鴛鴦黯黯春流波上下羈絡與之俱短  
長同人載酒向湖畔更放鷁舟遊汗漫棹發參差菱荇分人語低昂  
鴨亂洪濤出沒巨流通扇舟明滅夕陽東萬頃茫茫光霽野千山倒影  
氣鴻濛傍舟大魚有時出驚波跳聲舟沸澤鱸鮪風雲久不興蛟龍思  
尺愁相失座上久客廬中人迴船悄然動呻吟不知楊柳西園盛爭如  
芙蓉南浦深南浦芙蓉風歷亂酒酣興極淚如霰空餘鷗鷺對浮沈湖  
上鴛鴦終不見

次左錫侯范莊

豫章戴國士

地僻海天東雙流夾萬松洪荒藏太古曠莽接長空樵獵漫山火甍  
入骨風誰憐絲粟命尚在一坏中



觀音洞詩二首爲環生年台賦

陳行恭

物外惟那子能消去國憂  
短筇隨道路絕塞得林丘  
涓滴塞泉響陰森  
古洞幽天高思縱騎與爾會同遊

其二

精舍從僧結丹經許客携  
山林安問虎雨雪自聞雞  
眼放三韓闊愁空  
二室低此間堪隱逸直與武陵齊

題觀音洞

方山陸鳴時

想見雲深處無能一快遊  
千峯圍瑞靄一徑別林丘  
石洞開太古名山  
古佛留展圖何所慕吾道自悠悠

早春望龍首山

胡藻嬰

東山常在郭春日眼新開雪積風光暗谿晴雲氣來乾坤匏自繫歲月  
鬢相催寥落空藜杖無心步石苔

觀音洞

胡藥嬰

山谷知誰鑿儼然成小堂雲涵蒼壁潤蘚覆古苔香淨遠龍蛇氣深通  
日月光穴空懸石髓斑駁盡文章

其二

洞口人煙渺空濛翠欲浮草春無鹿跡彌古有雲流晴日巖常暗鳴禽  
樹自幽桃花深谷發漁者未容求

鐵嶺塔

李呈祥

古塔十三級北城獨立幽八方隨佛口一柱起邊愁鈴鐸諸天語階梯

象罔求無從登眺處俯仰自悠悠

歲暮書懷

李呈祥

萬事只求身健在逢人相慶太平時  
大家物力喧神鼓小市風光颭酒  
旗痛飲乍忘衣似鐵高歌那惜鬢  
成絲試看冬日生春日先上扶桑海  
樹枝

元日

李呈祥

三冬羈客又新年獨坐清宵思悄然  
地曠誰聞羣賴寂天高自數列星  
懸燈花結蕊臨詩卷雪粒凝香薦  
酒筵已解苦鋤耘半畝寒原早喜見  
晴煙

逢虎行

李呈祥



露泣百花明殘樓傍故城壁穿餘火色礎闕無雲生  
暈暗將軍樹荒傳  
君子營當年問絃管夜月走鼙鼙

異石二絕

失名

吳宮麋鹿走西子尚凭欄不逐五湖去浣沙溪自寒

其二

失名

預知百卉盡寄影紫雲英天外無幽草梅花結古盟

題觀音洞

天台周鼎

巖巖石洞倚天開碧水悠悠去復迴秀列千峰含曉霧寒生積雪鎖蒼苔  
苔風塵幾黯香爐色獅象遙瞻法座巍支遁幽期終不負  
花何事獨登台

讀先太傅寧遠伯傳敬賦長律十四韻

先太傅諱汝梁

李

錯

錯若

有漢推猿背前朝重虎臣  
繭絲寧作障執秩共其民  
半壁憑楮柱群阨失撫循  
蠻氛裁左戢羨事復西論  
雷火先聲疾乾坤血戰頻  
競傳邊立靖敢信策稱神  
維髮疑誅賞論功屢屈伸  
直將成貝錦誰肯恤勞薪  
獻納更三相權衡賴一人  
廉頗容善飯新息偶全身  
異代山河改王家典籍新  
語方崇起翦名竟躋甘陳  
小子誠無賴窮年不自振  
匣中遺故劍每夜泣風塵

觀象臺二十四韻

有序

李

錯

聖祖御製其象限紀限二儀測術尤密前古無之於穆之懷與天爲一  
信乎肇跡誦蒙闡昭文象緯懸健行標幹運靈曜示蠲駢覆冒網維集

盈虛氣朔宣處高疑倚蓋居默等淪淵宿昔神明治儀型睿哲傳造機  
符動靜剖噐敵方圓落下功初述鮮于治自專錯銀星度密注水地輪  
便

聖智通幽眇天工絕後先雙樞交合契都柱直任權梁袞觚稜屬附平

繙構堅石渠深轆輦

節平轆下有壁區石輪渠中候者升堂環視

銅幕徑張弦

地平張弦弦以調

管隸橫簫側弧分

紀限邊渺茫窺日馭毫髮析星躔歲月頒千禩乾坤藁一筵世難求勇

髡誰是語蹄筌矗立青冥表憑凌沆瀣鮮山龍迴局曲雲海極雕欄六

合環嘗綴三辰軌舊沿華林遺製薄文德巧思偏瞻眺成真遇低徊得

覽延王蕃徒酌足虞喜謬安天弱甚暗宏響秋朔感大年倘容恣寢伏

或擬著新編

經牧馬場

康熙辛丑進士

戴

亨 通乾

龍堆千里道極目望茫茫草木窮寒麓風雲慘太荒地鄰箕子國居近  
管公鄉有客懷南土魂驚牧馬場

經胡家窩鋪

戴 亨

險溺胡家堡行人莫不聞地頑常帶鹵山蝨不生雲草滑埋蛇穴風腥  
過虎羣往來經此地躑躅畏斜曛

郝公祠前臥碑二鐫郝大京兆林詩八首大京兆爲郝復陽先生之子

甲午之奉天京兆尹途次感懷

中山 郝 林

幻身曾此落人間六十年來認舊山

先君以甲午誦奉天京兆尹是年自今一甲子矣

摩頂憶常傳妙偈

先君與余同遊於輦人爲摩頂受供

垂髫痛已背慈顏

宗五齡 夢吞文果空魁榜





此中

重脩銀岡書院落成拜祀恭記

郝林

遷客承恩返柏臺空餘故宅冷莓苔嚴親氣作山河壯慈母魂依子舍  
哀重整棖題成講院薄修蘋藻薦春醅荒堦拜罷空垂淚風木含悲首  
重回

龍沙廿載臥霜清天譴寧辭血淚迸長擬負薪成戍子何期持節到邊  
城一身絕塞分甘苦終古荒山隔死生今日之坏何處獻天空雲斷暮  
煙橫

兒時猶記侍庭除佔俾寒榮午夜餘壁列諸儒勤覲面

先君手書歷代聖賢及諸儒姓名於壁後夕時讀

堂

名格物細繙書

先君自題其知之空

林間爵雪聞淒雁鋤下揮金種野蔬遺蹟久溼

餘廟貌故人相見倍欷歔

或在諸公子弟曾昔年如居受業者相與握手流涕

直節當年久著聲儒宗此日定鄉評

宿居人祀文公於書院後

野老爭

傳侍御名教澤遠貽開後學講堂新葺聚群英  
銀岡從此留千古龍首山高柴水清

烈婦吟

魏燮均

烈婦汪氏漢軍楊明妻也于歸十五年伉儷綦篤翁姑早喪又無子女夫年三十四忽病不起旋卒氏哭幾死殆七日夜間仰藥以殉邑人嘉其節余賦詩以表彰之

男兒爲忠臣死不可奪志殺身以成仁浩氣塞天地女子爲烈婦從一誓不二夫死以身殉從容就大義賢哉楊明妻汪氏德無愧結褵十五

年恩情篤伉儷貧不厭糟糠貞吉主中饋方賦白頭吟忽灑青春淚誰  
知音調乖中道裂琴瑟良人病不起溘然謝塵世婦乃枕榻痛哭亦  
無濟上無舅姑存下無兒女累黃鵠歎孤飛失雄何所寄不如作鴛鴦  
生死心同契夫唱婦乃隨黃泉一路至世間未亡人以死爲難事寧守  
柏舟節不肯隨夫壻豈知死節難守節亦不易何如歌女貞效彼漆室  
息日昏月無光雲慘風惻厲比翼鳥哀號連理樹忽萎空房鬼影來幢  
幢燈下避烈婦乃含笑心喜郎魂至理髮整衣裳仰藥從之逝壯哉此  
一行世道人心繫

烈女篇

魏燮均

丙寅二月有馬賊數百人焚劫開原之下肥地殺戮極慘死者甚

衆經官軍擊敗竄至鐵嶺東之房身陽掠一少女年可十六七賊  
暈其美欲污之女怒詈不止遂見殺既死賊復以藥灼其面棄之  
去遠近村鄰有失女者往尋其屍不可辨究不知爲誰家女也鄉  
人乃瘞於河側時奉旨設忠義局欲採其事上聞因不諳姓氏遂  
寢惜哉友人張枚齋明經現充採訪事語余余聞而烈之未忍聽  
其湮沒爲賦詩以表其節

青青女貞木錯節空山裏狂風摧其枝不墮濁流水窈窕小女郎不知  
出誰氏清潔本天性生長蓬蒿里破瓜正妙齡青蛾兼皓齒待字方有  
期薦蘿松柏依丙寅春二月賊至狂如兇殺人血成渠縱火室皆燬刀  
光烈焰中忽覩傾城美掠之上馬去追兵慮後起挾竄房身陽虜騎暫

休止女恐狗盜污白壁玷有恥不屑宛轉啼甘誓馬前死厲聲反詈賊  
顏變桃花紫賊亦按劍怒殺之洩憤耳五體灼且薰玉顏慘成鬼鄰村  
尋女屍不復辨形似鄰人收殘骸乃瘞河之涘嗟哉烈女身危比履虎  
尾不避葑醢諱佞佛聶政姊能使阿堵羞又似李度婢恨未掣佩刀斬  
首髮怒指嗚呼離亂時有女貞如此惜乎失姓名無由請旌旨採訪徒  
傍徨不敢達天子我爲歌一詩幽光發稗史庶幾慰貞魂流傳徧遐邇

遺懷四首

魏 燮 均

天地恐寂寞乃復生才人高厚不能言假人傳其真授以五色筆著手  
即成春日月吐光華川嶽發精神四時及萬物刻畫新與陳六合本平  
淡道破皆奇文使無才人筆混沌如未分茫茫數萬古誰波精華醇可

知天地意亦不甘湮淪天地求知己才人爲其倫胡遭造物忌坎則常終身

終身困坎則造物寓深意本非忌其才正欲成其器福厚名不歸福薄名乃至古來諸才人不盡生得志悠悠數千載至今稱不墜而彼庸碌流同時擁厚利終於無所成生死人皆棄乃知享厚福原爲天所忌固知享盛名正是天所賜天意報才人迥與尋常異若論及因果荒誕何足議動如武鄉侯僅有栽桑田節如陶處士乞食無炊煙一出與一處品懷殊相懸豈無術致富而願窮益堅良以重其名不暇籌金錢乃有勳常存乃有節可傳可知名與利二者難兼全與爲利而死吾寧爲名焉

賢士與英雄古今傳不少不必以文章文章亦矯矯上以勳業隆下以書畫寶或者詩擅長或者詞爭巧皆不泥才人宜享令名好而我質碌碌寸長無所表雖有所著述未敢禍梨竄名不出閭里材亦類傭保壯歲已不聞四十行將老姓名傳不傳悠悠任大造

大火行

丁卯二月二十三日申時邑之東郭火災是日大風狂甚延燒居民一百二十八家房五百餘間風威火烈不能撲救徹夜火光燭天如燎原野至明日稍熄被災者已慘不可言矣聞父老云嘉慶十二年丁卯是日東郭亦被災其火與此相類噫異哉豈天數歟賦詩以紀其事



蘇州二月春風高塵沙蔽日喧驚濤樓頭鐘報火突起黑煙漠漠騰雲  
雲須臾烈焰不可制縱橫拉雜延相燒火星如箭亂飛射四鄰一片聲  
喧囂視融空際作游戲指揮風伯區別燎或燃華屋居萬瓦崩堂坳或  
越比鄰舍三椽餘編茅倉皇老翁踰牆走整躉婦稚奪門逃衝煙冒死  
掠衣物兒澼女烏橫陳拋風威煽虐勢愈猛火光撲面同煎熬霎時破  
瓦變赤壁頃刻畫棟成虹橋玉帛菽粟化灰燼鷄豚犬馬生燔炮仿佛  
楚人俗爲旱致雨燒龍蛟又如宋門災餘殃竟及池魚燒燬臺飛電阿  
房炬神邱燭遠炎山遙苦無郭憲含酒嘔能滅佛圖作雨傾盆澆又無  
江陵劉昆賢令尹叩頭向火登時消安得天河水倒瀉齊傾不用翻天  
瓢焚香竟有向天禱虔誠立格迴神廳長衢狹巷塞無路舉國奔救人

如潮幸賴戍兵資彈壓乞兒未逞賊心豪

時城中有七兵駐成統頭此師帶兵禦賊幸免掠焉

由申至亥尙未

熄燭龍噴耀明通宵嗟哉一百二十有八戶處堂燕雀無居巢我聞道

旁老叟說往經丁卯天譴遭是日狂風亦暴厲東郭片土皆成焦迄今

日月六十載又看焚蕩龍山椒嗚呼豈眞天數不可追禍福端自由人

招人心利慾熾如火安知震怒于天曹前年妖氛破城日烽燧夜照城

之濠居民膽落亂奔竄流離幸免屠賊刀彼蒼示警有天意人胡不悟

天心昭今復慘罹此浩劫天陰神鬼爲呼號君不見二更雞唱報妖異

城頭夜夜聞啼鴉

弔金萬涵先生墓

魏燮均

山色青如舊先生去不回朝廷隆世冑豐鎬出人才展墓芟秋草抄碑

別古苔我來且憑弔松柏尙餘哀

鐵嶺失守紀事

魏燮均

十二月初四日申刻降賊抵城徑入縣署見官詐稱借餉官許之既而去令其黨扼守東門復入署劫獄縱犯焚燬科房搶掠商賈城中大亂官吏皆逃居民夜竄殆盡明日商民輸金賊乃去

賊騎斬關入公然到訟堂官驚皆鼠竄牢破已亡羊街黑人無語城空火有光居民已逃散昏夜棄家鄉

范河城月夜散步

魏燮均

月色懸清夜千家一片秋屋隨崩岸斷水繞廢城流燈火疎籬院鐘聲

破寺樓有誰河上望懷古動閑愁

書院暮秋

魏 變 均

秋色滿庭宇軒窗淨點埃樹根風落葉石縫雨生苔階冷斷蛩語天高  
聞雁來故人時過訪閒徑總常開

夏日與蕉園游帽峰

魏 變 均

盤山下層磴薜蘿青拂衣谷雲迎客起野鳥見人飛寺僻徑雙引樹深  
山四圍忽聞清磬響知是近禪扉

懿路道中早行

魏 變 均

不待雞聲唱征車即展輪雪光寒在地月色冷隨人漸近故鄉路尚嗟  
游子身家人掩閨臥未識客途辛

龍首雜詠

魏燮均

山僧高閣眠山鳥  
喧林側曉起徧開窗  
坐看溪山色  
樓閣半藏見山城  
在有無空濛山煙裏  
一幅米家圖  
夕煙起遠山斜  
日下層閣昏黃微  
月生鐘聲動城郭  
夜寂松籟微  
山空人語絕清磬  
兩三聲佛燈半明滅  
門前秋色高  
牆外雲峰疊  
新霜昨夜來  
滿山看紅葉  
凜烈北風晴  
凍鴉飛不起  
山徑悄無人  
萬峰寒雪裏

懿路北山古寺

魏燮均

一帶岡陵北郭橫  
神祠獨在石樓傾  
殘碑細認前朝字  
遺老猶傳古地  
名牆外雲山餘  
落照窗中煙火見  
孤城洞深自昔無人問  
且祝慈航救

衆生  
觀音閣下  
石古記

銀岡書院懷古

衆生

石玉山  
題八

有客騎驄銀州走按轡搖鞭頻回首見有古祠氣輝煌下馬長揖問老叟老叟相對笑宛然我爲略詳末與顛其年順治爲甲午先生力諫遭播遷郝姓潛名字雪海謫居此地十八載情殷授受叩則鳴文風至此發光彩前院種蔬後種花竹籬茅舍除繁華理談今古同賽酒事論興亡常對茶雨餘策杖看山光隱隱蟄龍屋後藏雖則鐵嶺控其臂究之鼻祖出銀岡銀岡之名自此始人口伏龍臥而已胡然杏蕊兆西園綉綸顯命迎星使先生行矣弟子憂繫車維馬難遮留譬如甘棠愛南國譬如黍黍譚西周譬如邵杜後先政之善父母相稱難謀而擬立悵悵

祭何天因晦行蹤存書院誰知星換歲屢更茅簷石砌產榛荆夢通壁  
聖牀皆土雪臥蕉窗月不明幸有京兆來致祭一見荒蕪泣出涕重修  
縣令宋與焦翬飛鳥革成新第此惟愚魯所見聞無而爲有非敢云客  
聽謝別匆匆去回首銀岡護紫雲嗟呼中山記孟子解紫陽斷章銀州  
語錄嘔心血後賢未能興孰與同高節後賢即能興芳型終難滅臣盡  
忠心子昭孝節縱使嵩陽嶽麓石鼓白鹿出其前地震要必殊人傑君  
不見院內爐烟高石碣

看花樓

張鶴庶

弔古名園踐綠苔將軍死去廢樓頽當年花草都零落空牘蒼蒼石上

梅

冬日銀岡書院送李獄生先生歸里

張鶴庶

先生定歸計十月理征鞍故里關山遠前途風雲寒  
琴裝奴僕少車馬客行單且喜梅花發怡情一路看

其二

丈夫志千里岐路何足嘆惟有師生契翻教離別難  
論文山月上贈策夕陽殘叨領栽培力深情結寸丹

庚子八月朔聞警

房寶舉

禾稼縱橫積滿田逃人相見但潸然右丞詩句今堪詠  
萬戶驚心生野煙

辛丑亂後豐年有感

房寶舉



小隱林泉志未離農家况味幾勾留禾經雨潤重生耳樹被風吹半禿  
頭滿地穗餘欣雀鼠漫山草實飽羊牛豐年幸入維魚夢樂利聲中報  
有秋

辛丑九月助辦保甲山前網戶屯至宗荒地豐盛堡路上作

房寶舉

策馬搖鞭數里行荒郊尚觸好詩情閒潭水靜雲流影空谷風聲樹有  
聲晚節黃花秋圃老夕陽紅葉遠山晴田家父老欣相話又得安居見  
太平

山城子

吳鳳藻

徑曲草根吞山城舊迹存清流環壙野紅葉隱孤村極目傷兵火驚心

問故園何須漁父訪此地即桃源

寄吳五樓

田葆綬

驪歌一唱幾星霜千里邊關阻且長不盡離懷悵雲樹况經浩劫感滄桑  
尋山白傅精神健捧檄毛生歲月忙每憶追隨詩酒地最關情處是

銀岡

其二

傀儡登場一腐儒功名常悔負吾廬人情自古心如面花樣翻新紫奪朱  
過寡未能慚用猛貞雖不字敢辭迂雙魚遺我欽明訓別緒茫茫感

慨俱

古柏吟

羅葆恒

古柏吟古柏愈老何森森當春不爭花柳豔經冬不畏雪霜侵祇爲託  
根古巖下山深徑曲無人尋世人爭言樹李桃祇因桃李易成陰豈知  
易成易搖落何如古柏有赤心有心不作尋常用留與明堂作梁棟乃  
知蒼蒼造物意爲老其材置此地桃李莫笑柏莫悲遲早遭逢各有時  
君不見漢朝武帝聯吟處至今傳誦柏梁詩又不見錦官城外有古柏  
馨香常伴武侯祠

五人墓弔古

倪信臣

全五

此墓亦千古壯哉正氣伸風雷發義憤松柏有精神黨錮成空獄英雄  
出子民清明誰麥飯草色自芳春

游成都城北武侯廟感懷

彭熙臣

漢家古廟叢孤鬼巴蜀遺黎慨雁鴻自古才難稱俊傑而今世不見英雄國扶異族羞王猛民被深仁比召公莫論文經兼武緯襟懷澹泊幾人同

與述堂登太平寨西山洞

楊祖榮

振先

巖巖千仞壁直上手攀蘿遊客山腰怖歸鴻眼底過晚山紅在樹秋水碧無波羨煞林棲叟煙霞歲月多

蒙荒途中

楊祖榮

大造均陶鑄緣何此地偏平沙無片石百里見孤煙客夢車爲榻胡風馬不羈行行茅店宿晚飯雜腥羶

過古北口

咫尺天門不易攀，單車九轉翠微間。  
萬山突兀渾無地，一線交通險扼  
山。落日尙留秦故壘，諸藩遙拱漢  
雄關。清時共享承平福，煮酒烹茶守  
吏間。

其二

一旅當關敵萬兵，巖巖虎口衛神京。  
金遼過客如泡幻，名利催人出塞  
行。山市晚煙懸畫稿，野營落日咽  
笳聲。十年歷盡風濤險，不畏崎嶇又  
遠征。

蒙荒途中作

王恩溥

黃沙漠漠路迢迢，秋盡胡天草木凋。  
野戍霜高人跡少，長風緊馬蹄  
驕。驚心景物他鄉異，回首關山故  
國遙。日暮烟消何處宿，數聲羌笛旅

殲銷

遼源早發

王恩溥

遼源北去路漫漫客思鄉愁緒百端  
茅店鷄聲邊月冷長空雁叫塞雲寒  
驚心風鶴途多梗滿眼星霜夜未闌  
浩浩平沙杳無際晨風凜冽覺  
衣單

紀事

吳璋

蝸角蠻爭觸亦爭妖氛十丈落平營  
逢楊尙道留秦成涿易何年返宋  
城牆上連鷄德不並空中兩鼠死相撐  
中原戰伐無衰歇獨眺南雲憶  
漢旌

其二

大連灣口鬪艫艫長白山前動鼓枹豈謂臨邊五都護不遮入塞雨單  
于長江飲馬哀鳴角臥榻容人痛剝膚儒服儒冠半天下解紛深愧魯  
連徒

春日野眺

辛丑年作

吳璋

和風吹百草已綠門前山遠步眺晴郊黃沙浩漫漫炊煙起破屋日午  
鷄聲喧漸喜鄉村中生人多往還馬牛劫既盡耒耜缺以殘廢隴人無  
穰何方給晨餐虎狼滋吞噬死者如邱山苟免爲天倖焉能謀歲寒乾  
坤莽蕭瑟小邑矧彈丸翹首望八極惻然摧心肝

丁未九月與友人登龍首山

曾文

紅葉蕭蕭萬樹霜陰晴天氣過重陽秋來頓覺山河瘦老去翻飛歲月

忙四壁松風新酒國半廊花木舊僧房青錢買醉無賓主引得閒雲笑  
客狂

其二

故國風光分外真座中朋輩弟兄親幾班名士成塵夢萬古秋山作主  
人佳節不爭春富貴好花偏愛菊丰神開樽莫管滄桑事落得登高自  
在身

其三

莽莽塵寰入望收鄉心低壓古城頭山形不改千年色酒力能銷萬種  
愁地溷華洋誰是主風吹草木自成秋由來大造無常局贏得新詩紀  
勝遊



庚子避亂貓崖村

曾憲文

暮秋連日雨僻處覺悽然窗破衣爲紙簷低溜似泉冷雲含雪意溼葉  
釀厨煙樂事尋何處圍爐笑語旋

庚子由貓崖村回城渡柴水

曾憲文

驚心探虎口柴水渡淙淙匹馬愁中影秋山劫後容城空餘落日野靜  
泣寒蛩回首歸來路悽雲暗幾重

歸家兵火後八月暮秋天問路心常怯逢人涕在先河山無淨土城郭  
自寒烟向晚憑高望愁懷獨悵然

丙午春查學楊士屯途中作

曾憲文

一天涼氣重車馬北風吹地僻逢人少山高見日遲村墟經劫後學校

起衰時竊比轡軒使馳驅敢憚疲

鐵嶺失守雜詠

有序  
共四首錄其二餘  
見浮生夢跡

曾憲文

辛亥除夕前一日賊假革命軍入城邑宰高華亭警察所長趙聯芳出走城中無主民心騷然焚掠幾將不免壬子元旦余與彭君拙青范君重山陳君秉初董君斗垣出與交涉賊首戴秀山圍之於縣署客廳白刃手槍幾死於亂夜與劉君敬瑚尚君子揚微行赴省謁總督趙公次珊求援初四日圍解夜半余始至家雙親涕泣妻子悲啼初賊之來也隔斷交通人傳余已死作此誌感且以誌幸

怯兵不戰作旁觀鼙鼓聲中逼歲殘革命旗來皆是賊衛民城破已無

官驚心動魄人如病慘霧愁雲夜自寒踏海仲連拚一死誰知舌口解  
圍難

一霎危機起却塵游魚真是釜中身腥羶滿地獅狂吼叱咤驚天虎作  
噴街巷蕭條存數友庭闈闐寂泣雙親既無官守緣何事簞食迎師爲

弔民

越三日華軍平賊去邑人迎  
恭軍於城南

國慶歌

民國元年十月十日

鄭沛淪

中華古國肇造五千年 民爲炎黃胄 化開歐美前 聖賢踵起  
德藝流傳 五季以後 遺風蕩然 偉人山長江干 掃蕩專制  
張民權 高舉五色旗 厚集衆師團 血戰漢陽市 武勝關

大哉共和 無忘革命紀元

拳禍行

有序

趙方 輯

行如

清光緒二十六年義和拳肇禍詠鐵嶺事實以誌之

國運將終妖孽生義和神團鬧北京青燈紅燭衆弟子高呼滅洋助大

清清后清王

詩經穆本后謂政歸王  
按原信神拳

罷不疑恨不即時逐四夷煌煌大誥頌通省

羣清洵洵尊法師

鐵嶺新屯民首義八農田間輟錘起

八人田間勸田  
忽然作法通

公堂驚悍索刀兵犬血塗

面收獄裏

聯合爲精字海學不信殺其小黑  
犬以血塗其面收獄以禁之

明府四言禁妖邪願使城鄉謠諺止盛京敕令來群妖黃巾纏頭紅繫

腰

六月十日早法帥  
應建宗由城京而來  
謂因入教之輩  
其言百種神說也

先燒耶穌後天主指詈縣尹足舞跳

夜燒鐵道煙漲橫放炸擊鼓助威風懸燈上香滿街叫披髮仗劍繞城

行羣情鼎沸喊燒殺俄兵十八北逃生財物任人羣攫取

火車站存有洋貨任人攫取有洋銀四十餘箱

一時官民慶太平

疑貨者亦避往此洋人佛來也

西關武廟立法壇基督教徒受摧殘勒取財物啓十字

奇聞教徒並在頭上刀取十字未信者為難及亦曰白銀

殃及良善脅制官

俄民地方官拜見法師均行跪拜禮

七月七日禁煙火大小各戶俱冷餐越月功令遍勦捕

七月北京通令各省剿捕之

四郊煙

熄民始安

聯軍入京帝西巡俄犯黑龍怒目瞋妖魔惹禍良善受騷民如羊填黑

津

俄人驅俄民入黑河不下千次

殺人如麻傳塞北官民相顧均失色居民四散苦逃生

官亦渡

遼遠避匿

縣令孟憲華率赴城四鄉子

鋪商財物搶掠空四鄉黎庶半

賊慘淡門

巷居無人可憐貓犬都無食

流離之後遭兵劫

四鄰均被  
逃兵搶掠

暮秋之初人漸歸畏敵如同畏猛虎家家戶戶

謹閉扉劍履有聲怖兒啼婦女愁對語亦微夜觀東關糧棧火紅似朝

霞辨却非

俄人很毒用白役

指通俄白役之役役者曰白役又曰通事

要草要糧擾鄉民榮令總署創立支應局邀

人襄辦護鄉民

支應局紳董十二人管支應商號十五家管出納紳董劉東煥楊

毓松金如礪彭錫庚韓文麟彭虎臣張希孔曾憲文倪信臣楊祖

榮吳瓊趙方蝦

三班輪值首有我人糧草一日萬萬索可憐新歲不容過元日催到

東方白

山東無賴學俄語爲虎作倀人民欺辦得秧歌索厚賞娶得媳婦索厚儀  
白役隨官列平等官亦稱白役曰先生新令接篆即不依知縣陳德接任即將通事取銷北京和約俄歛跡

白役從此勢亦微

自詠

商人王榮

早把名場置罔聞青蚨過手若浮雲無親每愛人能孝有弟偏於我不羣  
瓜瓞未綿桐半老茶香初熟酒微醺年年頓覺平生夢幾度回思意念紛

夢楊振先

王榮

夢君邀我上烏桓

楊君時爲熱河平頭知事

迢遞山河跋涉難枕上片時夢一醒來還

憶路漫漫

冬夜懷亡友楊振先

王榮

幼無父母壯無家奔走天涯度歲華  
枕上青寒窗外雪眼前明月夢中  
花我心自信堅如鐵世道何堪薄  
似紗幾向東山弔楊意殘楊啼盡  
數生鴉

詠懷

王榮

不慕浮華不好名閑同樵牧話  
生平久拋書卷心猶憾快飲醇醪  
性未更三沐三薰驚俗眼  
一生一死見交情每從毒霧妖氛裏  
貫倚危樓望帝京






鐵嶺縣志卷二十

佚聞

酷暑人蒸嚴寒筆凍從事於修志之役已歷一載有餘矣典籍之所載圖冊之所登固已分卷列編依類詳志迺或疑非疑是語涉不經將信將疑事多附會類于寶之搜神藉資談料效坡仙之說鬼聊當茶資洎乎科學發達競言物質文明偶逢神話荒唐咸謂人心迷信理之所必無或爲事之所恒有目睹身經每多異事村夫野老亦遠奇聞是耶非耶眞耶幻耶妄言妄聽撫拾數事附錄卷尾志佚聞



蘇州大學  
圖書館  
PDG

鐵嶺縣志卷二十

佚聞

重修圓通寺塔記

明原刻

夫銀州圓通寺塔乃建自唐初太和二年逮至大定宣德正德修者未備惟茲一品夫人李門宿氏往降于香見此塔不堪乃咨嗟不已遂率緣信女發心修治先出貲財銀兩匠役數十名于萬歷十九年二月興工命匠磚墜者補之木腐者易之原無者增之新鑄鐵葫蘆銀佛一尊銅佛九尊塔頂東南新廟一座銅爐一尊銅碑一面新鏡三百四十圓新鈴一百四個各色鐵丁二千斤新獸八十頭石灰六百石至本年五月內功完此塔一整煥然聿新所以崇慶貌而增輝耀者不也于

今日已就將助緣信女同勒於碑以爲萬古記

時大明萬曆十九年歲次辛卯二月庠生高岡書

夫人金門姚氏

李門曹氏

李門華氏

夫人李門徐氏

夫人李門王氏

陳門宿氏

夫人黃門宿氏

夫人王門李氏

夫人宿門蘇氏

夫人宿門陶氏

夫人蘇門李氏

夫人陳門李氏

夫人李門宿氏王氏

夫人李門吳氏

夫人裴門李氏

夫人李門王氏

夫人李門張氏

黃門羅氏

夫人宿門鄭氏

夫人李門蕭氏

宿門李氏王門吳氏

夫人李門趙氏

李門吳氏

李門李氏李門平氏

天人李門吳氏

李門郭氏

韓門李氏

夫人李門鄒氏

夫人李門路氏

金門李氏

圓通寺後院之古塔不知幾歷風霜矣清光緒間由塔墜落銅碑一方長一尺三寸寬六寸五分厚二分以上所錄皆其碑上之原文也

城內關帝廟東之甬道

據關帝廟碑正殿之東舊有甬道南北通大街現被各商鋪侵圍院內矣

銅鐘

西關關帝廟西舊有銅鐘寺因鐘以銅鑄而寺得名今則銅鐘無存

瓦鐘寺之瓦鐘

東開大正堂之門前墾瓦窰之北舊有諸聖祠小廟一座陶瓦爲鐘因以名寺今則廟已重修鐘亦改以鐵鑄

### 二虎廟之二虎

祖越寺山西南坡下有諸聖祠門前有石虎二據廟前勒石云土人在其地掘得二石虎因集資修廟置二虎於門前

### 大汎河之鐵眞武

大汎河 武廟鐵像高丈餘相傳昔有村人牽牛車歸途遇一叟偕便赴村內訪親村人許之車行至現在立廟處叟謝別下車步行次日村人共見一鐵眞武像坐其處因就而修廟焉事涉荒唐特至今村人猶道之

又鎮西堡及撫安堡亦均有真武廟均係鐵像不知何說

龍首山洞通汎河洞

相傳昔有小犬自汎河洞入至距三十里之龍首山慈濟寺佛像下之洞口出是否屬實殊難憑証

柴河中之將軍石

貓崖子村前柴河中有巨石橫臥河中相傳爲唐征高麗薛仁貴磨劍之石故名此石曰將軍石



